


B. VI. 14





DECRETA

SACRÆ SEDIS APOSTOLICÆ

Quotannis à Regularibus temporibus
certis legenda,

Cum dubitationibus & Resolutionibus suis, ex
DD. varijs Collectis & digestis.

PER

REVERENDISSIMUM
PATREM FRATREM

JOANNEM
KER Y

Ordinis Sancti PAULI Primi
Eremitæ Priorem Generalem
SS. Theologiæ Doctorem.

Cum speciali licentia superiorum.

Primo Vienensibus Typis luci publica data; Nunc
vero in Typographia Clari-Montis Cze-
stochov: 2dè reimpressa. A. D. 1745.

Pro Bibliotheca Monasterii Plocen.
Ord. S. P. Benedicti.
comparata a S. Isidoro oss. Puff Sloren.
cum Licentia Superiorum. 1765.

**ADMODUM REVERENDIS,
REVERENDIS, VENERA-
BILIBUS, RELIGIOSIS.**

*In Christo Patribus, Fratribus, Ordinis S. PAULI
Primi Eremita Professis.*

Quod multi votis omnibus expetistis, in unum colligo, in lucemq; profero, Sanctiones nempe Pontificiâ præceptione statutis temporibus legi præscriptas. Has, ut explicatiūs proponerē, per brevibus Dubitationibus, & Resolutionibus illustravi. Utinā earū lectioni sic nostræ incumbant mentes, ut perfectioni consequendæ manus, animosq; dedamus, ut Decretis tam sanctis, mores nostros conformemus, ut ad horum normam, vitam effingamus. In hunc finem hic labor suscep̄tus est. Precor ego Cœlestes interim ut Divinam nobis omnibus gratiam concilient, & Sanctionum tam salutarium observantium imprimant. Vestrum omnium.

in Christo Servus
Fr. IOANNES KERY.

AD LE-



AD LECTOREM

Dum opusculum hoc evulgo, non existima me à Sacrosanctis Apostolorum Sedis legibus, vel latum unguem recedere velle. Ita enim affectus animo sum, ut malim opera mea universa, hactenus edita, & fortasse in futurum edenda, manu propria in ignem abfcere, quam ut ijs insit quidpiam, quod Sedis illius honori, vel voluntati repugnet, pro cuius dignitate tuenda, vitam ipsam profundere non ve
reor.

Nolim igitur Decreta hæc Sanctæ Sedis auctoritatè edita, declarare interpretari vel juridicè, quod prohiberet me non latet, nec Resolutiones has majus pondus obtinere, aut plus fidei, quam libri obtineant, a quibus ea de promptæ sunt. Quæcumque hic afferuntur, pure doctrinalia sunt qualiter Constitutiones etiam Pontificias exornare, nulla sententia veritum legi.

Sed altius id explicandum est & scrupulus omnis, qui quorundam animos stimulare posset ac pungere, penitus evelendum.

Ergo Declaratio, interpretatio, &c. duplex est. Iuridica una necessaria, & obligans ad sui observantiam, que non minorem vim habet, quam constitutio ipsa. Et hæc in dubietatibus circa leges Pontificias ortis, ad Pontificem pertinet. Cap. Cum

venissent de Iudic. 2. Cap. Venerabilem, qui filij sicut legitimi. Altera interpretatio, declaratio Ge. est non necessaria nec iuridica aut publica, sed privata, non obligans, doctrinalis tantum, & cui plus aut minus defertur, iusta declarantis, ac interpretantis auctoritatem. Et hoc modo posse DD. omnes leges interpretari, & declarare, Ge. docent. Sa in aphorismis verbo Interpretatio n. 5. Barbosa in Prologo iuxtam Remissionum in Concilium alios adducens. Sales de Legibus Disp: 21. sect. 2. Reginal. Lib. 20. praxis n. 53. versu: Adverte vero. Rodriq. Tom. I quæst. Regul. quæst. II. a. 5. Panormit: in cap. Inter alia de senten. a. Miranda Tom. 2. Manual. Prælat. q. 7. q. 8. Quo Pacto licet prohibitum sit, Decreta Concilij Tridentini interpretari, interpretantur tamen, & declarant quotidie DD.

Quam doctrinam extendunt prætalli DD. etiam ad easum, in quo Princeps dicat Nemini liceat hanc paginam nostram aliter interpretari. Nam tunc solum prohibentur interpretationes frivole, & qua sunt contra mentem planè ipsius, neque rationi innixa, ut docent præcitatii DD. & suffragantibus Probus in cap. Exiit de verb. signif. in 6. n. 2. Penna L. unica, C. de Profes. qui in Urbe Const. Lib. 12. C. 4. & 6.

Sunt mihi deinde præ manibus Lezana Sacra Congregationis Indicis quondam Consultor, & in Sapientia Romana publicus Lector, cuius opera primum Romæ Typis data sunt. Bordonus sancti Officij Consultor, Peyrinis Ord. Sancti Francisci

Sci de Paula. in Provincia Gennensi Vicarius Generalis, & Sanctissime Inquisitionis contra hereticam pravitatem Vicarius, Franciscus Pellizarius, qui in suo manuali Regularium, difficultates in Religionibus occurrentes, sapientissime discutit. A-scanius Tamburinus de Iure Abbatum. Qui omnes, (ut ceteros præterea) Decreta Pontificia. Commentarijs, Annotationibus, &c. explicuerunt.

Imò Lezana teste Tom. I. cap. 6. n. 97. doctrinalem interpretationem, seu declarationem, &c. Constitutionibus Pontificijs adbiberi posse, communis DD. est opinio.

Quanquam si hoc etiam in genere inscius hallucinor, si quid hic scriptum, non satis Apostolica sedis definitionibus consentaneum, Testificor, id me ipsum repudiare, ac damnare, utpote qui mori millies malum quam in sacra sedis illius auctoritatem vel levissime peccare.





REIMPRIMATUR

MATHIAS ZIĘTKIEWICZ
S. Th. Doctor & Professor Ca-
nonicus Cathedralis Cracoviens.
Librorum per Diæcc. Cracovi.
Censor.

mpp.





CONSTITUTIO CLEMENTIS VIII. DE LARGITIONE MUNERUM.

Una cum ejus confirmatione, facta ab Urbano VIII.
sub pena privationis officij, vocisq; activa & passiva,
ipso jure incurriendis, Mensē Ianuario legenda.

Religiosæ Congregationes, ab insigni
sanctitate viris Spiritus Sancti afflatu
institutæ, tantas Ecclesiæ DEI utili
tates omni tempore attulerunt, ut ad eas
conservandas, & instaurandas Romani Pon
tifices prædecessores nostri, magnam jure
optimo diligentiam semper adhibuerint:
nam cum ea sit rerum humanarum conditio,
& natura, ut etiam, quæ optimè fundata, &
constituta sunt, partim hominum imbecilli
tate, & ad malum proclivitate, partim dæ
monis astutia, paulatim deficiant, ac nisi cu
ra pervigili sustententur, in deterius prola
bantur; idcirco Summorum Pontificum vigi
lan-

Iantia magnopere laboravit, ut Regularium
Ordinum disciplina aut labefactata in pri-
stimum restitueretur, aut salutaribus commu-
nita, integra atque incolmis permaneret.
Quorum Nos vestigijs pro eodem officij
munere insisterem & Pastoralem illorum sol-
licitudinem (quantum possumus) Divinâ
adiutrice gratiâ, cupimus imitari. Quare ne
ex muneribus, quæ à pluribus Religiosæ vi-
tæ professoribus, ex Christi patrimonio, qui-
busvis hominibus quavis ex causa sæpe tri-
buuntur, gravia incommoda, & mala, etiam
boni specie existant, præcavere studentes,
hac nostra perpetuò valitura Constitutione
universis & singulis cuiuscunque Ordinis
mendicantium, vel non mendicantium, bo-
na immobilia, & redditus certos ex indulto
Apostolico possidentium, vel non possiden-
tium seu cuiusvis Congregationis, Societa-
tis, & instituti (non tamen Militiae) Regu-
laribus personis utriuslibet sexùs omnem, &
quamcunque largitionem, & missionem mu-
nerum penitus interdicimus. Sub qua pro-
hibitione comprehendî volumus omnia, &
singula Capitula, Conventus, & Congrega-
tiones, tam singulorum Conventuum, Monas-
teriorum, Prioratum, Præpositurarum,
Præceptoriarum, domorum, & locorum,
quam Provincialia, aut Generalia cuiuslibet
Provinciæ, sive universi Ordinis, Societatis,
aut instituti: eorumque vel earum Camera-
rios

rios, Commissarios, & quoscunque Officiales, & singulares personas: ipsos etiam Ordinum, Congregationum, Societatum huiusmodi Superiores quascunque dignitates obtinentes, etiam Generales, & Provinciales, Magistros Ministros, & quoctunque nomine Præfectos, necnon Conventuū, Monasteriorum; Prioratuū, Præpositurarum, Præceptoriarum, domorum, & locorum quorumcunq; Abbates, Piores, etiam maiores, Gvardianos, Ministros, Rectores, atque Abbatissas, Priorissas, & alio quovis titulo Præsidentes, tam ipsis Regularibus, quam locorum Ordinarijs, seu quibusvis Superioribus subiectas utriuslibet sexus ad vitam, vel ad tempus deputatos: adeò, ut nemo unquam eorum, vel earum directè, aut indirectè palam vel occultè, tam communi, quam particulari, & proprio nomine, etiam sub quovis Statuti, vel consuetudinis, seu verius corruptelæ; aut alio prætextu, vel quacunque causa, nisi in Generali Capitulo, aut alia Generali Congregatione re mature discussa unanimi consensu omnium, superiorumq; causa approbata fuerit, quidquam tale attentare valeat.

Id autem ita absolute, & generatim vetitum intelligatur, ut nequè omnino fas sit quidquam donare, tam ex fructibus, redditibus, & proventibus, collectis, vel contributionibus, aut oblationibus sive eleemosinis,

Ae

aut

aut subsidijs certis, vel incertis, ordinarijs, seu extraordinarijs, mensæ, seu massæ communis, vel cuiusvis fabricæ; & sacrifiæ, quorum bona communiter ut præfertur, administrantur, seu quæ rationibus reddendis sunt obnoxia, quam ex pecunijs etiam, quæ à singulis quovis modo acquisitæ in communi ne conferendæ omnino sunt. Nec si per viam voluntariæ contributionis in commune congregantur. Nec si forsan privatim, & nominatim cuilibet Religioso à suis Superioribus, vel à proprijs affinibus, propinquis, familiaribus, amicis, aut benevolis, vel à ppijs Christi fidelibus, etiam eleemosynæ, aut charitatis, & illius propriæ personæ intuitu attributæ, seu quoquomodo per quemlibet Religiosum suo Monasterio, Domui, aut loco acquisitæ, eique ut ad libitum de eis disponant per superiores concessæ fuerint: præterquam leviora esculenta, aut poculenta, seu ad devotionem, vel Religionem pertinentia munuscula, communi tantum, nunquam verò particulari nomine (ubi Superiori de consensu Conventus videbitur) tradenda.

Sed & huiusmodi missiones munerum ipsis Religiosis utriuslibet sexûs non solum per se, verum etiam per alios, tam directè, quam indirectè, prohibitas declaramus.

Ne quo verò quispiam ab hac generali prohibitione se excusare valeat, etiamsi mu-

ne-

nera miserit personæ Laicæ, vel Ecclesiasticæ, cuiuscunque statūs gradūs, dignitatis, ordinis, vel conditionis, & quavis non solum mundana & Ducali, Regia, Imperiali, verum etiam Ecclesiastica, & Pontificali, aut alia maiori, etiam S. R. Ecclesiæ Cardinalatūs dignitate fulgenti, etiam proprio Loci ordinario, etiam ex causa, & occasione benedictionis, vel susceptionis habitūs Regularis, tonsionis, aut Professionis Monialium, tam sibi subditarum, quam non subditarum, aut ipsi etiam proprio ordinis, vel Congregationis Protectori, Vice-Protectori, Generali, vel Provinciali, aut cuiusvis Monasterij, Prioratūs, domūs, aut cuiuslibet alterius loci Regularis Superiori, aut alio quoconquè officio munere, aut dignitate fulgenti, vel cuicunquè etiam simplici, & particulari Religioso. Ita ut inter ipsos quoque Religiosos (ne prava ambitione impulsu pro cunsequendis in sua Religione gradibus, & dignitatibus alter alterius gratiam, aut benevolentiam aucupetur) quæcunque largitio, aut donatio munerum (nisi rerum minutarum, de licentia expressa, & in scriptis Superiorum) sit penitus interdicta.

Insuper prohibemus, ne unquam eidem Regularibus liceat ullas pecunias quoquomodo erogare in alicuius etiam benefactoris, aut protectoris, vel Ordinarij honorem, etiam occasione transitus, vel primi

ingressus, aut ad beneficiorum acceptorum memoriam, gratique animi testificationem, seu pro prædictis personis quavis auctoritate vel dignitate fulgentibus honorifice, laute, & opipare excipiendis, seu pro quibusvis convivijs eisdem, aut cuivis alteri quacunque occasione, vel causa exhibendis, vel pro commensationibus aut compositionibus, quibusvis personis, tam eiusdem Ordinis, Congregacionis, Monasterij, domus aut loci, quam extraneis largiendis aut pro exhibendis spectaculis, etiam pijs, intra Ecclesias, Monasteria, & domos sacras, seu pias, vel extra eas, in quibusvis publicis, aut sacris, aut profanis locis etiam ubi Sanctorum, & Sanctarum, vita, aut res pie gestæ, etiam in memoriam Passionis Dominicæ populis spectandæ proponuntur, aut alias in prædictis, sive in quibusvis rebus supervacaneis, ad pompam & ostentationem, aut ad oblationem, vel paucorum lucrum & privata commoda quomodolibet pertinentibus, nisi re ipsa pro Divino cultu, & veris Christi pauperum indigentijs, servato in hoc charitatis ordine, & habita necessitatis ratione, de consilio, & consensu Superiorum sublevandis, aut alias in rebus licitis, & per capitulum Generale, aut Provinciale non prohibitis, vel taxam ibi forsitan præscriptam non excedentibus, sumptus huiusmodi fiant.

Declarantes tamen per hæc laudabilem & Apostolica doctrina sacrisque Canonibus commendatam hospitalitatem præsertim erga pauperes & peregrinos, nequaquam imminui, aut prohiberi. Quinimò si qui reditus ad id, vel ex fundatione, vel ex institutis, statutis, aut consuetudinibus aliquorū, Monasteriorum, ordinum, aut regularium huiusmodi locorum, aut ex testatorum, vel donantium voluntatibus, sive alias applicati, aut donati sunt, eos omnino (ut decet) integre in usus pios hospitalitatis huiusmodi erogandos esse; & præsertim in Monasterijs, seu locis desertis & ab Laicorum ædibus longius remotis, ubi tamen pauperum & vere egenorum ratio imprimis habeatur.

Si quos verò ditiores occasione transitus, sive alias ex devotionis aut necessitatis causa èò divertere contigerit, eos sanè deceret refectorio communi cum Religiosis; mensaque & ferculis communibus, nequaquam, à cæteris distinctis contentos esse. Verum omnino ipsi Regulares in hospitibus huiusmodi potentioribus excipiendis, ita se gerant, ut in eis frugalitas, & paupertas religiosa prorsus eluceat.

Pari etiam ratione districtè inhibemus, ne quispiam ex prædictis, Laicus alias, quam ut superius dictum est, vel Clericus sæcularis vel regularis quocunque honore, præminentia, nobilitate, aut excellentia etiam s.

R.

R. E. Cardinalatus dignitate præditus, etiam Protector, Viceprotector, loci ordinarius, Prælatus Generalis, Provincialis, aut monasterij, domus vel loci cuiuslibet superior, eorumve affines, propinqui, familiares, aut Ministri utriuslibet sexus, quidquam contra hanc superius expressam prohibitionem recipiant.

Quod si, vel ab aliquo particulari Religioso, vel à Superiori quopiam Generali, Provinciali, aut alio quocunque officio fungente, aut a Conventu, Capitulo, vel Congregatione, sive ab universo ordine, & Religione quidquam receperint; id quod acceperint, suum non faciant. Verum ipso facto absque aliqua monitione, Iudicis decreto, sententia, aut declaratione ad illius restitutionem omnino in utroque foro teneantur? adeo ut restitutione ipsa realiter non facta, neque etiam in foro conscientiae absolvii possint.

Hanc autem restitutionem fieri volumus non privatum ei Religioso, qui donavit, sed ei monasterio, Domui, vel alteri loco, de cuius bonis facta est largitio, vel si non de eius bonis donatum est, in quo idem Religiosus donans professionem emisit, vel si nomine totius Capituli, aut Congreg. vel universi ordinis, seu Religionis donatio facta extiterit pariter communi mensæ aut massæ, cuius nomine donatum fuerit, accepta mu-

nera

nera restituantur, ita ut nec qui donavit, nec Conventus, Capitulum, Congreg. Ordo, aut Religio, cui restitutio facienda est, illam remittere, & iterum condonare, aut recipientem ab obligatione restituendi eximere, vel ut in pauperes eroget concedere, quoquomodo possit.

Quod si quis ex supradictis Regularibus utriuslibet sexus, cuiuscunque gradus ordinis, dignitatis, ac ubilibet locorum existentibus, cuniunctim cum ceteris, seu divisim, nostrarum huiusmodi prohibitionum, statutorum, ordinationum, iussionum, decretorum, mandatorum transgressor fuerit, statuimus ut omnibus, & singulis per eum obtentis dignitatibus, gradibus, muneribus & officijs eo ipso privatus, ac ad illa & alia similia, vel dissimilia in futurum obtainenda, inhabilis perpetuo, & incapax, ac perpetuâ infamia & ignominia notatus existat. Et præterea privationem vocis activæ absque ullo Superioris decreto, aut ministerio, ipso facto incurrat, nec non ultra huiusmodi pœnas etiam tanquam contra furti & simoniæ criminum reum, tam per viam denunciacionis, accusationis, aut querelæ, quam etiam ex officio procedi, & inquire, condignisque supplicijs affici debeat.

Pœnis alijs à jure statutis, ac per alias Constitutiones Apostolicas, aut propria cūsvis Ordinis, Congregationis Monasterij,

aut

aut loci statuta, vel constitutiones contra personas aliquid præmissorum committentes forsan decretis, & infictis, nihilominus in suo robore permansuris.

Quocirca universis, & singulis modernis, & pro tempore existentibus locorum Ordinarijs, eorumque Vicarijs, & Officialibus, nec non quorumcunque Ordinum, Prioratuūm, Monasteriorum, & domorum Superioribus, etiam Generalibus, seu Provincialibus, cæterisque ad quos spectat, per Apostolica scripta mandamus, quatenus ipsi, & eorum singuli, quantum ad eos pertinet, current omni studio, diligentia, auctoritate, & vigilantiâ præsentem Constitutionem firmiter, & inviolatè observari, & contra inobedientes, vel transgressores condignis pœnis animadverti. Eosdem inobedientes, necnon contradictores quoslibet, & rebelles per opportuna juris, & facti remedia appellatiōne postposita compescendo, invocatō etiam ad hoc (si opus fuerit) auxiliō brachij sacerdotalis.

Non obstantibns Constitutionibus, & Ordinationibus Apostolicis, dictorumque Monasteriorum, Prioratuūm, Domorum, Locomorum nec non ordinum, Congregationum Collegiorum, juramento confirmatione Apostolicâ, vel quavis firmitate aliâ roboris, statutis, & consuetudinibus, privilegijs quoque, indultis, & literis Apostolicis quo-

rum

rumcunque tenorū existant; per quæ præsentibus non expressa, vel ad verbū nō
inferta effectus præsentis nostræ Constitutionis impediri quomodolibet valeant, vel
differri, & de quibus quorumque totis tenoribus habenda sit in nostris literis mentio
specialis. Quæ omnia quatenus præmissis in aliquo aduersetur, prorsus tollimus & abro-
gamus cæterisque contrarijs quibuscunque.

Volumus autem, ut præsentes literæ in
valuis S. Io. Lateranen: & Principis Apo-
stolorum de urbe Basilicarum, & in acie
campi Floræ publicentur affixis inibi earum
exemplis, & dimissis. Quodque earum e-
xempla, seu illorum compendia in libris
quorumcunque statutorum prædictorum Mo-
nasteriorum, Prioratuū, Collegiorum, Do-
morum, ordinum & Congregationum (quo-
ad Moniales, in vernaculum, vulgarem cu-
iusque Religionis sermonem versa) & à lo-
ci Ordinario, qui id quamprimum fieri cu-
ret subscripta inserantur; & saltem quotan-
nis in Capitulis, sive congregationibus cu-
iusque earum alta, & intelligibili voce le-
gantur. Et nihilominus post sexaginta dies à
die publicationis (ut præsertur) in Rom:
Curia facienda unumquemque circa mon-
tes, ultra montes verò post quatuor menses
perinde arctent & afficiant, ac si cuique
personaliter intimatæ & per eos juratae fu-
issent.

Quodquæ earum transumptis etiam impressis manu Notarij publici subscriptis, & sigillo personæ in dignitate obsignatis, eadem prorsus fides in judicio, & extra illud ubique adhibeatur, quæ adhiberetur eisdem præsentibus, si essent exhibitæ vel ostensæ. Nulli ergo omnimodo hominum liceat hanc paginam nostrorum interdicti, prohibitionis, declarationis, inhibitionis, statuti, mandati, sublationis, abrogationis, & voluntatis infringere, vel ei ausu temerario contrarie. Si quis autem hoc attentare præsumperit indignationem omnipotentis DEI, ac beatorum Petri, & Pauli Apostolorum eius se noverit incursum. Dat. Romæ in Monte Quirinali, Anno Incarnationis Dominicæ, Millesimo quingentesimo nonagesimo quarto, Tertio decimo Kalend. Iunij Pontificatus nostri Anno tertio.

S. D. N. D. Urbani divina providentia Papa VIII.
Confirmatio declarationis Constitutionis Clementis Papa VIII.

DE

LARGITIONE MUNERUM REGULARIBUS UTRIUSQUE SEXUS INTERDICTA.

Nuper à Congregatione nonnullorum Romanæ Curiæ Prælatorom, coram dilecto filio nostro Antonio tituli S. Petri ad Vincula

cula Presbytero Cardinali S. Onuphrij nuncupato majori Pænitentiaro ac nostro in alia Urbe Provicario in spiritualibus Generali, & nostro secundum carnem fratre germano, à nobis deputata emanavit declaratio tenoris subsequentis, videlicet: Cum circa interpretationem Constitutionis fel: rec: Clementis VIII. sub dat. 13. Kal. Iulij Pontificatus sui anni III. de Largitione munera Regularibus utriusque sexus interdicta, nonnullæ difficultates, & ambiguities, sint exortæ; Congregatio specialiter à Sanctissimo D. N. Urbano Divina Providentia Papa VIII. Eminentissimo Card. S. Onuphrij majori Pœnitentiaro, ac Urbis Provicario deputata, auctoritate sibi attributa declaravit, & declarat, munera à Religiosis utriusque sexus tribui posse, ex causis gratitudinis, benevolentiae, ejusque conservationis erga ipsam Religionem, vel conventum aliquique causis ex sui natura actum virtutis, & meriti continentibus, modestè tamen ac discrete, & dummodo id non fiat, nisi de Superiorum localium licentia, ac etiam cum consensu majoris partis Conventus, si talis consensus de jure vel ex constitutionibus, seu consuetudinibus cuiusquæ Religionis respectivè, in huiusmodi casibus requiratur: Consensu vero Conventus in par. 3. eiusdem Constitutionis ad leviora esculenta, aut poculenta, seu ad devotionem, religiositatem

pertinentia, munuscula largienda &c. requisitum intelligi debere de consensu alias de jure requisito, & ubi non concurrit ambitionis suspicio, quâ cessante, nec in his requiri licentiam Superiorum in scriptis in par. 4. eiusdē bullæ requisitā, sed sufficere, licentiam, etiā oretenus eisdem concessam declarat. Commessationes autem, copotationes & convivia in excipiendis præsertim Benefactoribus, Protectoribus, vel Ordinarijs honorificè, & lautè, de quibus in par. 5. & 6. eiusdē Constitutionis, censi ratione modo prohibita, si decentiæ status Regularis adversentur. Restitutionem vero receptorum Conventibus faciendam, de qua in par. 7. ibidē cautū est, intelligi debere de Conventibus, ad quos data, donata seu missa de jure pertinent, si id commode sieri potest, alias Conventui eiusdem Religionis viciniori loco, ubi petita fuit absolutio restituantur. Insuper eadem facultate sibi tributa, omnes qui huiusquè adversus supradictas Constitutiones, Capitula hic moderata largiti fuerunt, vel receperunt, à pœnis quibuscunque in eadem constitutione inflictis & incursis posse & debere à proprijs Confessarijs absolvī in foro conscientiæ etiam non facta prius huiusmodi rerum donatarum, seu datarum restitutione. Quoad eos vero, qui præter modum prædictum graviori Religionis detimento largiendo, vel recipien-

piendo transgressi sunt, sed ob inopiam re-
siliuete nequeunt, eadem Sanctitas conce-
dit maiori Pœnitentiario, vel de præteritis
usque ad diem datæ præsentium, in foro
conscientiæ absolvat, dispenset, & condon-
net, seu absolví, dispensari, & condonari
mandet, prout in Domino magis expedire
iudicaverit. Et ne prædictæ Clementis VIII
Constitutionis memoria dilabatur, Superi-
ores locales cuiuscunque Monasterij, Con-
ventus, Domus, ac Collegij Regularis sub
poena privationis officij vocisquè activæ &
passivæ ipso jure incurriendæ, efficere tene-
antur, ut in perpetuum singulis annis mense
Januario, non solum prædicta Constitutio
(quam in reliquis eius partibus eadem San-
ctitas omnino observare iubet, & quatenus
opus sit, innovat quemcunquè prætensum
non usum, aut prætensum usum, seu præ-
tentiam consuetudinem damnando, & irri-
tando) verùm etiam hoc Decretum in ali-
qua publica Congregatione vel saltem in
publica mensa perlegantur, tam Ecclesia-
sticis personis etiam Regularibus, quam La-
icis cuiuscunque sint Ordinis, conditionis
gradus ac dignitatis, etiam speciali nota di-
gnis, & qui sub generali dispositione non
comprehenderentur, prædictam Clemen-
tis Constitutionem contra præsentis Decreti
tenorem declarandi, vel interpretandi, fa-
cultate penitus interdicta, super quibus San-

Etissimus mandavit expediri Breve. Datum
Romæ die 25. Septembris, 1640. Quapropter,
ut præmissa firmius subsistant, & inviolabili-
ter obseruentur, quantum cum Domi-
no possumus, providere volentes: motu
proprio, & ex certa scientia, ac matura de-
liberatione nostra, deque Apostolicæ potes-
tatis plenitudine, declarationem præinser-
tam, cum omnibus & singulis in ea conten-
tis, tenore præsentium perpetuo confirma-
mus, & approbamus, illisque inviolabilis A-
postolicæ firmitatis robur adiçimus, ac o-
mnes, & singulos, tam juris, quam facti de-
fectus si qui desuper quomodolibet inter-
venerint, supplemus, aliaque inviolabili-
ter ab omnibus, ad quos spectat, & spectabit
in futurum, observari, sicque & non aliter
in præmissis per quoscunquè Iudices ordi-
narios, & delegatos, etiam causarum Palatiij
Apostolici Auditores, ac Sanctæ R. E. Car-
dinales etiam de latere legatos & quovis a-
lios quacunquè auctoritate fungentes, sub-
lata eis & eorum cuiilibet quavis aliter iudi-
candi, & interpretandi facultate, & auctor-
itate judicari & definiri debet; ac irritum,
& inane si securus super his à quoquam qua-
vis auctoritate, scienter, vel ignoranter
contigerit attentari decernimus. Non ob-
stantibus quo ad ea quæ declarationi prædi-
ctæ, & præsentibus sunt contraria, vel di-
versa Constitutione fel: rec: Clementis Pa-

pæ VIII. prædecessoris nostri prædicti, & omnibus illis, quæ idem Clemens in Constitutione huiusmodi voluit non obstare cæterisque contrarijs quibuscunq; Datum Romæ apud Sanctam Mariam Maiorem sub Annulo Piscatoris, die 16. Octobris 1640. Pontificatus nostri Anno decimo octavo.

DUBITATIONES

AD HOC DECRETUM,

Q^uæres i. Ad quosnam Superiores spectet hanc constitutionem legi facere? Respondeo, spectare in conventibus ad Superiores locales. Probatur: Qui lex respicit contingentia, omissio autem lectionis præsatæ communiter accidit ex defectu Prælati localis, qui in suo Conventu semper degit, Generali ac Provinciali modò ad hoc, modò ad illud monasterium abeuntibus. Et hoc clarius exprimitur in Decretis de celebratione missarum, dum in illis dicitur, quod Superiores locales procurare debeant, ut ea in publica mensa perlegantur.

Et hoc procedit in casu, quo Prior e tempore, quo fieri debet ea lectio sit alibi & Supprior dictam lectionem intermittat. Cum enim hic tunc temporis succedat in Iurisdictionem, prioris fiatque immediatam habens gubernationem Conventū, ad eum spectat talem lectionem facere, & si omit-

tat, præfatas pœnas incurret.

Quæres 2. An præsens prohibitio obliget sub peccato mortali? Respondeo obligare, nisi parvitas materiæ excuset. Et probatur tūm ex gravitate pœnarum, quæ apponuntur huic prohibitioni, tūm ex qualitate verborum, quibus ipsa prohibitio proponitur; tūm ex materia prohibitionis, quo cum concernat votum paupertatis, utique est gravis.

Sufficit autem ad peccandum mortaliter contra præsentem prohibitionem ea quantitas, quæ requiritur ad mortaliter peccandum contra votum paupertatis. Quia conditiones aggravantes malitiam violationis voti paupertatis, omnes concurrunt etiam in violatione istius prohibitionis, nec est ultra ratio suadens, maiorem quantitatem requirendam esse in violatione hujus prohibitionis, quam requiritur in violatione voti paupertatis.

Quia autem prædictæ pœnæ rigidissimæ sunt, & pœna debet esse proportionata culpæ, ideo sine dubio non pro quacunque largitione, seu donatione munerum, etiam contra Bullam facta illæ incurrintur. Quare Religiosus donans sine licentia rem eius valoris, quæ est sufficiens materia in furto ad peccandum mortaliter, & violandum graviter votum paupertatis, adhuc non incurrit pœnas huius Bullæ, nisi donatio exceedat duos aureos, idque ex declaracione ipsi

ipiusmet Cleme: VIII. vivæ vocis oraculo
facta P. Claudio Aquavivæ Soc. IESU Ge-
nerali cuius declarationis ea forte fuit ra-
tio, quod communiter summa duorum au-
reorum in jure dicatur summa *modica* ut pa-
tet ex L. si oleum 15 fin. juncta L. seq. ubi
Glossa, ff. de dolo cum Felin. in e. *Interfecisti de*
Homicid. Cui taxæ videtur omnino standum,
nisi legitimus Superior aliud determina-
verit.

Quæres 3. cùm recipientes à Regulari
munera iuxta dispositiones Clem: VIII. te-
neantur ad restitucionem rei acceptæ, an
præfata restitutio fieri debeat etiam ante
sententiam Iudicis? Et ratio dubitandi est,
quod talis restitutio videatur habere ratio-
nem pœnæ, pœna autem non debetur nisi
post sententiam. Respondeo, debere fieri
etiam ante sententiam Iudicis. Patet, quia
ita recipiens suum non facit quot recipit ut
expresse habet Pontifex; quodsi autem suum
non facit, quo quæso titulo id retinere po-
test? si autem justum non habet titulum reti-
nendi, patet eum teneri restituere, & qui-
dem ante omnem judicis sententiam, cum
ista restitutio proprie non sit pœna, quæ ad
sui executionem requirat sententiam saltem
declaratoriam criminis, sed debitum pro-
cedens ex ipso jure naturali, quod utique
obligat ante judicis sententiam. Modò
quis tamen absque suo gravi damno, ac in-

(49) (20) (50)

commodo restituere possit, siquidem leges Ecclesiasticæ benigne explicandæ sunt.

Quæres 4. Quibus personis interdicatur hæc largitiō? Respondeo. Constitutio hæc comprehendit omnes Regulares personas utriusque sexūs Non tamen milites Regulares, ut patet ex contextu. Nec etiam eos, qui non emittunt tria vota substantialia Religionis, cùm hi revera non sint Religiosi Nec novitios ob eandem rationem, (excipere novitium professum, qui translatus ad aliū Ordinem ibi perageret Noviciatum, hic enim, cum vere sit Religiosus ratione prioris professionis, subiacet ipsi prohibitiō) nec Episcopos Religiosos quia ipsi habent tam liberam administrationem bonorum sui Episcopatūs quam alij Episcopī non Regulares, vide *Lezamam* tom. I. cap. 17. num. 5. & 6. & alios. Nec eiectos, quamdiu manent extra Religionem, cùm præfata constitutio solum prohibeat donationem eorum, quæ subsunt dispositioni Prælatorum Regularium, sicque ad eam requirente ipsorum licentiā, & consensum.

Qui vero prohibeantur recipere dona a Regularibus, ab ipso Pontifice exprimuntur, & quidem iij omnes merito, cùm per ejusmodi donationes multi Regulares alias indigui sibi ostium aperiant ad gradus, honores, dignitatas & officia Religionis sicque foveatur ambitio, & hinc multa alia & gravissi-

(21) (50)

ma mala procedant in Religionibus ut quotidiana docet experientia.

Quæres 5. An vi huius Bullæ prohibeantur Regulares donare partus ingenij, nimirum Lectiones, Canciones, & alia id genus? Respondeo, non prohiberi, licet alias plurimi aestimentur, & magno prætio, vendi possint. Patet, tum quia hic solum prohibetur largitio facta ex bonis Monasterij, ejusmodi autem partus ingenij non videantur connumerandi inter bona Monasterij, ut pote qui sunt Religiosi particularis ita ut communiter possit absque Superioris licentia secum deferre quocunque ierit, & quidem etiamsi transeat ad aliam Religionem, quod Valerus testatur factum fuisse a quodam viro doctissimo se transferente ad ordinem Carthusiensium, tum quia teste Corialano de Cas. reserv. p. 2. casu 16. num 19. ipsem Clemens declaravit Regiosos sine contraventione huius Constitutionis posse inter se donare supradictos partus ingenij cum tamen attinet sit eadem ratio, & quoad alios, quot attinet ad præfatam prohibitionem.

Quæres 6. An stante præsente prohibitione possint Regulares donare magnum numerum Missarum ad aucupandam benevolentiam magnatum, viam dignitatibus, honoribus, & gradibus sibi aperiendam? Respondeo posse, si solas missas donent, non autem lucrum, quod inde ipsis proveniat Ra-

tio est, quia hic solum prohibetur donatio facta ex bonis monasterij Missæ autem ut sic (si alias non sint obligatæ Monasterio) non sunt Monasterij sed ipsorum Religiosorum, ac proinde de ijs libere possunt disponere. *Dixi si solum Missas donent, si enim donent stipendium debitum pro illis Missis scientes stipendium dandum esse illi, cui donant Missas, tunc violarent præsentem prohibitionem, cum sic donent bonum temporale, quod est monasterij iuxta Regulam: Id, quod Monachibus acquirit, Monasterio acquirit.*

Quære 7. Utrum Religiosus acquirens aliquid ad proprium usum possit id quod parce vivendo sibi detrahit, pio fine alijs donare? Respondet Beia affirmativè, nam illud potest in usus proprios convertere, multò magis in usus animæ. Unde infert, quod quando prælati redditus concedunt Magistris sui Ordinis, qui Cathedras in publicis Universitatibus legunt, posse illos de ijs, quæ partius, & religiosius vivendo supersunt sibi, consanguineis pauperibus subvenire.

Quæres 8. An prohibitione hac stante, possint Regulares facere donationes, si detur casus, quod vi illorum non dissidentur bona Religionis, nequè detur occasio ambitionis? Respondet Diana Resol. 33. cum Granado, & Megala posse, cùm sic cesseret finis præsentis prohibitionis qui fuit tollere

occasionem ambitionis ac dilapidationis bonorum Monasterij, ut constat ex tenore Constitutionis; cessante autem fine legis etiam in particulari, cessat lex, ut tradunt multi Doctores apud eundem Dianam loco citato. Sed hæc Regula ampla satis est, & multis periculis exposita, & ex alia parte quæcumque donatio a Religioso facta, fit cum aliquali dilapidatione bonorum Religionis, cum quæcumque Monachus aquirit, sint bona Religionis, fieri tamen potest ea largitio inter Religiosos invicem, si nullum subdit periculum ambitionis cum pontificia prohibitio fundetur in præsumptione ambitionis ut colligitur ex illis verbis: *Ne parva ambitione impuls*, hoc ipso autem quod præsumptio deficit, prohibitio amplius non obligat, aliunde in eo casu, quidquid acquiritur, Religioni acquiritur.

Quæres 9. An vi istius prohibitionis tollatur quo minus Religiosi possint facere donationes remuneratorias: Respondeo non toli, & ratio est, quia hic vetita est donatio, seu largitio munerum, donatio autem ea simpliciter dicitur, quæ fit pure, ac liberiliter, non item quæ fit ob causam, & dicitur donatio *Antidoralis*. Confirmatur nam alias tolleretur ex Religionibus virtus gratitudinis, quod sine dubio esset magnum inconveniens, nec ullo modo fuit intentum a Clemente; unde sacra Congregatio in alle-

gato decreto declarans mentem pontificis, ait, non obstante ea Constitutione, munera à Religionis utriusque sexūs tribui posse ex causis gratitudinis, conciliationis, benevolentiae, &c.

Cavendum tamēn est, ne donatio hæc nimis excedat merita, siquidem qua parte excederet, esset donatio propriè ac strictè, & consequenter caderet sub ipsam prohibitionem. Ex quo patet, quid respondendum sit ad verba Pontificis excludentia donationem etiam, quæ fiat *ad beneficiorum acceptum memoriam*.

Quæres 10. An Regulares vi istius constitutionis prohibeantur facere donationes ad redimendam vexationem, ut, cùm quis dat aliquid Advocato, ut lites habeant bonum finem &c. Respondeo non prohiberi, tūm quia etiam in Materia Simoniæ titulus redimendæ vexationis iniustæ excusat a labe Simoniæ, ut colligitur *ex c. Delicti, de Simonia*. Et ratio est, quia in tali casu temporale traditur pro temporali, non pro spirituali, ipsa enim vexatio est temporale impedimentum, Simonia autem non committitur, dum temporale traditur pro temporali, ergo magis excusabit a transgressione in præsenti casu, tūm quia, qui dat aliquid pro redimenda tali vexatione in jure sibi jam acquisito, vel in re, quam possidebat, dat illud pro conservatione rei, quæ conservatio jure naturali

rali est licita, ac proinde negari non potest
per ius positivum.

Quæres II. Qualia convivia stantibus ver-
bis adductis apparare possint Regulares ca-
su, quo personam aliquam primariam, sive
Ecclesiasticam, sive sacerdalem ad ipsos di-
vertentem excepturi sint? Respondeo, posse
Regulariter qualia ipsa persona excepta so-
let communiter habere in propria mensa,
sic enim servatur frugalitas comparatione
personarum, quæ invitantur, & exhibetur
debita charitatis ostensio, ut pro inde sacra
Congregatio in eo decreto dicat: Commes-
sationes, compotationes & convivia censeri
tantummodo prohibita, si decentiae statu
Regularis adversentur, quod videtur indi-
casse etiam Clemens in sua Constitutione,
dum ait: quod sicut, si quos ditiores occa-
sione transitus, sive alias ex devotione, aut
necessitatis causa ead (ad Monasteria Regu-
larium) divertere contigerit, deceat eos
Refectorio communi cum Religiosis, men-
saque & ferculis communibus nequaquam a
ceteris distinctis contentos esse, ita ipsi Re-
gulares in huiusmodi hospitibus potentiori-
bus excipiendis se gerere debeant, ut in eis
frugalitas & paupertas Religiosa semper e-
lueat Utrum vero attentis juribus citatis,
licitum sit Regularibus consulto invitare ad
convivium eiusmodi personas? Respondet
Bonacina de Largitione Muñerum, p. 5. n.
6.

6. negative Et movetur ex ijs verbis, quæ habentur in Bulla Clementis *Si Quos vero ditiōres occasione transitūs, sive alias ex devotione aut necessitate eō divertere, contigerit, ubi vides designari casus, in quibus dictæ personæ convivio excipi possunt à Regularibus.*

Quæres 12. An Regulares violent hanc prohibitionem, si donationem aliquam insigñem faciant principi, ad aucupandum eius favorem, seu ei largiendo rem ab amico ipsis datam præcise ad hunc effectum? Respondeo non violare, tum quia Religiosus in hoc casu non facit donationem, sed ille alius, qui rem donandam dedit, iuxta illud *qui per alium facit, per se ipsum fecisse videtur,* sicque Religiosus se habet ut merus executor. Tum quia Bulla hæc solùm loquitur de bonis Monasterij, in isto autem casu donatione non sit ex bonis Monasterij, sed amici, qui eam tradit. Tum quia in isto casu Monasterium non damnificatur, sicque cessat finis huius prohibitionis.

Quæres 13. An Regularis violet hanc prohibitionem, & incurrat pœnas in ea lata, si in casu vetito faciat notabilem donationem, extērnè quidem sub prætextu eleemosynæ, sed internè ad conciliandam benevolentiam donatarij, sicquè eius auxilio ad obtinendum id, quod intendit verbi gratia Prælaturam? Respondeo violare quò ad forum conscientiæ, cùm vere faciat id, quod inter-

terdicitur in hac prohibitione, nempe donationem ex ambitione de bonis Monasterij non tamen incurrit pœnas, nam ad incurrandam censuram, petitur actus, qui in ipso opere externo sit sufficiens ad peccatum mortale, in casu autem allato non habetur extrinsecè malitia donationis indebitæ, sed ratio eleemosinæ.

Quæres 14. An violet hanc prohibitionem Religiosus, qui facit Amico donationem, sciens, se ab eo tantundem, imò plus acceptum esse? Respondeo non violare. Quia amico reddente tantundem, imò plus, Monasterium non fit minus habens, cessat ergò finis prohibitionis Modò tamèn non sis at donatio ex ambitione, tunc enim fini huius prohibitionis cessaret solùm inadæquatè, adeoque non cessaret prohibitio.

Quæres 15. An & quomodo Visitatores à munerum receptione cavere debeant? Respondeo præscribi legē ab Innocentio Papa IV. in e. Romana, Parag. Procuratores de Censibus in 6. ubi dicitur: *Caveat Visitator, ne ipse, vel quisquam suorum aliquod munus quocunquè sit, & qualitercumque offeratur, præsumat recipere, ut non quæ sua sunt, videatur querere, sed quæ I E S U Christi.* Tandem contra illius Transgressores pœnam imponens ait: *Quod si fuerit contrà præsumptum, recipiens maledictionem incurras, à qua nunquam nisi duplum restituat liberetur.* Unde constat eos peccare mortaliter, nullus enim in-

currit maledictionem nisi propter peccatum mortale. Et in Trident. sess. 24. de refor. cap. 3. habetur Nec munus quodcumque sit, & qualiter cumque offeratur, suscipiant. Non obstante quacumque consuetudine etiam immemorabili exceptis vi-
ctualibus. Similem legem statuit Gregor. X. in
Conci. Lugdunensi ut habetur in cap. Exigit de
censibus in 6. ubi plures statuuntur pœnæ,
quas omnes concil. Trid. ubi supra, reno-
vat & confirmat.

Cavendum quoquè visitatoribus est, ne
nimis gravent Visitatos in cibo & potu, pe-
tendo ab eis cibos delicatos, & pretiosa
vina, sed debent esse mediocritate conten-
ti, ut adverbit *Glossa* in cap. Cum Apostolus, Ver-
bo sumptuose decens. Videatur *Azor.* p. 2. lib.
3. c. 42.

Verum tamèn est, quòd quandò Prælatus Provinciam, vel Monasterium visitat, teneri visitatos facere expensas ad tales visitatio-
nes consuetas, & visitatori necessarias. Ita e-
nim habetur in c. Romana de Cens. & in cap. si
Episcopus de Offic. Ordin. in 6.

Quòd si tamèn Prælatus, Ordinarius Ge-
neralis verbi gratia, aut Provincialis, habe-
ret aliquos redditus ad hunc effectum visi-
tationis, tunc visitati non tenerentur provi-
dere Visitatori nisi de victualibus, idest , e-
su & potu pro Visitatore, eiusquè familia
equis, &c. Cætera autèm necessaria, ut e
quos, vestes, expensas pro itinere, pro di-
cto

do Visitatore & Socijs, teneretur tribuere Generalis ipse, vel Provincialis, qui ad hunc effectum habet dictos redditus. Habetur dicto cap. Si Episcopus.

Quæres 16. An excusentur Prælati illi, qui ex negligentia, vel inconsideratione prætermittunt legere, vel legi facere præfixo tempore hoc decretum & sequentia? Respondeo in foro externo non excusari, unde dicit *Lezana Tom. 2. Verbo lectio quo ad Regulares, n. 10.* sæpius se vidisse præfatos suisse coactos ad subeundas pœnas in dictis Decretis designatas, & dispensationem in ipsis Romæ à Sede Apostolica postulasse. Specialiter die 3. Augusti eadem sacra Congregatio absolutionem dedit cuidam Priori, qui neglexit facere legi Decretum de celebratione Missarum Existimabat ergò Prælatum incurrisse in pœnas illius. Sunt tamèn Prælati etiam quoad forum externum excusabiles, quoties propter aliquam rationabilem causam, aut impedimentum alicuius momenti id faciunt, quia cum pœnæ impositæ in dictis Decretis valde graves sint, non debent censeri incurrisse, nisi propter malitiam, dolum, negligentiam notabilem, aut dilationem, sine causa factam, & ita præsumendum de benignitate sac. Congregationum eas imponentium.

Illiud certum, si omittatur ipsorum Decretorum lectio die præfixa, non propterea

cessare ipsius obligationem, sed adimpleri debere quam primum fieri potest. Non enim ponitur terminus talium dierum ad finiendam obligationem, sed ne differatur. Nequè enim pœnæ ibi statutæ sunt ad canonizandum diem illic præfixam, sed solùm ad obligationem inducendam lectionis diætarum Constitutionum, ne ullo unquam tempore in oblivionem, aut desuetudinem abeant, quod est finale motivum dictæ lectionis, undè si dicta statuta non legantur determinato die, legi debent die sequenti, & sic deinceps.

Quæres 17. An subditi teneantur monere Superiorem de dictis statutis legendis, & quo iure? Respondeo affirmativè, ratione justitiae, ex eo quod Prælatus & Subditus debent eodem jure censeri. Prælatus autem ratione justitiae tenetur adiuvare subditum suum quantum potest, ut egregie probat Laurentius Peyrinis Tom. 2. quæst. I. Unde subditus scienter omittens monere Prælatum suum, ut die statuto legi faciat legenda Decreta, mortaliter peccat, propter grave datum, quod ex sua omissione malitiosa, infert Prælato suo.

Quæres 18. Quid sentiendum de prohibitione Regularibus cæterisque facta quoad munerum largitionem causa obtinendi justitiam, aut gratiam apud Sedem Apostolicam! Respondeo emanasse hanc Constitutionem

onem à Bonifacio VIII. in Extravaganti, quæ
incipit Excommunicamus, & postea, cùm (ut
aliqui volunt) revocata esset à Clemente V.
confirmata, & acta fuit à Gregorio XIII. Con-
stitutione 24. & demum à Clemente VIII. ex-
tenса in Bulla, quæ incipit, Pro Commissa no-
bis, per quam Constitutionem Pontificiam
excommunicantur quodquod pactum, vel
promissionem faciunt de dando aliquid, vel
qui dant quid ex pacto, vel promissione,
vel acceptum pactum, vel promissum de
dando aliquid, vel acceptam habent occul-
te, & manifeste, donationem factam, ex
pacto, vel promissione pro justitia, vel gra-
tia obtainenda sive pro se, sive pro alio, in
causis, vel judicijs, vel alias per literas A-
postolicas, & quibuslibet alijs modis apud
Sedem Apostolicam. Unde actiones pro-
hibitæ in ea constitutione, sunt pactio, vel
promissio de dando aliquid, donatio ex pa-
cto, vel promissione factæ post justitiam,
vel gratiam obtentam: donatio facta ad ob-
tinendam justitiam, vel gratiam etiam ex
pacto, vel promissione: acceptatio pacti,
vel promissionis, vel donationis pro justitia,
vel gratia obtainenda apud Sedem Apostoli-
cam, promissio, vel pactio facta tertio in-
terventuro, vel mediatur in favorem eius,
qui justitiam, vel gratiam est impetraturus,
denique acceptatio prædictæ pactionis vel
promissionis vel donationis.

Hæ actiones vetitæ erant in Extravagante Bonifacij, quibus addit⁹ Gregorius alias sex actiones, quarum tres sunt Principales, & aliæ tres sunt accessoriæ. Prima actio Principalis est Nundianariorum, qui cupiditate lucri negotiorum expeditiones conquirunt nixi suffragationibus potentiorum. Secunda est actio eorum, qui ambiunt pollicitationibus, aut donis, ut pro se, vel pro alio gratiam, aut justitiam obtineant apud Sedem Apostolicam, Tertia est eorum, qui mentiendo configunt se dedit⁹ pretium, aut munera pro opera præstanta, vel præstata ab ijs, qui gratia valent apud eum, qui est concessurus gratiam, vel justitiam. Denique actiones accessoriæ additæ a Gregorio XIII. sunt prima⁹ auxiliari, secunda, consilere; tertia, favere in aliqua eis præcedentibus actionibus contentis in Bulla Bonifacij.

Bulla Gregorij

Impononuntur autem in eiusmodi Constitutionibus plures penæ. 1. Excommunicatio ipso facto 2. Iustitia, vel gratia contra Constitutionem impetrata est irrita & nulla, 3. Quidquid accipitur restituendum est Pauperibus nec absolvī quis potest, nisi restituat. 4. Utens gratia, vel justitia sic obtenta est ipso facto excommunicatus. 5. Privatio omnis beneficij, sive Ecclesiastici & omnis officij sive Ecclesiastici Sæcularis, perpetui, & temporalis. 6. Infamia. 7. Inabilitas ad quæ

quævis officia obtinenda. 8. Sciens delictum contra hanc Constitutionem commissum, nec denuntians intra triduum, ipso facto est excommunicatus.

Non comprehenduntur sub hac prohibitione Cardinales, cum enim hi sunt personæ spectatissimæ notâ dignæ non censentur comprehendi in odiosis, nisi exprimantur, præsertim quia Pontifices, dum in suis Constitutionibus eos comprehendere intendunt, addere solent, illa verba. *Cuiuscunque dignitatis, gradus, aut præminentiae, quæ in Constitutionibus Bonifacij & Gregorij non sunt.* Idem dici potest & de Episcopis fere ob rationem quia ipsi *cap. periculorum, de sentent. Excommunicat in 6.* excluduntur à Generalibus sententijs suspensionis, & interdicti, nisi exprimantur. Hoc! tamen intellige de Constitutionibus Bonifacij & Gregorij, non de illa *Clementis VIII.* ubi pœnas dictarum Constitutionum extendit, ad *personas etiam speciali notæ dignas,* quibus haud dubiè Cardinales, & Episcopi designantur. Adde opinionem dictæ prohibitioni Cardinales & Episcopos subijcentem probabiliorem esse, & *Bonacina teste de Censur. in partic. disput. 2. q. 3. n. 1.* usu pœnitentiariæ comprobatam. Cuius ratio fortassis est, quod & ipsi sint Clerici, & quia lex generalis omnes ligat, *cap. I. de Constitut.*

Neque subiacet dictis pœnis quo ad DE-

UM, qui ad obtainendam gratiam aut justitiam fictè promittit, habens animum non implendi promissionem, cùm promissio ficta verè non sit promissio, & alias iuxta Doctores ad incurrendam censuram requiratur aetus completus præterquam quod sumus in materia penalí, quæ ampliari non debet. Confirmatur ex Caetano, Soto, Tolento, Lessio, &c. docentibus non esse Simoniacum illum, qui pro beneficio Ecclesiastico aliquid temporale promittit animo non solvendi. Sic tamen fictè promittens peccat graviter nam eatenus proximum ad peccandum inducit. **Dixi quoad DEUM**, quia in foro externo non excusatur, cùm in eo constet de illius promissione, non item de fictione: & quilibet presumatur loqui, quod habet in corde.

Excusatur etiam ab his pœnis, qui ad obtainendam gratiam, vel justitiam iniustè denegatam, dat. Cùm hoc non sit dare simpliciter pro gratia, aut justitia obtainenda, sed potius ad redimendam iniustum vexationem, quod esse licitum dixi. q. 1.

Excusatur etiam qui ad obtainendam gratiam, vel justitiam dat Ministris Papæ moraliter certus id ipsum esse gratum Papæ; nam in tali casu censetur Papa dispensare in hac prohibitione, aut illam abrogare quo ad eam partem.

Non etiam contrahit has pœnas, qui ad obtainendam justitiam, aut gratiam dat promit-

mittenti se majori diligentia, ac industriâ procuraturum expeditionem gratiæ, dummodo non detur plûs quam illa mereatur major diligentia ac industria, quæ adhibetur. Ratio est quod hæc donatio non sit pro obtainenda gratia, sed pro maiori diligentia & industria, quæ adhibetur. Unde nec illas incurrit propter eandem rationem, qui ob meram liberalitatem, & benevolentiam sine ullo respectu ad gratiam, vel justitiam obtainendam quidpiam dederit. Nec qui dat ad recompensandum aliquod damnum, quod Procurator, aut Sollicitator passus est ultra id, quod tenebatur.

Existimo etiā his pœnis non affici eum, qui dat ad obtainendam gratiam, quam alias omnino erat obtenturus. Et siquidetur. Quia in tali casu cessat finis hujus prohibitionis, qui est, ut tollatur habendi cupiditas, ut non corrumpatur Princeps, ut non committatur iniustitia; cessante autem causa finali, cessat dispositio cap. Cum cessante de appetit.

Sed nec ijs pœnis subjicitur qui dat bona fide ad obtainendam gratiam &c. ignorans talem dationem prohiberi. Pœna enim est mensura delicti, L. sancinus, ff. de pœnis, & alioquin bona fides excusat à delicto: unde & excusari debet à pœna maximè si gravissima sit, cuiusmodi sunt ex, de quibus hic agitur. Præterquam quod in Extravagante Gregorij VIII. presupponitur audacia, seu præ-

sumptio, ut constat ex ijs uerbis *Ad audentes* quocunq; horum facinorum; bona autem fides tollit audaciam, seu præsumptionem sicut & ignorantia.

Nec præfatas pœnas incurrit dans ad gratiam obtinendam quid modicum. Et probatur, tūm quia ad incurrendas istas pœnas requiritur peccatum mortale, quod nequit stare cum parvitate materiæ, tūm quia de modicis non est curandum. *e. revera de conse
c. dist. 2* tūm quia quod dicitur in Bulla hac Gregorij XIII. *seu quid magnum, aut parvum pro
mitterent*, explicari debet de re magna, vel parva, quæ etiam ante dictam Bullam Sufficeret ad peccatum mortale. Dijudicanda est autem in hoc parvitas materiæ, arbitrio viri prudentis, ut pensatis circumstantijs dantis, & accipientis, videat an promissa res sufficiens sit ad movendum vel iustitiæ animum collatoris gratiæ, ad ipsam conferendam.

Non afficitur etiam his pœnis, qui dat post gratiam obtentam. Quia hæ pœnæ impununtur danti ad obtinendam gratiam, aut iustitiam, & nos hic agimus de dante post illam obtentam. Accedit in hoc casu non eandem militare rationem, quæ militat in primo, cùm dare antea, tendat ad corrumpendum judicem, non item dare postea, quod potius tendit ad insinuandum animi gratitudinem.

Incurrit autem has pœnas promittens, etiam

Nam si promissio acceptata non sit; Pontifex enim, ut patet ex verbis Constitutionis *Bonifacij*, distinguit promissionem à receptione promissionis, & utramque actionem distincte prohibet.

Idem sentio in casu, quo quis promittat animo se obligandi solum ex gratitudine. Quia talis promissio ex natura sua inflectit collatorem gratiae, seu justitiae ad eam concedendam intuitu illius, quod est contra intentionem Pontificum in dictis Constitutionibus.

Credo id ipsum de dante pro auferenda, aut differenda justitia, quia non est verò simile, Papam voluisse minus punire eos, qui dant pro sententia iniusta, qualis est ea, per quam auferuntur, vel difertur vera justitia, quam eos qui dant pro sententia obtainendas, & alias ut jura dicunt: *Mens legis est potius attendenda, quam verba.*

Incurruntur autem prefatae poenae toties, quoties datur, aut accipitur aliquid antequam obtineatur gratia. Et probatur, quia semel ligatus una censurā, est subiectum capax alterius censuræ non solum diversæ rationis, sed etiam eiusdem. Quomodo affectus excommunicatione ob percussionem Clerici, si iterum percutiat eundem, aut alium Clericum, iterum incurret excommunicationem.

Nota etiam poenas harum Constitutionum.

incurri per quamlibet ex actionibus prædictis, etiam non secuto effectu obtentionis gratiæ, seu justitiæ. Ratio est, quia licet regulariter loquendo ad incurrendam aliquam censuram requiratur actus completus, & consummatus, nec sufficiat conatus, aut actus imperfectus, hinc enim excommunicatio cap. si quis 18. quest. 4. contra percussores Clericorum non incurritur ab eo, qui sagittam, vel lapidem in Clericum jecit, si illum non tetigit, quando tamen conatus ipse, seu actiones imperfectæ, per se & principaliter prohibentur, tunc per illas præcisè incurritur censura. Hoc autem contingit in proposito, nam facere pactum, vel promissiōnem, dare, vel recipere, prohibentur principaliter & separatim, ut patet ex contextu Bonifacij, ideo illæ solæ sufficiunt, ad incurriendas pœnas. Ita Navarrus, Molina, Azor, &c.

Porro verbis illis : *Apud Sedem Apostolicam* : intelligitur Summus Pontifex, non ut Princeps temporalis in Urbe, alijsque Civitatibus, sed solum ut habet jurisdictionem spiritualem a Christo acceptam, & consequenter intelliguntur Ministri ipsius secundum hanc considerationem. Ita enim dicendo magis conformamur proprietati verborum: Sedes enim Apostolica propriè, & formaliter sumpta, solum importat potestatem spiritualem, qualis fuit in Apostolis, non temporalem; Verba autem propriè & formaliter

ter accipienda sunt L. in dilectis, Parag. extraneus,
ff. ad legem.

Nomine etiam Sedi Apostolice intelligi debet curia & domus ipsius Papæ, sive ipse ibi sit, sive non, hoc enim denotat Gregorius in Constitutione relata, dum in ipsius initio dixit. *Ab ipso pontificatus nostri principio, quam maxime possumus enitimus, atque contendimus, ut dominus, & curia nostra à fôrdibus expurgetur.* Non tamen intelliguntur Sedi Apostolicæ nomine quoad præsens spectat, ubi sunt Legati Papæ, Nuntij, Episcopi, illa enim non sunt curia, aut domus Papæ.

Advertit tamen *Filiucius tract. 15. n. 139.*
& cum ipso *Bonacini. disp. 2. de Censur. in partic. q. 3. n. 4.* Sacram pœnitentiariam comprehendere sub hac prohibitione etiam dantes pro causis temporalibus, siquidem expeditiones à Papa procedentes, ut est Princeps temporalis, expediuntur quoque sub nomine Sedi Apostolice.

Dicta intellige de relatis Constitutionibus Bonifacij & Gregorij, loquendo enim de constitutione Clementis VIII. quam supra citavi, ea extenditur ad delinquentes in actionibus prohibitis in dictis Constitutionibus circa bona communitatum ditionis statutis Ecclesiastici. Non solum apud Sedem Apostolicam sed in quibusvis tribunalibus, & eorum quibuscunque judicibus etiam Laicis Almae Urbis ac tam in Romanæ curia quam extra eam in quibuslibet temporali ditione

tioni nostræ mediate vel immediate subiectis Provin-
cijs Civitatibus, oppidis, terris, & locis, ut ait Pon-
tífex.

Ubi nota editam esse hanc Bullam pro
bono regimine, aut quod utique confert, ut
pro gratia, aut justitia obtainenda non detur
quidquam.

Addunt præterea Pontifices, scientes cul-
pabilem in prædictis, nec intra triduum de-
nuntiantes, excommunicationem incurrire,
quod puto verum etiam de existente extra
Curiam, cùm obligatio sit generalis, & lex
generaliter loquens, generaliter debet in-
telligi.

Illa vero tridui præscriptio ad denuntian-
dum, non est ad finiendam, sed ad sollici-
tandam actionem. Vide dicta q. 16. modò
tamen id commode fieri possit, nec enim
credibile est Papam velle pauperes ab ex-
tremis terræ finibus accedere ad Apostoli-
cam Sedem ad dununtiandos tales delin-
quentes, lex enim debet esse accommoda-
ta fragilitati humanæ.

Moneo tamen antequam talis denuntiatio
fiat debere delinquentem admoneri per
correctionem fraternalm, cùm id præcipiat
Christus Matthæi 19. & præcepto Christi,
quocunque præceptum humanum cedat o-
portet.

DECRETA

S. Com-

S. Congregationis Concilij S. D. N. Urbani divina
Providentia Pape VIII. auctoritate edita.

DE CELEBRATIONE MISSARUM

*Sub pena privationis officij, ac votis aeliva, & passi-
ve, ipso facto incurrendis, legenda sexto quoque Men-
sc, id est Feria 2. post primam Dominicam Adventus,
& Feria 6. post octavam Corporis Christi.*

Cum saepe contingat, in quibusdam, Ec-
clesijs tam magnum Missarum celebra-
darum numerum ex varijs defunctorum re-
lictis, aut piorum eleemosynis impositum
esse, ut illis pro singulis diebus præscriptis
nequeat satisfieri; & tamen onera Missarum
in dies suscipiantur; indequè fiat, ut depe-
reant pie testantium voluntates, obstricta
benefactoribus fides violetur, defunctorum
animæ suffragijs priventur, Ecclesijs debitus
subtrahatur cultus, ac Christi fideles gravi
scandalo affecti, plerumquè à similibus cha-
ritatis operibus retrahantur: cumquè his
malis maximum inter cetera fomentum præ-
beat, aut quod iij, qui missas supra vires ce-
lebrandas suscipiunt, sperent illas brevi ad
pauciorem numerum à Superioribus redu-
ctum iri; aut quod Ecclesijs, sorte pecunia-
rum absumptâ, plerumquè nuda remaneant
onera Missarum absque ullo emolumento,
aut quod eleemosyna pro illis celebrandis
sit

fit adeò tenuis, ut non facilè inveniantur, qui velint huic se muneri subiçere, & redditus Ecclesiæ, aut Monasterij adeò exigui, ut Sacerdotes pro necessaria sua sustentatione nimijs se oneribus obstringere compellantur: SACRA CONGREGATIO CARD. CONCIL. TRID. INTERPRETUM animadvertisens, facturam se rem DEO gratissimam, charitatisque, ac justitiæ maximè consentaneam, si pro viribus satagat, hunc deterrimum abusum è Christiana Republica convellere, atquè eradicare Sanctiss. D.N. Urbani divina Providentia Papa VIII. auctoritate sibi specialiter attributa, iufrascripta decreta edidit.

Ac primò directè prohibet, atquè interdicit, ne Episcopi in Diœcesana Synodo, aut Generales in Capitulis Generalibus, vel alias quoquomodo reducant onera ulla Missarum celebrandarum, aut post idem Concilium imposita, aut in limine fundationis; sed pro his omnibus reducendis, aut moderandis, vel commutandis ad Apostolicam Sedem recurratur, quæ, re diligenter perspecta, id statuet, quod magis in Domino expedire arbitrabitur; alioquin reductiones, moderationes, & communicationes huiusmodi, si quas contra huius prohibitionis formam fieri contigerit, omnino nullas, atque inanæ decernit.

Deinde, ubi pro pluribus Missis, etiam eius-

iusdem qualitatis celebrandis plura stipendia, quantumcunque in congrua, & exigua, sive ab una, sive à pluribus personis collata fuerunt, aut conferentur in futurum Sacerdotibus Ecclesijs, Capitulis, Collegijs, Hospitalibus, Societatibus, Monasterijs, Conventibus, Congregationibus, Domibus, ac locis pijs quibuscunque tam Sæcularibus quam Regularibus, SAC. CONGREGATI. O sub obtestatione Divini Iudicij mandat, ac præcipit, ut absolutè tot Missæ celebrentur, quot ad rationem attributæ eleemosynæ præscriptæ fuerint; ita ut alioquin ij, ad quos pertinet, suæ obligationi non satisfiant, quinimò graviter peccent & ad restitutionem teneantur.

Id verò, ut deinceps observetur exactius, SAC. CONGREG. eadem authoritate revocat privilegia, & indulta omnia quibusvis personis, Ecclesijs, ac locis pijs, tam Sæcularibus, quam Regularibus cuiuscunque Ordinis, Congregationis, & Instituti, quamcunque ob causam concessa, quibus indulgetur, ut certarum Missarum, vel Anniversariorum celebratione, aut aliquibus collectis, seu orationibus, plurium Missarum oneribus in futurum suscipiendis satisfiat.

Ac similiter omne damnabile lucrum ab Ecclesia removere volens, prohibet Sacerdoti, qui Missam suscepit celebrandam cum certa eleemosyna, ne eandem Missam alte-

ri, parte eiusdem eleemosynæ sibi retentâ, celebrandam committat.

Præterea, ne in Ecclesijs, in quibus onera missarum in perpetuum imposita sunt, Sacerdotes in eis, ut par est, adimplendis eð tepidiores, ac seghiores reddantur, quod onera huiusmodi cum nulla, aut parva sint utilitate coniuncta: statuit, atquè decernit, ut pecuniæ, ac bona mobilia Ecclesijs, Capitulis, Collegijs, Hospitalibus, Societatibus, Congregationibus, Monasterijs, Conventibus, ac locis omnibus, tam Sæcularibus, quam Regularibus, atquè illorum personis in futurum simpliciter acquirenda cum onere perpetuo missarum celebrandarum, ab ijs, ad quos pertinet, sub poena interdicti ab ingressu Ecclesiæ ipso facto incurrenda à die realis acquisitionis, statim deponi debeant penes ædem Sacram, vel personam, fide & facultatibus idoneam, ad effectum illa, seu illorum pretiū quamprimum investiendi in bonis immobilibus fructiferis, cum expressa, & individua mentione oneris, quod illis annexum reperitur: ac si eadem bona immobilia auctoritate Apostolica, deinceps alienari contigerit, eorundem pretiū sub eadem poena, ut supra, deponi, atquè in alijs bonis stabilibus itidem fructiferis, cum eiusdem oneris repetitione, atquè annexione converti debeat.

Ad hæc SAC. CONGREGATIO quibus-

vis

vis Capitulis, Collegijs, Societatibus, & Congregationibus, nec non omnibus & singulis Ecclesiarum, ac piorum locorum, tam Sæcularium, quan Regularium Superioribus, vel alijs ad quos pertinet, districte prohibet, ne in posterum onera perpetua suscipiant missarum celebrandarum: Sæculares quidem sine Episcopi, vel eius Generalis Vicarij, Regulares verò sine Generalis, vel Provincialis consensu, & licentia in scriptis, & gratis concedenda: alioquin Sæcularis, qui huius prohibitionis transgressor extiterit, ab ingressu Ecclesiæ interdictus sit eo ipso: Regularis verò pœnam privationis omnium officiorum, que tunc obtinebit, ac perpetuæ inhabilitatis ad alia obtainenda vocisque activæ & passivæ absq; alia declaratione incurrat. Eleemosynas verò manuales, & quotidianas pro missis celebrandis, ita demum ijdem accipere possint, si oneribus antea impositis ita satisfecerint, ut nova quoquè onera suscipere valeant; alioquin omnino abstineant ab huiusmodi eleemosynis, etiam sponte oblatis in futurum recipiendis, & capsulas auferant ab Ecclesijs cum inscriptione illa, Eleemosyna pro Missis, vel alia simili, sub ijsdem pœnis ipso facto incurrendis, ne fideles hac ratione frustrentur. Episcopus verò, seu eius Vicarius, aut Generalis, vel Provincialis, ubi de licentia pro perpetuis oneribus fuerint requisiiti, in singulis, casibus diligenter inquirant

rant de singulis Missarum celebrandarum obligationibus cuique Ecclesiæ, Monasterio, aut loco pio incumbentibus : nec antea assensum huiusmodi aut licentiā præbeant, quā eis legitimè constiterit, illius Sacerdotes tam novo oneri suscipiendo, quam antiquis jam susceptis satisfacere posse : præcipuamque rationem habeant, ut reditus, qui in Ecclesijs, & locis pijs relinquentur, omnino respondeant oneribus adiunctis, secundūm morem cuiusq; Civitatis, vel Provinciæ: intelligentque si in re tanti momenti desides, aut negligentes fuerint, in novissimo die se huius prætermitti munera rationem esse reddituros.

Postremo ILLUSTRISS. PATRES, non sine gravi animi dolore intelligentes, mala fere omnia, quæ regularem disciplinam revertunt, ac præcipue nimiam hanc facilitatem fovent in oneribus Missarum supra vires suscipiendis, velut ex infecta radice pullulare ex majori Regularium numero, quam ferant reditus, & eleemosynæ cuiusque Monasterij: Inhærentes summorum Pontificum, ac Sac. Trid. Concil. decretis hac de re editis, Sanctiss. D. N. autoritate præcipiunt, ac mandant omnibus & singulis Generalibus, Provincialibus, Commissarijs, Ministris, Præsidentibus, Abbatibus, Prioribus, Præpositis, Gvadianis, Vicarijs, & quibuscumque alijs Superioribus Monasteriorum, Conventuum, ac Domorum Regulariū bona immobilia pos-

sidentium, vel non possidentium, cuiuscunque Ordinis congregationis & Instituti existentium intra fines Italiæ, & Insularum adiacentium, ut singuli, ad quos pertinet, in qualibet Provincia, exhibitis duobus, aut tribus Regularibus sui Ordinis, vel Congregationis probatoribus, & rerum usu peritioribus, bona immobilia, census, redditus & proventus omnes, consuetas itē eleemosynas, & obventiones, tam communes Monasteriorum, Conventuum, & Domorum eiusdem Provinciæ, quam etiam singularibus personis Religiosis assignatas seu permissas, in communem usum deinceps, conferendas, decem annorum immediate præcedentium habita ratione, diligenter, & mature recognoscant, ijs omnibus detractis, quæ reparations, præstationes, grandines, sterilitates, alijs cuiuslibet generis onera consvererunt absorbere; eaque omnia scripto fideliter exarata, idem Superior, cuius interest in proximo Capitulo, seu Congregatione Generali, vel Provinciali coram tribus Iudicibus ab ipsomet Capitulo, seu Congregatione diligendis proponat, qui Computatis huiusmodi redditibus, eleemosynis & obventionibus universis, & oneribus, ut supra detractis, sedulo examinent, quot religiosi homines, connumeratis etiam Laicis, alijsque necessarijs servientibus, in unoquoque Monasterio, Conventu, & Domo regulari, juxta religionis, & proprij instituti mo-

rem, victum, & vestitum, & medicinalia in
communi habentes, competenter valeant
sustentari. Tum eorundem bonorum, redi-
tuūm, eleemosynarum, & onerum præcisam
notam ipsimet Capitulo, seu Congregationi
exhibeant: ut in illo diligenter omnibus di-
scussis cuiusque familiæ Monasterij Conven-
tūs, ac Domūs regularis, in singula quaque
Provincia certus earum tantum personarum
numerus patrum capitularium voto præfiga-
tur, quæ redditibus, eleemosynis & obventi-
onibus, ut superiùs sufficienter ali possint.
Ne verò Superiores, qui id præstare debent,
seriùs aut remissiùs, quam par est suo mune-
ri satisfaciant, mandat SAC. CONGREGA-
TIO, ut infra annum, post proximum Capi-
tulum Generale, vel Provinciale computan-
dum, omnia hoc de genere particulariter ge-
sta, in authenticam formam redacta ad sacrā
ipsam Congregationem Concilij singuli mit-
tant: Numerumque familiæ, singulorumque
Conventuūm Monasteriorum, & Domorum
huiusmodi regularium Capituli, seu Congre-
gationis Generalis, vel Provincialis senten-
tia, & autoritatē præfinitum, ijdem Superi-
ores tam Generales & Provinciales omnes
quam locales perpetuo servare omnino tene-
antur, nec possint illum quoquomodo auge-
re, etiam prætextu augmenti reddituūm absq;
Sacrae ipsius Congregationis licentia. Supe-
riores autem huiusmodi, qui prædicta omnia
in

in præfixo termino non præstiterint, vel numerū ut supra præscriptum quovis modo augere præsumperint, privationis omnium officiorum, quæ tunc temporis obtinebunt, vocisque activæ ac passivæ & ad omnia suæ Religionis officia, & gradus inhabitatis perpetuam pœnam eo ipso incurrere, atque alijs etiam gravioribus à Sede Apostolica infligendis pœnis Sac. Congregatio subiacere voluit, & declaravit.

Deinceps verò Monasterium, Conventus, domus Congregatio, vel Societas Religiosorum, seu Regularium nullibi, recipiatur, nisi præter alia ad id requisita, in singulis eiusmodi locis duodecim saltem Fratres, aut Monachi, seu Religiosi degere, & ex redditibus, & cōsuetis eleemosynis, detractis omnibus, ut supra, detrahendis, competenter sustentari valeant, ad præscriptum decreti fel. record. Greg. XV. hac de re editi. Alioquin Monasteria, & loca huiusmodi post hac recipienda, in quibus duodecim Religiosi, ut supra, sustentari, atque inhabitare non poterunt, & actu non inhabitaverint, Ordinarij loci visitationi correctioni atquè omni modæ jurisdictioni subiecta esse intelligantur.

Porro ne ullo unquam tempore hæc in oblivionem, seu desvetitudinem abeant, Superiores, locales cuiusque Monasterij Conventus ac Domus Regularis curare, atque ef-

ficere teneantur sub pœna privationis Officij, vocisque activæ & passivæ ipso facto incurreda, ut in perpetuum, sexto quoq; mense, id est feria secunda post primam Dominicam Adventus, & feria sexta post octavam Corporis Christi, præsentes ordinationes in publica mensa perlegantur. Omnibus tamen Ecclesiasticis personis cuiuscunque sint Ordinis, & gradus quam Laicis quocunque honore, ac potestate præditis præsentia Decreta declarandi, vel interpretandi facultate pœnitùs interdicta.

Non obstantibus, quoad suprascripta omnia & singula in præsentibus Decretis contenta, constitutionibus, & Ordinationibus Apostolicis in favorem quarumcunque personarum, atque Ordinum, tamen Mendicantium, quam non Mendicantium, Militiarum, etiam S. Ioan. Hierosolymitani, Congregationum, Societatum, ac cuiuslibet alterius Instituti, etiā necessariò, & individuo exprimendi, Ecclesiarum, Monasteriorum, Conventuum, Collegiorum, Capitulorum, Hospitalium, Confraternitatum, & aliorum quorumcunque, tamen Sæcularium, quam Regularium locorum, nec non illorum, etiam juramento, confirmatione Apostolica, vel quavis firmitate alia roborris statutis, & consuetudinibus, etiam immemorabilibus privilegijs quoque indultis, & literis Apostolicis, etiam Mari magno seu Bula aurea, aut alias nuncupatis, sub quibuscunque

que tenoribus, & formis, ac cum quibusvis etiam derogatoriarum derogatorijs, alijsque efficacioribus, & insolitis clausulis, nec non irritantibus Decretis etiam motu proprio, & ex certa scientia, ac de Apostolicæ potestatis plenitudine, aut alias quomodolibet etiam per viam communicationis concessis & iteratis vicibus approbatis, & innovatis, etiam si pro illorum sufficienti derogatione de illis eorumque totis tenoribus, & formis specialis, & individua, ac de verbo ad verbum, non autem per clausuras generales, mentio, seu quævis alia expressio habenda, aut aliqua alia exquisita forma servanda esset tenores huiusmodi, ac si de verbo ad verbum, nihil penitus omisso, & forma in illis tradita observata, inserti forent, præsentibus pro expressis habens quibus quo ad ea, quæ præsentibus adversantur, illis alias in suo robore permansuris, sacra Congregatio, sanctitatis suæ authoritate, & specialiter, & expresse derogat, cæterisquè contrarijs quibuscunque.

Et ne præmissorum ignorantia à quodam prætendi possit, voluit eadem SACRA CONGREG. ut præsentes ordinationes in valuis Basilicarum S. oannis Lateranensis, & Principis Apostolorum de Urbe, ac in acie Campi Flore; ut moris est, affixæ, omnes ad quos pertinent, ita arctent & afficiant, ac si unicuique personaliter intimatæ fuissent. Utque earundem præsentium transumptis, eti-

am impressis, manu alicuius Notarij publici
subscriptis, & sigillo personæ in dignitate
Ecclesiastica constitutæ munitis, eadem pror
sus fides adhibetur, quæ præsentibus adhi
beretur, si forent exhibitæ, vel ostensæ. Da
tum Romæ bie 12. Junij 1625.

DECLARATIONES DE CELEBRATIONE MISSARUM.

Super primo Sacrae Congregationis Decre
to, de celebratione Missarum, quo prohi
betur, ne Episcopi in Diœcesana Synodo, aut
Generales in Capitulis Generalibus, vel
alias quomodolibet, reducant onera ulla Mis
sarum celebrandarum, aut post idem Conci
lium imposita, atq; in limine fundationis.

Quæritur, quid si legatum sit ita tenue, ut
non sit, qui velit onus illi injunctum subire,
& si recurrentum sit ad Sedem Apostolicam
pro moderatione oneris, totum, aut fere to
tum insumentum sit pro expensis ad id ne
cessarijs.

Et quid, si permittatur Episcopo in funda
tione, ut possit huiusmodi onera moderari?
Secundò, super secundo eiusdem Congre

gationis Decreto, quo cavetur, ut celebrentur tot Missæ, quot ad rationem tributæ eleemosynæ præscriptæ fuerint.

Quæritur, an verba illa (præscriptæ fuerint) intelligenda sint de præscriptione facta ab offerente, vel ab Ordinario?

Tertio, an cum Ordinarius præscriperit eleemosynam congruam juxta qualitatem loci, personarum, ac temporum Sacerdotes accipientes stipendium minus congruum, teneantur Missas illas ab offerente præscriptas celebrare.

Quartò, an Sacerdotes, qui tenentur Missas celebrare ratione Beneficij seu Capellæ, legati, aut salarij possint etiam manualem eleemosynam pro Missis votivis, aut defunctorum, recipere, & unico Missæ sacrificio utrique oneri satisfacere?

Quinto, posito quod testator relinquat, ut celebrentur pro eius anima centum Missæ, absq; ulla præscriptione eleemosynæ. Quæritur, an liberum sit hæredibus eleemosynam sibi bene visam determinare vel an præscribenda sit ab Ordinario?

Sexto, super tertio Congregationis Decreto, in quo eadem Congregatio revocat privilegia quibus indulgetur, ut certarum Missarum, vel anniversariorum celebratione, aut aliquibus collectis, seu orationibus plurimum Missarum oneribus in futurum suscipiens satisfiat.

Quæ-

Quæritur, an verba, (in futurum suscipiendis) intelligenda sint de oneribus suscipiendis post privilegium?

Septimò, super quarto eiusdem Congregationis Decreto, quo prohibetur Sacerdoti, qui Missam suscepit celebrandam cum certa eleemosyna, ne eandem Missam alteri, parte eiusdem eleemosynæ sibi retenta, celebrandam committat.

Quæritur, an permittendum sit administratoribus Ecclesiarum, ut retineant aliquam eleemosynarum portionem pro expensis manutentionis Ecclesiæ, altarium, inservientium, paramentorum, luminum, vini, hostiæ, & similium?

Octavò, an hoc Decretum habeat locum in beneficijs, quæ conferuntur in titulum, id est, an Rector Beneficij, qui potest per alium celebrare, teneatur Sacerdoti celebranti dare stipendium ad rationem reddituum Beneficij.

Nonò, an Sacerdotes, quibus aliquando offertur eleemosyna major solita pro celebratione Missæ, debeant dare eandem integrum eleemosynam ijs, quibus Missas celebrandas committunt. An verò satis sit, ut dent, celebrantibus eleemosynam consuetam.

Decimò, super quinto eiusdem Congregationis Decreto, quo inter cætera statuitur in hæc verba: Eleemosynas verò manuales, & quotidianas pro Missis celebrandis, ita demū
ijf.

ijdem accipere possint, si oneribus **antea** im-
positis ita satisfecerint, ut nova quoq; onera
obire valeant, alioquin omnino abstineant ab
huiusmodi eleemosynis, etiā sponte oblatis
in futurum recipiendis, & capsulas auferant
&c.

Quæritur, an hoc Decretum prohibeat a-
bsolute, quo minus accipient novas eleemo-
synas ij, qui acceptis non satisfecerunt: &
quid, si congruo tempore possint omnibus sa-
tisfacere?

Undecimò, quid, si offerens eleemosynas
auditio impedimento consentiat, ut Sacerdos
Missam celebret cum primū poterit?

Duodecimò, an pœna interdicti & aliæ ap-
positæ in eodem Decreto afficiant tam eos,
qui accipiunt eleemosynas contra formam i-
bi præscriptam, quam eos, qui non auferunt
capsulas ab Ecclesijs ut ibidem præcipitur?

Decimotertiò, an in hoc decreto compre-
hendantur illæ capsulæ, quæ apponi solent
in Ecclesijs in die Commemorationis omni-
um Sanctorum, & vulgo dicuntur (*casse de
Morti.*)

Decimoquartò, an Administratores Eccle-
siæ magnæ devotionis & concursus, possint
eleemosynas pro Missis celebrandis accipe-
re, si ijsdem Missis non nisi post longum té-
pus satisfacere valeant, ne alias cultus Ec-
clesiæ, & devotio, ac concursus fidelium, ut
aiunt, minuantur?

De-

Decimoquinto, quia prohibitio dieti decreti videtur aliquibus directa solis Capitulis Collegijs Societatibus Congregationibus, necnon omnibus, & singulis Ecclesiariū & priorum locorum, tam Sæcularium, quam Regularium Superioribus, de quibus fit expressa mentio, non autem privatis Sacerdotibus qui tamen comprehendendi videntur sub clausula Generali (& alijs, ad quos pertinet) supplicatur pro opportuna declaracione.

Decimosexto, super septimo ejusdem Sacrae Congregationis Decreto, quo cavetur, ut in singulis Monasterijs Religiosorum præfigatur numerus, qui ex consuetis redditibus, aut eleemosynis commode possit sustentari.

Quæritur, an ubi hæc præfixio facta jā fuit vim similis Decreti san: mem PAULI V. absq; tamen computatione reddituū cuiusq; Religiosi sit denuo facienda, nec ne?

Decimoseptimo, an Novitiij ad habitū Regularem admissi, possint admitti ad professionem in Monasterijs, in quibus habita ut supra præfixione numeri, cōmode ali non possunt.

Decimoctavo, super ultimo, quo cavetur, ut nullibi recipientur Conventus Regularium, nisi præter alia ad id requisita, duodecim saltem fratres in eis degere, & competenter sustentari valeant, ita ut alioquin subsint jurisdictioni Ordinarij.

Quæritur, an hoc Decretum, quod videtur edi-

editum in ordine ad celebrationem Missarum, comprehendat eas Religiones, quæ non conservaverunt onera Missarum recipere, ut sunt Religiones Capucinorum, ac Societatis IESU.

Ultimò, an idem Decretum, ubi disponit, ut nullibi recipiantur Monasteria, nisi &c. habeat locum in Italia duntaxat ad quam est restrictum Decretum proxime antecedens, an verò etiam extra Italiam?

SAcra Congregatio Cardinalium Concilij Tridentini Interpretum, authoritate sibi à Sanctiss. D.N. attributa, ad singula dubia superius proposita ad hunc modum respondit, videlicet:

Ad primum, etsi legatum sit adeò tenue, nihilominus, pro reductione oneris, ut supra impositi ac ijs, ad quos pertinet Sedem Apostolicam esse adeundam, quæ absq; ulla impensa id statuet, quod magis in Domino ex pedire judicaverit; verūtamen si in ipsa Beneficij erectione expresse cautum fuerit ut liceat Episcopo iniunctum onus reduce-re, ac moderari, legē hanc fundationis, quā Decreta hac de re edita non sustulerunt, esse validam, & observandam.

Ad secundum, esse intelligenda de præscriptione facta ab eo, qui eleemosynam tribuit non autem ab Ordinario. Quod si tribuens eleemosynam numerum Missarum celebrandarū non præscriperit, tunc tot Mis-sas

sas celebrari debere, quod præscriperit Op-
dinarius secundum morem suæ Civitatis, vel
Provinciæ.

Ad tertium teneri.

Ad quartum, Sacerdotes, quibus diebus te-
nentur Missas celebrare ratione beneficij, se-
u capellæ, legati, aut salarij, eleemosynas pro
alijs etiam celebrandis suscepérint, non pos-
se eadē Missa utriq; obligationi satisfacere.

Ad quintum, censuit ubi nullam certam e-
leemosynam testator reliquit, esse ab Episco-
po præscribendam eleemosynā congruam,
quæ respondeat oneribus Missarum celebra-
darum secundum morem Civitatis, vel Pro-
vinciæ.

Ad sextum ita esse intelligenda.

Ad septimum respondit, permittendū non
esse ut Ecclesiæ, ac loca pia seu illorum ad-
ministratores, ex eleemosynis Missarum ce-
lebrandarum ullam, utcunq; minimam portio-
nem retineant ratione expensarum, quas
subeunt in Missarum celebratione, nisi cùm
Ecclesiæ, & loca ipsa alios non habent re-
ditus quos in usum earundem expensarum, er-
rogare licet possint, & tunc, quam portio-
nem retinebunt, nullatenus debere excede-
re valorem expensarum, quæ pro ipsomet
tantum Missæ sacrificio necessario sunt sub-
eundæ, & nibilominus eo etiam casu curan-
dum esse, ut ex pecunijs, quæ supersunt, ex-
pensis ut supra deductis, absolute tot Missæ
cele-

celebrentur, quot præscriptæ fuerint ab of-
ferentibus eleemosynas.

Ad octavum, non habere locum, sed satis
esse, ut Rector beneficij, qui potest Missam
per alium celebrare, tribuat Sacerdoti ce-
lebranti eleemosynam congruam secundum
morem Civitatis vel Provinciæ, nisi in funda-
tione ipsius beneficij aliud cautum fuerit.

Ad decimum, debere absolute integrām
eleemosynam tribuere Sacerdoti celebラン-
ti, nec ullam illius partē sibi retinere posse.

Ad undecimum, respondit, non prohibe-
re absolūtē: Ac propterea, et si oneribus ja
susceptis non satisfecerint, posse tamēn no-
va etiam onera suscipere Missarum celebラン-
darū, dummodo infra modicum tempus pos-
sint omnibus satisfacere.

Ad duodecimum, quamvis onera suscepta
infra modicum tempus adimpleri nequeant,
si tamen tribuens eleemosynam pro aliarum
missarum celebratione, id sciat, & consenti-
at, ut illæ tunc demūn celebrentur, cūm
susceptis oneribus satisfactum fuerit, Decre-
tum non prohibere, quominus eo casu ele-
mosyna accipiatur pro ijsdem Missis iuxta
Benefactoris consensum celebrandis.

Ad decimum tertium, has pœnas non habe-
re locum, nisi in suscipientibus onera perpe-
tua Missarum celebendarum sine licentia E
piscopi, vel eius Generalis Vicarij, aut Ge
neralis vel Provincialis.

Ad decimumquartum, Comprehendi.

Ad decimumquintum, non posse nisi de consensu eorum, qui eleemosynas tribuunt, ut supra in responsione ad duodecimum.

Ad decimumsextum, comprehendi etiam privatos Sacerdotes.

Ad decimumseptimum, numeri præfixionem esse iterum facienda servata forma ultimi Decreti hac de re editi.

Ad decimomoctavum, esse admittendos ad professionem si alias habiles existant, ac deinde in aliquo alio Monasterio eiusdem Religionis esse collocandos, ubi commodè alii possint.

Ad decimumnonum, censuit comprehendere.

Ad ultimū, habere locū etiam extra Italī

DUBITATIONES

AD HOC DECRETUM.

QUæres I. an Prælati locales, die præscripta teneantur curare, ut hæc Decreta legantur. Respondeo: ex declaratione Sacre Congregationis facta 12. Matt. 16. 38. ad instantiam Procuratoris Generalis Eremitarum S. August. lectionem præsentium decretorū posse fieri sive ipsa die præscripta in illis, sive infra terminum decem dierum immediatè sequentium, sive etiam infra terminum unius mensis immediatè sequentis, prout declaravit

49 51 50

Vit eadē Sacra Congregatio 16. Aprilis 1628.
ad petitionem Canonicorum Regularium La-
teranensium S. Augustini.

Ad eorundem petitionem declaravit Sacra
Congregatio II. Februarij 1648. tempus fa-
ciendi commonitionem circa decreta iussu
Urbani VIII. edita die 7. Iunij 1633. & in-
fra mox afferenda, extendi per totum men-
sem Augustum, & hanc extensionem sufragati
omnibus Religiosis, occurrente tamen ju-
stā causā potest anticipari præfata commoni-
tio cùm præfixio temporis non sit in cultum
ipius temporis, & plus solvat, qui solvit ante
tempus.

Quæres II. an prohibitio non recipiendi
multiplex stipendium pro una, ac eadē Mis-
sa, adstringat Regulares ubiq; existentes,
etiam extra Italiam? Respondeo, adstringe-
re. Et prob: tūm ex eō, quod hæc Decreta
quo ad hoc, loqvuntur generaliter, ut patet
eorum tenorem legentis lex autem genera-
liter loquens generaliter debet intelligi: tū
quia, si S. Congregatio voluisset, quo ad hoc
obligare solum Regulares degentes intra I-
taliam hoc ipsum expressisset, sicut inferius
expressit, dūm obligavit eosdem Regulares
ad computandam summam omnium reddituū
annuorum, aut eleemosynarum, eamque au-
thentica forma mittendam ad ipsam Sacram
Congregationē cùm numero familiæ, & sin-
gulorum Conventuum siquidem talem obliga-

tionem non extendit ultra Italianam & Insulas adiacentes: ut constat ex ijs verbis, *Existentium intrà fines Italiae, & Insularum adjacentium: ex quo infero, quod, Sacra Congregatio, loquens de prohibitione non recipiendi multiplex stipendum, nullam talem limitationē apponat, signum est, eam velle, quo ad hoc obligare Regulares, sive existentes intra Italiam, sive extra.*

Quæres III. an quando capitale deperijt sine culpa Conventū, teneatur Superior facere celebrare? Respond: negativē, tūm quia nullus Sacerdos obligatur sine stipendio; tūm quia intentio testatoris præsumitur velle obligare Sacerdotē seu Monasteriū, in quantum recipit stipendum, & non aliter, Tum quia datur beneficium, propter officium, ergo quando beneficium hoc est, capitale, seu salarium perijt, officiū quoq; celebrandi debet perire.

Neq; declaratio S. Congregationis, quia statutum est, etiam in casu, quo legatum sit adeo tenue, ut non sit, qui velit onus illi inunctum subirè, recurrendum esse ad Sedem Apostolicam pro moderatione oneris: non inquam talis declaratio videtur extendi ad casum præsentem, in quo supponimus, legatum omnino extingui; ut quid enim recurrere ad Sedem Apostolicā pro moderatione oneris, si nullus relinquitur locus moderationis? cùm ergo lex non obliget ad actum otiosum

osum, dicendum est, Sacram Congregationem non extendisse illam suam declarationem ad præsentē casum cum sit diversa ratio de hoc ac de illo: & ubi est diversa ratio, diversa quoq; dēbeat esse juris dispositio. Dixi sine culpa, quia subsistente culpa adhuc Sacerdos seu Religio remanet obligata, quia nemo debet pati damnum ex culpa aliena.

Quæres IV. an privilegium si concedatur Episcopo alicui reducendi onera Missarum suæ Diœcesis, extendatur, vel intelligatur etiam respeciu Regularium, ita quod Episcopus possit reducere onera Missarū Regulariū

Respond: potest Episcopus virtute illius privilegij, reducere etiam onera Missarū Regularium, modò verba non restringant privilegium ad onera solum Clericorum fæcularium. Probatur, quia etiam onera huiusmodi spiritualia commissa Religiosis, ex propria vocabuli significatione dicuntur onera Diœcesis Episcopi habentis privilegium, ergo illud extenditur etiā ad Religiosos, quod confirmatur, quia Episcopus ex debito sui officij, de jure communi potest exequi, disponere de ultimis voluntatibus testatorum tam Civili Cond. de Episcop. & Cler. quam Canonico Cap. nos quidem 3. cap. tua nobis 17. ubi sermo est etiam de religiosis de testam: Clem. de testam. ubi Ordinarius loci rationem exigit à Religiosis etiam exemptis de executionibus testamentorum, ergo cùm Religiosi in hoc, quod

Ez

odi-

odiosum reputatur Episcopo subiaciant, ed
magis in hoc favore, ut possint ab eo procu-
rare reductionem Missarum,

Quæres V. an Abbates & Generales Or-
dinum possint in Capitulis Generalibus Mis-
sas Capellaniarum, & Anniversariorum justa
de causa ad minorem numerum reducere Re-
spondit Id illos potuisse ex Concilio Tridentino
sess. 25. de reform. c. 4. Nullatenus tamē
jam id possunt facere propter Decretum ad
ductum, Possunt tamē Generales in Capi-
tulis Generalibus re diligenter perspecta jus-
ta predictum Decretum Concilij Trident. fa-
cere reductiones Missarum (idem militat de
anniversarijs, & Officijs defunctorum, quæ an-
te prædictum Concilium relicta erant, non
in limine fundationis, sed pro alia causa)
qualia sunt relicta in ultimis voluntatibus; ac
testamentis per modum Legati. Ratio est,
quia in Decreto præsenti solum prohibetur
reductio onerum Missarum, quæ aut post idem
Concilium imposta, aut in limine fundationis, ergo
illa, quæ ante Conciliū & non in limine fun-
dationis imposta erant non prohibentur re-
duci.

Quando autem id fiet, curandum est, ut
piæ fidelium voluntates quam minimum de-
fraudentur, & hoc faciendo aliquā compen-
sationem, v. g. vel celebrando Missam Ge-
neralem pro ijs in una quaq; hebdomada, vel
singulis ferijs secundis recitando pro ijsdem
ali-

aliquem Nocturnum defunctorum, vel in una ac eadem Missa dicendo pro illis varias collectas.

Difficultas esse potest, an Generales Ordinum huiusmodi facultatem reducendi Missas possint delegare etiam alijs.

Respondeo, posse; dummodo isti alij reductionē faciant in Capitulo Generali: quod semper est servandum, ut potè in forma concessionis expressa præscriptum, (quamquam si ea redūctio fieret extra Capitulum Generale adhuc posset cenferi valida, cùm in forma concessionis nulla extet clausula irritans reductionem factam extra capitulum Generale, (ut patet) Ratio responsionis est. Quod quoties aliquid conceditur Prælatis præsentibus, & futuris in perpetuum non potest dici, quod eligatur industria personæ; cùm personæ incognitæ delegetur, ut bene notat Sanch. lib. 2. de matrim. disput. 40. num. 17. Quando autem non eligitur industria personæ, facultas concessa potest delegari: unde in præsenti casu, cùm facultas reducendi Missas concedatur Generalibus præsentibus, & futuris, dicendum est, eos posse illam delegare, ut potè ipsis jure ordinario competentem, & concessam ratione officij, non verò industriæ ipsorum specialiter eleætæ.

Quæres VI. an non obstante hac prohibitione possit duplex stipendium recipere, qui in Ecclesia aliqua tenetur celebrare, sine ap-

plicatione sacrificij. Respond. affirmativè, quia tunc datur stipendium non pro applicaⁿtione sacrificij, sed pro commoditate populi, & cultu Ecclesiæ, & ideo potest eleemosynam aliam Sacerdos recipere pro sacrificij applicatione, absq; eo, quod contrahat peccatum; & restitutionem illius eleemosynæ. Sed adverte, quod in dubio non præsumitur datum; pro cultu Ecclesiæ, sed pro applicatione sacrificij. Dantes enim stipendia pro Missa, omnem fructum ipsius petunt sibi applicari, appellatione enim rei, simpliciter venit res tota, & non pars tantum, ut habetur in cap. fin de verborum significatione, & nemo præsumitur juri suo renuntiare, nisi exprimat. Nisi aliud constet ex manifestis verbis testatoris, vel circumstantijs personarum, ideo cum Regulares faciunt celebrare in sua Ecclesia festis diebus, vel ob commoditatem personarum vicinarum absque alia expressione, non intelliguntur velle applicationem sacrificij. Pro oblatione dicendi Missam summo mane, vel ad locum distantem, etiā plus stipendijs potest Sacerdos accipere, quia majori labore tunc afficitur. Hinc & pro Missa solenni major eleemosyna debet assignari, quam pro Missa privata, item quando impunitur Missa cum Officio Defunctorum.

Quæres VII. an Sacerdos quotidianaæ Mis-
sa onus suscipiens, peccat mortaliter, si quo-
tidie non celebret? Resp. Legatum factum
à te-

à testatore pro Missa quotidiana, vel referatur ad locum, vel ad personam Sacerdotis. Si ad locum, ut scilicet, quotidie celebretur Missa in tali Ecclesia, Oratorio, sive Capella, aut Altari, tunc Sacerdos potest celebrare per se, sive per alium, quia ubi verba clara sunt, non est recedendum ab eis, at clara est institutio Missæ quotidianæ in tali loco celebrendæ. Ergo huiusmodi Missa debet quotidie celebrari & hoc quo ad primā partem, scilicet celebrationē quotidianā. Quo verò ad personam Sacerdotis, dico, quod duobus modis institutio circa talem personam contingere potest; primò, si in institutione ponatur, quod per se, vel per alium; secundò absolute, & simpliciter, his verbis, vel similibus, scilicet eligatur Capellanus, qui quotidie celebret, & tunc non tenetur Sacerdos quotidie celebrare, sed quanto frequentius poterit, salva propria honestate, & debita, veneratione tanti Sacrificij. Ratio est, nam Sacerdos non est quotidie aptè dispositus ad offerendum tantum Sacrificium, ergo institutio Missæ quotidianæ sine ulla vacantia illicitā esset si peccandi materiā præstaret. Vacantia autem huiusmodi à Missæ celebrationē semel in hebdomada originē habet à cap. significatum de præb. ubi ea conceditur ad peccatum ex mala dispositione evitandū, & causa majoris devotionis, & honestatis, quare his causis cessantibus, cessat etiam juris concessio.

sio. Prædicta intellige, si stipendia dentur omnia simul, secus si dentur de die in diē singularis diebus, tunc enim Sacerdos abstinere debet à recipiendo stipendio, eo die, quo a celebratione vacat. Quod si autem explicetur, quod quis per se, vel alium celebret, defectus oneris suppleri debebit per alium.

Concedendum etiam est Sacerdotem prædictum obligatum pro quotidiana celebratiōne, q̄oſſe aliquando in anno, quater, vel sexies, vel forte ſepiū pro ſeipſo, vel pro aliq̄ibus ſuis coniunctis ad obtinendam ſpeciālem gratiam, vel pro anima parentum, vel amicorum, vel benefactorum celebrare, quia credibile eſt institutorem quotidianæ Missæ ſi de tali re tam æqua, & justa interrogatus fuifſet, illam non denegafſet, alias nimis intollerabile eſſet onus quotidianæ celebratiōnis, ſi obligationem naturalem, & charitatem in propriam personām, & in parentes, aut amicos, vel benefactores ei præcluderet & ſemper pro institutore quotidianæ Missæ celebrare deberet.

Si verò obligetur Sacerdos ad Missam celebrandam peculiarem nempe votivā, aut de mortuis, licet tale fuerit legatum testatoris, poterit adhuc celebrare de feſto, aut de feria currente, maximè ſi festum ſit duplex Unde in cap. significatum de præbend. ſummus Pontifex noluit approbare institutionem Missæ quotidianæ de S. Maria, ſed declaravit, quod

Sa-

Sacerdos ad huiusmodi præbendam electus,
tenetur celebrare Missarum solennia.

Sed particularis adhuc scrupulus est, circa
Missas de Requiem, nam aliqui tenent; quod
si obligatio ex institutione, sive ex largitio-
ne eleemosynæ proveniat tunc Sacerdotem
teneri ad Missam de Requiem celebrandam.
Verū huiusmodi sententia nimis rigorosa vi-
detur, imo aliquando derogare posset rubri-
cis Missalis, in quibus habetur, Missam cum
officio concordare debere, quod maximè lo-
cum habet in festis duplicitibus; tūm quia re-
spectu fructus qui habetur ex ipsa Missa, si lo-
quamur de valore operis operati, omnes Mis-
sa sunt omnino eiusdem valoris; respectu au-
tem valoris accidentalis, qui est ex Sacerdo-
te celebrante, & verba, ac orationes in Mis-
sa recitante, qui est valor ex opere operan-
tis, potest esse æqualis, imo major in Missa de
Sancto.

Verū quidem est, quod quia orationes,
quas Ecclesia pro defunctis ordinavit, magis
direcťe petunt esse etum liberationis anima-
rum ē Purgatorio, & alia etiam, quæ in Mis-
sa de Requiem dicuntur expressius miseriam
animarum in Purgatorio existentium demon-
strant, possunt de facili circumstantes exci-
tare ad orandum pro ipsis, hinc est quod in
die obitus, vel præsente defuncti corpore,
aut in die tertio, vel septimo, vel in Anni-
versario solemni, utilior esse poterit Mis-
sa de

de Requiem, atque ita à Sacerdote illa potius celebranda erit quam alia: dummodo tamen non sit festum duplex, aut dies Dominicus, in quibus ex Rubricis Missalis non conceditur Missa de Requiem, nisi præsente funere.

In hac tamen re admonendus est petens Missam pro defunctis, & juxta prædicta instruendus, ne scandalo afficiatur, dum petens Missam de Requiem, aliam audit; tūm quia facile ei hoc persuaderi potest, tūm quia Sacerdos tūtiū agit, præmissa hac admonitione

Quod si Sacerdos stipendio accepto, vel alias expresse Missam de Requiem promiserit, eandem omnino dicere debet, quia teneatur implere promissū, & alias gravissimè pectoraret, violando virtutē fidelitatis, præcipue si promissum esset juramento obfirmatum, ut saepe evenit in obligationibus Missarū in forma stipulationis acceptis.

Quæres, VIII. an non obstantibus præfatis Decretis recipi possit duplex stipendum pro eadē Missa, si stipendia recepta sint valde exigua, incongrua, & minora stipe ordinaria legitimè taxata, Sacerdotesq; ratione gravioris mendicitatis cogantur illa acceptare, alias non acceptaturi. Respondeo Negative, Prob. tum ex Decretis Sacræ Congregationis adductis. Si enim verba relata expendantur & contextus ipsorum, maxime verba illa proemij scilicet: ut Sacerdos pro necessaria

faria sua sustentatione novis se oneribus obstringere compellatur, inspiciantur, facile cognoscetur non solum hanc esse mentem ejusdem Congregationis, sed hunc fuisse finem edendi dicta Decreta. Tum quia Christus, aut Ecclesia non instituit Missas ad alendos pauperes Sacerdotes, immo Ecclesia sanxit, ut nullus pauper ordinaretur cap. non liceat, cap. Episcopus eiusdem. ¶ cum secundum de præbendis in Concil Trident. sess. 21. c. 2. ubi pro Sacerdotum Ordinatione, Beneficium, aut Patrimonium petitur. Immo etiam cap. Clericus victum distinct. 61. decernitur quod Sacerdos in paupertate incidens, aliqua arte, sive agriculturâ sibi victum quærat. Tum quia esto, quod Sacerdotes possint pro ministerio Altaris, subsidium corporalis alimenti accipere, ut colligitur ex Paue 10. Corinth. 9. irrationabile tamen prorsus est, ut pro semihoræ labore, qualis est ille, qui in Missis dicendis exhibetur totum diei alimen-tum exigant. Tum denique, quia paupertas Sacerdotis non dat illi jus ad recipiendum, ultra justum stipendium taxatum, sicut nec in alijs rebus paupertas vendentis auget pretium rei, quæ venditur.

Quæres IX. Quid dicendum sit, si aliquis petens à Sacerdote v. g. quinque Missas, porrigendo ei pecuniam chartâ involutâ, quam cum acceperit Sacerdos & Missas promiserit reperit postea, stipendium esse insufficiens.

Respondeo sine præjudicio obedientiæ
De-

Decreti S. Congregationis posse tunc Sacerdotem reducere Missas ad rationem justi stipendij, dummodo moneat eum, qui petiit Missas, defacto, ad hoc ut sibi consulere possit & de alijs Missis providere. Ratio est, quia tunc justitia inter dantem, & accipientem non est æqualis, ideo Sacerdos, qui justitiam stipendij ignoravit, si novisset, non acceptasset tale onus, est Iæsus & rationabiliter invitus hoc passus est gravamen, ac proinde se indemnem servare potest absq; præjudicio justitiae. Neq; hic Sacerdos damnum infert animabus, pro quibus Missæ petebantur, consultit enim juri suo, quia ut dixi, admonere poterit Sacerdos eum, qui stipendia insufficiencia tribuit, à quo detrimentum infertur animabus, qui occultato stipendio, plures Missas habere præsumpsit; atq; ita afferit Azorius tom. 3. lib. 12. cap. 6. quest. 3. qui addit Sacerdotem posse tunc officium judicis implorare

Quæres X. an possit dici transgressor eorum Decretorum Regularis, qui habens Missam ex stipendio obligatā, ab alio recipit alterum stipendum, cum onere orandi pro eo in eadem Missa, aut etiam recitandi aliquam Collectam, seu orationem pro defuncto.

Respondeo Regularē in hoc casu vere nō posse dici transgressor eorum Decretorū, patetque ex eo, quod quando eiusmodi Decreta præcipiunt, ut absolute tot Missæ celebrentur, quot ad rationem attributæ Ele-

mosynæ præscriptæ fuerint: supponunt dantes stipendium intendere, ac velle sibi applicari totū sacrificium; cum tamen in casu nostro, alter ex dantibus stipendium non petat, nec intendat applicationē Sacrificij, sed solum ut Sacerdos, qui recipit stipendium, pro eo in Missa oret, aut dicat aliquam Collectā alias habens jus exigendi applicationem totius Sacrificij: quod tamen non facit defacto, cedens juri suo. Ita Fraxin. monens ad id sufficere consensum petentis, etiam tacitū; qualis posset etiam rationabiliter præsumi in casu, quo quis sciens Sacerdotem esse obligatum ad celebrandum pro alijs, nihilominus ei eadem, aut simili occasione daret stipendiū pro Missa, Sic enim censetur cedere juri suo, iuxta illud Volenii, *& consentienti non fit injuria & præsumitur esse contentus ut in Missa pro eo solum oretur, aut dicatur Collecta, seu Oratio modo supradiecto.* Addit Fraxin ex Suar. Azor. Bonac. & alijs, quod sicut Sacerdos recipere potest pro Missa stipendium maius, quam lege, aut consuetudine taxatum fuerit, si gratis & sponte offeratur, ita & poterit Sacerdos, si voluerit, recipere pro Missis stipendiū minus, quam fuerit taxatum; alioquin leges Prælatorum excluderent pietatem: & ipsa virtus iustitiæ impediret opera Christianæ liberalitatis, ac misericordiæ: quod sine dubio esset maximum inconveniens.

Quæres XI. an Regulares casu, quo ange-
atur

atur res legata Ecclesiæ pro Missis celebran-
dis, teneantur etiam ipsi augere numerū Mis-
farum;

Respondeo non teneri, si tale augmentum
proveniat non ex ipsa re simpliciter, sed ex
industria, labore, ac expensis ipsorum Regu-
larium: sic quippe augmentum, est præmium
laboris, ac fructus industriæ, adeoq; non de-
bet inducere obligationem maioris oneri.
Secūs, si dictum augmentum procedat ex ca-
su aliquo fortuito (ut si fundus assignatus pro
Missis sit vicinus flumini, & flumine receden-
te à suis terminis, ille notabiliter augeatur ex
alluvione) tunc enim augeri debet numerus
Missarum, ut patet, tum ex c. fin. de verb. si-
gnificatio ubi dicitur, quod si fructus præben-
darum creverint, debet augmentum conver-
ti in utilitatem Ecclesiæ, id est, *Glossa* expo-
nit, in pias causas, qualis in nostro casu est,
quod augeatur numerus Missarum in refrige-
rium animæ testatoris: tum quia contrariorū
eadem est disciplina; idemq; operatur oppo-
situm in opposito quod propositum in propo-
sito I. *quod in rerum Parag. Si quis potest de legat.*
I. & sic quemadmodum par est, ut diminutis
stipendijs minuatur numerus Missarū per le-
gitimum Superiorē modo infra explicando:
ita & aucta re legata æquum est, ut augeatur
numerus Missarum cum commodum ab incō-
modo reguletur. I. secundum naturam ff. de re-
gula jur.

Quæ

Quæres XII. an sit obligatio celebrandi Missas eo numero, quo relictae sunt, si contingat stipendium illarum minui & redditus legati ad illum effectum relicti non corresponsante justo stipendio tunc currenti.

Respondeo non teneri: nisi hæredes, ex bonis hæreditatis suppleant stipendium: non posse tamèn propria autoritate numerū Missarum diminuere, sed eo modò, quò dicemus infra. Ratio responsionis est, quòd sicut regata pro Missis notabiliter aucta, augeri debet Missarum numerus, juxta dicta q. præc: ita & regata diminuta, minui debet Missarum numerus; cum non minùs, regulandum sit incommodum à commodo, quam commodum ab incommodo.

Utrum verò hæredes in casu proposito tenentur supplere stipendium?

Respondeo negative, & primò quidē, quia alioquin sæpe sæpiùs insurgerent odiosæ, & perpetuæ lites inter Regulares, ac hæredes antiquorum legatorum, cum non mediocri animorum inquietudine: secundò, quia alias vana esset provisio Concilij Trid. sess. 25. de refor. c. 4. ubi cum sæpiùs contingenteret, ut in quibusdam Ecclesijs eleemosyna pro celebrandis Missis olim imposta adeò tenuis evanisset, ut non facile inveniretur, qui vellet ei se muneri subiçere, & ideo deperirent piæ testantiū voluntates. Sanctissimus statuit, quòd ab Episcopis, vel a Generalibus Regularium

numerus: Missarum restringi, ac minui possit: non autem, quod ab hæredibus majora stipendia exquirerentur: tertio quia testatores communiter curant gravare suos hæredes quam minimum possunt, adeoq; non est ita certum, quod possit præsumi, mentem illorum fuisse, ut aucta decursu temporis Missa stipendia, hæredes tenerentur ad auctiora stipendia. Ita Frakin sup. parag. 24 n. 2. 3. 4. ¶

Quæres XIII. Casu quo, Presbyteri sine notabili expensa, ac incommodo ne quiverint recuperare stipendum Missarum jam celebratarum si postea ab illo eodem petantur Missæ magno numero, & quidem numeratâ pecuniâ, possint quasi titulo compensationis diminuere Missas recens petitas animo resarcendi damnum expensarum, quas facere coacti sunt in recuperando stipendio Missarum alias celebrandarum?

Respondeo, affirmative, quia ex una parte, non minus ex justitia tenetur petens Missas solvere justum stipendum Sacerdoti eas dicenti, quam tenetur Sacerdos, qui recipit stipendum, eas dicere: ex alia parte in obligationibus datur compensatio (ut tradunt communiter DD. cum P. Nav. lib. 3. de restitu. c. 1. o. sum. 392.) cùm ergo Presbyteri in praesenti casu iniuste passi sint damnum, & aliunde non possint illud reparare, ut suppono, non video, cur non possint sibi consulere beneficio compensationis, minuendo modo di-

Eto

et numerum Missarum post illationem talis
damni commendatarum; intellige, dummo-
do id non cedat in præjuditium tertij inno-
centis, quod hic suppono; & omnino suppo-
nendum est, ut patet.

Nec obstat huic responsioni Decretum Sa-
crae Congregationis, præcipiens, ut absolu-
tè celebrentur tot Missæ, quot ad rationem
atributæ eleemosynæ præscriptæ fuerint: si
quidem Sacra Congregatio loquitur de Mis-
sis debitis ex stipendio; cum tamen in præ-
senti casu Missæ, quæ modo dicto omittun-
tur ad faciendam iustum compensationem, non
possint dici debitæ ex stipendio, quantumvis
solutū fuerit stipendum ipsis respectivè cor-
respondens, quippe quod dato jure compen-
sationis, fictione; (ut ita dicam,) juris, non
censetur solutum pro Missis; sed in compen-
sationem damni alias injustè illati, & conse-
quenter, quo ad inducendam obligationem
celebrandi dietas Missas, perinde se habet,
ac si revera non fuisset solutum.

Quæres XIV. An Regulares faciant con-
tra prælentem prohibitionem, si recipient onus
celebrandi Missam quotidianā per 100.
annos absq; implicatione pecunie ad talem
effectionem solutæ.

Respondeo, non facere; cum sub præsen-
tem prohibitionem cadunt solùm onera Mis-
sarū perpetua, quale non est onus celebran-
di per 100. annos, quamvis alias in favora-

bilibus perpetuum dicatur tempus infra 100 annos, & multo magis spaciū 100. Annorū, quod item procedit in odiosis in quibus **perpetuum** proprie significat tempus non habens certum finem juxta *Iurisperitos ff. de excusat. zut Jta Bordon. sup. n. 36.* & meo judicio satis probabiliter.

Quæres XV. An Regulares habentes incorporatum Monasterio capitale fructum 60 aureorum pro obligatione Missæ quodianæ perpetuæ, consistens in molendino, si eveniat, eos in reficiendo molendino notabilem summam pecuniaæ expendere, possint in compensationem per aliquos annos cessare à celebrandis illis Missis, saltē ex parte; vel certe teneantur eas omnes celebrare sicut antea Respondeo, non posse absq; consensu Sacrae Congregationis. Et probatur: tum quia talis cessatio est quædam reductio Missarum, quam nullus inferior Papa facere potest, ut expresse statuitur in allegatis Decretis, *de celebrat. Miss. parag. ca. I.* tum, quia acceptans Capellaniam obligantem ad Missam quotidianam, tenetur quotidie celebrare, nec potest propria authoritate Missas diminuere, quantumvis Capellania sit tenuis; ergo à fortiori non poterit diminui numerus Missarum in nostro casu quo receptum est competens stipendum; tum quia expensæ factæ in refectione molendini, augebunt redditus provenientes ex ipso molendino, sicq; fiet justa com-
pen-

pensatio, absq; eo, quod diminuantur Missæ
injunctæ. Ita in terminis *Bordon.* sup. n. 30.
& bene.

Quæres XVI. An Regularis, qui modo bona fide unica Missa satisfecit obligationi plurium Missarum, ubi devenit in malam fidem, teneatur ad aliquam restitutionem v.g. postquam cognovit non amplius posse practicari doctrinam illam alias probabilem, quod unicâ Missâ satisfieri possit plurium Missarum obligationi.

Respondeo, Licet in isto casu Sacerdos non teneatur id ratione iniustæ acceptio[n]is, cum hic ob fidem bonam nulla culpa interveniat, tamen tenetur ratione rei acceptæ, (ut tenetur, quicumq; bonâ fide recepit rē, quam putat suam, aut censem acquirere justo titulo, si postea deprehendat rem non fuisse suam, aut non fuisse acquisitam justo titulo) sicq; Sacerdos agnita veritate debet vel applicare aliâ Missam, vel restituere stipendiū.

Quæres XVII. An Prælati Regulares possint minuere numerum Missarum saltem ad tempus, ut si aliquo anno contingat fundum pro Missis Legatum aut nullos producere fructus, aut valde tenues? **Respondeo** non posse, si id raro contingat. Ita *Fraxin* sub sect. 7. parag. 5. num. 9. cum *Rodriuez.* & *Perez.* patetque. Tum quia fructus unius anni, compensatur excessu alterius, Tum quia etiam in contractibus civilibus, contrahentes debent

esse expositi tūm lucro, tūm dāmno: alias nō servaretur æqualitas: Tūm quia quibus annis ex crescunt fructus fundi legati pro Missis, non ideo magis multiplicantur Missæ: ergo neq; debent diminui, ut sic incommodum reguletur à commode, juxta dicta superiùs. Dixi si id raro contingat: ut innuerem, quod si sapientius contingeret fundum relictū pro Missis, nullos, aut tenues fructus reddere tunc puto locum habere declarationem Sac. Congregationis quest. 3. relatam.

Quæres XVIII. An præsens prohibitio admittat levitatem materiæ, ut si quis semel tantum unicam Missam applicet duobus diversum stipendium offerentibus?

Respondeo, potuisse olim sustineri sententiam affirmantem, tūm quia parvitas materiæ locum habet etiam in debitis ex justitia: tūm quia DD. oppositi docent, omittentem Missam liberaliter promissam, non peccare mortaliter, ergo nec peccabit omittens ex contractu oneroſo, nimirum ex accepto stipendio, neq; enim in uno caſu infertur gravius dāmnum spirituale, quam in altero, ſupra dāmnum ergo spirituale cūm interveniat ſolum dāmnum temporale procedens ex defraudatione unius stipendij, & hoc ſine dubio de grave non ſit, patet, quod ſicut in multis alijs materijs transgressio excusat à peccato mortali ratione parvitatis materiæ, ita & violatio huius prohibitionis,

Con-

Confirmatur, quia in judicanda gravitate
damni Spiritualis non debet conferri damnum
Spirituale cum corporali (alias promittens
semel orationem Angelicam, & omittens, mor-
taliter peccaret, cum damnum proveniens
ex omissione talis orationis ut spirituale, an-
teferri debeat cuicunque bono temporali)
sed conferri debet damnum temporale cum
temporali, spirituale cum spirituali, quod da-
mnum non esse grave in praesenti, jam dictum
est. Quia tamen Sententia haec contra it
nunc decisioni fel rec. Alexandri Papae VII
ideò huic standum.

Quæres XIX. An sine præiudicio Decre-
torum Sacra Congregationis licite possint Sa-
cerdotes plura stipendia pro una Missa acci-
pere, quando id fiat de petentium consensu
vel interpretativo, vel expresso.

Respondeo, affirmativè, tūm quia scienti,
& volenti, non sit injuria, tūm quia cessant o-
mnes illi fines, quibus Sacra Congregatio mo-
ta fuit ad condendum dicta Decreta, ut ea
intuenti constabit. Nota tamen hunc con-
sensum dare non posse hæredes legatarios, a
ut alienæ voluntatis executores, cum isti nō
sint Domini, sed Ministri.

Quæres, XX. Quomodo Sacra Congrega-
tio præcipiat, ut pecunia aut bona mobilia
investiantur in bonis immobilibus?

Respondeo, Intentum Sacrae Congregati-
onis esse, ut ex fructibus talium bonorum in-

vestitorum sustentari possint Sacerdotes in futurum celebraturi tales Missas. Emenda ergo est nova proprietas, quæ actu fructificet, ut ex fructibus ali possint Sacerdotes Celebraturi. Hoc enim importat propriè verbū *investire*, quo utitur Sacra Congregatio, & per consequens hæc est mens ipsius: sufficit autem reficere, seu ronovare aliquam proprietatem Monasterij, domum v.g. eam reddendo fructiferam, ita ut ex ejus locatione actu percipientur anni fructus, vel vineam, ita ut ex ipsa etiam fructus percipientur. Item si census impositus esset super aliquod bonum stabile fructiferum Monasterij, tunc extructio illius esset quædā virtualis investitio talis pecuniae in bono stabili fructifero; novos fructus fructificante, cum per illam accrescerent Monasterio illi fructus, qui in solutione redditū census expendebantur, & per consequens salvaretur intentio Sacrae Congregationis.

Onus porro celebrandarum Missarum non incipit à die acceptatae, aut depositatae pecuniae pro ipsis celebrandis, sed à die implicationis, seu investiturae. Ratio est quia solum ab hoc tempore incipit data pecunia esse fructuosa; aut afferre utilitatem Ecclesiæ. Nec obstat, interim privari animas defunctorum legantium, Missarum sufragijs: quia hoc provenit ex difficultate inveniendi bona fructifera, in quibus implicari possit ea pe-

cu-

cunia. Unde potius id imputari debet Hæredibus testatoris, qui si prædium, vel aliquā rem immobilem Ecclesiæ pro onere Missæ legatæ tradidissent, utiq; Ecclesia suæ obligatiōni satisfecisset.

Quæres XXI. An licet anticipare Missas, id est, dicere illas ante præfixum tempus à te statore, vel institutore?

Respondeo licere, nisi contrarium expreſſe declaretur ab illo. Quia generaliter loquendo, anticipata solutio nullo modo præjudicat, sed prodest creditori. Unde Sacerdos obligatus ad dicendum 15. Missas v. g. singulis Mensibus, potest hoc Mense dicere 30. pro præſenti, & ſequenti: ſecūs dicendū quando designatione temporis pro Missis dicens facta eſt à testatore propter aliquam rationabilem cauſam, ut ſi i[n]ſtituit Missam Ferria 6. in honorem paſſionis Domini, & Sabathо pro Beata Virgine, aut propter aliquę decorem Capellæ vel Altaris, commoditatem populi accedentis illas, &c.

Anticipare autem Missas, ipſas applicando pro illis, qui poſtēa daturi ſunt Eleemosynas prohibitum eſt à Sacra Congregatione Concilij ut videre eſt apud Tamburinum tom. 2. de jure Abbatum, Diff. 5. q. 9. Lexanam tom. 5. Voc. Miffa. Quam declaracionem, & ſententiā emanat ſe à fel. rec. Paul. V. refert Franciscus Sosa in libello de non fundandis novis Conventibus in Regno Castellæ p. 2. Barbosa verò loco citato vult e-

manasse à Clemente VIII cùm tamen huiusmodi declaratio die 5. Novembris 1605. sit data, quo tempore erat Summus Pontifex Paulus V. & Clemens VIII die 3. Martij eiusdem anni decesserat, causa huius diversitatis oriri potest ex hoc, quod opinio de Missis anticipatis fuit delata ex Hispania, & Clemente VIII exhibita, & ab eodem Sacra Congregationi predictæ commissa, in eaq; decidenda contigerit mors supradicti Pontificis, & promulgata fuerit tempore Pauli V. Sed hoc parū ad nos sufficiat, hoc declaratum fuisse à Sacra Congregatione.

Quæres XXII. An possit quilibet etiam vivens sibi officium defunctorū, & Missam pro defunctis celebrari facere?

Respondeo, Optimum esse consilium id facere, ne forte postea hæredes, ut frequenter fit, & pigri sint, & negligenter se gerant in huiusmodi suffragijs faciendis cum detrimento animarum ipsorum defunctorum. Primo quia credi par est, ita institutū esse à Christo hoc sacrificium, & ab Ecclesia tale officium mortuorum, ut prodeesse possent ei, cui applicantur pro quacunq; necessitate & occasione, in qua futurus sit capax effectus illorum, ita ut interim non maneat suspensus, sed veluti reservatus in acceptatione divina, eò modo, quod docent Theologi merita mortificata per peccatum, manere in DEI acceptatione retribuenda dum homo capax illorum.

rum fuerit. Unde non applicantur simpliciter pro vivis, sed mortuis quia applicantur vivis, pro tempore, quo mortui fuerint. Secundò; quia ita gessisse insignes viros pietate & doctrina, constat ex historijs: nam de *Alberto magno* id refert *Ferdinandus de Castello* in *Histor. gener.* S. Dominici p. 2. lib. 3. cap. 46. & de *Henrico Comite de Ratenec*. *Episcopo Ratisbonen* si *Wiguleus Hundus* in *Hist.* Quod etiam imitati sunt, teste *Lezana* loco citato plures alij pietate & devotione conspicui. Tertiò, quia id fayet non modò devotioni, sed etiam humiliati, & memorie mortis, quæ admodum utilia sunt hominibus.

Limitant tamen aliqui, dummodo non dicuntur eæ orationes quæ supponunt aliquem obijisse v. g. *Oratio Inclina Domine, in qua dicitur, quam de hoc saeculo migrare iustificari*. ne mendacium committatur. Sed contra: in Missis defunctorum dicimus in offertorio; ne cadant in obscurum, ne absorbeat eas tartarus, hoc est: ne animæ ad purgatorij poenas detrudantur, cù tamen ibi iam sint, vel fuerint, & tamèn nullum mandacium committitur quia tunc Ecclesia repræsentat illas animas Christo, ac si tunc essent e vita discessuræ, easque considerat quasi adhuc agonizantes, sic in casu præsenti, ut veritas salva persistat, sufficit si Ecclesia sacerdos oret pro vivo & repræsentet eum Christo Domino, ac si jam vitam cù morte commutaverit.

Quæ.

Quæres XXIII. Utrum Sacrificium Missæ pluribus applicatum æquè profit cuilibet, ac si pro ipso solo applicaretur?

Respondeo: quod licet illud sumptum pro Orationibus, cœremonijs &c. applicatū pluribus non æquè profit cuilibet, atsi pro ipso solo applicaretur, cùm valor & effectus, ipsius illo modò finitus sit, omne autem finitū si dividatur inter plures, minus participatur à quolibet, quam si soli ipsi communicaretur; nihilominus sumptum secundò modò, scilicet pro eo in quo consistit essentialiater ratio Sacrificij, descendū est contrarium; scilicet quod pluribus applicatum à Sacerdote, tantū prodet cuilibet, quantum singulis, ita ut nihil detrimenti accipiat ille, pro quo Missa celebratur, si pro alijs etiam applicetur. Colligitur primò ex Canone 23. *non mediocriter de consecr.*
dīst. 5. ubi ex Divo Hieronimo (estō ea saltem omnia in ipso non reperiantur) sic habetur. Cùm igitur pro cunctis animabus Psalmus, vel Missæ dicitur, nihil minus quam si pro uno quolibet ipsorum diceretur, accipitur. Colligitur secundò ex infinite valoris Missæ, quemadmodum enim si in mari esset aqua infinita, quantumvis infiniti homines ex eo aquam haurire possent omnes quantum vellent aquæ haurire sine detimento aliorum & absquè eò quod mare evacuaretur: infinitū enim inexhaustibile est, & finiri non potest. Ita similiter de Sacrificio Missæ affirmandum est. Colligitur tertio,

exem-

exemplo passionis, & meritorum Christi, ex
eò enim quòd valor illorum infinitus est, pos-
sunt pluribus applicari sine detrimento ali-
cuius, & pluribus applicata, æquè profund u-
nicuiquè ac si pro illo solo applicarentur, er-
go à pari, &c.

DECRETUM.

S. D. N. PAPÆ
URBANI VIII.

Feria V. die 14. April. 1633. editum, de Obser-
vantia Constitutionum Apostolicarum, ac Decretorum
pertinentium ad S Officium sub pena privationis Of-
ficij, & vocis activæ ac passivæ ipso facto, alijſt pæ-
nis arbitrio Sue Sanctitatis legendum Feria 6. post O-
ctavam Assumptionis B. V. MARIAE.

Sanctissimus Dominus Noster sedulò incum-
bens, ut ea quæ salubriter Apostolicis de-
cretis, & constitutionibus statuta, & ordina-
ta sunt, præsertim quæ ad Sanctum Officium
Inquisitionis contra hæreticam pravitatem per-
tinent, inviolabiliter observentur, & omni-
modam sortiantur executionē, districtæ man-
dat, & præcipit, ut omnes Superiores cuiusvis
Ordinis, Congregationis, Societatis, etiam
de necessitate exprimendæ, Regularis, si-
ve cuiusvis alterius instituti, etiam quantum-
vis exempti, & privilegiati, teneantur sub
pœ

pœna privatiōnis Officij, ac vœis activæ, & passivæ ipso facto incurrenda, alijsque arbitrio Sanctitatis suæ infligendis, in perpetuum semel saltēm in anno, id est feria sexta post octavam Assumptionis Beatæ MARIAE Virginis in publica mensa, vel in Capitulo ad hoc specialiter convocato, & insuper in quocunquè Generali, ac Provinciali Capitulo, Conventu, Dieta, vel alio quovis homine iunctuato Capitulari congressu, suos subditos, ac Religiosos commonere de iniuncta omnibus obseruantia, & executione earundem Apostolicarum constitutionum, & Decretorum ad S. Officium Inquisitionis adversus hæreticā pravitatem pertinentium ac præsertim.

IULII III. Constit: incipit, *Litet à diversis;* contra impedientes Inquisidores hæreticæ pravitatis in eorum Officio aut in causis Inquisitionis se ingeren tes, eorumque complices, & fautores; & contra ipsos Inquisidores admittentes Laicos ad criminis hæresis cognitionem. Et Pij V. constitut: 82. incipit: *Si de protegendis, contra occidentes, verberantes, deiijcientes, aut per terre facientes quemvis ex ministris S. Officij Inquisitionis, vel Episcoporū id munus in sua diæcesi, vel Provincia obeuntium accusatorem, denuntiatorem aut testem, in causa seu fidei quomodo cunquè productum, vel evocatum: nec non contra diripientes, expugnantes, invadentes, incendentes, expilantes, aliye exportantes*

ali-

alicuius prædictorum bona, libros, literas, auctoritates, exemplaria, regestræ protocolla, exempla, scripturas, aliave instrumenta, sive publica, sive privata, ubicunq; posita, eorum que complices, & fautores: & contrâ effringentes carcerem, vel custodiam publicam, vel privatam, extrahentes, vel emitentes vincitum, prohibentes capiendum captumve eripientes, recipientes, ocultantes seu facultatem effugiendi dantes, seu id fieri jubentes, eorumq; complices, & fautores etiam effectu non secuto, nullatenus excusandos, nisi claras tantummodo probationes contrarium adducentes, & contra intercedentes pro præfatis delinquentibus infictis contra quemlibet prædictorum pœnis, quæ damnatis ex primo capite legis Iuliæ Maiestatis, eorumq; filijs irrogantur: & oblata revelantibus impunitate.

Pij IV. Constitut: 23. incipit, Cum sicut nuper, contra Sacerdotes, qui pœnitentes mulieres in actu Sacramentalis confessionis ad inhonestos actus provocare, & allicere tentant, & sollicitant. Gregorij XV. constitut.

(3) 43 incipit Universi Dominici gregis, ampliative circa hujus criminis probationes & extensivè contra Confessarios, qui personas (quæcunq; illæ sint, ad inhonestâ, sive inter se, sive cum alijs quomodolibet perpetranda in actu sacramentalis confessionis, sive ante, sive post immediate, vel prætextu confessionis,

Vel

vel extra occasionem confessionis in confessorio, aut alio in loco ad audiendam confessionem electo, sollicitare, vel provocare tentaverint aut cum eis illicitos, & inhonestos sermones, sive tractatus habuerint. Et contra Confessarios non monentes eos, quos sciunt ab alijs Confessarijs sollicitatos esse, ut Inquisitoribus, vel Ordinarijs sollicitantes denuntiant, vel docentes eos ad ita denuntian- dum non teneri.

Gregorij XIII. *constit.* 22. incipit, *Officij nostri Partes*, de jurisdictione Inquisitorum hæreticæ pravitatis in eos, qui ad ordinem Presbyteratus non promoti, Missas celebrant, & sacramentaliter confessiones audiunt. Clement: VIII. *constit:* 81. incipit. *Et si alias, declaratoriæ pœnæ contra eos infligendæ per Iudices Laicos, prævia eorum degradatione.* Et Sanctitatis suæ *constit:* 79. incipit. *Apostolatus Officium, extensivè ad minores 25. annis, dummodo vigesimum ætatis annum compleverint.*

Sixti V. *constit:* 17. incipit *Celi & terra Creator, contra exercentes artem Astrologiaj judiciariæ, & alia quæcunq; divinationum genera, librosve harum artium legentes, vel tenentes.* Et Sanctitatis suæ *constitutio, 113. incipit, Inscrutabilis judiciorum D E I, extensive ad alia, & cum gravioribus pœnis.*

Clementis VIII. *constit.* 42. incipit *Cum sicut, contra Italos, ne extra Italianam profici-*
Scan-

scantur ad loca, in quibus liber cultus, sive
usus Catholicæ Religionis non existat, minus
quæ in eis locis habitent. Et Gregor: XV.
constitut: 28. incipit, *Romani Pontificis, contra*
Hæreticos, ne in locis Italæ, & Insularū ad-
jacentium quovis prætextu commoretur, &
contra eorum fautores, & receptatores.

Pauli V. constit: 26. incipit, *Romanus Pon-*
tifex, revocatoriæ facultatū Superioribus quo
rūm cunq; Ordinum, & Religiosorum quoquo
mōdō concessarum, cognoscendi causas su-
orum subditorum ad Officium S Inquisitionis
quomodo libet pertinentes.

Ejusdem constit: 97. incipit, *Regis Pacifici,*
innovatoriæ constitutionum à Sixto IV. & Pio
V. de Conceptione Beatae MARIÆ Virgi-
bis editarum impositionis majorum pœnarum
in transgressores, à locorum Ordinarijs & hæ
reticæ pravitatis Inquisitoribus puniendos. Ec
Gregor: XV. constit: 29. incipit *Sanctissimus*
Dominus noster auditis ampliativæ & declarato
riæ prohibitionis asserendi, Beatam MARI-
AM Virginem conceptam esse in peccato o
riginali.

Gregorij XV. constit. 27. incipit *Romanus*
Pontifex in speula, revocatoriæ quarumcunque
concessionū vivæ vocis oraculo factarum. Et
Sanctitatis suæ constit. extensivæ ad quoscunq;
que quantumvis privilegiatos, & exemptos in
cipit Alias fel. recor. Gregorij Papa XV. sub dat. Ro
ma 20. Decembris 1631.

Ejusdem constit. 40. incipit *Apostolatus officium & Sanctitatis suæ constit.* 114. incipit, *Ed modò, revocatoriæ licentiarum quarumcunquè legendi, & habendi libros prohibitos.*

Sanctitatis constitut. 37. incipit *Sanctissimus Dominus noster sollicitè animadvertisens de imaginibus nondum à Sede Apostolica canonizatum, vel beatificatorum cùm radijs, splendoribus, aut laureolis, non proponendis: tabellis, aut luminaribus ad eorum sepulchra non apponendis, eorumvè gestis, miraculis, revelationibus, beneficiorum impetrationibus, nō publicandis, aut imprimendis.*

Pariter *Sanctitatis suæ constitut.* 50. incipit *Sanctissimus Dominus noster pro debito sui Pastoralis Officij, de libris ubicunq; compositis, de qua-cunq; materia tractantibus, ab his, qui leguntur in statu Ecclesiastico, non transmittendis aliò, ut imprimantur, sine Vicarij & Magistri Sacri Palatij in Urbe, vel extra eam sine Ordinarij, & Inquisitoris, aut ab eis Deputatorum licentia.*

Et ejusdem *Sanctitatis suæ constit.* sub dat Romæ die 5. Novembris, 1631. incipit, *Cum sicut accepimus, quòd Constitutiones Apostolicae in concernentibus Fidem Catholicam, & S. Inquisitionis Officium, hactenus editæ, & in posterum etiam super quacunque alia redendæ, omnes Regulares quomodolibet privilegiatos comprehendant? nisi in edendis illis specialiter excipientur.*

Et

Et insuper iisdem Superiores teneantur curare, & efficere, ut huius decreti exempla aliquo in loco apud eos publico affigantur, & affixa conserventur, ita, ut ab iisdem subditis Religiosis omnibus videri ac legi commode queant. Deque huiusmodi commonitione publico documento statim certiorem facere congregationem Sanctissimæ Inquisitionis in Urbe. Et ita mandat & præcipit Sanctitas sua.

DUBITATIONES

AD HOC DECRETUM

Quæres I. An non legentes hoc Decretum peccent mortaliter? Respondeo, affirmativè. Tum quia est omissio in re gravissima, cum in Bullis huius Decreti directè & immediate disponatur de materia, in Ordine ad conservationem, & manutentionē sanctæ fideli, & destructionem hæreticæ pravitatis. Tū quia hanc obligationem sub mortali indicant illa verba *Districte mandat ac præcipit, quæ de se insinuant gravem obligationem, maximè quando simul junguntur Sanchez. libr. 6. c. 4 n. 35.*

Quæres II. An acta Capitulorum Generalium, & Provincialium, in quibus commonitatio de observatione huius decreti neglecta fuit, sint nulla.

Respondeo, negative, quia ex eo non annullantur, neque vocales per illius omissio-

nem sunt privati facultate & iure peragendi
acta sui Capituli, cum poena privationis affici-
at tantum Superiorum Capituli negligentem
commonere vocales de observantia illarum
Bullarum.

Quæres III. An puniendi sint superiores
sub dominijs quorundam Principum non au-
dentes hoc Decretum legere ex prohibitio-
ne fibi facta à Ministris illorum? Respondeo,
negativè: quia sicut metus gravis qui solet ti-
meri ex imperio horum magnatum, excusat
à culpa, ita & a fortiori à poena, quæ necel-
lario supponit culpam.

Quæres IV. An superiores suo muneri sa-
tisfacent per commonitionem, sine formalí
lectione huiusmodi Decreti?

Respondeo, Licet in Decreto dicatur su-
os subditos, ac Religiosos commonere de injuncta o-
mnibus observantia &c. Nihilominus li commone-
re, importare lectionem. Tum quia in Decre-
to fit mentio de publicatione harum Bullarū,
quæ non fit nisi per publicam lectionem Tū
quia finis summi Pontificis per hanc commo-
nitionē est, ut Religiosi deveniant in cogni-
tionem huiusmodi constitutionum ministerio
sui Superioris, per simplicem autem commo-
nitionem in eam venire non possunt. De-
mum in hoc Decreto compendiosè regis-
tratur substantia singularum Constitutionum hu-
ius materiæ ad effectum ut scientificè &
doctrinaliter subditi commoneantur, quod fieri
non

855

non potest sine formalí lectione hujus Decre
ti, ergo &c.

Quæres V. An impedientes ne legantur
hujusmodi Decreta, sint suspecti de hæresi &
pro fautoribus Hæreticorū sint habendi? Re-
spondeo, quod sic, quia efficiunt ut fideles re-
maneant immemores eorum, quæ spectant ad
tuendam fidem, & hæretici liberius errores
suos seminare valeant; dum sciant pœnis Bul-
larum huiusmodi puniri non posse, cum illæ
publicatæ, nequè receptæ fuerint in illorum
sententia.

Quæres VI. Quomodo deferenda sit sche-
da fidem faciens lectio[n]is habitæ de hujus-
modi Decreto.

Respondeo, quod cum Pater quidam Soci-
etatis Generalis, visis & consideratis, dictis
declarationibus supplicasset Sacrae Congre-
gationi ut dignaretur declarare infra scripta
dubia pro Societate: nimirum, primum, ubi
non sunt Inquisitores (prout in Germania &c. vel
si sunt, non sunt deputati à Sede Apostolica, cui
presentari debeat præfata fides: secundum,
an sufficiat quod dictæ fides subscribantur à
Superiore locorum, & à suis Consultoribus,
non autem ab omnibus Religiosis ei subjectis,
ad evitandam confusionem in illis locis, in
quibus commorantur quinquaginta, centum
& ducenti Religiosi, die 21. Maj. 1638. Re-
spondit Sacra Congregatio ad primū. Quod
presentent fidem publicationis Decreti Nun-

tio Apostolico aut mittant Patri Generali, qui etiam præsentet Sancto Officio Urbis. Ad secundum. Sufficere inscriptionem superioris, & duorum Consultorum. Quæ duæ declaraciones videntur posse suffragari etiam Religiosis aliorum Ordinum. (& præsertim prior) ita tamèn, ut loco duarum Consultorum, subscribant duo discreti, aut vocales, aut Seniores, juxta usum Ordinis.

Accedamus nunc ad Materiarum explicationem, quæ in allegatis Pontificū Bullis comprehenduntur, & ad majorem earum intelligentiam deserviunt.

Primo Iulij III. & Py V. Bulla agit de Inquisitoribus in sacro Inquisitionis hæreticæ prævitatis officio versantibus. Circa quam.

Quæres I. quid requitatur ut poenæ huius Bullæ incurvantur? Respondeo: Ex parte offendentium, necesse est, ut offendant in ordinum & contemptum Sancti Officij, non ex privato odio, alia ex causa concepto. Ex parte offendit autem, quod actu sit Minister Sancti Officij, aut si jam non est, ut offensus fuerit ex aliqua causa ejusdem officij. Prima pars probatur. Tum quia id expressè dicitur in Bullâ illis verbis: Qui tantum nefas in contemnum Ordinum, hujus Officij, admiserit, tum quia Papa p̄r suam Bullam intendit protegere Officium sanctæ Fidei, & respectu illius personâ ejus Ministrum, sed Persona offensa non spectatur ut Minister Sancti Officij, quando of-

fen-

fensio aliundē causata fuit, quām intuitu Ser
vitij præstīti Sancto Officio, ergo &c.

Secunda pars, quod offendus debeat esse
Minister actu. Probatur. Tūm quia verba
formaliter accipienda sunt, & non per acci-
dens, tūm quia hoc idem specificatur de E-
piscopis ibi id munus in sua diœcesi. & de testi-
bus ibidem, aut testem in causa Fidei.

Tertia pars, quod Minister gaudeat hac pro-
tectione, quandū functo officio offenditur
intuitu officij. Probatur, quia hæc offendio
est in odium sancti officij cùm ex beneficio
præstito illi, offendens moveatur ad offendā

Quæres II. pro quo præsumendū est, quan-
dō dubitatur, an offensa illata fuerit ex con-
temptu Sancti officij, an ex alia causa? Re-
spondeo, Quandō offendens, vel ei consan-
gvineus quærelatus fuit, vel punitus ex cau-
sa offensi sancti officij tunc offensa præsumi-
tur facta intuitu sancti Officij, non verò quan-
dō nihil horū præcessit, quia in hoc casu nul-
la ratio suadet huiusmodi præsumptionem, si-
cut in primo casu.

Quæres III. Qualis debet esse effectus, ex
quo sequuntur actiones in Bulla prohibitæ?
Respondeo. Debet esse aliquis actus exterio-
r & proximus delicto nequè enim leges pu-
niunt voluntatem male agendi, sed actum e-
xteriorum pavæ voluntatis effectum. Con-
firmatur. Quia agitur de re odiosa, ac proin-
de restringenda. Actiones porro prohibitas
vide in Bulla.

Quæ-

Quæres IV. An non obvians ijs actionibus prohibitis cùm possit, fiat reus Bullæ? Respondeo. Non obvians se habendo mere negativè, id est, non influendo physicè, neq; moraliter, hujus Bullæ reus non est, quia in ea prohibentur actus mere positivi, ut occidere, verberare; præbere auxilium: Non obvians vero per actum positivum, v. g. abscondendo arma Ministro Ecclesiæ, qui non possit se defendere, incurrit pœnas, quia actione positiua hic prohibita offendit Ministrum. Ita Cærena Parte 2. tit. 15.

Quæres V. An ratum habens, seu approbans aliquid ex actionibus illis prohibitis, sit reus? Respondeo, quòd non. Quia ne verbum quidem est de hac actione in Bulla, & in materia odiosa utpote stricta, non est facienda extensio de persona ad personam, de delicto ad delictum. Et licet in iure ratiabilitio comparetur mandato, non tanè est mandatum, nisi quo ad fictionem jurs.

Quæres VI. An lacerare removeat aut deputare, seu comburere Edictum factiæ Inquisitionis, affixum in locis solitis si casus in Bulla comprehensus? Respondeo negativè. Quia in Bulla sit mentio de interventibus, diripientibus, seu comburentibus, quæ actu sunt sub potestate Inquisitoris, folia autem Edicti affixa non amplius sunt sub manibus Inquisitoris.

Quæres VII. An iniurians Ministrum Sancti

Eti Officij, sit reus Bullæ? Respondeo negatiæ. Quia actiones in ea prohibitæ habent pro objecto res corporales & materiales, nō opus lingvæ, nec fit mentio de injurijs, quare Bulla cum sit odiosa, extendenda non est, nisi ad expressa.

Quæres VIII. quibus pœnis hæc Bulla afficiat offendentes sanctum Officium? Respondeo. Prima est, Excommunicatio latæ sententiæ, Secunda est, incursio pœnarum criminiſ læſæ Majestatis. Tertia est, confiscatio omnium bonorum. Quarta filij horum sunt infames sicut eorum Patres. Quinta ijdem filij sunt incapaces cujuscunquè hæreditatis, successionis, donationis, aut legati, à quocunque sibi factorum. Sexta perpetuò inhabiles ad dignitatem, tam Patres, quam filij, hujusmodi autem gravioribus pœnis non puniuntur pro qualibet ex dictis actionibus prohibitijs delinquentes, sed tantu quando læditur Inquisitor, vel quisvis alius Minister occiditur. Et in his casibus solent Inquisitores consulere supremum tribunal. Vide Dian, parte 4. tract. 7. resolut. 13. parag. non desinam, supradictæ pœnæ incurruunt etiam per Ecclesiasticos, tam sacerdotes, quam Regulares, qui de gradati, si id gravitas, seu enormitas delicti exigerit, tradunantur curiæ sacerdotali.

Secundo. Pij V. & Gregorij V. Constitutio de Confessarijs tractat, qui pœnitentes dum eos in confessione audiunt, ad actus venere-

os provocant, & sollicitant.

Quæres I. An superiores Regulares in hac causa (idem est de reliquis causis sanctæ Inquisitionis.) nunc procedere possint contra suos subditos? Respondeo. Olim superiores Regulares erant judices suorum subditorum in causis fidei, & delictis hæresis ex Bullis diversorum Pontificum, de quibus *Casarubius, Sorbus ver Inquisitor hereticae pravitatis, Rœt. tom. 2. quæst. 81.* & antiquiora privilegia erant amplissima, excludendo Inquisitores à cognitione harum causarum respectu Religiosorum, postea Clem. VII. & Pius IV ea restrinxerunt; decernendo, quod Inquisitores possent procedere contra Religiosos, modò à suis Superioribus non essent præventi. Demùm *Paulus V. & Urbanus VIII.* edocti, quod negotia contra hæreticam pravitatē non tractabantur ea diligentia, qnæ in re tanti momenti necessaria erat, ob diversitatem judicum, revocaverunt quæcunque privilegia, & facultates, alias à Summis Pontificibus prædecessoribus suis concessas, quibuscunque superioribus Regularibus cognoscendi causas suorum subditorum quomodolibet spectantes ad sanctum Officium, & hoc sub pœnis ipso jure privationis Prælaturarum, dignitatum, & Officiorum cùm inhabilitate, & privatione vocis utriusq; atquè pœnis infictis contra fautores Hæretorum, & impedidores Officij, demùm excommunicatione reservata.

Quæ-

Quæres II. An hac lege ligentur sollicitantes tantum fœminas? Respondeo. Ligari etiam, qui sollicitant Mâsculos. Dicitur enim in Bullâ Gregorij; Personas quæcunque illæ sunt. Non autem Personæ includit utrumque sexum cap. *Mulieres.*

Quæres III. Quid veniat verbis illis. *Ad in bonestas?* Respondeo. Venire actus tantum venereos. Et hoc clare patet ex Bullâ Pij IV. loquente de mulieribus, quæ ordinariè tentari & provocari non solent, nisi ad venerea, & in hoc nihil plus continet Bulla Gregorij, leges enim adaptantur ad ea, quæ ut plurimum accidunt. *L. nam ad ea, ff. de Legib.* Quare Confessarij provocantes ad alia peccata, homicidij, furti, &c. non sunt denunciandi virute hujus Congregationis.

Quæres IV. An Confessarius sollicitans fœminam in actu Confessionis ut tradat ei suam Filiam, seu aliam personam, vel si sollicitet mulierem, ut consentiat tali amico suo, incurrat pœnas hujus Congregationis? Respondeo affirmativè. Patet ex Bullæ Gregorij verbis illis, *sive inter se, sive cum alijs,* mandans tamen, vel rogans Confessarium ut Lenonem agat, non subditur prædictis Bullis, quia in his fit mentio tantum, de Confessariis sollicitantibus, mandans autem, vel rogans, non ideo est Confessarius.

Quæres V. Utrum Sacerdos has pœnas incurrit, si sollicitet fœminam ministrando ei alia

alia Sacra menta? v. g. Baptismi Eucharistia &c.
Respondeo negative. Quia cùm constat de
Legislatoris mente, legis extensio fieri non
debet, nec coniecturis locūs relinquitur, &
constat ex Bullis, Pontificem solum voluisse
obviare abusibus, qui in Sacramento Pœni-
tentiae facilius & commodius fieri possunt, er-
go &c. Nec his obstat, quod initio Bullæ si-
at mentio de Sacramentis indistincte, quibus
fit injuria, ac proinde suspicio hæresis non
magis oritur ex abusu huius Sacramenti pœ-
nitentiae, quam aliorum. Quia illa verba non
sunt dispositiva sed tantum narrativa, quæ li-
cet moveant legislatorem ad disponendum,
non tamē cogunt illum ad ferendam legē,
juxta rationem expressam in narrativa, undē
quando verba dispositionis sunt clara, ut in
casu nostro, illis standum est, & pro ratione
stat voluntas, quod pro lege sua voluerit cō-
prehendere particularem casum, & non ali-
os, præterquam quod idē præfati summi Pô-
tifices legem suam de sollicitatione restrin-
xerint ad Sacramentum pœnitentiae qui re-
spectu aliorum, aut non acciderant casus, a-
ut illis narrati non fuerunt, nisi super Sacra-
mentum Pœnitentiae, quod sicut frequentius
ministratur, & modò secretiori ex sua condi-
tione, quam alia, ita circa ipsum sèpius con-
tingere potest abusus sollicitationis, undē ju-
re merito summi Pontifices circa illud dispo-
suerunt, & non super alijs, in quibus non fo-
let

let contingere abusus sollicitationis, nām legislatores non disponunt circa illa, quæ raro accidunt. L. nam ad ea, ff. de legib.

Quæres VI. Quid sibi velint verba illa, sive ante, sive post immediate? Respondeo, A parte Ante illud spaciū incipere, cūm pœnitens primò petit pro tunc Confessarium, vel ad eum jam expositum in Confessionali accedit; & inchoat genuflexus confessionem, in cuius narratione desinit illud spaciū Ante confessionem. Confessarius igitur, qui intra id tempus sollicitat pœnitentem, violat Bullā Gregorianam, quia sollicitat pœnitentem immediate ante confessionem. Quare Confessarius non dicitur sollicitasse ad mentem Bullæ qui videns mulierem in stallō genuflexam, ad eā accedit, & provocat ad libidinem, quia hujusmodi tentatio non dicitur facta immediatè antè confessionem, cūm non acciderit intra illud spaciū. A parte post illud spaciū incipit à data absolutione, & desinit postquā pœnitens recessit à conspectu confessarij, genuflectendo, ut fieri solet, extra locū confessionis in stallō, vel alibi in Ecclesia. Quare confessarius postea recedendo à suo loco, & accedendo ad stallum mulieris, & eam provocando, non incurrit hanc Bullam quia sollicitatio non dicitur facta immediatè post confessionem, cūm illud spaciū à confessione dependens, jam desierit per ipsum recessum mulieris, à conspectu, & præsentia confessarij

sarij; à fortiori hoc verūm est, si statim proſe-
quatur mulierem ad domum suām. Ita *Sousa*,
Scortia, *¶ Tri mārebus disp. 3 num. 59.* Carenā parto-
2. tit. 6. num. 29. Confirmatur tūm quia, a-
liquid fieri immediate, & in continenti co-
incident, ex *Glos.* ver. in continenti cap. 1. de
mutuis petit. id est, nullo actu medio interpo-
ſito, sed hic intermediat ille recessus à con-
ſpectu confessarij, ergo non dicitur immediate
sollicitare post confessionem. Tūm quia,
testis dicitur legitime suum dictum emenda-
re, quāndō in continenti & immediate ſe cor-
rigit, hoc eſt, antequam recedat à conſpectu
Iudicis *Gloss.* verb. in continenti, cap. *Præterea 7.*
de testib cog. Ergo confessarius sollicitans mu-
lierem, quæ jam recessit à ſuo conſpectu &
tribunali, non dicitur in continenti, & imme-
diate post confessionem sollicitare, ac pro-
inde nequè Bullam hanc violare. Quod ma-
ximè erit verūm, quando audivit in confefſi-
one alium pœnitentem, nām tunc ſine dubio
ad aliū actum divertit diverſum.

Quæres VII. An confessarius vocatus à po-
nitente, ut audiat eius confessionem, vel post
vesperam, si petit mane, vel ſequenti die, vel
ſi petijt ſtatim audiri. Confessarius differat
in aliud tempus, & hac occaſione coffectione
postposita, provocet mulierem, vel puerum
ad inhoneſta, dicatur violare hanc Bullam?
Respondeo affirmativè. Probatur ex verbis
illis, ſive occasione confessionis. Occaſio enim fol-
lici-

licitandi accepta est à confessione petita à persona volente confieri, data oportunitate illius temporis.

Quæres VIII. Confessarius non invitatus, sed ipse invitans ad confessionem personam cuius amore captus est, ut sub prætextu cōfessionis eam provocet ad libidinem potius, quām ut audiat eius confessionem transgre-diturne Bullam ex vi illorum verborum, *vel prætextu confessionis*. Respondeo quod sic, Nam facere aliquid *ex prætextu*, importat facere a-liquid sub velamine rei, quæ non est, nec prin-cipaliter intenditur, *ex L. sub prætextu C. de transact.*

Quæres IX. An locum habeat Bulla Grego-ry, in eò casu in quod Confessarius dicat po-enitenti Peccata tua carnalia me fecerunt in polluti-onem incidere contra meam voluntatem? Respon-deo affirmativè. Colligitur ex illis verbis. *Il licitos, aut in honestos sermones.* Adde, quod sic valdè conturbetur mens poenitentis, & non levis iniuria fiat Sacramento, quod sanctè & immaculatè tractandum est.

Quæres X. An Confessarius, qui in confes-sione poenitenti dedit literas amatorias sigil-latas, ut postmodùm eas extra legeret, nihil dicendo, dicatur sollicitator contra Bullam hanc? Respondeo. Dici omnino sollicitatorem. Et probatur: Quia à traditione chartæ ex par-te confessarij incipit instigatio ad venerea, & perficitur dum legitur à poenitente, ergo

violatur Bulla. Confirmatur, nām hoc colligitur, vel ex verbis illis occasione confessionis, nemō enim negabit traditionem scripturæ ex parte Confessarij pendere à confessione, & ex parte pœnitentis legi occasione confessio-
nis ante factæ, & intuitu illius, ut obediat in ea legenda confessario: Vel ex illis ver-
bis immediate post confessionem, immediatio enim fundatur in traditione scripturæ in honestæ,
cūm inter utrumq; nihil mediet.

Quid si autem epistola non legeretur, sed combureretur? Dico tunc Confessarius non esset denuntiandus, quia ignoratur, quid in scriptura contineatur.

Quæres XI. An laudans mulierem in confessione à pulchritudine, venustate, &c. vi-
olet Bullam? Respondeo. Violat, Ratio est,
tūm quia huiusmodi laudatio cūm sit imperti-
nens in confessione, peccaminosa est gravi-
ter, cūm sit incitativa ad libidinem. Tūm quia
huiusmodi verbis solent amantes trahere ad
se mulieres, quarum amore tenentur, sunt e-
nim verba amatoria, ac ideo parūm honesta,
consequenter mulier prudentem suspicionē
habet de sollicitatione. Adverte autem, si
Confessarius occasionem ita laudandi tumat
ex fine honesto, ut quia mulier conquesta est
de mala conversatione sui mariti, qui est a-
dulter, & Confessarius subiungat, tibi facit in-
juriam, quia pulchra es &c. per hæc verba nul-
la m apparere sollicitationem, cūm specifi-
cen-

centur ab alio fine, quam turpi.

Quæres XII. An Confessarius dans donum insolitum, ut annulum &c. nullam explicando causam, propter quim donavit, vel aliquam, sed non relatam ad sollicitationem, dicatur tacitus sollicitator? Respondeo negativè. Tùm quia donum ex sua natura non ordinatur ad venerea, ergo non est signum sufficiens ad arguendam sollicitationē. Tùm quia donum movere etiam potest ad benevolentiam honestam, gratitudinē, donum aliud pinguus, ergo colligi non potest, fuisse traditū ex affectu turpitudinis.

Quæres XIII. An non Sacerdos ministrans hoc Sacramentum, & pœnitentem ad luxuriam provocans, incurrat pœnas Bullarum? Respondeo, non incurrit; tūm quia in illis sermo est de verò Sacerdote, & non ficto, & leges poenales de Sacerdotibus loquentes, nō comprehendunt non Sacerdotes, odiosa enim restringenda sunt. Tùm quia hic nulla sit iniuria Sacramento, cùm nullum sit, nequè confessio illa Sacramentalis est, cùm non pœdeat à jurisdictione, & potestate Sacerdotali, esto alias dictus Sacerdos fictus peccet sa crilegè usurpando potestatem spiritualē, quā caret. Idem dic de Sacerdote jurisdictione carente. Sicut & interprete confessionis, qui nullatenus fungit, nequè fungitur officio Sacerdotis.

Quæres XIV. An sollicitans Confessarium

H

in

in actu confessionis, reus sit harum Bullarum: Respondeo negativè. Tùm quia ibi sit mén-
tio solùm de Confessarijs sollicitantibus. Tù
quia obligatio denunciandi præcipitur solis
pœnitentibus sollicitatis in confessione, ex
Bulla Gregoriana, Confessarius autem licet sol-
licitatus, adhuc retinet qualitarem Confessa-
rij, ergo &c.

Quæres XV. An sollicitator, sivè confes-
sarius, sivè fœmina, sunt suspecti de hæresi.
Respondeo. Esse confessarium, non fœmi-
nam. Prima pars probatur & constat ex Bul-
la verbis. Nos in animū inducere nequeentes quòd
qui de fide Catholica rectè sentiunt, sacramentis in
Ecclesia DEI institutis abutantur, aut illis injuriā-
fiant. Si ergo benè sentientes de Sacramē-
tis, illis abuti non præsumuntur, ergo qui il-
lis abutuntur, præsumūtur male de illis senti-
re, ac proindè censentur suspecti de hæresi.
Confirmatur: quia Confessarius ita agens præ-
sumit credere, aut licitum esse uti hoc Sa-
cramento ad inhonesta, aut hoc Sacra-
mentum non remittere peccata, hoc ipso quòd in-
ducit in ipso actu pœnitentem ad oppositum,
nimirum ad peccandum aut simul stare posse
remissionem peccatorum, & eorundem per-
petrationem, quòd est destruere hoc Sacra-
mentum, quòd ita delet peccatum, ut simul
excludat illorum perpetrationem.

Secunda pars, quòd mulier sollicitans Con-
fessarium, non sit suspecta, de hæresi: Proba-
tur

tur. Tum quia mulier non accedit ad Confessariū animo cōfitendi, sed sollicitādi illum ad in honesta, ergo cūm nullū ad sit initiū Sacramenti, nequè proindē illius abusus, suspicio heresis locum habere non potest.

Quæres XVI. An pœnitens sollicitatus, sub mortali teneatur denuntiare Confessariū sui sollicitatore? Respon: tenetur, ut aparte exprimitur in Bulla Gregorij illis verbis mandantes omnibus Confessarijs, ut suos pœnitentes quos noverint suisse ab alijs ut supra, sollicitatos, monent de obligatione denuntiandi sollicitantes, seu, ut præfertur, tractantes, Inquisitoribus seu locorum Ordinarijs prædictis: Quod si hoc officium prætermiserint, vel pœnitentes docuerint, non teneri ad denuntiandum Confessarios sollicitantes, seu tractantes, ut supra idem locorum Ordinarij, & Inquisitores pro modo culpe punire non negligant. Hujusmodi autē obligatio sinè dubio est sub mortali respectu utriusque cūm agatur de re gravi, uti de abusu Sacramenti, ac proindē ejus omissione mortale peccatū erit, præterquam quod id præcipitur in omnibus editis Inquisitorū sub excommunicatione, quæ non incurrit nisi propter peccatū mortale, & hoc necessario afferendū est, aliter frustatoriae essent Bullæ Pontificiæ, & pauci denuntiantur, si solū tenerentur sub veniali.

Quæres XVII. An Confessarius audiens pœnitentem sollicitatum, teneatur sub mortali monere illum de denuntiatione facienda Confessarij solliciiantis? Respondeo. Sic, ex

allatis verbis Gregorij in præcedenti quæstio-
ne, & hoc sub mortali, cùm agatur de re gra-
vi, & verbum mandantes importat præceptum
sub mortali, ut cùm pluribus Doctoribus cita-
tis tenet Sancb. I. 6. c. 4. n. 35. Quòd si pœ-
nitens nolit obedire, nullatenus absolví po-
test, cùm existens in peccato mortali inobe-
dientiæ, indignum se reddat absolutione.

Sed quid agendum, quandò pœnitens redit
ad Confessarium sollicitatorem, ut illi confir-
matetur? Respondet Trimarchus disp. 14. n. 59.
quòd Confessarius non tenetur admonere pœ-
nitentem de denuntiatione facienda contra
ſe, quia verisimile est, Papam illi non impo-
nere tam grave præceptū contra ipsum. Cō-
firma: hoc ex verbis ipsis Bullæ. Ut ſuos pœniten-
tes quos noverint fuiffe ab alijs sollicitatos Uc. nām
particula ab alijs distinguit Confessarios solli-
citantes à non sollicitantibus, ad quos ſpectat
monere, Optimè tamē faciat Confessarius,
qui in tantū scelus proruperit, ſi ſponte co-
ram Inquisitoribus compareat, & peccatum
ſuum fateatur: mos enim eſt Sanctissimi illius
tribunalis, quòd ſolū puritatem fidei, & fi-
delium emendationem intendit, ut cùm ſpon-
te comparēntibus mitiſſimè ſe habeat. Et pro-
dest etiam ista ſpontanea comparitio, quod,
ſi Confessarius deindè denuntiatus fuerit,
non recipietur denuntiatio, cùm jam denun-
tiatus diſcēſſerit ab illo Sanctissimo tribunali
emendatus. Ita monet Mofes. I. 2. ſum, tract.

7. cap. 24. num. 45. & 46. qui addit id procedere, etiamsi sollicitans fuisset denuntiatus in uno loco, & ipse sponte comparuisset ante dictā denuntiationē Romæ. Nām nō posset ab Inquisitore prioris loci amplius puniri, emendatus enim in uno judicio non est mole standus in alio pro eodem delicto. *Leg. Senatus ff. de accusat.*

Quæres XVIII. An persona semel sollicitata teneatur denuntiare? Respondeo. Sic, quia Bullæ simpliciter loquuntur de denuntiandis sollicitatoribus, tam autem est sollicitator, qui semel provocat, quā qui pluries.

Quæres XIX. An mulier sollicitata, quæ consentit, teneatur denuntiare cùm expressione consensus. Respondeo. Persona sollicitata, quæ consensum præsttit, tenetur adhuc denuntiare sollicitatorem, de consensu autem præstito nulla mentio habenda est à persona sollicitata, nequè super hoc à judice interroganda est, imò nequè in actis redigendum id est, quamvis à pænitente sponte denuntiaretur. Ratio prædictorum est quia Bullæ Pontificiæ considerant præcisè actum sollicitationis ex parte Confessarij, de quo solo mentionem faciunt, de consensu vero & copula secuta non curant, cùm ad illorum officium, non spectat. Satis enim Confessarius iniuria afficit Sacramentū, & redditur suspensus de hæresi per solam provocationem, cū totus abusus pendeat ex partē Confessarij.

M₃

Et

Et ita responsum fuit per supremū Tribunal.
27. Septembris 1624.

Quæres XX. An sciens aliquem pœnitentem fuisse sollicitatum in confessione, tenetur denuntiare Confessarium sollicitantem? Respond: Qui id seit ex ore vel ipsius Confessarij sollicitatoris, vel ipsius pœnitentis sollicitati, modo iste sit juvenis, vel fæmina bona Famæ & nō loquaces tenetur denuntiare Prima pars, ex ore Confessarij, vel pœnitentis, probatur, quia in Edic̄tis Inquisitorum denuntiatio huius criminis nō solum præcipitur personis sollicitatis, ut etiam statuitur in Gregorianā sed etiā alijs scientibus ex auditu prædictorū, ut respōsū est per supremū Tribunal, āno & Mēse ut supra.

Verūm quidem est, quod si principalis denuntiat, ad nihil tenetur, sciens, quia jam satisfactum est sancto Officio. Dixi ex ore Confessarij, vel persona sollicitate quia qui ab alijs audivit non tenetur denuntiare, eò quod non dicitur in hoc casu scire, & habere notitiam de crimen l. 2. Parag. Item habeo, ff. de aqua pluv. aro. ubi dicitur: Quod audis, nescire diseris, supple, si perveniat ex auditu mediato, eò quod ille, qui tibi crimen narrat, id ab alio audivit, nām benē scire dicitur ille, qui crimen immediate audivit ab eò, qui illud perpetravit, vel alio, contra quem factum fuit delictum, nām tunc audiens habet pro auctore sui dicti ipsum perpetratorem, vel personā, contra quam factum fuit, ac proinde sui audi-

tūs

tus certū habet auctorem, cui prudenter creditur. Dixi præterea, quando narrans sollicitationem, est bonæ famæ, & fide dignus, nā malevolis & maledicis credendū non est, sed tantum providis, & honestis personis, c. quater 24. de accus.

Denuntiandum insuper hoc crimen est, si cet probari non possit. Quia de ratione denuntiationis est, ut denuntians non teneatur probare delictum depositum coram Iudice, ergo parvum refert quod possit vel non possit probare delictum. Deinde potest accidere, quod Confessarius querelatus alias fuerit de tali crimine, aut quod imposterum denuntiabitur ab aliquo, ex quo Iudex habebit jus inquirendi illum, & vocandi ad judicium.

Quæres XXI. An subitanea pœnitentia Confessarij sollicitantis, qui in ipso contextu confessionis signa dat emendationis, & dolet de commissso errore coram persona sollicitata, excusat à denuntiatione? Respondeo negativè. Quia Bulla & Edicta simpliciter obligant ad denuntiandum, & non excipiunt hunc casum, alias denuntiatio nunquam locum haberet, quia omnes Confessarij sive obtinerent intentum, sive non, statim post factum signudarent emendationis ad pœnas evitandas. Et vero in praxi multum est difficile notitiā habere de eiusmodi emendatione, cum sub ementitis verbis lateat cor perversum, id est emendatio potius manet ambigua, ac proinde

non relevat ab obligatione denuntiationis? Licet enim nō amplius tentet mulierem pri-
mam, quæ illi restitit in faciem, illi tamè nō
constat de emendatione hujus vitij respectu
aliarum, valdè enim ad libidinem inclinatus,
non est contentus sollicitatione unius, maxi-
mè cùm repellitur, sed alias etiam provoca-
re sollicitus est. Ego inquit Franciscus Bordonus
præsens fui uti Consultor, dūm quidam Sacerdos ab-
juraret sollicitationem plūs quindecim mulierum.

Quæres XXII. An in dubio, sollicitans Cō-
fessarius sit denuntiandus? quandoquè enim
per verba dubia & ambigua aliqui putant in-
duci sollicitationem; interdum videtur con-
fessarius tangere manum, aut faciem mulie-
ris, vel pueri sīnè alio actu, & talis tactus in-
terpretari potest casu, vel alio finè evenisse.
De osculis autem & tactibus impudicis, nulla
potest esse difficultas, quin sit denuntiandus.
Respondeo. In dubio non est denuntiandus.
Quod probatur, tām ex partē pœnitentis, qui
a in dubio nemō tenetur, cū in tali casu quis-
què suam possideat libertatem; tām ex partē
confessarij, quia in dubijs favendum est reo
ex vulgaribus juribus. Demūm dubia in meli-
orem partem sunt interpretanda.

Quæres XXIII. An Confessarius sollici-
tans, denuntiandus sit quando convictus fuit
& punitus pro sollicitatione respectu aliarū
personarum? Respondeo. Fœmina tenetur
denuntiare hunc Confessarium non solum an-
tē

tē punitionem, ut juridicē formari possit processus, verūm etiam post punitionem intimatam, quia aliter non dicitur sufficienter punitus, cùm plūs puniantur duæ sollicitationes quām una, & quatuor, quām duæ.

Quæres XXIV. Quandonā Inquisitor possit procedere ad capturam Confessarij sollicitantis? Respondeo. Vel persona denuntians Confessarium est malæ famæ, & Confessarius bonæ, & tunc non creditur personæ denuntianti, (infamis enim nihil probat) vel persona denuntians est bonæ famæ, & Confessarius malæ & tunc proceditur ad capturam Confessarij, & si examinatus factum neget, torquetur. Nota tamèn hic diligenter. Quando denuntiatur aliquis pro hoc delicto in illò Sancto tribunali, priusquam ad capturam deveniatur, sumuntur secretæ, & verbo tenus informationes, de denuntiante, & denuntiato, quibus habitis & non aliter, proceditur. Nec unquam capitulū confessarius sive bonæ, sive malæ famæ, ab una tantum muliere sive honesta, sive inhonesta denuntiatus, prout Vicario Generali Genuensi respondit sacram tribunal 17. Iulij 1627. quod responsum quia absolutè datum est sine distinctione qualitatis Confessarij, aut fæminæ denuntiantis, ne què nos distinguere debemus ex vulgatis iuribus.

Quæres XXV. An sufficientant testes singulares ad puniendum sollicitatorem? Respondeo.

affirmative. Et ratio est, quia hoc delictum cùm fiat inter solam fœminam & Confessari um, aliter probari non potest, & frusta es sent alias horum Pontificum constitutiones. Idem diserte continetur in Bulla Gregoriana,

Quæres. XXVI. Quid agendum, quando reus persistit in tortura negando se delictum sollicitationis perpetrasse. Respondeo, si in tortura, permansit rigorosa, absolvendus est quia per eam sufficienter evacuavit indicia, si vero fuit levis ex quo illa non destruxit, patet puniri levioribus pœnis. Ita Carenæ par. 2 tit. 6. n. 47: Quid si confessarius, ut liber omnino maneat cùm sua fama & honore, patet rigorosam torturam? Illi danda est, ut se excimat ab infamia illa, & opinione mala apud homines.

Quæres. XXVII. Quibusnam pœnis afficiantur sollicitantes in confessione? Respondeo, ex Bulla Gregorij Affici pro criminum qualitate, & circumstantijs, suspensione ab executione Ordinis, privatione beneficiorum, & officiorum, cùm perpetua inhabilitate ad alia, nec non vocis activæ & passivæ, si Regulares fuerint, exilio, damnatione ad trirèmes, carceres etiam perpetuos, absque ulla spe gratiæ, alijsque pœnis, & si graviores meruerint, debita præcedente degradatione, Curiae sacerdotali puniendi traduntur.

Quæres. XXVIII. An hujusmodi sollicitatores condemnati, sint infames & irregulares?

Re

Respondeo. Sunt infames, quia etiam sola carceratio, si sit legitima, infamat. Non sunt autem irregulares præcisè ex hoc delicto, cù id non inveniatur in jure, sed solum propter infamiam.

Quæres XXIX. An se defendens per reprobationem testium, sit declarandus innocens? Respon: quod non, Et probatut. Quia per testes reprobatorios præcise debilitatur fides testium deponentium contra reum, non verò probatur quod delictum commissum nō fuerit, ideo licet absolvatur denuntiatus in eo judicio, non tamen declaratur innocens, cùm innocentia probata non fuerit, nisi probata fuerit falsa fuisse accusatio, vel denuntiatio, tunc enim denuntiatus declaratur innocens.

Quæres XXX. An mulieres sorores duæ aut tres denuntiantes Cōfessariū de sollicitatione, fidem faciant ad carcerandum, torturandum sollicitatorem prætentum? Respondeo negativè. Quia testes inhabiles non probant in causis fidei, quando patiuntur alias exceptiones *Farin. q. 62. de testib. n. 383. Sousa l. 2. & 13. n. 5.* censanguinitas autem est exceptio opponenda testibus, ratione cuius unus præsumitur subornare alium consanguineum contra Confessarium, unde isti non sunt integri testes, nec faciunt semiplenam probationem contra tertium *Mascard. concl. 408. n. 15.* Unde sicut unus est suspectus de falsitate pro aliq.

lio consanguineo, ita duo contra tertium e-
xtraneum c. Accusatores.

Quæres XXXI. An adminicula corroborarent depositiones mulierum, quæ alias patiuntur defectus v.g. Testis adminiculator probat, quod Confessarius habuit rem cum tali, habet amicitiam, sicut saepius in eius domo, vocavit illam ad domum suam, ubi choreas duxit, quod non amplius mulier fateatur sua peccata Confessario eidem &c. Respon: Quandocunquè mulier patitur alias exceptiones, meretricij, adulterij, periurij, inimicitiae, consanguinitatis cum alia deponente &c. adhuc cum illis adminiculis refellitur, quia haec nullam habent connexionem cum sollicitatione, licet inferant aliqualem suspicionem; insufficientem tamèn ad corroborandam fidem mulieris. Tùm quia adminicula fidem mulieris augere non possunt, nisi in casu, quo nullas patitur exceptiones, præter sexus, & singularitatis. Tùm quia adminicula supponunt fidem in muliere deponente, quæ tamèn apparet labefactata per testes probantes alios earum defectus pro defensione rei constituti, ergo non potest per adminicula corroborari & augeri, si omnino abest fides à muliere. Tùm quia testes adminiculativi sunt accessorijs, consequenter, destructo principali, destruitur accessorium, & sic pro nihilo habentur,

Quæres XXXII. Quid concludendū, quan-

do

dō mulieres deponentes de sollicitatione, probantur in processu esse honestæ, bonæ famæ, conditionis. Et pariter Confessarius, sollicitator assertus, probatur esse honestus, bonæ famæ, & conditionis, maximè quandò id probatur per testes pares & æquales. Respon: si nihil aliud obstat, standū esse pro Cōfessario ratione sui status, & Officij, semper enim status Ecclesiasticus præfertur mulieri, & cuilibet alteri.

Quæres XXXIII. Per quæ Regna hæc Bulla extendatur? Respondeo Extendi per universum Orbem Terrarū. Ita enim habet Cōstitutio Gregorij XV.

Quæres XXXIV. An persona sollicitata, priusquam sollicitantem denuntiet; teneatū eum sub mortali fraternè corrigere, si spem emendationis probabilem habeat, quā spem noverit ex rubore peccantis, submissione, affectu, quò nititur impetrare veniam, ex longo temporis intervallo post commissum delictum. Respondeo. Teneri omnino. Quia præceptū correctionis fraternæ obligat sub mortali, quandò adest probabilis spes lucrandi fratrem. Quòd docet *Divus Thomas Quotlibet* Q. 1. a 16. Gc. Confirmatur. Peccatum hæresis fraternam correctionem admittit, ut eruditur ex illo Apostoli textu ad Titum 3. *Hæreticum hominem post unam, aut secundam correctionem devita,* ergo à pari &c. Et certè, cum præceptum correctionis fraternæ sit juris naturalis

à Do

à Domino renovatum Matth. 18. non video, quare in hoc peccato, cùm adest spes probabilis lucrandi fratrem omitti debeat? Cùm præsertim præsumendum sit Confessarium vehementissima tentatione, quæ illum demotaverat, ad tale scelus perpetrandum fuisse impulsum. Facit etiam cap. 2. de baret. ubi dicitur. Qui alios, cùm potest ab errore non revocat, seipsum errare demonstrat. Ita Pœyelinis Tomo 2. ad Constitutionem quartam Gregorij XV. Nequè contra hoc facit. Inquisitores præcipere sub anathematis censura, ut statim hoc delictum ad ipsos deferatur. Näm hujusmodi præcepta intelligenda semper sunt cùm modificatione, servata forma Evangelica in admonitione. Non tamèn quis idèò putet, in Sacramentali Confessione non licere statum suæ conscientiæ aperire discreto Confessario, qui tenebitur, si res dubia est, mittere pœnitentem, ut consulat aliquem ex Patribus Sancti Officij. Vide Authorem supra citatum.

Quandò tamèn peccatum, hoc est publicū (idem est de alijs) statim nulla præcedente fraterna correctione, denuntiari debet. Dicitur enim tantùm Matth. 18. si peccaverit in te, id est, corā te, nō verò publicè, ut benè ad vētit D. Thomas. Et ratio est, quia nō solū adhibēdū est remediū ei qui peccavit, sed & illis, corā quibus fuit peccatū, ut scandalizati nō remaneant, si nō viderint subsequentē pœnam, quæ pœna nō infligitur nisi per denuntiationē delinquentis.

No

Notandum nihilominus est, si æquè benè posset satisfieri scandalò per publicam correctionē Confratris, vel alio modò, tunc nō esset denuntiandus, ex ratione opposita.

Notandum etiam est, si peccatum est occultum, sed in damnum particularis personæ (ut homicidium, furtum, adulterium &c.) vel communitatis, (ut traditiones subornationes, Electionum &c.) ac æquè provideri possit datum publico vel privato per secretam admonitionem, non esse recurrendum ad denuntiationem. Quia cùm possim consulere cōmunitati vel tertio absquè detrimento honoris proximi, debet facere. In dubio tamèn denuntiandum est, quia in dubijs magis providendū est bono cōmuni, quam particulari.

Quæres XXXV. An sint casus aliqui assignabiles, in quibus persona sollicitata non tenetur denuntiare sollicitantem? Respondeo. Esse. Et primus esse potest, v. g. metus probabilis mortis, vel gravis vulneris si cadat in virū constantem. Nām secundūm communē sententiam metus cadens in virum constantē excusat à legis observantia. Vide Divum, Thōmam 2.2. q.147. a 3. ad 2. Quando autem dico in Constantem virum, limita, attenta conditiōne personæ nām metus qui terrebit virum quietum, pacificum, inermem, non terrebit militem, rixosum, assuetum armis, & sic de fœmina, in qua minor metus desideratur, quā in viro. Idem censeo de metu honoris amissio

sionis, & infamiae. Nam hic timor æquiparatur timori mortis. *L. justa ff. de manu missis vindicta.* Et viro bono gravior est honoris jactura, morte ipsa. Sed in hoc cavendum est, ne trepidetur à timore, ubi timor non est, & suadendum mulieri, non esse dishonestum compare re coram Inquisitoribus pro Catholicæ fidei defensione ad denuntiandum taliter delinquentes.

Idem dic, si personæ sollicitatæ constet de emendatione sollicitantis. Quia cum probatum sit, hoc peccatum fraternalm correcti nem admittere, si haec profuit, vel sine hac, peccatum est emendatum, quod solum fraterna correctio requirit, non est, cur ad denuntiationem procedatur.

Quæres XXXVI. An omnibus Sacerdotibus tam Regularibus, quam Sæcularibus approbandis ad Confessiones audiendas, in actu ipso approbationis legenda, & intima da sit haec Constitutio Gregorij XV? Respondeo affirmativè. Ita enim in dicta Bulla mandavit Pontifex, & hoc ut sciant Confessarij pœnata tò excessui propositas, & quod non hor tantes, ut debent pœnitentes sollicitatos ad denuntiandum, vel docentes eos non teneri denuntiare, punientur ab ordinarijs, vel In quisitoribus.

Tertio. *Gregorij XIII. Clementis VIII. & Urbani VIII. Constitutio,* in exercentes ordinem Presbyteratus non susceptum, & Sacramentaliter

taliter confessiones audientes, invehitur.

Quæres I. An ejusmodi subijciatur Inquisitori, & sit de hæresi suspectus? Respondeo affirmativè. Ita enim habes in Bulla *Gregorij VIII*

Quæres II. Qua pœna puniendi sint celebrantes, aut pœnitentiæ Sacramentum administrantes. cum non sint Sacerdotes? Respondeo. Licet hi prætendant ignorantiam, tamen degradantur suis Ordinibus, si quos habent, & traduntur Curiæ sæculari condignis pœnis pleætandi, ut exprimitur in Bulla *Clementis VIII*. Quæ incipit. Et si alias.

Quæres III. An ille, qui audivit Confessionem, sed non absolvit, & qui incepit Missâ, sed non consecravit, tradendus sit Curiæ sæculari juxta prædictam Bullam? Respondeo. Non perficiens illa duo Sacraenta incepta, licet subdatur inquisitioni, non tamen videatur tradendus Curiæ sæculari.

Primū suadetur. Tū quia, audiens Confessionē sine absolutione, & celebrans Partē Missæ ante cōsecrationē abutitur his duobus Sacramentis, siquidē initiū Missæ, uti confessio, introitus. Oratio, Epistola &c. sunt partes integrales Missæ, licet nō essentiales, & tales spestantur, licet fictus Sacerdos cessat à prosecutione Missæ neq; enī pars alicuius futuri totius, desinit esse pars illius, si agens illud in esse Perfectū non deducat, Sacramentum pariter pœnitentiæ constat ex actibus pœnitentis & verbis absolutionis, ex quibus tanqnam ex

materia, & forma essentialibus totum perficitur Sacramentum. Inter actus autem pœnitentis numeratur confessio Sacramentalis quæ talis est etiam secundum se spectata, cum ad hoc sit pars materialis Sacramenti, adeò quod Sacerdos pœnitentem non absolvens defectu potestatis, aut dispositionis pœnitentis, teneatur sub sigillo Sacramentali occultare peccata audita in confessione, ita omnes cum Bonac: p. 2. de sigillo, num: 6. immo & fictus Sacerdos ut in casu nostro, de communi idem Bonac: num: 2. parg: Verum Tum quia delictum spectatum secundum magis & minus, seu secundum perfectum & imperfectum, sicut non dicitur variare speciem, ita neque judicem, quare sub eodem judice erit ut: umque delictum.

Idem dicendum est de incipiente Missam quamvis non perveniat ad consecrationem, nam iste se exhibet Ministruum Sacrificij, ac si esset Sacerdos, cum more Sacerdotum vestibus Sacerdotalibus accedat ad altare, & Missam incipiat. Subditur ergo Officio Sanctæ inquisitionis, licet Missam non perficiat. Indutus etiam vestibus Sacerdotalibus, qui Missam non incepit, corrigi potest ab Inquisitoribus, quia qui habet potestatem super delictum consummatum, habet etiam super attentatum, sicut super inceptum.

Secundum, quod fictus Sacerdos non absolvens, & Missam non perficiens, seu non consecrans in Missa cæpta, non sit rigorosè puni-

puniendus traditione Curiæ sacerulari : probatur, Quia tradere Curiæ sacerulari, est pœna gravissima, cum id sit tradere morti in consequentiam , cui debet correspondere delictum gravissimum quia debet esse proportio inter pœnam & delictum, sed Sacerdos factus non probatur perfecisse delictum, cum tantum illud inchoaverit, ergo puniendus non est eadem pœnâ quam plectitur ille, qui delictum inchoatum complevit & perfecit.

Quæres IV. an Sacerdos carens jurisdictione audiendi Sacras Confessiones, seu suspensus, depositus aut degradatus, ministrando Sacramento pœnitentiæ, aut celebrando Missam sit de hæresi suspectus, & subdatur prædictis Bullis? Resp: negative Quia quoad suspicionem, nullum est motivum præsumendi hæresim, quia non obstante carentia jurisdictionis, aut alia ex dictis pœnis , adhuc manet Sacerdos cum potestate celebrandi , & Confessiones audiendi quoad potestatem ordinis, licet impediat, ex quo celebrans illicite, sed valide conficit Sacramentum Eucharistiae. non vero pœnitentiæ defectu jurisdictionis. Nec obstat, quod celebrans, aut absolvens, cum non possit , abutatur Sacramentis , quia non omnis abusus arguit suspicionem hæresis, sed ille tantum, qui habet fundamentum in hæresi & non in solo usu illicito, unde potius illicitus usus, quam abusus in hac materia dicendus est. Deum clarum est, in dictis Bullis sermonem non

esse de veris Sacerdotibus quomodo cunque
illicitè Sacra menta tractantibus, sed de fictis,
& non insignitis Sacerdotali ordine.

Quæres V. An Laici Sacerdotium simulantes, denuntiandi sint in Sancto Officio? Ratio dubitandi est quia in supradictis Bullis id non præcipitur. Respondeo Denuntiandi sunt, ut colligitur ex Edictis Inquisitorum, & ita habetur in Edictis Mediolon: & Parmen.

Quæres VI. An in aliquo casu excusari possit Laicus; qui celebravit vel absolvit, ut non tradatur Curiæ sæculari morte plectendus? Respondeo. Excusatur primò, si actum non perfecit juxta dicta, Secundò, si Laicus probatur Ieuis, & mente Iæsus, mitiori poena est puniendus, quia non ex temeritate, ut exigit Bulla ibi *Usurpare Præsumentes*. sed ex quadam fatuitate & uana gloria tales celebrant unde extraordianriâ poenâ carceris puniuntur, ut stultus in culpa, fiat sapiens in poena *cap quia eo*. Tertio, si constet joco celebrasse, aut absolvisse, quia joco facta poenâ non merent ordinariam, *cap: I. de sent: Excommunicationis Probatum ex joco factum à puerō, nam levitas præsumitur in re facta in puerili ætate, cùm deficit plena rationis discretio. Quartò, minor ætas infra annum vigesimum primum excusat ab hac poena, ut dicitur expressè in Bulla Urbanī VIII. incipit: *Apostolatus Officium*. Unde qui inchoato etiam, & non perfecto anno vigesimo primo suæ ætatis, etiam Religiosus cuiuscunque*

que Ordinis, nondum Sacerdos illa duo Sacra-
menta ministrat, tradendus est Curiæ sæ-
culari.

Quæres VII. An Laica potestas, cui tradi-
tus fuit factus Sacerdos, debeat hunc morte
punire, & si nolit. cogi possit per Inquisito-
rem, seu Episcopum, aut judicem huius deli-
cti? Respondeo ad utrumque affirmative. Et
colligitur ex citata Bulla Urbani illis verbis: *Quo
circa omnibus, & singulis, ad quos spectat & pro tem-
pore quomodolibet spectabit, in virtute Sanctæ obedi-
entie districte præcipiendo mandamus, quatenus statu-
tum Decretum, & constitutionem banc nostram invio-
labiliter, observari faciant. Observatio autem hu-
ius Bullæ in eo consistit, ut iudices Ecclesi-
asticæ Inquisitionis tradant factum Sacerdotem
Curiæ sæculari, & haec exequatur mandatum,
quod si nolit, cogatur per illos, ut insinuat
illis verbis *Observari faciant. Ita Diana, & Pegna,*
*Carena par. 2. tit. II. n. 31.**

Quæres VIII. An non Sacerdos celebrans,
aut absolvens, incurrat aliquam censuram,
seu irregularitatem? Respondeo. Exercens
ordinem, quem non habet fit irregularis, ut
habetur in cap. 1. & 2. de Clericis non ordin. Minist:
ubi ultra poenam excommunicationis feren-
dæ, contentam illis verbis *Abiiciatur de Ecclesiæ*
*fertur & irregularitas ijs verbis. Nunquam or-
dinentur. Quæ irregularitas respectu Clerici so-*
lum impedit receptionem ordinum, quos non
habet impositâ, quoad ultimam susceptorum, su-

spensione temporali biennij aut triennij, arbitrio Episcopi, ut colligitur ex ipsomet tex-
tu, siquidem in textu citato dicitur. Diaconum
qui ministravit in Sacrificio, & Sacerdotio, quod non
habet, manere suspensum à Diaconatu. Respe-
ctu vero Laici ministrantis in ordine, quem non
habet, incurritur præsens irregularitas, quo-
ad omnes ordines, unde in citato textu dici-
tur, non ordinetur quæ locutio cum sit negativa,
ac indefinita, æquivalet universalis.

Moneo hic tamen, quod cum suspensio bi-
ennij, aut triennij ab usu ordinum suscep-
torum committatur arbitrio Episcopi, conse-
quenter ea non est latæ sententia, sed feren-
dæ, ideo presupponit sententiam Iudicis id
est Episcopi, alias quomodo posset committi
arbitrio illius, si de ea nec constaret quod tan-
men plerumque eveniret, si illa esset latæ sen-
tentia, & ipso facto incurreretur.

Quæres IX. An absolvens per literas pœni-
tentem absentem sit suspectus de hæresi, &
incurrat aliquam Censuram? Respondeo. A
bsolvens pœnitentem absentem, qui per lite-
ras, aut Internuntium confessus fuit sua pec-
cata Sa-
cerdoti absenti, peccat mortaliter, &
incurrat excommunicationem Papæ reser-
vatam, non ideo tamen suspectus est de hæresi,
quia licet facto suo contraveniat prohibitio-
ni, non tamen id de fide fuit definitum, ut
Colligitur aperte ex Decreto Clementis VIII.
emanato die 20. Iunij. 1602.

Quæ-

Quæres X. An qui bis eodem die celebravit, præter diem Natalis Domini, sit suspectus de hæresi? Respondeo negative. Etsi enim summi Pontifices prohibuerunt pluralitatē Missarum celebrandarum eodem die ab uno Sacerdote cap: sufficiat 52 d. 1. de Consecr. nihilominus hinc nullum desumi potest argumentum suspicionis hæresis contra illum, qui plures celebraret etiam sine causa, sed tantum voluntariè, aut ex inopia, seu etiam ex avaritia, vel simonia, isti fines, quamvis illiciti, non arguunt suspicionem hæresis siquidem Simoniaci, neque avari subduntur Inquisitionibus. Demum, si pluralitas celebrationis argueret suspicionem hæresis, non liceret aliquando celebrare, ne incurreretur hæc suspicio, nihilominus Summistæ omnes referunt plures casus, in quibus licitum est plures celebrare, vide illos apud Angelum verb: Missa: Palud: in 4. dist. 12. quest. 1. Anton: Part: 3. tit 13. cap: 6. ff. 5. Durand: in ratione divini officij lib: 4c. 1. referentem Papam Leonem eodem die aliquando septies, interdum novies celebrasse Missam. Nam temporibus in usu non est quod idem Sacerdos bis eodem die celebret, posito quovis casu, aliter punitur tanquam transgressor juris Ecclesiastici.

Quæres XI. A quo sit puniendus ille Sacerdos qui eodem die bis celebravit? Respondeo Sæcularis ab Episcopo, Regularis à suo Prælato, quia unusquisque delinquens puni-

tur à suo Superiore, & Iudice; in casu autem præsenti Iudex Religiosi bis eodem die celebrantis est proprius Superior Regularis. Confirmatur, quia nullo jure exprimitur Religiosorum quoad hoc delictum subijci Episcopo quod suadetur ex Trident: ff. 22 in Decreto de obseruand: Et evitand in celebr: Miss: ubi Episcopus pro data sibi potestate à sacra Synodo, ac etiam ut delegatus Sedis Apostolicæ prohibere mandare, corriger, statuere, atque ad ea in violabiliter observanda censuris Ecclesiasticis, & alijs pœnis, quæ enumeratæ sunt in dicto Decreto, transgressores compellere; potest sed in dicto Decreto nulla fit mentio de hoc excessu, ergo Religiosi transgressores hujus non subduntur Episcopis.

Solent autem puniri in duobus nam mituntur ad triremes per triennium, & à celebratione Missarum suspenduntur. Ita praxis Neapolit: 64. ubi in annotatione excusantur à tam rigorosa pœna triremium, quando ultra casus expressos per Doctores celebrarēt, adducta aliqua causa honesta, & paupertate Sacerdotis peregrinantis &c. Causæ hujusmodi apud Religiosum non possunt habere locum, quia ubique domum habet, vivere debet ex mendicatione &c.

Quæres XII. Quid sentiendum de Sacerdote, qui pluries finxit se celebrare, sed revera non consecravit defectu aliquādo Intentionis aliquādo omissione formæ, consecratio nis, sit

sit de hæresi suspectus? Respond: certum est hunc Sacerdotem peccare mortaliter, quia Missæ Sacrificio, quod ritè celebrandum est, & non simulatè, maximam infert injuriam, & in causa est, quod populus circumstantes idolatriam materialiter committit, adorando hostiam, & calicem, sub quarum speciebus re vera Christus non est Sacramentaliter. Præterea talis Sacerdos in memor suæ salutis, tene tur ad restitutionem illius elemosynæ, quæ respondet Missis revera non dictis, nisi simulatè, similes enim Missæ sine consecratione dictæ, nullius sunt momenti nullius valoris, sed abominationes apud Deum, cum sint sacrilegia, non Sacrificia.

Quæres XIII. An Laicus absolvens ab excommunicatione existentem in articulo mortis fiat suspectus de hæresi? Respondeo. Non est suspectus. Tum quia, super hoc nihil de fide definitum est, ita quod facto absolutio nis datæ per Laicum dicatur impugnari. Tum quia hic nullus est abusus Sacramenti. Tum quia multi graves Doctores docent, Laicum posse moribundum absolvere ab excommunicatio ne, ut valeat sepeliri in loco sacro, & pro illo orari, quia eo casu Ecclesia illi confert jurisdictionem, ut alijs allegatis docet Sanch. Secularis disp: 44. numero 7. Multos citat Diana resol. 7. de excom: Sed quoad hoc speciale, punto hanc opinionem non esse multum probabilem. Tum quia hæc absolutio quoad salu

tem non est necessaria, cum defectu Confessarij sufficiat contritio pro peccatis, & quis nondum absolitus potest esse gratus DEO existens in excommunicatione, cuius absolutionem paratus erat recipere. Tum quia in foro externo non admittetur huismodi absolutio quo ad sepulturam, & suffragia publica, cum excommunicatus Ecclesiæ nondum satisfecerit, à qua tenetur ligatus, Tum quia, verum non est Ecclesiam supplere jurisdictionem in eo casu quasi illam communicando Laico, quia Ecclesia supplet jurisdictionem spiritualem in Ecclesiasticis, quia illius sunt capaces, non autem Laicis, qui incapaces sunt. cap. 2. de jud cap: Tua 25. de decim. Unde esto Papa id Laico concedere possit secundum probabiliorem opinionem, id autem facere non presumitur, sed specialis delegatio necessaria est, propter inhabilitatem Laici, quare cum nihil prosit absolutio data à Laico defectu jurisdictionis, hæc opinio uti de re inutili rejicienda est, præterquā quod magis obest jurisdictioni Ecclesiasticae, quatenus eam extendit ad Laicos, quam proosit Laico, cui non est proficia, sed frustratoria, cum per Ecclesiam absolvendus sit ab excommunicatione, ut siac capax sepulturæ, & Ecclesiæ suffragiorum, ut ex Ritu Pauli V. Colligitur in tit: de sepulturis.

Quæres XIV. An frangens sigillum confessionis sit suspectus de hæresi? Respondeo negativè, quia Sacerdos revelans, quod in confessi-

sessione audivit, nullum fidei articulum nec verbo, nec facto impugnat, ex quo reddatur suspectus de hæresi. Confirmatur, quia ex hoc præcisè non dicit licitam esse revelationem confessionis, nec male sentit de Sacramentis, licet huic Sacramento iniuriam inferat.

Quæres XV. An Confessarius qui non vult absolvere pœnitentem; nisi sibi revelet complicem, subiiciatur inquisitoribus? Respondeo negative, quia cogere pœnitentem sub ea conditione, non est actus hæreticus, aut inducens suspicionem hæresis, quasi ex hoc intendat licitū esse infamare proximū, quod dicere hæreticum est, siquidem manifestare complicem in Confessione, non est præcisè proximum infamare, sed necessariam circumstantiam aperire in confessione, ut integra sit.

Quarto sextus V. in sua Constitutione 17. quæ incipit Cæli & terra, quoslibet superstitiones, Sortilegos & Astrologos Iudiciarios, subdit tribunal Episcoporum severè puniendo & eorum libros prohibet, & damnat cum incursione pœnarum in Indice Librorum contentarum. Bulla vero, Urbani VIII, incipiens; Inservabilis Iudiciorum, fertur contra Astrologos Iudiciarios, qui de statu Reipublicæ Christianæ, vel Sedis Apostolicæ, seu vita Romani Pontificis, aut eius consanguineorum, judicia facere nec non eos, qui illos desuper consulere præsumpserit.

Quæres I. An omnis species superstitionis
& sor-

& fortilegij sit casus Inquisitiōis secundū hanc Bullam Sixti V. Ratio dubitandi est, quia hæc Bulla intitulatur contra exercentes artem Astrologiæ, quæ est species superstitionis, consequentur non comprehendit omnes superstitionis species. Respondeo: per hanc Bullam omnis superstitionis species, est casus Inquisitionis, ut aperte habetur ex supradictis ibi: *Quivè bniu/modi illicitas divinationes, fortilegia, superstitiones, veneficia, incantationes &c.* Nec obstat tituli inscriptio limitata ad divinationes, quando in textu materiæ ampliatur, & exprimitur quo ad omnes species.

Quæres II. An comprehendantur tantum exercentes hanc Artem, an etiam qui semel divinaverunt, vel alicui amico nativitatē, ut aiunt, fecerunt? Ratio dubitandi desumitur ex illis verbis *Iudiciaria Astrologiae artem exercentes*, nam significant iterationem actus ex ijs quæ in simili refert Nav: c. 27. n. 250. de exercente sodomiā; qui qœnas in Bulla Py V. non incurrit per unum, vel alterū sodomiæ actū, ergo neque casum Inquisitionis incurrit ille, qui amico nativitatē facit. Respondeo. Etiam unicus superstitionis actus subditur Inquisitioni, ut colligitur ex illis verbis. *Præmissa detestanda scelerā, & delicta (ut præfertur) faciunt aut in eis se quomodolibet intromittunt.* Ex quibus verbis prædictæ clausulæ rationis dubitandi explicatio colligitar, nimirum exercentes id est facientes, seu se ingerentes in actibus superstitionis.

Quæres

Quæres III. Quot actiones subdantur officio sanctæ Inquisitionis? Respondeo, sequentes: exercitium & professio Astrologiæ, instruētio qua Astrologi alios imbuunt, disciplina, hoc est, illam addiscere, facere actū superstitionis. Demum se in prædictis intromittere, auxiliando, consulendo, mandando, consentiendo &c. In his omnibus casibus Bulla Astrologos, & superstitionis subiicit Sanctæ Inquisitioni.

Quæres IV. An in hac Bulla prohibeantur non solum judicia assertiva de futuris contingentibus, verum etiam conjecturæ de eisdem cum protestatione nihil certo asserendi? ratio dubitandi est, quia hic prohibetur Astrologia non quæcunque, sed tantum judiciaria, quæ consistit in judicio affirmativo rei eventuaræ, qualis non est cognitio coniecturalis, quæ potius dubitatio est quam judicium de futuris. Respondeo Non solum prohibetur iudicium, sed etiam conjecturatio etiam sub protestatione nihil certo affirmandi & id expressæ colligitur ex illis verbis *Facientes judicia & nativitates hominum, quibus de futuris contingentibus, successibus, fortuitisq; casibus, aut actionibus ex humana voluntate pendentibus, aliquid eventurū affirmare audent. etiam si id se nō certo affirmare, assentiant ac protestentur.* Et id procedit in utroq; foro, ut bene, Salas, & Sanch: docent lib: 2 cap 38. n. 34. tum quia Papa permisit iudicium de agricultura, navigatione, medicatione in utroque

que foro, ergo damnavit in alijs Astrologia in utroque foro ad omnem cognitionem. Tum, quia per hunc modum occultatur malitia superstitionis, consequenter quilibet Astrologus sub his modis coniecturandi futura contingentia ab humana voluntate pendentia, excusaretur à violatione hujus Bullæ, ex quo nullus puniri posset, & sic frustraretur mens legis, cuius finis est, extirpare hoc vitium superstitionis divinationis, castigando delinquentes, Colligitur hinc non esse permittendos, ut aiunt, Lunarios quosdam, qui prædicunt revolutionem regnum, mortem alicuius Princeps, desolationem alicuius Provinciæ, victoriæ in bello, pacem, &c.

Quæres V. Quam pœnam incurvant legentes, aut retinentes, libros, opera, & tractatus de Astrologia judiciaria, aut alijs superstitionibus? Respondeo. Incurrere excommunicationem, quarum prima refertur in *Bulla Cœna Domini* altera in *Bulla Pij IV.* initio *Indicis*. Cedula tamen habens in qua descripta est propria vel alterius nativitas, hanc pœnā non incurrit. Quiā ille non est liber, neque tractatus, de quibus est sermo locis citatis. Cedula tamen illa lacerari debet, nec fides ultra illi haberi.

Quæres VI. Quæ pœnæ, & propter quas actiones & contra quas personas ferantur in *Bulla Urbani VIII.* Respondeo. Actiones hic prohibitæ sunt novem, quatuor ex parte quæren-

rentium divinationem, quinque verò ex parte Astrologorum & divinantiū. Ex parte quærentium sunt, primo consilium petere, secundo, recipere, tertio retinere, quarto, ostendere divinationem factam de statu Reipublicæ Christianæ vel de vita, aut morte Papæ aut eius cōsanguineorū usq; ad tertiam Gēerationē inclusive. Ex parte vero Astrologorū seu divinatorū actiōes sūt quinq; prima, factio & constructio prognostici de prædictis; secūda; retentio prognostic i, etiā alieni, tertia, datio eius alteri; quarta ejusdē ostēsio, quinta demū, ejusdē tractatio, sive verbo, sive scripto etiā per modum improbationis. procedunt, quāvis divinatio non continēat iudicium, imo Astrologus, sive divinator, se non certo affirmare, quod prædicit, protestetur ut dictū est.

Reus unius etiam harum actionum, incurrit excommunicationē. Ecclesiastici quoque cuiuslibet ordinis, tam Sæculares, quam Regulares præter excommunicationem & privationem Officiorum, beneficiorum, & dignitatū, cum perpetua inhabilitate, traduntur Curiæ Sæculari puniendi, prævia degradatione, si rei fuerint etiam unius illarum actionum.

Episcopi pariter, & alij maioris excellētiæ & constituti in sublimi, & speciali nota, dignitate, etiam mundana, aut suprema, eandem incurront excommunicationem, & privationem regiminis & administrationis Ecclesiarum, & aliorum quorumcunque beneficiorum, &

rum, & dignitatum quantumvis amplissimaru^m, & Patriarchali majorum, ac officiorum suorum, ipso facto, cum perpetua inhabilitate. Sub his clausulis efficacissimis comprehenduntur etiam Cardinales, Electores Imperij, & quicunque alij habentes mixtam dignitatē ex Laicali, & Ecclesiastica. Non verò Imperator, nec Reges quia sermo est de Ecclesiasticis tantū, ut patet legenti partē Bullæ sub num^z

Prædicta autē de Ecclesiasticis, & Episcopis intelligenda sunt de quibuscunq; actionibus tā respectu quærentiū, divinationē quam Astrologorum, & divinorum, cum impositio pœnarum respiciat personas superius expressas, quo ad actiones omnes & quaslibet.

Præter excommunicationem, & privationem Officiorum, de quibus supra : imponuntur etiam aliæ pœnæ contra requirentes divinationem, aut prognosticantes de statu rei publicæ Christianæ, &c. Nempe, uti rei læse Majestatis ultimo suppicio & honorū confiscatione puniendi sunt, cum devolutione etiam quarumcunque Civitatum & locorum etiam jurisdictionalium, & feudalium, ut habetur in Bulla. Sed hæ pœnæ afficiunt tantummodo Laicos, cum de illis tantum sermo sit; unde per eandem Bullā Ecclesiastici omnes infra dignitatem Episcopalem degradati traduntur Curiæ sacerdotali pro ultimo suppicio. Episcopi verò & alij majores Prælati etiam dignitate mundana prædicti etiam supremâ, ipso jure

jure præter excommunicationem sunt privati suis beneficijs, officijs, régiminibus, & ad ministratioñibus. Ex quò in his confiscatioñ bonorum locum non habet, sed tantum respectu Laicorum.

Sed ad quem spectent bona confiscata, & devolutio Civitatum, & jurisdictionalium? Respondeo. Ad eum Supræmum Principem, cuius erant; undè feudum concessum ab Ecclesia, redit ad Ecclesiam, sive delinquens sit Comes, sive Marchio, sive Dux cuiuscunq; conditionis, & notæ, si verò concessum fuit à Laico, revertitur ad ipsum, quia æquum est, ut unaquæq; res redeat ad suum directū dominum, qui illam conceſſit & non ad extraneū. Sunt & actiones aliæ, ob quas incurrit excommunicatio latæ sententiæ, & beneficiorum, ac quorumcumq; Officiorum privatio, cum inhabilitate ad illa, videlicet impedire, molestare, perturbare Iudices in causis huiusmodi procedentes, aut non confignare rem huius criminis cum scripturis iisdem Iudicibus. Et demùm quælibet actio, quâ reus huius criminis effugit judicium, aut non cadit in manus Iudicis, aut ex illius manibus & potestate subtrahitur, inducit excommunicacionem. Hæc autem excommunicatio non comprehendit sæculares perpetrantes actiones supra prohibitas, quia de illis nulla fit mentione, sed solùm de Personis Ecclesiasticis. Unde Bullam antè citaram.

K

Quæ-

Quæres VII. An prohibita sit Astrologia iudicans de temperamento bono, seu malo hominis ex observatione influxus constellatorum tempore Nativitatis? Respondeo. Non quia certū est directè influere in corpus humanum. De quibus autem alijs judicare posse sit Astrologus, dixi *Philosophia mea Tomo 3. disp. de Calo.* Ibi me vidē.

Quintò. *Clemens VIII.* statuit ne Itali habere possint in terris hæreticorum, quam Bullam confirmat Bulla *Gregorij XV.* & addidit, ut nec hæretici apud Italos morari possint, & Catholici eos receptantes, aut favorem & auxilium præstantes puniantur, uti fautores & receptatores hæreticorum sive sint Ecclesiastici, sive Laici.

Quæres I. Quid requiratur, ut Catholicus possit habitare in terris hæreticorum juxta Bullam *Clementis VIII.* Respondeo. Tria requiruntur. Primò, licentia Ordinarij, vel Inquisitoris loci, à quo disceditur, quia in Bulla exprimitur, quod discedere volentes, debent id significare uni ex prædictis, à quo admoneundi sunt de vita religiosè ducenda in terris hæreticorum. Secundò, in illis locis, ad quæ transit Catholicus, debet publicè & palam vi gere cultus divinus quoad Missam, Sacramenta, & huiusmodi. Tertiò singulis annis schēda de Confessione, & Sacra Communione transmittenda est ad Ordinarium, seu Inquisitorem, à quibus recessit.

Quæ

Quæres II. A quibus prohibeantur; dum in
terris Hæreticorum habitant? Respondeo. A
quatuor prohibentur. Primò non possunt cō-
trahere matrimonium cùm hæreticis, propter
periculum subversionis, est etiam jure com-
muni prohibitum Cap. Cave. Idem dic de spō-
salibus, licet de illis non fiat mentio, quia
quandocunq; prohibetur unum, censentur
etiam vetita reliqua omnia, per quæ perve-
nitur ad illud, l. oratio ff. de sponsal c 4. de con-
stit. Per sponsalia autem pervenitur ad matri-
monium, ut patet, ergo prohibito, matrimo-
nio, intelliguntur interdicta sponsalia, Secun-
dò, debent abstinere à sepulturis hæretico-
rum, quòd intelligitur non solum passivè, ut
non sepeliantur in eorum Ecclesijs, seu se-
pulchris, verùm etiam activè, ne concurrant
ad sepeliendos hæreticos: quòd postremum,
sub excommunicatione latæ sententiæ erat
iam prohibitum cap. 2. de heret. in 6. Tertiò.
In baptizandis suis filijs non possunt assume-
re in compatres, aut commatres hæreticos;
nequè Catholici id munus præstare possunt
respetu hæreticorum, nisi in casu, quòd filij
hæreticoru baptizarentur à Sacerdote Catho-
lico, more ite Catholico. Id autē prohibetur,
nō quia irritus sit baptismus ab hæretico colla-
tus in forma Ecclesiæ, tenet enī, de fide hoc
credendum, sed ne Catholici videantur ap-
probare errorem hæreticorum, & sic subver-
tantur, nām Lutherani & Calvinisti admittunt

quidem Baptismum Sacramentum esse necel
larium, non tamèn delere peccatum Orig-
inale, sed tantùm tegi & non imputari extin-
ctione reatùs, quòd est error in fide, ut con-
stat ex Trident. Session. V. Quartò, demùm Me-
dicis hæreticis uti non possunt, quando ha-
bent copiam medici Catholici idonei; si igi-
tur Medicus Catholicus insufficiens est, vel
nullus est, uti possunt hæretico, ut infirmita-
tibus suis consulere possint. Si nullus est Me-
dicus Catholicorum, & gravis urget infirmi-
tas, non prohibetur usus Medici hæretici pe-
riti, ut refert ex Riccio, vol. 4. decis 208 Ca-
rena part. 2. tit. 17. n. 19. Parag. Tertio Id eti-
am antè prohibitū fuit à Gregorio XIII. in Bul-
la incipit *Alias pia memoria*. Ut nequè in terris
fidelium vocarentur Medici Iudæorum, aut
aliorum infidelium ad medendos fideles, &
contra facientes mandat puniri ab Ordinari-
is locorum. Vidè Naldum verb. Medicus Bullam
hanc extendentem, ubi ait, tempore pestis
admitti ob carentiam fidelium Medicorum.

Quæres III. An accedentes ad terras hæ-
reticorum pro aliquo negotio, sed ibi non
commorantes, infra paucos dies ad domum
propriam redeuntes, reneantur petere lice-
tiā, & observare supradicta in Bulla Clementis?
Respondeo. negativè, quia in Bulla sic
mentio de habitatione, & domicilio ibi ^{Ave}
deat habitare, vel domicilium tenere in Civitate.
Nam habitatores, vel domicilium habentes,
non

non dicuntur advenæ, peregrini, nequè viatores, de quibus hic non fit mentio. Confirmatur ex actibus ibidem prohibitis, & de schedulis pro Sacramentis receptis singulis annis transmittendis ad unum ex prædictis superioribus suis, quæ omnia indicant diuturnam habitationem.

Quæres IV. An Bulla Gregorij XV. quòd hæretici non habitent in Italia, & Insulis adjacentibus, comprehendat hæreticos milites quorum multi his nostris temporibus militant in diversis exercitibus hic in Italia? Respondeo. Non comprehendit, quia Bulla loquitur tantum de hæreticis domicilium, seu habitationem in Italia habentibus, milites autem de exercitu propriè domicilium, atquè habitationē nō dicuntur habere, cùm sequantur exercitum, vagando, huc, vel illic, iuxta exigentiam belli, & imperium ducis exercitū; domicilium autem tunc acquiritur ab aliquo quandò animum habet perpetuo manendi in loco, *Gloss. verb. Larem. C. ne incolis.*

Quæres V. An hospitio receptans hæreticum transeuntem subdatur huic Bullæ Gregorij XV. & puniendus sit tanquam fautor & receptor hæretici? Respondeo negativè, quia receptor hæretici dicitur ille, qui recipit occulte in domo sua eum, quem scit esse hæreticum, illum occultando, ne incidat in manus justitiæ L, f. cap. de eo, qui lat. Fautor vero dicitur ille, qui hæretici cogniti com-

modum, & utilitatem ex animo tuetur in causa
haeresis arg. lib. 1. parag. 2. ff. de justit. nihil autem horum in casu nostro intervenit.

Sexto Paulus V. Constit. sua 26. quæ incipit Regulam Pontifex, revoçavit facultates superioribus quorumcunque Ordinum & Religiosorum, quoquomodo concessas, cognoscendi causas suorum subditorum ad officium sanctæ Inquisitionis quomodolibet pertinentes, nequæ denuntiationes recipiendi, testes examinandi, processus consciendi aut quoquomodo se in eas causas intromittendi de quo vide dicta quæst. 1. dum de Confessarijs pœnitentes suos sollicitantibus ageremus.

Septimo Idem Paulus V. Constit. 97. Regis specifici innovat Constitutiones Sixti IV. & Pij V. de Conceptione Beatæ Mariæ Virginis editas, imponit majores pœnas in transgressores, eosque tradit locorum Ordinarijs, & haereticæ pravitatis Inquisitoribus puniendos. Gregorius vero XV. Constit. 29. incipiente, Sanctissimus Dominus noster auditis, ampliat & declarat prohibitiones afferendi Beatam Mariam Virginem conceptam esse in peccato originali.

Quæres I. Quid praetectorū Pontificū Bullæ contineant? Respo. Sixtus V. in sua Grave nimis excommunicatione reservata affligit quocunquæ afferentes sequentes propositiones. Prima Credentes, aut tenentes, Mariam esse prævaricatam à peccato Originali sunt haeretici, aut peccantem.

135

mortaliter. Secunda Officium Conceptionis cele-
bran, peccat mortaliter. Tertia audientes sermo-
nes de Conceptione, alicuius peccati sunt rei. Papa
prædictas propositiones uti falsas & errone-
as damnat cùm libris de illis agentibus, &
contrarium sentientes, excommunicat, ut su-
pra. Quarta, Credentes, aut tenentes Mariam fu-
isse conceptam in peccato Originali, sunt heretici, a-
ut peccant mortaliter. Hanc igitur & prædictas
asserentes, sunt ipso jure excommunicati.

Pius V. in sua n^a 4. incipiente *super specula pa-*
rag. 2. ponit pœnam suspensionis à divinis abs-
què nova declaratione ipso facto, incurren-
dam & privationem cuiuscunq; gradū di-
gnitatis, aut administrationis cùm inhabilita-
te ad quæcunq; omnibus reservatis quicunq;
in popularibus concionibus vel ubicunq; pro-
miscua virorum, & mulierū multitudo cō-
venire solet, de huiusmodi controversiæ al-
terutra partè disputare rationibus, vel Do-
ctorum autoritate, afferendo propriam, sen-
tentiam, & contrariam refellendo, aut im-
pugnando, vel de hac ipsa quæstione, cuius-
vis pietatis aut necessitatis prætextu, vulgari
sermone scribere, vel dictare præsumit, sub-
ditur Parag. 3: *Liceat viris doctis in publicis dispu-*
tationibus, ubi nulla scandali habetur occasio de illa-
questionem facere, & argumentis utramque patrem
afferere, vel impugnare, servatis supradictis à Sexta
u. cuius pœnae in hac innovantur.

Paulus deinde V. in Bulla proximè citata su

prædictas Bullas cùm suis pœnis in omnibus innovat, & præterea alias addit, nempè privationem vocis activæ & passivæ, atquè facultatis interpretandi cùm inhabilitate ad prædicta, omnibus reservatis contra Cancionatores, aut publicè legentes, seu docentes contra præscriptum Bullarum, suorum Prædecessorum, & transgressores subiicit Ordinarijs & Inquisitoribus.

Gregorius tandem XV. in sua 29. præcitate, Constitutionem Pij V. in qua prohibuit, ne de huiusmodi controversia vulgariter disputaretur in concionibus, & publicè, extendit etiam ad colloquia privata quoad partem affirmativam, ne quis scilicet impostorum audiat in publicis Concionibus, Lectionibus, & Conclusionibus & alijs quibuscumque actibus publicis afferere, quod B. Virgo Maria fuerit concepta cùm peccato Originali, ac etiā in privatis colloquijs. De hac ergo parte affirmativa non est amplius loquendū, sed illi silentium omnino imponendum.

Quæres II. Quid veniat nomine **Conceptio-**
nis? Respondeo venire *immaculatam*. Colit enim Conceptionem Ecclesia, quæ rem maculatam non colit. Nec id potest intelligi de Conceptione *sanc&tificata*, quia sanctificatio, & Conceptio sunt omnino diversa adeò, quod qui colit Conceptionem, non dicitur venerari sanctificationem, ut expressè docuit *sixtus V.* in Bulla prædicta. Sed ad majorem ho-
rum

rum lucem firmiusquè robur, vidè Constitutionem Alexandri Papæ VII.

Octavò Gregorius XV. Constit. sua 27. incipiente. Romanus Pontifex in specula, revocat quas cunquè concessiones vivæ vocis oraculo factas. Et Urbanus VIII. in sua, quæ incipit *Alias felicis recordationis Gregorius*, eam revocationem extendit ad quoscunquè quantumvis privilegiatos & exemptos.

Quæres I. Quid sit vivæ vocis oraculum ? Respondeo. Est concessio, seu gratia oretenus facta, sine scriptura à summo Pontifice. Unde non solùm concessiones factæ per Bullam, non dicuntur oracula vivæ vocis, sed etiam illæ quæ fiunt per signaturā Papæ quādō scilicet ipse alicui petitioni, propria manu subscribit vel solū scribendo fiat, quia tales concessiones non fiunt oretenus sed etiā manu.

Quæres II. Quænam vivæ vocis oracula revocata sint ? Respondeo, non esse revocata ea vivæ vocis oracula, quæ concessa sunt generaliter omnibus Fidelibus aut omnibus Ecclesiasticis ut enim patet ex Constitutionibus relatis, solū revocantur eæ concessiones, & gratiæ vivæ vocis oraculo factæ, quæ fuerunt concessæ Superioribus & Personis cuiuscunquè Ordinis, Congregationis, Instituti, & Societatibus & Institutis, ut patet ex verbis ipsiis dictorum Pontificum. Ita *Lesana. Voc. Oracula vivæ vocis num. 5.* cùm alijs ibi citatis, *Peyrinis Tomo 3. Privileg. Minim.*

Nec sub hac revocatione veniunt Privilegia declarativa aliorum Privilegiorum, Sacrorum Canonum, & Apostolicarum Constitutionum, aut statutorum Religionis. Quia causa finalis, quæ movit hos Pontifices ad faciendam hanc revocationem erat, quia usus illorum erat ut plurimum in detrimentum Ecclesiasticæ disciplinæ, ut patet ex Bulla *Urbani VIII*. Privilegia autem huiusmodi declarativa, non sunt in detrimentum Ecclesiasticæ disciplinæ, sed multum conducunt ad conservationem Religiosorum in regulari observantia, *Lefana* ubi sup. *Navarius in Lucerna Regularium Ver. Privilegia num. 5. Bordonus Resolut. num. 5. &c.*

Præterea non censentur revocatae concessiones factæ per vivæ vocis oracula, quæ sunt fortitæ suum effectum, licet effectus habeat tractum successivum pro futuro tempore. Unde si aliquis Religiosus habuit gratiam antè has Constitutiones à Pontifice, solo vivæ vocis oraculo, quod esset Magister, &c. non censetur revocata. Ita enim ad instantiam Fratris Dominici de Molina ordinis Prædicatorum & Procuratoris omnium Religionum, Mendicantium, & nō Mendicantium, Provinciæ Bethicæ respódit Sacra Congregatio Regularium die 2. Aprilis 1625.

Nota tamèn, si aliquis Religiosus haberet per aliquod vivæ vocis oraculum sibi concessam facultatem, v. g. dispensandi, vel absolvendi

Vendi quemlibet ad se venientem in casibus reservatis, & talē facultatem non exercuit, revocatam censeri per dictas Constitutiones, quia illa non est sortita suum effectum, nequè habet tractum successivum, unicum solum actum prout illum habent gratiæ relatæ in declaratione Sacrae Congregationis.

Insuper per dictas Constitutiones non revocantur vivæ vocis oracula, quæ licet primo tenus, verbotenus concessa sunt, postea tamen per Bullam, vel Brevè fuerant confirmata. Ratio est, quia iam predicta vivæ vocis oracula desinunt esse talia, & sunt veluti concessa per dictas Bullas, & Brevia.

Deinde, si privilegium per Bullam uni Religioni concessum, vivæ vocis oraculo alteri communicatur, probabile satis est, tale vivæ vocis oraculum non revocari per dictas Constitutiones. Nam vere non est simpliciter vivæ vocis oraculum sed privilegium Bullatum.

Quæres III. An revocata sint illa vivæ vocis oracula, quæ continent gratiam omnino favorabilem, & nulli prejudicialem? Respondeo affirmativè. Nam Constitutiones citatæ universalissimè loquuntur, & alias sequi vide-retur inutilem fermè esse revocationem per illas factam, cum fere omnia vivæ vocis oracula Religionibus, aut Religiosis concessa, concernant saltem regulariter loquendo formum conscientiæ, nec alijs præjudicium aferant.

Sub.

Sub eandem revocatione cadunt vivæ vocis oracula concedentia Indulgentias. Quia Pontifex *Gregorius* revocat omnes gratias, & concessiones quascunquè spirituales, Ecclesiasticas, tam ad forum interius, quam exteriorius spectantes. Similiter *Urbanus* revocat omnes & quascunquè gratias, & nomine *Gratiæ*, jure intelligendæ veniunt etiam Indulgentie.

Nonò, Ijdem, Pontifices, *Gregorius* quidem Constit. 40. quæ incipit *Apostolatus Officium*. *Urbanus* autem constit. 114. eodem modo incipiente, revocant licentias quascunquè legendi vel habendi libros prohibitos.

Quæres I. An per Bullam *Urbani VIII*. Episcopis sublatâ sit licentia habendi & legendi libros prohibitos, & facultas licentiandi alios ad habendum, vel legendum libros huiusmodi? Respondeo, esse sublatam, ait enim Bulla, libros quomodolibet prohibitos, se interdicere, Quibusunque personis, Laicis & Ecclesiasticis, quacunq. dignitate etiam Ecclesiastica fulgentibus, etiam speciali notâ, & mentione dignis.

Neqdicas præcitata Bullâ *Urbani* revocare præcisè licentias legendi libros, prohibitos Episcopus verò nō indiget licentiâ huiusmodi, quia ex officio illas legit ad confutandos errores, nam licentia non est necessaria in ijs, quæ alias de se, & de jure sunt concessa. Contra enim est, nullo jure probari Episcopum ex officio posse legere libros prohibitos;

tos; tenetur quidem ex officio, expurgare libros nondum prohibitos, nām prohibiti sufficienter purgantur per ignem; is enim debet esse executor prohibitionis, atquē etiam procurare, ne quis apud se illos retineat, aut legat, quāe prāstare potest sīnē illorum lectio-
ne, aut retentione, cūm in Bulla dicatur, ut statim comburantur.

Quōd dixi de Episcopis, applicandum etiam est Inquisitoribus (nisi habeant specialem licentiam) cūm à fortiori videatur facultas sublata istis, quam Episcopis, qui ex officio sunt antiquiores. Deinde ex prāscripto Bullæ, libri Inquisitoribus delati, comburendi sunt, ergo frustratur illorum licentia. Si tamē specialem licentiam habeant, adhuc alios ad legendum libros prātactos, licentiare non possunt. Aliud enim est, habere lieentiā, aliud licentiare alios, ex diversis autem non fit illatio, maximē in odiosis.

Eadem facultas sublata est Prælatis Regularium, ut ex Bulla eiusdem *Urbani VIII.* colligitur. Præterea idem Pontifex vult in Decreto supra expresso, Constitutiones editas, & edendas in concernentibus Catholicā Fidem, & Officium Inquisitionis sanctæ, comprehendere omnes Religiosos, derogando in his quibuscunquē eorum Privilegijs, & sic & licentijs legendi libros prohibitos. Demūm si Episcopis & Inquisitoribus ea licentia sublata est, ut dixi, à fortiori ipsis Regularibus sublata censebitur. Idem

Idem dic de Regibus & Imperatore, ex illis Bullæ verbis. Quibuscunq; Personis, Laicis, Ecclesiasticis, eujuscunq; status, conditionis, qualitatibus, & præminentia, etiam speciali notâ & mentione dignis.

Quæres II. An in aliquo casu necessitatis occurrentis, possint libri prohibiti legi, aut retineri? Respondeo negativè. Ratio est, quòd Bulla dicat, eos quantocius comburi deberet, verbum autē debet importat necessitatem exequendi Glossa ver, debeat. Nec video causam necessitatis, quia libri prohibiti, uti aboliti per sententiam, ad nihil deserviunt, ac proindè nullam necessitatē inferre possunt. Undè non subsistit, quòd dicit Naldus, illos nimurum retineri posse ad effectum judicandi, an possint recipere correctionem, quia cùm jam sint damnati nullā possunt recipere correctionem, aliter suprænum Tribunal, cuius est libros damnare defecisset, prohibendo libros, qui potuissent corrigi, & permitti, & jubendo, ut eiusmodi libri omnino comburantur.

Quæres III. An habens licentiam legendi libros prohibitos, possit illa uti extra Territorium concedentis, ac proindè ubiquè terrarum? Respondeo posse. Quia est Privilegium personale, quòd sequitur personam, quo cunquè pergit. Nisi limitetur locus, in quò legendus sit liber prohibitus, nám privilegium tantum valet, quantum sonat.

Quæ-

Quæres IV. A quò Iudice, & quibus pœnis puniendus sit legens, aut retinens libros prohibitos? Pro solutione nota, ex triplici sive libro's prohiberi. Primo, quia continent hæresim. Secundo, propter suspicionem hæresis. Tertio, propter obscenitates. Respondeo iam quæstionem hanc resolvi ex Bulla Pij IV. quæ incipit Dominicis gregis registrata in Indice ubi legritur. Qui hæretorum libros vel cuiusvis Authoris scripta propter hæresim, vel falsi dogmati suspicionem damnata, atq[ue] prohibita legerit, habueritve, in excommunicationis penam ipso jure incidat, eamq[ue] ob causam in eum tanquam de hæresi suspectum inquiri, & procedi liceat. Ab Inquisitore igitur hæc pœna ferri debet. Et licet Bulla loquatur tantum de primis dñobus casibus, nihilominus extenditur jurisdictio Inquisitorum etiam ad tertium, prouti responsum fuit Inquisitori Cremonæ sub die 21. Ianuarij 1627. Si quis verò legat, aut retineat libros prohibitos alia ex causa, præter peccati mortaliteratum, Episcoporum arbitrio, severè se noverit puniendum. Ita expresse Pius IV. in Bulla citata. Plura vide in Bulla Cœna Domini.

Excusat tamè ab his parvitas materiæ, ea enim excusat à mortali peccato, sive quò excommunicatio major non incurritur. Parvitatem autem materiæ in hac partè, alijs putant pauca verba, alijs decem lineas, alijs unam paginam. Ego existimo, quod sicut in materia furti illa dicitur parva materia, in qua spectat

tis circumstantijs non infertur documentum gravè illi, cui res aufertur, sic in præsenti, etiam dicendam parvitatem materiæ, per cuius lectionem, inspectis circumstantijs libri, legentis &c. non timetur gravè periculum per versionis ipsi legenti.

Quæres V. An legens, seu retinens libros prohibitos, denunciandus sit Inquisitori? Respondeo affirmativè. Sic enim habent Edicta Inquisitorum, quæ vidè apud *Bordonum Sacri Tribunalis cap. 14.*

Quæres VI. An legens librū Hæretici non dum damnati, incurrat censuras taxatas? Respondeo affirmativè. Quia condemnatio non constituit Hæreticum, sed iam existentem, talē declarat, ac proindè ante omnem condemnationem est verè Hæreticus, de quò in Bulla, in qua non solum mentio fit de hæreticis sectarijs ibidem expresse nominatis, sed de alijs quibuscunquè, ut colligitur ex verbis illis, *Ac omnes & singulos alios hæreticos quò quò nomine censeantur.* Necessè verò est, ut legens, seu retinens librum, sciat illius auctorem esse Hæreticum, quia ignorans non peccat, nequè incurrit pœnas, quæ peccatū supponunt.

Quæres VII. Quis incurrit has pœnas apud Regulares, si retineantur huiusmodi libri in suis Bibliothecis? Respondeo. Incurrit Superior Monasterij, & Custos Bibliothecæ, isti enim propriè dicuntur retinere, quia habent curam librorum ex officio. Incurrit etiam

tiam ille Religiosus, qui extractum de loco
retinet in sua camera, sive id faciat de licen-
tia Superioris, sive non.

Quæres VIII. An retinens alienum librum
prohibitum, apud se depositum, has pœnas
incurrat? Respondeo, quod sic. Quia verba
Bullæ sufficienter verificantur, cum retineat
librum prohibitum, nequè enim Bulla requi-
rit, ut liber sit proprius retinentis. Et ex vul-
gatis juribus, ubi lex non distinguit, nec nos
distinguere debemus.

Quæres IX. An legens librum, quem nul-
latenus intelligit, incurrat? Respondeo nega-
tivè, juxta illud Catonis. Legere, & non intelli-
gere, est negligere, id est, non legere: negligere e-
nim est compositum ex non & legere. Et Ioan.
22. de verborum signif. dicit: quod legere, sine in-
telligere parum est.

Quæres X. Quandò quis dicatur defende-
re librum Hæretici, ad effectum incurrendi
excommunicationem? Respondeo, ille dici-
tur defendere librum Hæretici, qui aliquid
dicit; vel agit in favorem libri prout hæreti-
ci, laudando, approbando, scribendo pro-
tegendo librum, aut impediendo ne inveni-
atur, comburatur, ne tradatur Inquisitoribus,
&c. Laudans stylum aut ingenium Auctoris,
non defendit librum uti hæreticum. Ita o-
mnes cum Bonac. diss. I. Bullæ q. 2. p. 4. n. 20.
sed nunquid defendens unicam hæresim, in-
currit? Dicò, quod sic. Quia dicitur defende-

re librum, licet unicam ejus probet, ac laudet hæresim. Qui tamen defendit librum, in quo unicæ est hæresis, non incurrit, quia liber non est de hæresi ex professo.

Quæres XI. A quibus non incurritur hæc excommunicatio? Respondeo. Non incurritur ab eò, qui legit libros aliorum infidelium, scilicet Gentilium Hebræorum, Machometanorum, &c. quia isti non sunt Hæretici, & textus solum loquitur de hæreticis. Excluduntur etiam libri hæreticorum, non contiñentes hæresim, nequè de Religione tractantes, cùm Bulla loquatur de libris hæreticis, de hæresi, vel Religione tractantibus. Præterea non excluduntur libri Origenis & Tertulliani, si cet habeant errores contra fidem, quia ab Ecclesia ob communem utilitatē permittuntur, imò nunc sunt expurgati. Item non incurrint legentes libros Catechumenorū, qui à fide defecerunt, quia isti non subsunt Ecclesiæ jurisdictioni, cùm intra ipsam ingressi non fuerint per portam, quæ est Baptismus.

Quæres XII. An quis propria authoritate possit comburere libros prohibitos? Respondeo negative. Tum quia adest obligatio trædendi Inquisitoribus ex Bulla Iulij III. de qua Azor. par. I. lib. 8. q. 16. q. II. & ex corundé Inquisitorum Edictis. Tum quia per privatā authoritatem comburens, impedit jus Inquisitoris, investigandi cuiusnam sit liber, & apud quos antea fuerit. Tum quia sicut hæreticus

ticus deferendus est ad sanctum Tribunal, sic & liber: accessorium enim sequitur naturam sui principalis. Unde & comburentes incur- runt excommunicationis pœnam ab Inquisito ribus positam. Ita Delrius lib. 5. sec. 7. Sanchez lib. 2. cap. 10. num. 56. Farinat. quæst. 180. n. 40. Lesana Tomo 4. Ver. Libr. num. 16. Ricciull. lib. 5. cap. 24. sua p. de fide Disp. 20. sec. 2. num. 23. Portell. Ver. Libri, num. 13.

Quæres XIII. An libri prohibiti combu- rendi sint ab Inquisitoribus? Respondeo affir- mativè. Tùm quia hæreticorum libri compa- rantur Zizaniæ ex Divo Augustino in quæst. Evan- gel. super caput. 13. Mathæi. sed Zizania alliga- tur in fasciculos, & traditur comburendum igni, ex eodem cap. 13. ergo & hæreticorum libri. Tùm quia libelli famosi lacerandi sunt & comburendi L. Un. C. de libell. famos. qui tantum lèdunt famam proximi, ergo à fortiori libri hæreticorum, quibus hæretici conan- tur destruere fidem Catholicam, in convitiū & contumeliam divinæ Maiestatis.

Quæres XIV. An habens licentiam legen- di libros prohibitos, vel aliter illos apud se habens, testari de illis possit? Respondeo ne- gativè. Quia habens huiusmodi libros, com- paratur Religioso Professo, in èo quòd sicut hic testari & disponere non potest de rebus, quas ex licentia Superioris sui habet, ita ne què de libris prohibitis de licentia habitis quis testari potest, èo quòd nihil proprij su-

per illos habet, solus enim simplex usus lectionis illi conceditur.

Decimò. *Urbani VIII. Constitutio 37.* quæ incipit *Sanctissimus Dominus noster agit de imaginibus nondum à sede Apostolica canonizatorum vel beatificatorum, cùm radijs, splendoribus, aut laureolis, non proponendis, tabellis, aut luminaribus ad eorum sepulchra non apponendis, eorumvè gestis, miraculis, revelationibus, beneficiorum imprestationibus non publicandis, aut imprimentis.*

Quæres I. Prædictorum transgressorès qui bus pœnis afficiantur? Respondeo. Eos, si regulares fuerint privari à Pontifice, uti suprà, voce activa & passiva, nec non à Divinis suspendi. Si verò sint Clerici sacerdotes, privari suis officijs, suspendi à Divinis, & ab administratione Sacramentorum, executione quæ suorum ordinum respectivè, alijsquè pœni arbitrio Ordinariorum, aut Inquisitorum pleti. Qui autem libros impresserint, aut imagines pinxerint, sculpsérint, vel quoquomo dò quicunque artifices circa præmissa qualitercunque deliquerint prædicta omnia amittunt, & super pecuniarijs alijsquè etiam corporalibus pœnis, juxta criminis gravitatem eorundem Ordinariorum & Inquisitorum arbitrio afficiendi sunt.

Quæres II. An depingi possint imagines horum qui obierunt cùm opinione sanctitatis, sive signis sanctitatis? Respondeo affirmativè.

Nam

Nam si aliorum hominum etiam non eximorum, imagines depinguntur, non veneratio-
nis causa, sed ut eorum memoria apud alios
conservetur, quidni idem cum opinione san-
ctitatis decadentibus præstari possit.

Quæres III. An huiusmodi imagines sine
laureis, radijs, & splendoribus depictæ ex-
poni possint in Ecclesijs ad ornatum? Respon-
deo affirmative, modo non apponantur Alta-
ribus. Ratio est, quia non sunt in hoc deteri-
oris conditionis, quam imagines aliorum vi-
rorum, uti Imperatorum, Regum, & aliarum
personarum memoria dignarum, quarum ima-
gines appenduntur in Ecclesiarum parietibus
ad ornatum. Non autem super Altaria, quia
in tali situ collocatio, arguit potius cultum
quam ornatum.

Quæres IV. An eiusmodi viros venerari
possimus saltē occulte & privatis honoribus?
Respondeo possumus. Quia in decreto pro-
hibetur solum cultus publicus, conveniens
tantum Sanctis, seu Beatis ab Ecclesia decla-
ratis, vel pro talibus habitis ab antiquo tem-
pore. Quare venerari eos non possumus per
invocationem in Litanij, in orationibus Mis-
salis, aut Breviarij, nec in publicis concioni-
bus sanctos, aut beatos appellare, aut invo-
care, nec illis templis, oratoria, eremitoria,
altaria erigere, &c. hæc enim omnia ad cul-
tum publicum spectant, possunt tamen scan-
dalo cessante etiam alijs scientibus in priva-

tis colloquijs, aut precibus sancti & beati nominari, ac invocari, sicut egisse constat. *S. Gregorium Nazianzenum in oratione de Sancto Athanasio, & altera, de Sancto Basilio; & Sanctum Hieronymum in vita Paulae pro tempore*, quod Athanasius, Basilius, Paula, ab Ecclesia universalis inter Santos recensiti non erant.

Quæres V. An illorum sepulchris aptari possint vota, ut communiter sit Beatis, & Sanctis ab Ecclesia recognitis, in gratiarum actionem beneficiorum receptorum? Respondeo, possunt, modo recipiantur attestaciones eorum, qui gratiae factæ conscientia sunt, & referantur ad Ordinarium, hoc est ad Episcopum loci, qui, illas approbare debet. Licet enim quandoquæ nomine Ordinarij veniant etiam Superiores Regulares, nihilominus hic locum habere non possunt, quia hæc materia tangit Officium sanctæ Inquisitionis, in quo casu Regulares etiam Superiores pro subditis habentur. Nec hoc loco venit sub nomine Ordinarij. Inquisitor, cum in decreto Pontificio, contradistinguantur Inquisitores ab Ordinarijs. Præterea vota illa in secreto aliquo seorsim ab Ecclesia loco custodienda sunt. Quæ omnia probabantur ex decreto Urbani VIII. dato 2. Octobr. 1525.

Quæres VI. Quid velit Pontifex, dum in Bulla *Sanctissimus Dominus noster*, num. IV. declarat, quod per suprascriptas prohibitiones præjudicare in aliquo nolit, nequæ intendat ijs

īs, qui aut per communem Ecclesiæ consen-
sum, vel immemorabilem temporis cursum a-
ut per Patrum, virorumque Sanctorum scri-
pta, vel longissimi temporis scientia, ac to-
lerantia Sedis Apostolicæ, vel Ordinarij, co-
luntur. Nota, nonnullos Dei servos publicū
cultum acquisivisse finē formalī beatificatio-
ne, aut canonizatione ex supra dictis caufis.
Quæres ergo an per communem Ecclesiæ consen-
sum veniat etiam consensus unius Civitatis?
Deinde qualis cursus temporis immemorabi-
lis sufficiat.

Ad I. Dico sufficere consensum unius Ec-
clesiæ Episcopalis & Diœcesanæ, quælibet e-
nī Ecclesia particularis dicitur Ecclesia, er-
go à fortiori Ecclesia Episcopalis, & hanc
sufficere colligitur ex postremis verbis, dum
in Decreto dicitur, non praedicari īs, qui ex sci-
entia seu tolerantia Ordinarij coluntur. Sufficit er-
go consensus Ecclesiæ Episcopalis, & tole-
rantia Episcopi, in singulis enim ferè Civitatis
habentur peculiares Sancti, & Beati
qui ab incolis coluntur, quamvis in Martyro-
logio Romano non inveniantur, uti Parmæ San-
ctus Ioannes primus Abbas, Sanctus Ioannes Evange-
lista, Moderannus in Castro Bercreti, &c. Beatus Do-
minus Presbyter, Ioannes Buralli Generalis Ordinis Mē-
narum, Ursolina Virgo, &c.

Ad II. Respondeo, temporis cursus imme-
morabilis dicitur spatium annorum, centum,
~~ex~~ Baldo, Cæpolæ, Zabar, Felin, apud Gabriel.

de prescript. Concil. I. num. 71. Rota Rom vol. 4
decis. 583. Et ita declaravit Urbanus in prædi-
cta Bulla his verbis: *Insuper longissimum tempus,
illiusq; immemorabilem cursum, de quo in prædicto De-
creto intelligi declaravimus, esse tempus centum ann-
orum.*

Quæres VII. An in impressione librorum,
qui tractant de vita & gestis Beatorum, seu
Sanctorum antiquorum ex communi Eccle-
siæ consensu juxta dicta quæst. præcedenti,
servanda sit forma præscripta in decreto, ne
scilicet imprimantur sine speciali examinati-
one, & approbatione Episcopi, & habita re-
sponsione Sacræ Congregationis? Responde o.
negative. Quia hoc Decretum emanavit præ-
cisè respectu eorum hominum, qui non per
communem Ecclesiæ consensum, aut non per
scientiam, & tollerantiam Episcopi coluntur,
ut expressè ibidem dicitur, sed tantum respe-
ctu illorum, qui paucis ab hinc annis decesse-
runt, & in dies decedunt, cum fama sancti-
tatis, aut Martyrij pro quibus supradicta for-
ma omnino servanda.

Quæres VIII. An prædicta forma specia-
lis licentiae Ordinarij approbantis miraculu-,
vel beneficium receptum cum responsione
Sacræ Congregationis observanda sit quaudò
aliquis Sanctus, vel Beatus ab Ecclesia reco-
gnitus, vel pro tali habitus juxta n. 4. edit
novum miraculum vel gratiam? Respondeo,
ea forma servanda non est, quia illa restingi-
tur

tur ad miracula, revelationes, & alia beneficia, quæ fiunt ab his hominibus, qui descendunt cum fama sanctitatis, aut martyrij, quare extendenda non est ad Sanctos, nec Beatos ab Ecclesia beatificatos, vel sanctificatos, neque ab antiquo cursu longissimi temporis cultos, ex scientia & tollerantia Episcoporum. Nihilominus horum etiam miracula & beneficia à fidelibus in dies recepta approbanda sunt ab Episcopo, vocatis in Consilium Theologis, & alijs pijs viris, juxta Trident. initio sessione 25. in titulo de invocatione & veneratione Sanctorum propè finem.

Quæres IX. An liceat reliquias hominis non canonizati habere & venerari? Respondeo, eas in templo constituere publicè honorandas, propter supra dicta non licet, habere tamen, & eas venerari licet, etiam alijs videntibus, modò scandalum absit. Id enim habet praxis Ecclesie, mox enim ac Martyres defuncti erant, currebant fideles ad Reliquias rapiendas, & similiter quando moriuntur homines clari sanctitate, multi devotè osculantur manus, & pedes illorum, & de vestibus eorum pro reliquijs servant, nec id unquam prohibitum fuit. Præterea si licet honorare viventes, quos credimus Sanctos, cur non mortuos.

Undecimò. Pariter Urbanus VIII. Constitutione sua 50. jubet libros ubicunque compositos; de quacunq; materia tractantes, ab his,

qui degunt in statu Ecclesiastico non transmitti alio, ut imprimantur, sine Vicarij & Magistri sacri Palatiij in Urbe, vel extra eam, sine Ordinarij, vel Inquisitoris, aut ab eis deputatorum licentia: & consequenter, ubi munus id ad Universitates & Academias pertinet, sine Cenforum ibi designarorum facultate.

Quæres I. Quis status dicatur immediate, quis mediata subiectus Apostolicæ Sedis Respondeo. Immediate subiectus dicitur ille, qui immediatè gubernatur à Ministro Sedis Apostolicæ, ut Bononia, Ferraria, &c. Mediatè subiicitur ille, qui gubernatur ab aliquo feudatario Ecclesiæ, ut Parma, Placentia, &c. Ita Rœ Rom. vol. 3. lib. 3. decis. 18. n. 4.

Quæres II. Quid intelligatur in hoc Decreto per degentes in statu Ecclesiastico? Respondeo. Intelligi habitantes, non vero qui obiter per transitum, aut ad brevè tempus ibi existunt. Quia degere significat habitare ut habetur Parag. penult. inst. de usu & habit. De quo & Sanchez lib. 3. de Matrimonio disp. 23. n. 12. Advertendum tamèn est, quod in proœmio ipsius Decreti non videatur esse sermo de degentibus, sed existentibus ut patet illo verbo nonnullorum existentium quia tamèn in sequentibus bis sermo est de degentibus, idèo prædictæ expositioni standum est, maximè cum materia sit pœnalis. Pro majori autem partè anni degens in statu Ecclesiastico acquirit quasi domicilium, teste Sanchez lib.

3. de Mart. disp. 23. v. 12.

Quæres III. Quæ sit causa finalis huius Decreti? Respondeo. Me putare, nè Typis mandentur aliquæ doctrinæ contrarie stylo curie Romane, aut in statu Ecclesiastico non permisæ, de quibus alibi non curatur.

Quæres IV. An Regularis degens in statu Ecclesiastico; subsit pœnis huius Decreti, si editurus librum à se compositum de licentia suorum Superiorum domiciliū transferat extra statum Ecclesiasticum præcisè ad effugientam obligationem præfati Decreti? Respondeo. Non subest, etiamsi transferat domiciliū, illud repetiturus statim, ac evasit obligationem dicti Decreti, nimirum cum primū liber fuerit impressus. Utitur enim jure suo, & utens jure suo nemini facit iniuriam. Obtinenda tamè semper est facultas à Censoribus eo in statu deputatis, quæ modificatio sequentibus etiam resolutionibus semper adhibenda est. Confirmatur ex Sanchez lib. 3. de Mart. disp. 18. v. 21. Navar. Lopez. & Rodrig. docentibus, non delinquere proficiscētē die festo ad locum, ubi eiusmodi festum non obligat, gratia exercendi opera servilia, cū lex non obliget extra locum obligationis incolum illius & non vetet exitū à loco, in quo obligat.

Imò cùm præsens Decretum solum prohibeat, nè degens intra statum Ecclesiasticum, extra illum imprimere faciat libros à se co-

positos, &c. potest alicui videri non improbabile, Prælatum Regularē non obstante hoc Decreto posse libros conscriptos à suis subditis existentibus intra statum Ecclesiasticum sīnē approbatione Ordinarij, ac Inquisitoris loci, in quō degunt Authores illorum librorum; cūm sic Prælatus non edat libros à se compositos (quod solum constat prohiberi in hoc Decreto), & alias versemur in materia pœnali, quæ non est amplianda, sed restrin-genda ad casus expressos, secundūm propriam verborum significationem.

Addo, quod si Regularis extra statum Ecclesiæ degens, tunc temporis aliquem edit librum à se compositum, si postea transferat domicilium intra statum Ecclesiæ, & tunc iterum velit edere dictum librum, item extra statum Ecclesiasticum; non obstante illo Decreto *Urbani VIII.* non videtur cogendus illum subijcere approbationi Ordinarij, ac Inquisitoris loci, in quō de præsenti habitat: Siquidem Decretum loquitur solum de libris imprimendis; & cūm sit maximè odiosum, nō debet ampliari ad libros reimprimendos; cū hoc sit quid diversum, & à diversis non fiat illatio.

Nec obstat, quod reimprimens librum, à se alias impressum, incurrat pœnas latas contra imprimentes librum indebitè, si illum de novo non subijciat approbationi Superiorum, nām ibi loquimur de libri reimpresione, re-spe-

Speciū ad jus commune editum circa libro
rum impressionem & approbationem, hic ve-
rò loquimur respectivè ad Decretum præfa-
tum *Urbani* quòd cùm non faciat mentionem
de librorum reimpressione, ad eam non de-
bet extendi, manente tamèn obligatione ju-
ris communis hac de re editi, quòd utiq; de-
bet observari.

Licet autem etiam videri possit probabile
non incurri pœnas taxatas, in eventu, quòd Au-
thor libri, illum donet amico ad effectum, ut
faciat illum imprimere extra statutum Ecclesi-
asticum, contra prohibitionem huius Brevis;
quatenus in hoc dicitur; *Nemo in statu predicto*
(id est Ecclesiastico) *dègens libros de quavis ma-*
teria tractantes, & ubi vis compositos audeat aliò de-
ferre aut mittere imprimendos, Ec. Quæ non vi-
dentur hic verificari; cùm Author libri re-
vera illum non deferat alio, aut mittat ad im-
primendum, & alias pœnæ sint molliendæ, nō
exasperandæ l. Interpretationem ff. de pœnis In
hoc tamèn facit difficultatem, quòd in tali ca-
su intercedere videtur fraus, ac dolus, at ne-
mò ex suò dolò debet juvari l. non debet, ff. de
dolo malo, & *fraus debet in suum Authorem retor-*
queri, l. pen. C. de leg. quamquam possit op-
poni his juribus, quòd dolùm nulli facit, qui
utitur jure suo *L. non utitur, ff. de Reg. jur.*

Nec eæ pœnæ incurruuntur, si Author libri
incipiat degere in statu Ecclesiastico, post-
quam liber cœptus est imprimi extra, nec po-
stea

stea desistat ab impressione. Patet, tūm quia sic non verificatur à degente in statu Ecclesiastico mitti, aut deferri librum ad imprimendum; cūm Author, quod tempore misit librum, non degeret in statu Ecclesiastico, sicquè casus iste nō comprehenditur sub Brevi.

Nequè sub prohibitione huius Brevis cōprehenditur impressio scripturæ, quæ moraliter dici non possit liber; cūm in Brevi fiat mentiō solūm de libris *Libros de quavis materia tractantes*, & alioqui simus in materia odiosa, quæ debet non ampliari, sed restringi. Scripturaquè in rigore non sit, nec dici possit liber: præterquā quodd hic facit doctrina, quā in simili tradit *Sanchez l. 2. mor. cap. 10. num. 31.* Nomine verò scripturæ venit ea, quæ non cōtinet tot folia, ut à librarijs soleat communiter ligari tanquam liber.

Quæres V. Quibus pœnis huius Decreti transgressor subjiciatur? Respondeo. Ex eodem Decreto, libros eiusmodi, præter alias pœnas arbitrio suæ Sanctitatis infligendas, abs què alia declaracione ex nunc prohiberi, & pro expressè prohibitis haberi.

Quæres VI. In librorum editione quid servandum est? Respondeo. Nè siné approbatione Ordinarij, ac Inquisitoris loci, aut Censoris, ad quem id spectat in quod liber imprimi debet, & proprij Prælati Regularis licentia (si librum editurus, regularis sit) & Authoris proprij nominis appositione, ac pro-

ba-

batione ipsa apposita prælo mandentur. Ita
enim habetur in Concilio Lateranensi, sub Leo-
ne X. in Concilio Trident. sess. 4. & Indice libro-
rum, sub pœnis locis allegatis contentis.

Quæres VII. Quid si Generalis alicuius
Ordinis velit imprimere librum aliquem à se
conscriptum? Respondeo. In tali casu non
esse opus, ut intra ipsum Ordinem obtineat
licentiam illum imprimendi, cùm non habe-
at in Ordine Superiore (de quo Tridenti-
num loquitur) à quo illam impetrat, & alias i-
pse sibi eam dare possit, non sècus ac alijs,
nè illis, deterioris conditionis sit. Ita Pelli-
xarius Tract. 6. cap. 4. n. 27. & viri valdè do-
cti ab illo consulti. Bordonis, Resolutionum par. 2.
Resol. 48. num. 28. Confirmatur. Potest Ge-
neralis se licentiare ad absolutionem, ut pro-
bat idem Bordonis Resol. 3. num. 23. ad electi-
onem Confessarij ut probat Resol. 34. n. 33. &
34. ad casus reservatos, ut probat Resol. 39.
n. 63. ad dispensationem, ut probat Resol. 10.
n. 13. & Resol. 11. num. 55. Ergo idem facere
potest respectu impressionis Librorum. Nec
obstat, quod in exemplis allatis negotium e-
xercetur per tertium, quia patet in locis ci-
tatis saltem dispensationē posse exerceri ab
ipsomet Prælato in personam propriam, ju-
dicando se indigere tali dispensatione, sic e-
tiam judicare potest suum opus esse integrū,
sanum, & alienum ab erroribus, cùm totis
viribus elaboraverit, ut doctus, & scientifi-

cus

cus exeat sinè ulla suspicione erroris.

Quæres VIII. An Regulares subsint poenitentia in locis citatis expressis, si edant de novo librum alias impressum, eum de novo non subiuentes examini, & approbationi Ordinarij, ac Inquisitoris, aut Censoris, ut supra? Respondeo: subsunt, quia quod liber alias fuerit impressus, non facit, quominus adhuc subsistat finis, illum iterum examinandi, cum possit contingere, ut qui alias eum examinarunt, ex incuria, aut imperitia aliqua in eo præterierint, quæ indigebant correctione, unde non est frustraneum examinare libros alibi impressos: sicut nec frustraneum est, quod Episcopus successor in sua Diœcesi per examen de novo approbet Confessarios a suo prædecessore iam approbatos: quod videmus passim fieri, & quidem justissime.

Quæres IX. An Regulares contrahant eas poenas, si quem librum imprimere faciant absque legitima Superiorum approbatione, eodem quod certò sciant ex testimonio virorum doctrinam nihil in eo reperiri dignum censura, & consequenter cessare finem legis requiretis prefatam librorum approbationem? Respondeo quod quamvis posset aliquis speculative loquendo, sustinere id licere, ob doctrinam, quam tradunt. *Navar. Mexia, Henr. Angel. Sà Camitol. Megala, Granado, & Abb. apud Dianam p. 1. tract. 10. resolut. 28.* quod celsante adæquatò fine legis in aliquo casu particulari

ticulari, cesset obligatio legis pro eò casu particulari: hinc inferentes cùm eodem Diana p. 5. tract. 14. resol. 96. Laicum doctum sì nè peccato posse disputare de rebus fidei cù hæretico, ac infideli, non obstante, quòd hoc prohibetur in cap. Quicunq; de hæret. in 6. prædicione tamèn videtur oppositum omnino sustinendum, tūm quia doctrinam illam négant communiter alij Doctores, ut videre est penes Dianam in cit resolnt 28. tūm quia negari posset in præsenti casu cessare finem adæquatum legis in eò casu particulari, cùm præceptum non edendi libros sì nè approbatione Superiorum, inductum sit, non solum ad vitandum periculum prævaricationis, sed etiam ad servandam debitam subordinationem fidelium erga Ecclesiam in rebus fidei: qui finis utique non cessat in præsenti casu; tūm quia admissa illa doctrina, graviter offenduntur Ordinarij, ac Inquisidores qui proinde nixi opinione opposita, possent procedere contra usurpantes facultatem ipsis ex officio competentem; tūm quia in propria causa nemò est bonus Iudex, præsertim in ijs, quæ subsunt foro contentioso, & alienæ præjudicant jurisdictioni.

Quæres X. An ijs pœnis subiaceant non apponentes nomen Authoris? Respondeo, nō esse improbabile, apponi posse nomen alterius qui succedat in jus Compositoris, titulo donationis, aut hæreditatis, suisquè expensis

imprimi faciant librum proprio nomine, cùm
is verè sit Author, si non compositionis; sal-
tem impressionis & Conciliū non distinguat
inter Authorem compositionis, & Authorem
impressionis, siccq; mens ipsius sufficenter im-
pleri videatur hoc ipso; quòd apponitur no-
men illius, qui librum curat imprimi.

Imò docet Azor Par. I. lib. 8. cap. 17. quæst. 3. Ad
implendū Concilij præceptū sufficere; quòd
apponatur libro impresso nomen *Academie & Col- legij*, ac *Universitatis*. In jure venit nomine *Per- senæ*, quamvis fictæ, undè & cùm ipsis potest
iniri contractus, & contra ipsa inquiri: tūm
quia *Collegium & Universitas* realiter loquen-
do; nihil aliud sunt, quam ipse personæ sin-
gulares, tūm quia defacto editi sunt libri cù-
simili nomine, ut *Collegium Conimbricense*.

Quæres XI. An Regulares possint puniri
ab Ordinarijs, ac Inquisitoribus, si forte in li-
brorum impressione delinquent contra præ-
allegata decreta, nec Censoribus, quibus id
competit, libros imprimendos subijciant? Re-
spondeo posse, & probatur ex eò, quòd cui
datur jurisdictio, ea quoquè concedi viden-
tur, sínè quibus illa exerceri non potest L. 2.
ff. de jurisdict. omn. Iudic. cap. Pastoralis, c. præ-
rea, de offic. de leg. Undè cùm Ordinarij, & In-
quisidores vi supradictorum Decretorum con-
stituant Iudices librorum, scriptorum, sive
impressorum, consequens est, ut & ipsis con-
cedatur facultas coercendi trāsgressores præ-
fa-

fatorum Decretorum, ne alioqui jurisdictione illa concessa supra librorum divulgationem reddatur inutilis, ac frustranea. Quod si talis jurisdictione extenditur ad Regulares, etiam exemptiones (quomodo verè extenditur, attenta præsertim Constitutione Urbani VIII. edita 5. Novembris. 1631. qua declaratum est, constitutiones Pontificias in concernentibus fidem Catholicam, & sanctæ Inquisitionis officium hactenus editas, & imposterum etiam super quacunq; alia re edendas, omnes Regulares quomodolibet privilegiatos comprehendere; nisi illi in edendis specialiter excipiuntur) utique & Regulares poterunt ab Ordinariis, Inquisitoribus puniri, si in hac materia delinquent.

Quæres XII. An incurvantur pœnæ si liber imprimendus detur Typographo, supponendo hunc sine approbatione, ac examinatione debita nihil impressurum, interea vero Typographus id munus non obeat? Respondeo non incurri. Quia sicut bona fides excusat à culpa, ita & excusat à pœna censura, quæ præsupponit gravem culpam.

Quæres XIII. An idem liber duobus, aut tribus possit dedicari? Respondeo. Vel is, cui liber dedicatus est, donum misit, vel non? si misit, petam cur? An pro uno chartæ folio, an quia potius putabat omnia sibi fuisse dedicata volumina? Porro finis ita actionem specificat, ut illo cessante, cessare cætera vide-

antur. Ergo si ab eò, cui liber dedicatus est catena v. g. aurea donaris, quòd putarit, si bi omnia dedicari volumina, qua te non donasset, si unum solum folium, aut exemplar sibi dedicari scivisset, involuntarius catenam dedit, potest de fraude conqueri, & ad restitutionem teneris. Si verò nihil tibi ob librum dedicatum donavit, cessat ratio præmis sa, & si aliud non emergat inconveniens, librum poteris sine conscientiæ scrupulo alteri dicare.

Duodecim. Idem *Urbanus VIII. Constit. sua* quæ incipit *Cum sicut accepimus statuit*, quòd Constitutiones Apostolicæ in cōcernentibus Fidem Catholicam, & sanctæ Inquisitionis officium hactenus editæ, & deinceps etiam super quacunquè alia re edendæ, omnes Regulares quomodolibet privilegiatos comprehendant, nisi in edendis illis specialiter exceptiantur.

Quæres I. An hæc Bulla afficiat etiam Generales? Respondeo afficere ut colligitur ex illis verbis. *Etiamsi ipsi privilegiati forent magis speciali nota, & expressione digni.*

Quæres II. An Bullæ Pontificiæ impostorum edendæ, non solum spectantes Catholicam Fidem, & Officium sanctæ Inquisitionis, sed etiam concernentes alias materias extraneas, comprehendant Regulares, si de illis nulla fiat mentio in Bullis edendis? Ratio dubitandi desumitur ex illis *Urbani VIII.*

ver

verbis Edendæ verò imposterum per nos, & Romanos
 Pontifices Successores nostros, tām in favorem prefa-
 ta Fidei Catholice illiusq; propagationis, & sancti Of-
 ficij Inquisitionis, quām super quacunq; alia re, ne-
 gotio, seu materia, constitutiones, dispositiones, &
 ordinationes huiusmodi, similiter omnino comprehen-
 dant Regulures, nisi expressè excipiatur, &c. Re-
 spondeo. In Bullis edendis non comprehen-
 duntur Regulares, quandò de ipsis nulla fit
 mentio, est enim certum id ex communi Do-
 citorum, nām Bullæ Pontificiæ spectari pos-
 sunt quadrupliciter. Primo, quatenus loquun-
 tur per terminos generalissimos disponentes
 de materia, cuius omnes homines sunt capa-
 ces, & sub hac ratione comprehenduntur La-
 ici, Clerici, & Religiosi, masculi & fœminæ,
 exemplum sit in Canone: *Si quis suadente dia-
 bolo, cuius terminus si quis universalissimus &*
*generalissimus comprehendit supradictos o-
 mnes, ut patet.* II. Prout loquuntur de solis
 Laicis, & in his dispositionibus non includū-
 tur Clerici, nequè Religiosi, quia isti nullo
 modò sunt Laici. III. Sub Constitutionibus
 loquentibus de Clericis, non veniunt Regu-
 lares, ut notum est, maximè in odiosis. *Abbas*
in cap. I. de Cler. n. 7. in cap. I. de Institut. n.
*3. Quartò, quatenus Constitutiones Pontifi-
 ciæ loquuntur de Religiosis, & in hoc sensu*
*comprehendunt quoscunq; Religiosos cu-
 iuscunq; sint Religionis quomodolibet pri-
 vilegiatos, quæ deinceps edentur à summis*

Pontificibus de quacunquè materia tractent,
etiam si non spectent ad Sanctam Fidem, ne-
què de officio Inquisitionis, ut ex pteſſe di-
citur in hac Bulla per illa verba in ratione
dabitandi allata.

Quæres III. An, & quomodo Inquisitores;
ſeu Epifcopi poſſint procedere contra Ge-
netales Ordinum? Quoad Religiosos ſubdi-
tos, & alios Superiores minores, nulla eſt di-
ſicultas, tam de jure communi, cap. Ad abolen-
dum 9. de heret. cap. Ut officium II. Cod. in 6.
quam ex Bullis modernis remanet diſcultas
quoad Generales, qui videntur poſſe puniri
ab Inquisitoribus. Tu quia denuntiandi ſunt.
Tum quia in hac materia pares ſunt cum cœ-
teris Religiosis ex probatis per Bullam Urba-
ni VIII. Respondeo, Inquisitores poſſunt, &
debet recipere denunciationem; ulterius
tamēn procedere contra Generales nō poſ-
ſunt, ſed admonere supremum Tribunal, ut
decernat, quid agendum. Ita colligitur ex cap.
Inquisitores 16. eod. in 6. ibi. Si tamēn Inquisitores
ipſi, Epifcopos, vel alios Superiores. Prælatos. ſcive-
rint, vel invenerint circa crimen hereticoſ commiſſi-
ſe, aut eos de hoc diſfamatos exiſtere, vel ſuſpectos,
id tenebuntur Sedi Apoſtolice denuntiare. Ratio eſt,
quia Sedes Apoſtolica nō vult ſibi præiudi-
cari respectu harum perſonarum, quæ ex vi-
tu dignitatis immediate ſunt ſubiectæ ſu-
ſedi & authoritati ſupremæ.

Quæres IV. An Inquisitores procedere
poſſunt

possint contra Superiores Regulares impedientes, ne sui subditi denuntient alios Religiosos de hæresi suspectos? Respondeo affirmativè, quia delinquent contra Officium sanctæ Inquisitionis denuntiationem impedientes, contra id, quod disponitur in dicta Bulla Pauli V. nè scilicet Superiores Regulares audeant, & præsumant impedire illos Religiosos qui volunt denuntiare alios Religiosos, ubi contra ipsos impedientes, vel causam denuntiationis perquirentes statuuntur diversæ pœnæ, præsertim excommunicationis latæ sententiæ reservatæ.

Quæres V. An Inquisitores procedere possint contra Superiores Regulares, negligentes publicationem suorum Edictorum, & Decreti de lectione viginti unius Bullarum, privando, vel eos suspendendo à suis Officijs? Respondeo. Inquisitor recipere potest querelam sibi delatam contra Superiorem negligentem prædictorum Edictorum, & Decreti lectionem non tamèn potest ulterius procedere, sed in hoc debet consulere supremum Tribunal. Et ita responsum fuisse refert Carenæ par. 2. tit. 17. in fine numero 99.

DECRETA

Sacrae Congregationis Concilij S. D. N. Urbanii
VIII. jussu edita.

DE

M⁴

RE.

•§ 168 §

REGULARIBUS APOSTATIS, & EJECTIS.

*Sub pena privationis omnium Officiorum, voeisq; a-
elizæ ac passivæ, ac perpetua inhabilitatis ad illa im-
postorum obtinenda, bis in anno legenda, die à Supe-
riore prescribenda.*

Sacra Congregatio Cardinalium Concilij Tridentini Interpretum, Regularium eie-
ctorum, & fugitivorum statutis, consulere, il-
lorumq; scandala submovere, & succrescen-
tem numerum frangere opere pretium exi-
stans, auditis Religionum Superioribus, re-
què diligentissimè perpensa, communicato e-
tiam consilio cùm S. D. N. Urbano VIII. at
què ex peculiari Sanctitatis suæ facultate, in-
frascripta decreta edidit.

Ac primò, ut infœcta semina, è quibus pravî
eiusmodi fructus potissimum prodeunt, deinceps non serantur in vinea Domini, censuit
esse innovandas, & Sanctissimi authoritate in-
novat Constitutiones, & Decreta generalia
san: mem: Clementis VIII. ad Regularium re-
formationem, ac novitorum receptionē, pro-
fessionem, atquè institutionem spectantia, di-
stricteque præcipit Generalibus, atquè alijs
omnibus Ordinum Superioribus, ut illa exa-
ctè observent, atquè, ut observentur, effi-
ciant, sub pœnis statutis in ijsdem Constitu-
tio.

tionibus. A quibus tamē excipiendum cen-
suit, caput illud, quō decernitur, nē in Con-
ventibus, seu monasterijs ad Novitios reci-
piendos hactenus designatis, & approbatis,
seu imposterum disignandis, & approbandis,
Novitij ad habitum ulla tenus recipi possint,
nisi prius à Congregatione Reformationis A-
postolicæ vel proprijs locorum Ordinarijs ex-
pressè, & nominatim approbati fuerint. A
cuius quidē decreti observatione Sacra Cō-
gregatio justis de causis censuit Regulares es-
se absolvendos, prout authoritate Sanctissimi
Domini nostri absolvit, atquē eximit.

Deinde, ut apostatandi opportunitas Re-
gularibus præcipiatur, statuit, ut de cætero
nullus permittatur ad arctiorem Religionem
transire, nisi prius Superiori legitimè consti-
terit, eam Religionem paratam esse illum re-
cipere, qui licentiam petit, tumquè Regula-
ris rectia se transferat ad arctiorem. Quod,
ut re ipsa adimpleatur, idem Superior omni
studio, ac diligentia invigilet.

Rursus statuit, ut fugitivi & Apostatae, sive
habitum regularem deferant, sive non, pos-
sint, ac debeant ab Episcopo loci, ubi mo-
ram trahunt, in carceres coniisci, ac Superi-
oribus Regularibus confignari. secundūm re-
gularia instituta puniendi; utquè ipsi quoquè
superiores teneantur eos perquirere, ad Re-
ligionem reducere atquè efficere, ut appre-
hendantur; salva tamē in omnibus facultate

Ordinarijs locorum attributa decreto Concil.
cap. 3 sess. 6. Quod si Apostatae huiusmodi circa montes infra quatuor, ultra montes vero infra octo menses à praesentis Decreti publicatione inchoandos, sua sponte ad suam quicquid Religionem redierint, tum poenarum omnium ipsis propter Apostasiam inflictarum, aut infligendarum remissionem, atque impunitatem affequantur. Ita tamè ut debeant à Superiore absolutionem humiliter petere, & coram eò culpam fateri, atque emandatione polliceri; Superior vero è contra benignè illos teneatur excipere, ab huiusmodi poenis absolvere, & paterna charitatè complecti.

Ad hæc, ut imposterum è Religionibus nullus legitimè professus ejici possit, nisi sit verè incorrigibilis; verè autem incorrigibilis minime censeatur, nisi non solum concurrant ea omnia, quæ ad hoc ex juris communis dispositione requiruntur, sublatis hac in partè Statutis, & Constitutionibus cuiusque Religionis, & Ordinis etiam à Sede Apostolica approbatis, & confirmatis: verum etiam unius anni spatio in jejunio, & poenitentia probetur in carceribus, proindequicunque unaquamque Religio privatos habeat carceres in qualibet saltem Provincia. Elapso autem anno si nihilominus non resipuerit, sed animo indurato in sua pervicacia perseveraverit, nè contagione pestifera plurimos perdat tanquam pecus morbida, ac membrum putre ejicit tandem

dem possit, sed ab ipso met Generali tantum
de consilio, & assensu sex Patrum ex gravi-
oribus Religiosis eligendis in singulis Capit-
tulis, vel Congregationibus generalibus; tu-
què non nisi instructo, secundum eorum sty-
lum, & Constitutiones, processu, & plenè pro-
batis causis expulsionis ad Sacrorum Cano-
num præscriptum. Interea tamè usquè pri-
mùm generale Capitulum, seu Congregati-
onem proximè celebrandam, si quempiam
ex iustis & necessarijs causis expellere opor-
tebit, ejectio fieri possit a Generali cùm cō-
filio, & assensu sex Patrum, ut supra, quos i-
demmet Generalis eligere debeat infra qua-
tuor menses à præsentis Decreti publicatio-
ne: servata tamè in reliquis forma superius
præcripta. Sic vero ejeci, quamdiu non re-
dierint ad Religionem, in habitu clericali in-
cedant, atquè Ordinarij loci jurisdictioni, &
obedientiæ, subsint, proindequè Generalis
illoco expulsionis sententiam eidem Ordina-
rio notificare teneatur. Cæterum Sacra Co-
gregatio Religionum Superiores serio admo-
net, ac per IESU Christi viscera obtestatur,
ut memores paternæ charitatis, & mansuetu-
dinis, quam profitentur, nihil intentatum re-
linquant, ut lucentur animas fratrum suorum
ferè in profundum malorum delapsas ante-
quam gravissimum, atquè extremum expulsi-
onis remedium experiantur Idquè eò magis,
quod subditorum sanguinem, qui ex malo ne-

gl̄i

gligentium, & sui officij immemorum Prælatorum regimine peribunt, Dominus noster IESUS Christus in supremo DEI judicio de eorundem Prælatorum manibus sit requisitus.

Præterea statuit, ut ijdem Superiores, nemini ex Religiosis expulsis litteras testimoniales concedant, illos ad Sedem Apostolicam reiijcentes, vel jubentes aliam ingredi Religionem.

Item, ut ejecti extra Religionem dgentes, sint perpetuo suspensi ab exercitio Ordinum, sublata Ordinarijs locorum facultate dicta suspensione relaxandi aut moderandi.

Ac postremo esse innovandam, & suæ Beatusitudinis autoritate innovat Constitutionem fel. record. Gregorij IX. relatam, in cap. fin. de Regul. ac propterea declarat eam Constitutionem in ijs quoquè vendicare fibi locum, servandum què esse, qui juste definitivè què, ac juris ordine servato expulsi fuerint, dum modò tamen in expulsis hujusmodi, subsit spes evidens emendationis ex litetis saltem testomialibus Ordinarij, cuius conscientiam in his literis concedentis S. Congregatio serio oneravit.

Nè qua verò difficultas in suprascriptis Decretis, & Ordinationibus exequendis subordiatur, Sacra Congregatio, Sanctissimo Domino nostro annuente, atquè approbante, universis Generalibus, Provincialibus, Commis-

fa-

farijs. Ministris, Præsidentibus, Abbatibus, Prioribus, Præpositis, Guardianis, Vicarijs, & quibuscumquè alijs Superioribus quorumcunquè Ordinum, vel Congregationum, Monasteriorum, Conventuūm, Collegiorum, Domorum, ac locorum, Regularium, ubique locorum existentium injungit, serioquè mandat, ut illa diligenter observent, atquè observari procurent in omnibus Cœnobijs, ac Monasterijs, Collegijs, ac Domibus, quorumcunquè Monachorum, ac Regularium ubiq; locorum existentibus, efficiantque, ut tam De creta supradicta fel. record. Clementis VIII. quam præsentes Ordinationes in singulis eiusmodi locis bis saltem in anno legantur in publica mensa.

Si quis verò ipsorum adversus ea, quæ superius præscripta sunt, vel eorū aliquid, quo quomodò facere, vel moliri præsumperit, ipso factò pœnam incurrat privationis omnium officiorum, quæ tunc obtinebit, vocisq; activæ, & passivæ, ac perpetuæ inhabilitatis ad illa imposterum obtainenda pœnaquè huiusmodi sit Sanctitati suæ, ac Sedi Apostolicæ reservata, ijsdem Superioribus, etiam Generalibus, & Protectoribus illam moderandi, seu relaxandi potestate penitus interdicta, & nihilominus sit irritum, & inane quidquid se cus, à quoquam actum extiterit. Non obstantibus Constitutionibus, & ordinationibus Apostolicis in favorem quarumcunquè perso-

na-

narum, atquē Ordinum, tam Mendicantium,
quam non Mendicantium, Congregationum,
Monasteriorum, Conventuum, Domorum ac
locorum Regularium quorumcunq; nec non
illorum etiā juramento confirmatione Apo-
stolica, vel quavis firmitate alia roboratis sta-
tutis, vel consuetudinibus, etiam immemo-
rabilibus, exemptionibus quoquè, indultis, &
privilegijs, etiam in corpore juris clausis aut
ex causa, vel titulo oneroso, vel in limine
fundationis concessis etiam Mari magnō, seu
Bulla aurea, aut alias nuncupatis, sub quibus-
cunquè tenoribus, & formis, & cùm quibus-
vis etiam derogatoriarum derogatorijs, ali-
jsquè efficacioribus, & insolitis clausulis, nec
non irritantibus decretis, etiam motu propri-
o, & ex certa scientia, ac de Apostolicæ po-
testatis plenitudine, ut alias quomodolibet,
etiam per viam communicationis, seu exten-
sionis concessis, & iteratis vicibus approbatis
& innovatis, etiamsi pro illorum sufficienti
derogatione de illis, eorumquè totis tenori-
bus, & formis, specialis, & individua, ac de
verbo ad verbum, non autem per clausulas
generales idem importantes mentiō, seu quæ
vis alia expressio habenda, aut aliqua alia ex-
quisita forma servanda esset; tenores huius-
modi, ac si de verbo ad verbum, nihil peni-
tus omissō, & forma in illis tradita observa-
ta, inserti forent, præsentibus pro expressis
habentes, quibus quoad ea, quæ supradictis
quo

OS 175 50

quomodolibet adversantur, illis alias in suo
robore permansuris, specialiter & expresse
Sanctitatis suæ authoritate derogat, cæteris-
quæ contrarijs quibuscunquè. Dat. Romæ dì
e 21. Septembris. 1624.

DUBITATIONES

AD HOC DECRETUM.

Quæres I. In quò consistit incorrigibilitas
in ordine ad expulsionem? Respondeo in
tribus: primò, ut ea talis judicetur, qualem
disponit jus commune reiectis statutis Ordini-
num super ea disponentibus; Secundò eidem
debet addi unus annus carceris; Tertiò, de-
mùm perficitur & completur incorrigibilitas
ex perseverantia post carcerationem in ma-
la vita, undè finito carceris anno non statim
ejiciendus est, sed expectandus est per ali-
quod tempus, ut per ejus mores appareat e-
mendatio, vel permanentia in suis malis o-
peribus. Hæc duo posteriora satis clara sunt
ex ipsis Decretis, primùm satis obscurum: i-
deo videndum modo est, in quò consistat in-
corrigibilitas jure communi.

Incorriginis jure communi ille dicitur,
qui de uno delicto pluries repetito, vel plu-
ribus diversis, & illis gravibus, fuit legitimè
convictus, & punitus, si postquam fuerit ter-
monitus, redierit ad vomitum. Colligitur id
totum ex cap. cùm non ab homine 10. de judic. &
de

de monitione ex cap. 1. dist. 34. cap. de Cano-
nibus 57. 16. q. 1. cap. Cūm contingat 45. de sen-
tent. excom.

Dixi primò *jure communi*, quia, Decreta pe-
tunt incorrigibilitatem juris communis præ-
cisè, & non statutorum Ordinis. Et cùm du-
plex sit incorrigibilitas juris jam definita, &
facti, cùm scilicet deest aliquid, ut quia de-
linquens non fuit punitus, sed dissimulatum
eius crimen, aut non fuit processus fabrica-
tus, Decretum hoc disponit tantùm super in-
corrigibilibus de *jure* non de *facto* talibus.

Dixi secundò *requiri pluralitatem delictorum*,
vel delicti, quia ex quò incorrigibilitas dicit
perseverantiam & obstinationem in delicto,
vel delictis, per unum, vel alterum non po-
test cognosci, nec inferri perseverantia in
peccato sínè illius, vel aliorum repetitione.
Et præterea cùm trina monitio debeat præ-
cedere incorrigibilitatem, debuit eam præ-
cessisse pluralitas delictorum, non enim so-
let formaliter moneri, qui semel peccavit,
sed tantùm corrigi. Et id totum colligitur ex
eodem cap. 10. de *judic.*

Dixi tertio, quod ea crimina debent esse *gravia*,
quia expulsio est gravissima pœna, ideo ei de-
bet proportionari, & correspondere grave
delictum, qualia sunt furtū, homicidium, per-
jurium, seu aliud crimen, inquit præfatus tex-
tus. Talia crimina sunt etiam crimen læsæ Ma-
jestatis, Divinæ, & humanæ, blasphemia, fal-
sitas

sitas, adulterium, stuprum, falsificatio mone-
tæ, latrocinium, falsificatio sigilli, apostasia,
votorum transgressio, & scandalosa ebrietas,
ut habet Portel. in *Respons. Moral.* Tomo 2. Cas.
35. his enim omnibus graves pœnæ taxatæ sūt,
& ex genere pœnarum cognoscitur qualitas
delictorum. Depositio enim, excommunicatio,
& anathema, quibus incorrigibiles per
dictum textum puniuntur, sunt pœnæ gravissimæ,
ergo respondere eis debent graviora
delicta.

Dixi quartò, incorrigibilitatem supponere puniti-
onem delicti, ut expresse dicitur in eodem te-
xtu, & ratio est, quia pœna non tantum ordinatur
ad punitiōnem, sed etiam ad emenda-
tionem. Unde D. Agust. lib. I. retract. cap. 9.
ait pœnam esse culpæ medicinam si ergo medici-
na non operatur, sed revertitur penitus ad
peccatum, jam manifestat, se non esse cor-
rectum.

Dixi quintò, necessarium esse, ut ter sit monitus
super his omnibus, & non resipuerit, de hac
monitione habetur cap. I. dist. 34. & cap. In
cantoribus 57. 16. quest. I. cap. constitutionem 9.
de sent. excom. in 6. sed quomodo sit huiusmo-
di monitio? Estne quid diversum à citatione
ad allegandum, & se defendendum, quare nō
debeatur castigari: quod est etiam querere,
an necessaria sit tria monitio diversa à cita-
tionibus, per quam Iudex admoneat Religi-
osum delictorum patratorum, ut se corrigat,

& deinceps abstineat à delictis, aliter, si se nō emendaverit, ejcietur extra Ordinem? Puto hanc formalem monitionem esse necessariam, ut colligitur ex mox citato cap. illis verbis *Mandamus ut tales, si tertio à te moniti se ipsos contempserint emendare illius efficiantur immunitatis extores.* Sunt ergo formaliter admonendi, quod deinceps abstineant à delictis, & se emendent, aliter ejcipientur ab Ordine. Monitio igitur hæc, quæ omnino trina esse debet refertur fusè ad correctionem, & emendationem, non autem ad citationem in ordine ad sententiandum, ratione cuius non intenditur emendatio, sed punitio.

Dixi sextò, eum constitui incorribilem, quod post trinam monitionem prosequitur delinquere, ex hoc enim apparet illum non se emendassem, ac proinde factum esse incorrigibilem, sicut ergo abstinentia, & cessatio à peccatis arguit emendationem, & correctionis utilitatem, & effectum, ita perseverantia in peccatis, arguit delinquentis pervicaciam, obstinationem, & incorrigibilitatem, ut docent omnes.

Quæ verò requirantur, habes in præcitatissimis Decretis. Ubi tamè adverte, finito anno, certatum non esse statim expellendū, sed dannum illi libertatem more aliorum Religiosorum, ut per hoc veniri possit in cognitionem an se emendaverit, nec nè, quod indicant illa verba *Anno elapsò, si nihilominus non resipuerit,*
¶.

Quæ-

•§ 179•

Quæres II. Supposito, quod incorrigibilis jam alias fuerit processatus (quia non potest dici incorrigibilis, nisi de criminibus convictus & punitus, quod sine processu non contingit) an hi processus sufficient ad actualem expulsionem? Respondeo negativè, quia ex illis processibus reus non fuit declaratus incorrigibilis, sed tantum tale & tale delictum commisisse, & talem subiisse pro illis sententiam, ideo novus processus formandus est, per quem probanda est incorrigibilitas formaliter in ordine ad carcerationem annualē præscriptam in Decretis, ad quod præstandum juvant efficaciter processus antecedenter fabricati.

Quæres III. An formato processu, citari debeat Religiosus ad defendendū, quare nō debeat declarari incorrigibilis? Respondeo. Debet omnino, aliter sententia lata valida non est ex 1. cap. 1. de causa: possess. ubi Gregorius Papa dicit, nec non contra inauditam partem aliquid possumus definire. 2. Ex Clementi: Pastorale de sentent. Et re judic. versic. Nec prædicta suppletio, ubi dicitur Imperatorem, non posse supplere citationem: quia est de jure naturali, Et 2. q. 1. cap. Deus, ubi dicitur, Deum noluisse punire peccata Sodomorum, nisi descenderet, & videret: nec Adam, nisi prius eò vocato, & ejus defensione audita. 3. Quia citare partem, ut se defendat, est de jure naturæ, quod dictat unicuique locum se tuendi concedendum esse. 4. Ante

Na

sen-

sententiā est plenē cognoscenda culpa, quod effici non potest, nisi pars citetur, & auditur, an aliquid habeat, quod à culpa purgetur.

Quæres IV. Supposita justa carceratione ex formalī incorrigibilitate probata, an è carcere fugiens, expelli possit? Respondeo non posse, sed in carcerem, reducendus est, & annus debet continuo, non interpolatè peragi, ut respondit Sacra Congregatio 13. Novembr. 1632. Patri Generali Minimorum ibi fugientes verè è carceribus, etiam pro huiusmodi fugi delicto esse puniendos, & posse ferrea custodia in carceribus detineri.

Quæres V. An à Religione ejecti sint infames? Respondeo sunt. Nam vel fama definitur cùm summis. Illesæ dignitatis status, vitæ & moribus comprobatus; & in nullo diminutus. Et tunc infamis meritò dicitur ejectus, quia dignitatem Monachismi læsit, ab honorato suo statu decessit per pessimam vitam, moresq; depravatos. Vel si famam definiamus cùm Theologis, quod sit communis & clara opinio, & estimatio bonæ & inculpatæ vitæ vocè manifestata, quam de aliquo habent homines. Et tunc infamissimus dicitur ejectus, communis enim omnium sensus ejecitos judicat sceleratos & improbos. Præterea, sicut, qui prohibitus est à testimonio ferendo, vel à testamento condendo propter sua demerita, dicitur infamis, ut demonstrat Gellius lib. 6. cap. 7. lib. 15. cap. 13. Sic Sacerdos privatus obstatu giti

gitium jure confessiones audiendi, Prædicator prædicandi, Doctor docendi, infamis meritò dicitur.

Quare tanquam talibus nulla est adhibenda fides, si quid in Religionem effutiant, nec multum curandum de eorum maledictis; dementia enim est maxima, ut ait Seneca Epist. 92. vereri ne infameris ab infamibus; genius namque illorum notus, quia quod ipsi agunt, aut agere cogitant, id per summam impudentiam Ordini affingunt, ut ejectionem suam, & flagitia excusent, ac velent. Et tantum abest, ut eorum maledictis Religioni, & Fratribus maculam inurant, ut his potius eam laudare videantur, ait enim Gregorius in Ezechielem. Perversorum derogatio, vita nostrae approbatio est, quia jam ostenditur, aliquid justitiae nos habere, si illis disciplere incipimus, qui non placent DEO.

Nec novum est in mundo, malos maledictis insequi bonos, sic incontinens & impura Domina, sed suarum pauperrimum serva, purum, Sanctum Ioseph, incontinentiae notavit, Genes. 39 superbi & elati Hebrei, humilem Moysem, superbiæ redarguerunt num: 16. scelestus Rapaces sceleribus nutritus, scelerum accusabat sincerum Ezechiam, sic Alexander ærarius, multa mala obtendit Paulo II. ad Timoth. 4. sic Semei maledixit David 2. Reg. 16.

Quæres VI. An ejecti, si emendati humiliter petierint in Religionem iterum recipi, admitti debeant? Respondeo? quod sic. Ita e

nim expresse habetur in cap. finali de Regularibus. Et ratio est, quia Religio non habet jus à vinculo Religionis aliquem absolvendi, & ab ea ejiciendi, nisi quatenus id permittunt illius delicta, ergo cessante istâ causâ, & ejecto ad meliorem frugem reducto, & penitus emendato, debet cessare effectus, & debet eum humiliiter, & de corde puro petentem iterum recipere. Limitat tamen Corduca, nisi aliud obstet, ury potè si sit probabile, scandalum ex tali admissione fecuturum, vel si redeant morbo aliquò contagioso infecti: vel alias inhabiles ad Ordinis officia; vel tandem si ad aliorum terrorem valde conducat, hos iterum non admittere, limitat etiam Lef-
fus, nisi Religio justas non admittendi causas haberet, dictas scilicet, vel alias.

Imò potest Religio tales ejectos cogere ad redeundum. Prob. I. ex cap. fin. de Reg. ubi statuitur hos ejjectos debere censuris Ecclesiasticis cogi redire ad Religionem. Dubijs autem, quæ possunt fieri circa hanc decretalem, respondet benè Sanch. lib. 6. in Decal. n. 17. 18. & 30. Secundò, quia isti ejecti non liberantur à votorum obligatione, & remanent veri eiusdem Ordinis Religious, & Prælatis Ordinis subditi, ut declaravit Ioann. 22. ut refert Festus in summario constit. Prædicatorum 4. p. cap. 25. de gravissima culpa his verbis. Illo autem, qui propter culpam suam expellitur ab Ordine, adhuc Prælato subditus est, sicut morbida ovis, quamvis à gre

ge expulsa, tamèn pastoris est. Tertiò, quia ob eorum delicta, non debent commodum libertatis perpetuae consequi, & fieri potioris cōditionis quam alij Religiosi.

Insuper prædicti ejecti tenentur in sæculo existentes vivere morigeratè, & aptos se reddere ad vivendum in Religione, si ad eam vocentur à Superioribus. Ratio est, quia per professionem, quam emiserunt, obligarunt se ad perseverandum in Religione usq; ad mortem, nec per ejectionem sunt soluti ab hac obligatione, sed separati ad tempus, donec corrigantur: ergo quantum est ex parte ipsorum, debent esse parati ad implendū id, quod promiserunt, sed nisi se corrigant, non redundunt apti ut admittantur, sed potius resistunt, ergo. Deindè in cap. fin. de Regul. innovato à S. Congregatione Concilij præcipitur Prælatis Religionum, ut tales quærant & ad Religionem reducant, quandò salvâ Ordinis disciplinâ admitti possunt, Unde inferatur nullum ita ejici posse, ut Religio non debeat ipsum admittere si est correctus, ac proindè tenetur se corrigeret, ut adimpleat, quod in professione promisit.

An verò sic redeuntes admitti debeant in eodem gradu anuquitatis, quem habebant ante ejectionem, & cum ijsdem prærogativis, pendet ex varijs legibus Religionum, regulariter tamèn dicendum est, quod non Cùm enim meruerint ejici, digni quoquè sunt, ut

• 184 •

ejusmodi prærogativis priventur. *Suares 4.*
Tomo de Relig. tract. 8. lib. 2. c. 15. n. 17.

Quæres VII. Utrum ejeceti, tempore quod manent extra Religionem, possint transire ad aliam, sive æqualem, sive laxiorem sine licentia Superiorum suæ Religionis? Respondeo negativè. Quia ejeceti etiam tempore ejectionis perseverant Religiosi illius Ordinis, à quod sunt ejeceti, & illi subjecti, non ergo possunt sine licentia Superiorum Ordinis ejusdem hunc transitum facere.

Quæres VIII. An ejeceti maneant Religiosi cum onere trium votorum essentialium, sicut antea? Respondeo affirmativè: Colligitur hoc ex *cap. fin. de regul.* Et ratio suadet, cum per ejectionem non sint dispensati, aut absoluti à professione, quam fecerunt, alias ex suo delicto commodum reportarent, contra ea, quæ traduntur *cap. 1. de post Prælat.* et sentque melioris conditionis, quam Religiosi facti Episcopi, aut Cardinales, qui manent verè Religiosi Accedit, ejectum, si revertatur, non emittere novam Professionem, non ergo dispensatus erat in votis professionis.

Unde manent cum eodem voto obedientiæ, quantum ad hoc, quod teneantur obediens Superioribus, si eos velint ad Religionem vocare. Non tamèn ex ratiōni huius voti tenentur subjici Episcopis specialiori modo, quam alijs Clerici, quia votūm obedientiæ quod emiserunt, solum erat obediendi Prælatis Religi-

ligionum, non alijs. Nec tenentur ex vi eiusdem voti transire ad aliam Religionem. Quia nullo modo illam voverunt, sicut nequè Religionem in genere, sed solùm illam determinatè, à qua expulsi sunt. Idem in Decreto supponitur dūm dicitur de Superioribus, *nè buiusmodi expulsis literas testimoniales concedant iubentes ingredi aliam Religionem.* Quoad votum paupertatis, ejecti habere non possunt dominium cuiusvis rei, quia hoc est directè contra votum, nec usum irrevocabilem, ob eandem rationem, sed solùm usum rerum ad vivum, vestitum, &c. necessarium : quia hoc non est contra votum paupertatis, nec professi possunt carere his rebus. Quare si illæ à Religione non concedantur, eò ipso datur licentia quærendi, & habendi illas. Nec possunt testari, quia hoc supponit dominium rei. Nec facere magnas expensas, donationes, &c. ob eandem rationem. Si quid autem acquirunt Monasterio, vel Religioni, unde sunt expulsi acquirunt, manent enim Religiosi, ut alij. Et etiam si iniustè sint ejecti, aut detenti extra Religionem, acquirunt ipsi. Quia mala voluntas Prælatorum iniquè ejcentium Religiosos, aut extra Ordinem detinentium, non debet in damnum Religionis vergere. Huiusmodi tamèn ejectorum bona post illorum mortem, si extra Religionem eos mori contigerit, applicari debent ad Cameram Apostolicam propter Constitutionem Gregorij XIII. num. 43.

Quæres IX. An ejecti teneantur ad alias observantias Regulares? Respondeo non tenentur. Ratio est, quia hæc præcepta non se quuntur personam præcisè quasi ratione sui, ut faciunt vota essentialia, sed in ordine ad statum illum vivendi in communione uniformiter sub tali disciplina, ergo ab ea communitate juste remotus, amplius non tenetur, cùm nō sit deinceps membrum unitum illi corpori communitatis, cùm quod debeat se conformare in observantijs Regularibus. Confirmatur. Quia vota obedientiæ & paupertatis in multis relaxantur tunc, & mortificantur, ut evidens est, ergo à fortiori cæteræ observantiae.

Quæres X. An ejecti promoveri possint ad Superiores Ordines? Respondeo negativè. Quia cui vetita est functio Ordinis, vetita etiam est illius suscepitio, cùm Ordines suscipiantur, ut exerceantur, istis autem prohibita est functio cuiuscunquè Ordinis, ut liquet ex Decreto adducto, ergo. Deinde ejecti sunt irregulares, quia infames, ut dictum est. Idem dicendum de huiusmodi ejjectis, si alias non erant in sacris constituti, scilicet non posse promoveri ad sacros Ordines propter dicta.

Quæres XI. An Religio teneatur præstare alimenta Religiosis legitimè ejjectis? Respondeo negativè. Tum quia iij dimittuntur in punitiōnem suorum defectuūm, Iudex autem nō solet alere, quos punit: tum quia injustum

videtur, quod Religio maximos sumptus efficiat in Religiosis alendis, formandis, ac erudiendis in studijs, & postea etiam eos alere teneatur post legitimam expulsionem: Tum denique, quia alioqui, cum iij dimittuntur in poenam suorum delictorum, commodum reportarent ex delicto fruentes alimentis Religionis, & gaudentes libertate saeculi, ita Fagund,

Nequè praedicti ejeci audiuntur, si prætendant, venire adversus renuntiationem bonorum factam ex causa ingressus Religionis. Ita enim ex Rotæ quadam decisione refert Novarius. Et certè cum praedicta, acquisita sint Religioni, non debet illis privari ex ea causa, præsertim quod alias ex suo delicto commodum maximum reportarent ejeci, & idcirco etiam plures ejectionem procurarent.

Quæres XII. Quomodo ejeci teneantur incedere? Respondeo. In habitu Clericali, ita enim in Decreto habetur. Quare non tenentur portare habitum Religionis, immo non debent, nam hoc cederet in dedecus Religionis, nihilominus casu dato, quod Religio eos ejiciens ob aliquam rationabilem causam, ipsos habitu non privaret, tenentur ad illum portandum, cum verè religiosi sint, & alias possint extra Religionem vivere cum habitu, quemadmodum Episcopi è Religionibus a sumptu, extra illas vivunt cum Religionis habitu.

Quæ-

Quæres XIII. An Generalis possit delegare facultatem ejiciendi à Religione Provincialibus pro eorum Provincijs, seu Commisarijs, vel Vicarijs Generalibus? Item, an sex Patres, de quorum consilio & assensu ejecutioni debet, sint eligendi de tota Religione, an sufficiat ex qualibet Provincia, seu Regno; præterea, si à Religione huiusmodi sex Patres non fuerunt electi in Capitulo Generali, quid faciendum usquè ad primum Capitulum Generale? Demum, an Generalis possit ferre sententiam ejectionis, si major pars sex illorum Patrum dictam sententiam approbet, non verò omnes sex. Respondeo ad primum negativè. Ad secundum sufficere ex qualibet Provincia, seu Regno. Ad tertium, recurrendum ad Sacram Congregationem in singulis casibus. Ad quartum, votum majoris partis sufficere. Ita Anno 1653. Sacra Congregatio Concilij Tridentini Interpretum respondit ad instantiam Procuratoris Generalis Ordinis B. Mariae de mercede redemptoris captivorum. Potest tamen Generalis formare processum, sive Partibus deputatis. Nam Patres illi adhibendi solum sunt ad ejjectionem, quæ est quid diversum à fabricatione processus.

Quæres XIV. Quis dicatur propriè & rigorose Apostata? Respondeo. Essentialis ratio apostasie consistit in hoc, quod quis recebat à Religione animo deserendi illam, unde qui hunc animum non habuerit, non erit proprie

priè Apostata, sed fugitivus. Ita Doctores: nota tamè primò, licet è Religione hoc animo recedens non relinquat habitum, nec habeat animum illum relinquendi, adhuc erit verè Apostata: Sicut enim *habitus non facit Monachum, cap. Porrectum est.* Sic retentio habitus non tolleret esse Apostatam eum, qui à Religione modò dicto recedit. Idem colligitur ex Decretis *Clementis VIII. de casuūm reservat: pro Regul.* ubi inter casus reservabiles à Regularris ponit Apostasiam à Religione, sive habitu dimisso, sive retento, ubi manifestè supponitur posse esse Apostatam etiam habitu retento. Nota secundò. Quamvis ad veram Apostasiam requiratur animus non revertendi ad Religionem, nihilominus in foro exter id extenditur etiam ad eum, qui recedit à Religione animo non revertendi ad illam, nisi post longum tempus, prout colligitur ex textu *in paragr. Pavonum, instit. de rer. divis.*

Quæres XV. An Monasterium teneatur solvere debita contracta à Religioso Apostata, vel fugitivo? Respondeo negativè. Nisi in casu, quò rediens ad Religionem secùm adduxerit aliqua bona, ex quibus possent solvi talia debita. Ratio utriusquè partis est, quia sicut ratio naturalis dicit, quòd qui sentit cōmodum, debeat etiam sentire onus, *juxta Regul. juris in 6.* sic etiam, quòd, qui nullū cōmodum sentit, nec sentiat damnum.

Quæres XVI. An Religio teneatur præstare

re alimenta Religiosis Apostatis aut fugitivis, saltem quandò ratione morbi aut senectutis non possunt ea sibi comparare aliundè? Respondeo non teneri. Tùm quia frangenti fidem, frangenda est, ideoquè cùm Apostata, vel fugitivus fregerit fidem, qua Religioni obedientiam, & obsequiū promiserat, par est, ut & ipsa Religio non servet ei fidem datam de præstandis alimentis. Tùm quia eatenus Religio tenetur alere Religiosum, quatenus istè illi infervit, hæc autem ratio cessat in casu nostro, ut patet.

Verùm attamen est, quod si Religiosus Apostata, aut fugitivus, ab aliquò capiatur, revocandus ad Monasterium, aut ipsem pœnitentiâ ductus redeat, tunc Religio tenetur de expensis, & alimentis, cùm in priori casu alter ex tunc utiliter gerat negotium Religionis, faciens id, quod ipsa tenebatur efficeri : posteriori verò ipse Religiosus Apostata aut fugitivus prævenit obligationem Religionis, quæ tenebatur eum revocare. Ita Sancte addens potiori jure Religionem teneri ad alimenta, ac expensas Monachi fugitiivi licite fugientis, & ex justa causa, v. g. ad se præsentandum Superiori, siquidem Monasterium tenetur dare Monacho expensas necessarias ad litem & justa cap. Ex partè de accusat. debetur alimenta Monacho accusanti Abbatē de quo vide Sylv. verb. Apostata q. 10.

Quæres XVII. An Religiosus fugiens ad Præ-

Prælatum Superiorem, eò quod certò illi cōstet se gravari iniustè nimis à Prælato immediato, vel quod velit illum gravare notabiliter, sit Apostata? Respondeo negativè. Quia non deserit Religionem, cùm potius pergit ad suum Prælatum superiorem imò licitè id facere potest, cùm jure naturali defensionis utatur. Nec Concilio Tridentino contradicit, quia hoc solum loquitur in casu, quod Religiosi non iniustè nimis gravantur à prælatis suis.

Qui autem fugiunt ad Superiorem Prælatum, vel sine fundamento, vel non nimis, sed tantum leviter ab inferiori Prælato gravati, vel si graviter gravati, ad faciendum quærelā contra ipsum, cùm tamèn commodè eam facere possent vel per literas, vel alio tempore, licet nō sint veri Apostatae propter dicta, contraveniunt tamèn Decreto Concilij Tridentini relato; & velut vagi & profugi puniri debent iuxta statuta suarum Religionum.

Quæres XVIII. An Episcopus regularis renuntians Episcopatui, vel depositus, si non revertatur ad Religionem, sit Apostata? Respondeo affirmativè. Näm non est exemptus à Religione ratione Episcopatus, sed ratione vinculi matrimonialis, quod contraxit cùm sua Ecclesia à quod vinculo cùm iam sit liberatus, tenetur ad propriam Religionem redire.

Quæres XIX. Cui acquirat Religiosus Apostata vel fugitivus? Respondeo. Acquirit suæ Religioni. Tùm quia ita definitur in cap. Abbas

18. q. 2. Tum quia isti sunt veri Religiosi, ac per consequens debent Monasterio acquire re, si autem moritur in Apostasia, vel fuga, bona, quæ illi supersunt, pertinent ad Camerā Apostolicam propter Constitutionem Gregorij XIII. quæ incipit *Officij nostri.*

Quæres XX. An suscipiens Ordines in Apostasia sit irregularis? Respondeo: est. Quia cùm Apostata sit ipso facto excommunicatus ut latè probat Casarubius in Compendio privileg. Mendic. verbo Apostata ab Ordine & Sanchez lib. 6. in Decal. c. 8. n. 20. Necesse est, quòd dicamus, Ordines, recipientem esse irregularem, cùm excōmunicatus Ordines recipiens sit irregularis cap. cùm illorum de sentent. excom. parag. si autem hos sunt etiam infames ex cap. Alieni 2. q. 7. & cap. infames 6. q. 1. Patetquè ex iis, quæ attulimus supra, dùm eiusdem esse infames dicemus. Exercentes etiam Ordines sacros, fiunt irregulares, tales enim sunt, qui exercent Ordines Sacros cùm aliqua censura. Nequè decet statim super his cùm illis dispensari, estò redeant ad Religionem, nè qui hodie in circo saltat, manè in Altari ministret, ut loquitur ius Canonicum.

Quæres XXI. Quid sentiendum de cooptantibus ad fugam, vel apostasiam? Responde o. Hi non solum peccant graviter, eò quòd cooperantur ad rem intrinsecè malam & sacrilegā, sed etiam tenentur restituere ea luctuaria, quæ religio amisit propter fugam

gam talis Religiosi. Ratio est, quia tunc sit grā
vē nōcumentum Religioni contra eius volun-
tatem, ergo peccatur contra iustitiam, ac per
consequens est obligatio restituendi dāmū.
Non tamē tenentur Religionē ingredi pro
illis, quos apostatare faciunt; aut alios quæ-
rere, qui pro illis Religionem ingrediantur,
Ingressus namquē Religionis voluntarius es-
se debet.

Quæres XXII. Quid dicendum de detinē-
tibus in suis domib⁹ Fratres Apostates, oc-
cultantibus, ipsifisquē favorē impēndentibus?
Respondeo. Eos esse ipso fact⁹ excommuni-
catos, propter multa Privilegia Religionibus
concessa, de quibus Casarubius in Compend. Pri-
vileg. Verbo Apostata ab Ordine. Episcopi tamē
retinētes Apostatas, non possunt à Praelatis
Ordinis excommunicari, de quo vide Conci-
lium Tridentinum, sess. 24. cap. 5.

Quæres XXIII. An Apostata sit ipso jure
& facto excommunicatus, si habitum retineat?
Respondeo affirmativè. Nām in cap. ut pericu-
losa, ideo fertur excommunicatio in eos qui
temere suæ Religionis habitum dimittunt, ut
periculosa Religiosis evagandi subtrahatur oc-
casio, ergo sive habitu indutus, sive eo exu-
tus Religiosus si à Religione defecerit, ut li-
bere evagetur in excommunicationem incur-
ret ut benē Azor. Nām tamē periculosa est va-
gatio cum habitu, quam sine illo, imò magis
Periculosa & scandalosa, quia cum habitu no-

cet sibi & Religioni, eam suis malis actibus in famando, sine illo autem non nocet nisi sibi ipsi, cum non cognoscatur ab omnibus.

Quæres XXIV. Apostatae & fugitivi an possint ubique etiam extra territorium apprehendi à Superiore suo, incarcerari, & duci ad Monasterium? Respondeo posse. Qui enim debent alijs perpetuam obedientiam, possunt de manibus quorumcunque capi. Et ita statuitur in cap. final. de Regulari. ijs verbis. Si vero buiusmodi fugitivos inobedientes invenerint, eos excommunicent, & tamdiu faciant ab Ecclesiarum Prelatis excommunicatos publicè nuntiari, donec ad mandatum ipsorum humiliter revertantur. Quæ omnia innovantur in Decreto.

Quæres XXV. An Religiosus in pœnam licuius delicti à suo Superiore detentus in carcere, possit licet ex illo fugere? Respondeo non posse. Tum quia tenetur obedire Prælato quoad pœnas juste inflatas. Tum quia non potest se abstrahere à jugo & obedientia suorum Superiorum. Prædicta intellige etiam de carcere perpetuo, tum ad illum præriquè Religiosi, se obligaverint ex vi professionis, quando crimen proportionatum perpetraverint.

Quæres XXVI. An possit Religiosus vivere extra Monasterium retento habitu? Respondeo. Posse cum facultate, quia nec hoc est intrinsecè malum, nec derogat votis professionis, cum etiam ibi possit observari, O-

be-

• 9 195 •

bedientia, Paupertas, & Castitas. Hoc de jure communi accipiendum est, nam jure novo Clementis VIII. in Decreto sequenti afferendo, sic habetur. *Degentes extra Conventus claustra, ad ea quamprimum revocentur, nec de cetero, nisi ex gravissima causa à Sede Apostolica probanda huicmodi facultates concedi possint.* Ubi nota pro servitio Principum fæcularium, sacram Congregacionem non velle hoc admittere, unde Anno 1644 jussit, ut existentes extra claustra hoc titulo ad ea revocarentur.

Quæres XXVII. Religiosus extra claustra delinquens quomodo puniendus sit? Respondeo, præscribitur modus in Trident. sess. 25. cap. 14. scilicet Regularis non subditus Episcopo, qui intra claustra Monasterij degit, & extra ea ita notoriè delinquerit, ut populo scandalo sit, Episcopo instantे à suo Superiore infra tempus ab Episcopo presigendum severè puniatur. & delinquens, ab Episcopo puniri possit. Circa quod adverte, ut Episcopus teneatur instare apud Prælatum ut puniat Religiosum, debere delictum huius esse notorium & scandalosum populo, sic enim habet Concilium, nec sufficit, quod tale delictum sit notum alicui, vel aliquibus paucis.

Quæres XXVIII. An sit Apostata Religiosus reclamans contra propriam Professionem cum tamèn sciat illam esse validam? Respondeo. Esse. Ut potè qui à propria Religione recedit, animo amplius non redeundi ad illam, & quidem sine licentia proprij Prælati, cum

• 5196 •

licentia ab eō obtenta fuerit extorta dolose
& fraudulentur, ideoquē perindē se habet,
ac si non esse obtenta.

Quæres XXIX. An Religio sus transiens
absquè legitima facultate Superioris ad ali-
am Religionem, sive arctiorem, sive laxiorem,
sive æqualem sit Apostata? Respondeo nega-
tivè. Quia Apostasia, teste Suarez. Tomo 4. de
Relig. Tract. 8. lib. 8. c. 10. n. 10. secundum
communem Doctorum sententiā est proprié-
te retrocessio à statu Religioso, in nostro autem
casu non retroceditur à statu Religioso sim-
pliciter, sed solū à tali statu Religioso, er-
go &c, sic tamen transeuntes, non unam pœ-
nam incurunt, de quò vide Tridentinum sess.
14. cap. II. de Reformatione & Peyrinis de Relig.
subd. q. I. c. 24. Lexanam Tomo I. c. 22. n. 24.

D E C R E T A
C L E M E N T I S V I I I .
D E
R E F O R M A T I O N E

R E G U L A R I U M

Sub pena privationis omnium Officiorum, vocisq; atti-
væ & passiva, ac perpetua inhabilitatis ad illa impo-
sterum obtainenda, bis in anno legenda, diebus
à Superiori designandis.

N ullus omnino prætextu cuiuscunquè pri-

vi-

vilegij vel superioritatis, etiam Generalatūs, à servitio Chori censeatur immunis, nisi pro tempore, quò quis in proprij Officij munere actu fuerit occupatus: cùm Lectoribus autē & Prædicatoribus, Superiores ijs tantum diebus, quibus eos Legere, aut prædicare contigerit, dispensare possint. Idem quoquè præstare valeant cùm ægrotis, & studiorum causa legitimè impeditis. In eos verò qui negligentes, aut inobedientes fuerint, salutari pœnitentia Superiores animadvertant, ad præscriptum Regulæ & Constitutionum, alimenti etiam si opus fuerit subtractione.

Lectio Sacræ Scripturæ, vel casuūm conscientiæ bis in hebdomada, præscriptis diebus, in singulis Conventibus habeatur, ad quā Fratres omnes convenient, eaque absoluta, mutua collatione circa explicatam doctrinā sese utiliter exerceant.

Quò Tridentini Concilij Decreta de pauper-tatis voto custodiendo fidelius obseruentur, præcipitur, ut nullus ex Fratribus, etiam si Superior sit, bona immobilia, vel mobilia, aut pecuniam, proventus, census, eleemosinas, sive ex concionibus, sive ex lectionibus; aut pro Missis, tam in propria Ecclesia, quam ubique cunque celebrandis, aliove ipsorum justo labore & causa, & quocunque nomine acquisita, etiam si lubsidia consanguineorum, aut plurium largitiones, legata, aut donationes fuerint, tanquam propria, aut etiā nomine Com-

ventus possidere possit, sed ea omnia statim Superiori tradantur, & Conventui incorporantur, atque cum ceteris illius bonis, redditibus, pecunijs ac proventibus confundantur, quo communis inde vietus & vestitus omnibus suppeditari possit. Neque Superioribus, quicunque illi sint, ullo pacto liceat eisdem Fratribus, aut eorum alicui, bona stabilia, etiam ad usum fructum, vel usum, administracionem, aut commendam etiam depositi, aut custodiæ nomine concedere. Eorum vero quæ ad necessitatem concessa erunt, nullus quidquam possideat ut proprium, neque ut proprio utatur. Qui in præmissorum aliquo deliquerit, poenas nedum a Concilij Tridentini prescriptas, sed alias quoque multò graviores Superiorum arbitrio imponendas incurrat.

Nulla quorumcunque Superiorum dispensatio, nulla licentia, quantum ad bona immobilia, vel mobilia. Fratres excusare possit, quod minus culpæ, & poenæ ab ejsdē Concilij Decretis impositæ & ipso facto incurriendæ obnoxij sint, etiamsi Superiores affererent huiusmodi dispensationes, aut licentias concedere posse, quibus in ea re fidem minime adhiberi volumus.

Fratum vestitus, & suppellex cellarum, ex communi pecunia comparetur, & omnino uniformis sit Fratum, & quorumcunque Superiorum, statuque paupertatis, quam profecti sunt, conueniat; ita ut nihil superflui admit-

titur; nihil etiam, quod sit necessarium, ali-
cui denegetur.

Quaecunque Fratrum vestes, sive lanceæ, si-
vè lineæ omnisque alia suppellex in aliquem
commodum Conventus locum deferantur, i-
biq[ue] ab uno, vel duobus Fratribus huic mu-
neri deputatis diligenter custodiantur, ut in-
de Superioris arbitrio, prout unicuique opus
fuerit, subministrari opportunè possint.

Omnes etiam Superiores, quicunq[ue] illi sint,
eodem panè, eodem vino, eodemque obso-
nio, sive eadem (ut aiunt) pitantia, in com-
muni mensa prima vel secunda, nisi infirmi-
tatis causa impediti fuerint, vescantur, ne quæ
singulare aliquid, quo privatim quisquæ in ci-
bum utatur, ullo modo afferri possit, si quis in
ea re peccaverit, nihil ea die alimenti per-
cipiat, nisi panem, & aquam.

Superiores omnes, etiam Generalis, qui re-
ditus, aut præstationes peculiares ratione of-
ficiorum habet, eorum accepta, & expensa
in libro distincto fideliter, & diligenter ad-
notari curent, ne quæ in alios usus, quam ra-
tione Officij sui necessarios, quidquam ex-
pendant. Cū verò contigerit ipsos in aliquo
Conventu commorari, eam pecuniæ quanti-
tatem in commune conferant, ex qua sibi &
ijs, qui secum erunt victus ad præscriptum
Regulæ, & constitutionum suppeditetur.

Nullus ex Superioribus locorum, admini-
strationem bonorum, aut aliarum rerum di-

spensationemquè pecuniarum & redditū suū Conventūs, per se ipsum habere, sive exercere possit; sed universum id onus tribus Fratribus ejusdem Conventūs à Generali ita demandetur, ut unus rerum & bonorum, redditūmquè colligendorum, ac exigendorum curam habeat; alter tanquam Depositarius, pecunias, ac cætera ab illo collecta, & exacta fideliter asservet: alius de pecunijs, Priori, & Fratribus, ac Conventui universo de necessarijs, mandante tamē ipso Priore, non secundūm propriū affectū, sed iuxta charitatis regulam, veluti bonus Dispensator prvideat, officiorum huiusmodi confusione penitus interdicta.

Cæterum hi tres, tam impensi quam accepti singulis mensibus Superiori loci, adhibitis etiam duobus vel tribus Fratribus ejusdem Conventūs probatoribus, rerumquè usu peritis, rationē reddent: Deinde ipsimet rursus, praesentibus Priore, & peritis predictis Generali, cum advenerit: denique ipse Generalis, in quolibet proximo Capitulo saltem coram tribus judicibus ab ipso Capitulo ad hoc constitutis illorum omnium, universamque suæ administrationis tam publicæ, quam privatæ rationem reddere, teneatur: cuius etiam exempli authenticum ex actis Capituli describatur ad hoc, ut ad omne mandatum nostrum, vel Sedis Apostolicæ Romam transmitti possit.

In quocunque Conventu, Fratrum is tantū
de-

deinceps constituatur, & imposterum retinetur numerus, qui ex redditibus illius proprijs, vel ex communib[us] consuetis, vel etiam singulorum eleemosynis, alijsque quibuscumque obvenientibus in commune (ut præferunt conferendis) commodè possit sustentari; redditus vero & supradicta omnia in communio loco, ac tuto diligenter asserventur.

Superioribus autem, nè Concilij Tridentini, aut hæc nostra Decreta declarare, interpretari, aut relaxare ullo modò possint, omnino interdicimus, & prohibemus, decernentes irritum &c. Si quis autem contra præsum pserit attentare, is eò ipso, omni gradu, officioquè privatus, & ad ea obtinenda perpetuo inhabilis existat.

Nullus, nisi actu legat, vel prædicet, aliquo sui gradus privilegio gaudeat.

Si alicui ex necessaria causa, Generalis iudicio probanda, socius ex eodem ordine, qui illi ministret concedendus erit, is nisi vigesimum quintum agat annum, & qui communi servitio sit deputatus non concedatur, & si commodè fieri potest sit Laicus conversus.

Ut omnis scandalorum, & vagationis occasio tollatur. Conventus clausura perpetuò, ac diligenter servetur, ac propterea à Superiori janitor constituatur, qui diligentia, ac morum integritate maximè commendetur, is januae custodiendæ semper assistat, eamquè nemini Fratrum aperiat, nisi socium, & exendi licentiam obtinuerit.

Nul-

Nullus à Conventu egredi audeat, nisi ex causa, & cùm Socio, licentiaquè singulis vicibus impetrata, ac benedictione accepta à Superiore qui non aliter eam concedat, nisi causâ probatâ, sociumquè exituro adjungat; non petentis rogatu: sed arbitrio suo, nequè eundem sèpius. Licentiae verò generales exequundi, nulli omnino concedantur.

Contravenientes autem pœna gravi etiam carceris ad Superioris arbitrium plectantur, eandem etiam janitor subeat, si sciens exequundi facultatem fecerit.

Cùm autem quis in Conventum revertitur, Superiorum iterum adibit benedictionem recepturus, qui à Socio itineris ratione, & quid rei actum sit diligenter requirat.

Nulos Frarres Romanè venire Superiores permittant, nisi prius à Generali vel Proteetore dumtaxat licentiam in scriptis impetraverint.

Si quis autem sine huiusmodi facultate Româ venire præsumperit, voce activa, & passiva biennio privatus existat, subiturus etiam alias arbitrari Superiorū infligendas pœnas, Quæ item omnia adversus eos, qui supradictos admiserint & receperint, sine ulla exceptione locum habeant.

Habeat Superior clavem ita fabrefactam, ut cùm sibi videbitur, cellas omnes reserare possit, & propterea nullus cellam, etiam noctu ita claudat, quin semper à Superiore possit aperiri.

In

In medio dormitorij totam noctem lampas colluceat.

Nullus etiam Superior cellas sive in claustro, sive alibi seperatas a communi dormitorio habeat, sed unusquisque unica cella, eadem cum ceteris aliorum fratum coniuncta, nudis omnino perietibus, ac lecto, & mensa humilibus, uniformique supellestili (ut præfertur) quemadmodum Religiosos decet contentus sit: possit tamen Generalis alicui ex Superioribus Conventuum. si eorum muneris, & Officij necessitatem id exigere cognoverit; altetam etiam cellam concedere.

Cellæ, sive ædicolæ, quæ extra dormitorium separatis sunt, ad officinas, aut alias ad communem usum & commoditatem Conventus redigantur.

Sigillatim suo quisque lecto cubet, neque ullibi duo eodem lecto dormire possint, qui omnes ad certam formam redigendi erunt.

In privatis cellis nulli camini permittantur sed omnes obstruantur statim cardinibus etiam e parietibus conyulsis, ut res illa non ad tempus facta, sed ad perpetuam duratura videatur, cellis tamen Generalis, aut alterius Superioris, ac Prædictoris exceptis.

Conventus fenestræ omnes, quæ in vias publicas, aut in vicinas laicorum ædes prospiciunt, muro ita obstruantur, ut omnino is prospectus impediatur.

Valetinarii in singulis Conventibus cer-

to.

to, ac salubriori loco constituatur quod pro loci situ, ac Fratrum numero, quoad fieri poterit, commodissimum esse possit, in quo Fratres omnes, cum ægrotabunt carentur, nec inde nisi recuperata sanitatem abire permittantur, Qui vero infirmorum curæ præpositi sunt, omni sedulitate, ac charitate operam suam præstabunt, ac curabunt, ne quid ægrotis omnino desit quod ad sanitatem recuperandam pertineat.

Ineatur ratio, qua sublatis licentijs, aut facultatibus haec tenus quibuscumque concessis, degentes extra Cöventus claustra ad ea quam primum revocentur, nec de cætero, nisi ex gravissima causa à Sede Apostolica probanda, huiusmodi facultates concedi possint.

Nulli imposterum ad habitum, aut professionem admittantur, nisi in Conventibus per Sedem Apostolicam in qualibet Provincia deputandis.

Curent Superiores, ut Constitutio interdicens largitiones munera, & prescribens hospitalitatis formam ab omnibus in quolibet Cöventu inviolabiliter observeatur.

Ambito Ut omnis officiorum ambitus occasio praedicta cludatur, caveant omnes à directa, vel indirecta vocum, seu suffragiorum procuratione, tam pro se ipsis, quam pro alijs, tūm in Capitulis locorū, tūm in cæteris, præsertim Generalibus Capitulis aut Congregationibus, sive alibi. Quicunque fecerit, præter ali-

as pœnas, & censuras hactenus contra huius modi ambientes infictas, quas in suo robore permanere volumus, in pœnam privationis officiorum, quæ obtinent, eò ipso incident, & ad futura quæcunquè pariter inhabiles habentur, super quò cùm eis dispensari à neminè possit, nisi à nobis, vel successoribus nostris, & pro qualitate culparum, gravius etiam plementantur. Porrò supradictas omnes pœnas ad complices; ac simpliciter scientes, & non revelantes extendimus.

In Superiorum, & Officialium omnium Electionibus forma præscripta à Sacro Conc. Trid. & Ordinis constitutionibus inviolabiter servetur, jurentquè Electores secundùm veritatem cuiusquè conscientiæ, probiores ac magis idoneos se electuros, ac propterea priusquam ad Electionem deveniatur, inprimis, & ante omnia prælegantur constitutiones de qualitate, & requisitis eligendorum. Ad officia, gradus, & prælaturas illi præcipue eligantur, qui possint, & conservent regulas Ordinis & Constitutiones observare, præsertim quæ pertinent ad servitium chori, ac vestitū, vietum communem.

* Eligantur in Capitulo Generali vel Provinciali aliquot graves, & periti ex Fratribus cuiuslibet Provinciæ, saltē tres, qui admittendos ad prædicationem verbi DEI, vel ad audiendas confessiones etiam ipsorum Fratrum ac Lectores publicos diligenter simul exami-

* Examinateores Lectorum, Censorum
et Contemplationis Alford.

nent, priusquam probentur & ad huiusmodi ministeria admittantur. Horum etiam curæ sit examinare, tam quoad doctrinam, quam quo ad mores promovendos ad quoscunquè Ordines, in quò servetur Decretum Congregationis Interpretum Sacri Concilij Tridentini, hac de causa nuper editum & promulgatū

Illiud porrò Superiores omnes in Domino admonemus, ut memores sint rationis, quam in novissimo die reddituri sunt pro grege sibi commisso, ac propterea omni studio invigilent, ut quæ in eorundem Ordinum Regulis, & Constitutionibus de oratione mentali, silencio, jejunis, Capitulo culparum, alijsq; spiritualibus exercitijs prudenter, ac piè sancta sunt, ea omnia, & singula ad unguem observentur, intelligentque super his veluti fundamentis omnium Religionum ædificia construenda, & amplianda esse; quæ ut faciliore exitum sortiantur, & fructus ubiores in animis Fratrum producant, valde opportunum erit, si in quolibet Conventu singulis hebdomadis habeatur sermo de religiosa disciplina, regularique observantia.

Quò verò omnia ordinatè peragantur, appendatur tabella in loco conspicuo uniuscuiusq; Conventus, in qua distinetè adnotetur, quid singulis horis cuiusquè diei quilibet Frater præstare debeat, ut certo quoquè signo præmonitus, majore animi præparatione suo muneri satisfacere possit. Quæ Ordinis consi-

stitutiones, his Decretis non adversantur, in-violate custodiendæ erunt.

Quibus horum Decretorum capitibus certa poena præscripta non est, arbitrio Generalis, vel alterius immediati Superioris infligatur. Ut autem hæc Decreta (donec alia quæ pleniorē reformationē facient, edantur) ab omnibus observari possint, districte præcipimus Generalibus, ac omnibus alijs quibuscumquæ Superioribus, ad quos hoc spectat, ut current, ac efficiant, ea omnia inter alias eorundem Ordinū constitutiones perpetuo validitas redigi, interdicta omnino eorum singulis facultate illas declarandi & adverfas eas unquam dispensandi. Alioquin sciant se in poenam, Generalatus, & officiorum privationis, ac inhabilitatis perpetuæ ad alia quoq; munera ipso facto, & sine ulla exceptione re spectivè incidisse.

Nè verò prætextu dilatæ publicationis eorum observatio, quoquomodo differri posset, aut impediri, volumus, ut post illorum publicationem in Conventu, vel Monasterio cuiuslibet Ordinis de Urbe factam, Generalem, aliosquæ Ordinum Superiores, cæterosq; Fratres præsentes circa montes, unius mensis, ultra montes, trium mensium spatio inarcent ac si eorum singulis personaliter intimata fuissent.

Insuper mandamus, quod Generales in singulis Conventibus citra montes, unius mensis,

ul-

ultra verò montes, trium mensium cursu, Decreta supradicta publicari faciant, sub pœna privationis Generalatū, alijsquè arbitrio nostro imponendis. Datum Romæ apud Sanctū Petrum die 25. Mensis Iunij. 1599.

Decretum illud, quò Fratres Romam petere cùm Generalis & Protectoris licentia duntaxat permisum est, Sanctitas Sua extendi ad Provinciam decrevit, ita ut Provincialis ipse ex causa communi totius Provinciæ duntaxat facultatem huiusmodi facere valeat, declaravitquè poenam privationis vocis activæ, & passivæ contrafacientibus inflictam, Sanctitati Suæ reservatam esse, interdicta omnino eorum Superioribus singulis, etiam Generali, ac Protectori facultate illam moderandi, ac relaxandi, Datū Romæ die 20. Martij, Anno 1601.

DUBITATIONES

AD HOC DECRETUM.

Decretum hoc media illa, rationesquè vivendi præscribit, quibus verùm disciplinæ Regularis, Religiosæquè perfectionis tramitem assequamur. Multa ibi dilucida sunt, & ideo specialibus quæstionibus non pertractanda. Cætera hic resolvere studebimus.

Primo igitur statuit: nè Religiosi, non urgentibus causis in Decreto enumeratis, super alios extolli cupientes, immunitates, exempti-

xemptiones, privilegia, in Religionibus quærant. Et verò hæc observantiæ Regulari obstant, magnaquè ex partè illam evertunt. Audiat D. Bonaventura qui in pharetra sua sic inquit: Si peculiaritas à Monachis habeatur, nec concordia, nec charitas in Congregatione eadem poterit permanere. Rationem sic subjungit: Quia qui post te ad Ordinem veniunt, non attendunt quid ante eos laboraveris, sed solum accipiunt, quale ijs exemplum preferas in præsenti, in laboribus, vigilys, cibis, in alijs observantij Ordinis, in quibus vellent sibi seniores suos preire: alioquin aut scandalizantur de ipsis, aut imitari eos incipiunt. Iungatur Bonaventura S. Ignatius, sæculi nostri decus, & Societatis IESU universo in Orbe celeberrimæ Antesignanus, qui ferventi zelo observantiæ regularis vigore suos cupiens, inter cætera quæ illis commendata reliquit, illud non postremum est, ut pœnitùs singularitates privilegiaquæ in Religione abijciant. Unde ingredientem Societatem interrogari præcipit. An contentus fuerit eodem atq; alijs modò in Collegio agere, nullisq; privilegijs aut prærogativis minimum omnium, qui in eò fuerint, anteire. Adstipulantur Sancti Patres alij, quos longa serie invenies apud Lezanam Tomo I. cap. 12.

Hæc tamèn nolim accipi de ijs qui juxta instituti sui leges, similia privilegia adepti sunt, scio etenim plures, quorum vita exemplaris, modesta & humilis, suadet illorum immunitates non obesse, sed prodesse Religionibus,

illas namquè non ad commoditatem propriam, non ad honorem proprium, sed ad Religionum suarum autoritatem, suæquè familiæ decorem quæritant; Solùm igitur ij tanguntur, qui nullis omnino meritis, sed nescio quo prætextu ad exemptiones, & immunitates aspirant, qui ut extollantur, promoveri se procurant ad laureas, esto literatura vix aliqua sint prædicti, & forrassis de quibus illud emanavit adagiū. Maneat ejus argentum apud nos, a sinu sibi laureatus revertatur in patriam.

M Quæres I. Illud actu legere, vel prædicare, an trahi possit ad casus similes, videlicet, libros edere, casus conscientiæ resolvere &c. Respondeo potest: quia dictio taxata in Decreto, non excludit casus similes vel urgentiores, maximè cùm intentum Pontificis in illo Decreto videatur esse, quod Magistri & graduati Religionum, exerceantur semper in aliquo literario exercitio, si volunt uti graduum suorum privilegijs.

Quæres II. An Lectores dicantur actu legere tempore vacationum? Respondet Peyrinis Tomo I. ad secundam Iulij II. Constitutionem, quod sic: & benè. Quia tunc student, ut legendi, & nunquam minus vacant, quā cùm vacant, qui officijs debito satisfacere volunt.

Venio jam ad Sanctam & Religiosam Paupertatem, de qua in eodem Decreto copiose differitur. Circa quam.

Quæres I. An possint Religiosi habere domini-

minium seu proprietarem jurium, aut bonorum spiritualium? Respondeo posse. Quia per votum paupertatis non renuntiant bonis, aut juribus spiritualibus, sed solùm bonis temporalibus, *s. Thom. 2. 2. quest. 186. atr. 7. ad 4.* *Lessius de justit. lib. 2. cap. 4.* Imò etiam quarundam rerum quæ non sunt pretiò estimabiles, v.g. paucarum reliquiarū, *Agnus Dei &c.* Quia per votum paupertatis solùm abdicarunt à se dominium rerum pecunia, aut pretio estimabilium. Ita colligo ex *Sancto Thom.* ubi supra. Hinc si habeant, vel accipient, jura aliqua Ecclesiastica, v. g. facultatem excommunicandi, absolvendi, dispensandi, &c. sine licentia, non erunt proprietarij propter eādem rationem *Navar comm. 2. de Regul. Sanchez. lib. 7. in Decalog. cap. 19. n. 58.*

Quæres II. An Religiosus dicens aliquid esse suum v. g. *mea vestis, meus liber, peccet?* Respondeo. Si id dicat, intendens, se habere dominium illius rei, vel usum independenter à Superiore, & mentitur, quia dicit falsum, & peccat peccato proprietatis, quod opponitur Paupertati. Si autem velit solùm dicere illam rem esse suam quoad usum dependentem à voluntate Prælati, nullo modò peccat, nequè contra veritatem, nequè contra paupertatem, ob rationem oppositam.

Quæres III. An peccet Religiosus peccato proprietatis tenens, retinens aut possidens quamcunque rem sine licentia sui Superioris,

ris, etiamsi talis res sit ex illis, quæ usu consumuntur? Respondeo affirmativè. Ratio est quia per votū paupertatis adstringitur ad nō exercendum aliquem actum proprietatis, est autem præcipuus actus proprietatis tenere, possidere, aut retinere aliquid sine licentia Superioris.

Quæres IV. An in Monasterijs, in quibus vel ob nimiam paupertatem, vel ob malitiam & negligentiam Superiorum, non potest observari vita communis, dando singulis Religiosis ea, quæ sunt simpliciter ipsis necessaria secundum decentiam statū, vel defacto non daantur, possit permitti Religiosis aliquod peculium, &c. in ordine tantum ad usus simpliter necessarios, & amovibiliter à voluntate Superiorum? Respondeo posse. Nam eatenus Concil Trident. & summi Pontifices prohibuerunt Religiosis peculium, &c. quatenus vel supponebant concedi Religiosis omnia necessaria, vel præcipiebant Superioribus, ut ita facerent, ut constat ex mente; & verbis ipsorum Decretorum, ergo in casu proposito cessat hæc lex. Nec enim præcepta Ecclesiastica obligant cū morali impossibilitate, qualis in allato casu esse censetur. Deinde Superiores tenentur concedere Religiosis, ea quæ necessaria sunt ad vitam & decentiā statū: Si ergo hoc fieri non possit, nec Religiosus aliter possit necessitatī suæ succurrere, nisi mediante aliquo peculio, &c. poterit id ipsi

ip̄i permitti. Hac occasione.

Quæres V. An & quomodo teneatur Religio suppeditare suis Religiosis necessaria ad victum, vestitum, habitum, medicinas? Respondeo. Teneri, & quidem potius large ac abundanter, quam parcè & diminutè, stante quod juxta effatum S. Bernardi relatum à Perez in Reg. S. Benedicti cap. 32. n. 7. Ubi non est abundantia, non est observantia & ut habetur in Psalmo 58. si non fuerint saturati & murmurabunt. Teneri inquam, & non solum ex charitate, aut fidelitate, sed ex justitia, ut in terminis docet Peyrinis de Rel. Prel. q. 1.c. 5.n. 59. Probatur autem responsio: Tum quia, qui in sacrario operantur quæ ut sacrario sunt, edunt. & qui Altari deserviunt, cum Altari participant. Cum ergo Religiosi, in sacrario operentur, & Altari deserviant, constat eis deberi alimenta necessaria ipsorum statui ac conditioni proportionata. Tum quia in Professione Religiosa initur reciprocus contractus, inter Religiosum profidentem, & Religionem admittentem ejus professionem, quo ille se obligat ad inserviendum Religioni, sequè ei per omnia subiicit in perpetuum Religio, vero se obligat ad illum a-lendum, tegendum, tractandum, &c. at omnis contractus est ultrò citròquè obligatorius, ergo &c. Tum quia bona Monasteriorum dantur à Fidelibus in sustentationem Religiosorum, qui in ijs degunt, adeòq; isti jus habent ad illa, & Monasteriū obligatur ea illis distri-

buere juxta propria statuta & communē Ordinis consuetudinem.

Ex quō benē infert *Navar. lib. 3. de restit.*
cap. 1.n.201. quod si Religiosus verē indigeat
 re aliqua ex deputatis ad usum communem,
 & suam superiori proponat indigentiam, iste
 verò ei nolit providere, potest ille eam rem
 occultè accipere. Ratio est, quod ea depu-
 tantur ad usum communem & cùm superior
 non sit Dominus, sed dispensator, iustè de-
 negat, idēquè ipsi possunt uti jure suo, præ-
 fertim attenta doctrina *Suarez Tomo 3. de Re-*
Lig. lib. 6. cap. 9. Quod perinde est habere
 Prælatum abutentem potestate sua, ac illum
 non habere, undē fit, ut sicut absente Præla-
 to posset Religiosus subditus consulere pro-
 priæ necessitati ex bonis communibus Monas-
 terij, sic etiā possit eō præsente. Nec id est
 exercere actum dominij, sed solum sibi assu-
 mere usum rei necessariæ, qui voto pauper-
 tatis non repugnat. Cavendum tamè summè
 in tali casu est, nè quidquā sumatur ultra præ-
 cisam necessitatem.

Quæres VI. An Prælatus Regularis ad sub-
 levandas Monasterij sui necessitates, possit,
 & debeat facere aliqua debita, si ipsum Mo-
 nasterium non habeat sufficentes redditus, aut
 eleemosynas? Respondeo. Licet Superiori
 plurimum cavendum sit, nè suum Monasteri-
 um gravet ære alieno, ob multa incommoda,
 quæ hinc sequuntur, expedit tamè interdū
 gra-

gravare Monasterium debitibus aliquibus, quam
minus sufficenter providendo necessitatibus
subditorum, ijs præbere ansam detrahendi de
Superioribus, conquerendi de Officialibus
Monasterij, inducendi proprietatem, sicquè
disciplinam regularem evertendi, ut proinde
teste *Pellizario Tract.* 3. cap. 6. n. 18. cuidam
Superiori locali, glorianti se in suo gubernio
nullum debitum contraxisse, imò ex redditibus
Monasterij ipsi superfluisse, prudentissimè re
sponderit sapientissimus Generalis illius Or
dinis. Quam ego mallem, ut potius gravasse Mon
asterium ære alieno, quam quod tuis subditis ansam præ
buisses tot tantarum querimoniarum. Sic ille, &
non miùs prudenter, quam piè, cum certa
constet experientia, nihil magis conducere
ad promovendam regularem obſervantiam,
quam subditis necessaria abundanter ministra
re, ut fatetur *Peyrinis* sup: citatus. Quanquā,
ut recte idem advertit, in casu quo redditus a
ut eleemosynæ non sufficiant ad debitam Mo
nasterij sustentationē, magis conduceret mi
nuere Familiam, sic enim non graveretur mo
nasterium ære alieno & alioquin possent mi
nistrari necessaria Religiosis ibi degentibus.

Quæres VII. An in Monasterijs, ubi à Su
perioribus assignantur Depositarij ad hoc,
quod apud illos deponant Religiosi suas pe
cunias, si id non faciant, sed apud se retine
ant, peccato proprietatis? Respon
deo. Peccant, quia possident illas contra vo

luntatem sui Superioris , & contra Decreta
summorum Pontificum: quæ omnia constant,
ex Decreto Sacrae Congregationis Apostolice
Visitationis jussu Urbani Papæ VIII. pro Franciscanis
Conventualibus Monasterij Sanctorum Apostolorum
Rome 13. July 1627.

Quæres VIII. An possit Superior Monacho concedere aliquam rem, quæcunque illa sit ad usum irrevocabilem? Respondeo nō posse. Quia hoc est esse directè proprietarium, cùm de essentia paupertatis sit, nihil habere, nisi dependenter à voluntate Superioris.

Quæres IX. An peccet Religiosus contra votū paupertatis, si Superiori volenti ea quæ illi concessa sunt, auferre, aut si non sit paratus ad eius nutum se illis abdicare? Respondeo peccare. Quia tunc est manifesta proprietas, cùm velit aliquid tenere, aut possidere contra voluntatem Superioris sui.

Quæres X. An Religiosus, qui ex eo, quod alteri concessum ad usum est, clam sibi aliquid assumit, v. g. librum, vestem, &c. peccet peccato proprietatis? Respondeo, peccat: Quia sine consensu Superioris assumit sibi aliquid, alteri destinatum. Si tamè constaret aliquem Religiosum habere aliquid superfluum, & contra voluntatem sui superioris, & alius indigeret tali re, nec aliter subvenire posset suæ necessitati, si illum ab illo acciperet non peccaret contra paupertatē.

Ra-

Ratio est, quia in tali casu debet præsumi voluntas Superioris, quod talis res superflua unius, applicetur alteri indigenti. Attendendū tamē est, nē indē sequantur scandala, suspicione, querelæ, quæ evenire solent.

Quæres XI. An Religiosus, acceptans donationem, aut legatum absq; licentia sui Superioris, peccat? Respondeo. Peccat, quia vel acceptat sibi vel monasterio? si sibi est proprietarius, si Monasterio, si ad hoc non habet consensum saltem implicitum, usurpat auctoritatem illius. Ita Sanchez lib. 7. in Decal. c. 31. n. 34. Talis tamē acceptatio, si est in favorem Monasterij, tenet: quia semper præsumitur voluntas Monasterij & Ecclesiæ in illis, quæ cedunt in ipsius utilitatem.

Quæres XII. An Novitus professionem facturus & sua Religioni relicturus, possit Religionem obligare ad sibi solvendum quotannis 40. v.g. scuta? Supposito quod facultates relictæ multum excedant dictam pensionem? Respondeo Posse, & Conventum deinde teneri solvere. Cum enim sit Dominus rerum suarum, potest eas relinquere cuicunq; vult, absolute, vel limitate. Nec hoc est contra votum paupertatis, aut Concilium, quia semper suppono, quod hunc redditum retineat & expendat cum voluntate Superioris, idquæ in usus necessarios. Conventus autem acceptans hæreditatem sic gravatam, tenetur solvere: sicut si dictus novitus mandasset Conventui,

ab ipso instituto hæredi, dictam pensionem a
licui alij Personæ extra Religionem solvere,
& Conventus acceptasset, nonnè teneretur
ex debito iustitiæ solvere? sic tenetur solvere
Novitio jam professo. Ita *Ledes de statu Relig.*
in communi c. 4. cont. 3. dub. 14.

Quæres XIII. An peccet Religiosus con-
tra paupertatis votum, quandò rem cum Su-
perioris licentia acceptam, occultat, nè Su-
perior auferat? Respondeo. Peccare, nàm sic
occultans, vult contra Superioris licentiam
rem illam ablaturi, si conscius esset, posside-
re: quòd directè est esse proprietarium. Pro-
prium enim est, quidquid celatur Abbatii, vel tenetur
contra voluntatem Prælati, ut ait Antonin. 3 part.
tit. 16. cap. I.

Quæres XIV. An Religiosus habens mul-
ta, de quibus constat, quòd sint superflua, de
Superioris licentia, paratus tamèn omnia in
manus Superioris resignare cùm fuerit requi-
sus, nec de illis disponere absquè Prælati li-
centia, sit in statu peccati mortalis, contra vo-
tum paupertatis? Respondeo. Convenire Do-
ctores, quòd tam Superior concedens, quam
subditus retinens, peccent mortaliter. Supe-
rior quidem, quia abutitur potestate, peccat
peccato infidelitatis, quia obligatur ad eu-
randum pro posse, ut servetur in Religione
& qualitas, vitaquè communis. Subditus autem
peccat peccato avaritiæ, plura retinens, quā
sibi & usui suo necessaria sint. Ita Antonius lo-

*eo sup. sit. Ledes: ubi sup. &c. Et utrumq; pē-
care mortaliter declaravit Sacra Congrega-
tio Cardinalium, ut resert. Quaranta in sum Bull
Verbo casus, declar. 2. Peccatum tamē hoc nō
est proprietatis, quia propriūm solum est, ut
diximus, quod celatur Abbatii, & quod reti-
netur contra voluntatem illius.*

Qæres XV. An à solis Professis contraha-
tur proprietatis vitium? Respondeo. Quod
sic, quia votum paupertatis violare non pos-
sunt alij, cū nemō violare dicatur id, ad quod
se nondūm obligavit.

Qæres XVI. Qualis licentia requiratur,
ut religiosus possit recipere, & retinere ali-
quid pro suis usibus absq; vitiò proprietatis?
Respondeo. Licentiam expressam optimam
esse, sufficere tamē tacitam, & præsumptā.
*Eò quod sit eadem virtus taciti & expressi. L. Labo
ff. de pactis.* Uidè Authores multos idem do-
centes apud. *Bordonum variarum Resolut. partē pri-
ore q. 4.* Responsio tamē hæc locum non ha-
bet, quando in Religione adesset præceptū,
ut licentia expressè peteretur, nām tunc non
sufficeret tacita quæ locum non habet, quan-
do formaliter exigitur expressa.

Qæres XVII. An taciturnitas Superioris
scientis aut videntis Religiosum aliquid reci-
pientem, vel expendentem, nequè contradic-
centis, æquipolleat licentiæ tacitæ? Respon-
deo. Utiquè per reg. 43. Qui tacet, consentire
videtur. Sed consensus excusat à vitiò propri-

etatis, ergo & taciturnitas. Confirmatur: quia consentire, & non contradicere, paria sunt, L. In adoptionibus ff. de adop. sed tacens non contradicit, ergo consentit. Quæ dicta sint non de taciturnitate permissiva, qualis est illa, quæ superior ex timore, aut verecundia tacet, aut quia loqui non potest, nám in hoc casu Religiosus non excusat à vitiò proprietatis, quia causa permissiva non excusat à peccato; verū de approbativa, qualis est ea, quæ secluso timore potest repugnare, & nō repugnat.

Quæres XVIII. An licentia concessa sub uno superiore duret etiam sub alio? Respondeo affirmativè, modò ea licentia non revocetur. Responsionis ratio, est, quia gratia simpliciter facta non expirat concedente amoto ab officio cap. sⁱ super gratia. Et licet ibi sermo sit de morte, tamē extenditur etiam ad mortem civilem per quacunquè remotionem Glossa Ver. mortuo. Pralato. cap. un. de Sede vacan. in 6.

Quæres XIX. An Religiosi ludentes peccant peccato proprietatis? Respondeo. Religiosi ludentes de licentia sui Superioris, si non extet prohibitio Regulæ, vel Constitutionum, in quibus ipse dispensare non potest, non peccat peccato proprietatis, quia rem ludo exponunt dependenter à voluntate Superioris, quæ tamē non præsumitur in ludis illicitis, sed licitis & honestis, ubi parva pecunia insumitur, & moderata ad statum Religio-

giosi. Ita Sanchez lib. 7. cap. 16. n. 76.

Quæres XX. An peccet contra votum paupertatis Religiosus, qui sive licentia recipit nummos ab externis, eosq; expendit in emendis libris v. g. eosquè libros retinet in cubiculo palam expositos? Respondet Diana Trac. de pauper. Resol. 26. ex Azor. Fabio Corrol. Homob. negativè. Quia libros emptos ita tenere expositos, est consequenter eos voluntati ac potestati Superioris subjcere, quod est emissè ac possidere tales libros de licentia Superioris, saltem tacita, & præsumpta. Verū probabilius dicitur oppositum, ex eò quod licentia extendi non potest ad omnino incognita, ideoquè cum in casu proposito Superiorem lateat, an aliqui ex illis libris palam expositis acquisiti sint absquè ejus licentia, ex eò quod libri ipso inscio empti sint expositi manifeste, non videtur censeri dare licentiam ad illos detinendos. Præterquam quod sic Religiosæ paupertatis observantia magna ex parte deficeret. Nisi cū Diana velimus dicere, quod cum in isto casu, libri empti acquirantur Monasterio, quoad eorum acquisitionem potest præsumi licentia Superioris.

Quæres XXI. An delinquat contra paupertatem Religiosus, qui indigens aliquibus libris, curat eos emi ab aliquo amico, sibique tradi ad usum quoad voluerit, manente eorum dominio penes ipsum amicum, idquè ut ijs libere uti possit deferendo de Monasterio in Mo

Monasterium & ubi amplius ijs non indiget, reddere possit, amico tanquam Domino? Respondeo. Non delinquere, si tales libros recipiat cum licentia Superioris, secus si recipiat sine licentia. Ita Sanchez lib. 7. mor. c. 19. n. 49. Patetque, quia in priori casu Religiosus nihil sibi usurpat tanquam proprium, sed solum usum, isque petitur cum licentia, in posteriori autem casu Religiosus absque licentia, sibi usurpat usum librorum, qui est pecunia estimabilis, adeoq; peccat contra paupertatem.

Quæres XXII. An peccet contra paupertatem Religiosus, qui habens libros aut alias res similes ad usum proprium concessas, ijs revera non indiget, neque ijs utitur, & tamèn non vult ea commodare alijs Religiosis Monasterij indigentibus, ac potentibus? Respondeo. Peccare, & mortaliter quidem, si materia judicio prudentis sit gravis, & interveniat jussio Superioris id præcipientis, cum sic usus talium rerum sit proprietarius, & Religiosus in dictarum rerum dispositione se gerat ut Dominus, quod utique est contra paupertatem. Secus dicendum, si non adsit jussio Superioris ob rationem oppositam. Tunc tamèn etiam contra charitatē peccaturū puto.

De manuscriptis autem proprijs studijs ac laboribus confectis, quid sentiendum sit, dixi in dubitationibus ad Decretum de largitione munierum q. 5.

Quæ-

Quæres XXIII. An Religiosus factus Episcopus, recuperet jus succedendi Parentibus, & cognatis, nec non administrandi bona dū vixerit? Respondeo affirmativè. Ratio est, qui a per professionem non omnino, ac irrecuperabiliter extinguitur jus succedendi, sed consopitur & suspenditur, undè Religiosus translatus ad Episcopatum, recuperat jus succedendi priore professione suspensum, proportionaliter ut L. I. parag. *Filio qui mortis dignitatem ad Tertullian.* dicitur jus succedendi non omnino amitti servitute poenæ, sed suspendi eò statu durante, ideoque concessa beneficio Principis restitutione, liberari. Ita *Fagund.* lib. 7. in *Decal.* c. 6. n. 5. ex *Sanchez Azor.* *Molina Eccl.* monens Religiosum translatum ad Episcopatum, desinere acquirere Monasterio, & acquirere, suæ Ecclesiæ, à tempore, quod a Papa confirmatur in Episcopum, ex tunc quippe eximitur penitus à jurisdictione Monasterij. Confirmatur responsio ex responsione ad quæst. seq.

Quæres XXIV. An Religiosus creatus Episcopus eò ipso eximatur a voto paupertatis? Respondeo affirmativè. Ita *Pellizarius tract.* 4. cap. 2. sec. 5. n. 366. *Diana p. 3. Tract. 2. Resol 50. ex Soto Vasque Medina, imo Sanchez.* lib. 6. mor. c. 6. n. 13. qui concedit istam opinionem esse probabilem, licet ipse oppositā sequatur. Ratio responsonis est, quod cap. Vn. 18. q. 1. de Religioso Episcopo dicitur. *Velut legitimus*

*mus bares paternam hereditatem postea jure vendicat
di potestatem babet: signum ergo est Religiosum
Episcopum esse verum Dominum, cum vendi-
care, & sibi acquirere solis veris Dominis com-
petat. L. in rem ff. de rei vendicat.*

Quæres XXV. An Religiosus ad brevè tē-
pus substitutus in locū Prælati Monasterij v.
g. per 15. dies, possit sibi ipsi conferre facul-
tatem dandi & accipiendi res pretiō æstima-
biles, pro eō tempore quō erit in eō Mona-
sterio subditus? Respondeo. Posse sibi conser-
re totam eam facultatem quā possit nunc da-
re cuicunque alteri ex suis subditis. Moveor,
quod Superior ut talis non debet esse dete-
rioris conditionis, ac sint ejus subditi, esset
autem, si frui non posset favoribus, & gratijs
quas potest conferre subditis.

Quæres XXVI. Quæ requiratur quantitas
in pecunia, rebusquæ alijs, ad constituendum
in Religiosis peccatum proprietatis? Mirum
est, quantū varient Authores. Ego Respō-
deo. Hanc quantitatē, esse id, quod impen-
ditur congruæ sustentationi hominis plebei u-
no die, qui cibis ordinarijs, vestitu, & habi-
tatione sufficienti ad bonam sui conservatio-
nem absquæ luxu & superbia utatur, ut com-
muniter sunt cives quamvis plebei commodè
viventes. Probatur responsio. Näm juxta 4-
post. I. ad Tim. 6. Non potest esse homo con-
tentus, nisi habeat, quæ necessaria sunt ad su-
stentationem congruam: dicit enim. *Habentes*

autem

autem alimenta & quibus tegamur, ijs contenti sumus, undè rogabat sapiens Deum. Divitias & paupertatem nè dederis mibi, sed tantum virtui meo tribue necessaria, qui ergo damnum patitur per negationem sustentationis debitæ uno die homini in mediocritate constituto, habet justam causam, nè sit contentus, adeoquè ut irascatur, & dissolvat mutuam benevolentiam adversus eum, qui sic defraudaverit ipsum, si ergo tantum accipitur invito superiore, accipiens cendum est, peccatumq; proprietatis incurri.

Et licet videatur hæc regula non esse bona respectu locorum opulentiorū, quæ ex damno allato non patiuntur tale damnum, nec rationabiliter dissolvunt amicitiam, cū abundant divitijs: hoc tamèn est per accidens, qui a quòd homo sit dives vel pauper, est per accidens ad rationem hominis, in ponderando autem damno spectari debet, quòd per se homini debetur. Sicut enim qui lethaliter vulnerat, gravem pateretur injuriam, ut ut haberet medicamenta, per quæ vel vix sentiret dolorē vulnus, vel statim sanaretur, sic & in casu nostro.

Et certè semper mihi visa est difficilis alia determinatio, ex valore pecuniæ, mercium, &c. Nàm vel hic valor accipitur ut est in uno loco, & hoc non valet pro alia regione, ubi non est idem valor, vel accipitur valor, ut est in diversis locis, & hic non est etiā capax

unius determinationis, quod enim apud nos habet tantum valorem, habebit multo maiorem apud aliquos, & multo minorem apud alios. Idem dic de determinatione ex valore mercium, quia quod in una Religione aestimatur plurimi, in alia erit vile.

Quoad punctum de non pluribus in Monasterijs alendis, quam ex consuetis redditibus ali possint, & ut alibi statuitur, de non recipiendis Conventibus nisi in eis duodecim Fratres degere valeat, alias Ordinarij visitationi & jurisdictioni subderentur, attinet. Nota id comprehendere etiam eas Religiones, quae o nera Missarum non recipiunt, ut Religio Capucinorum & habere etiam locum extra Italiam. Ita enim respondit Sacra Congregatio Concilij ad 17. & 18. dubium circa ea Decreta de Celebratione Missarum.

Nota etiam in eodem casu omnimoda jurisdictione, visitatio, & correctio, accipienda est solum quod spectat ad disciplinam Ecclesiasticam, non quoad observantias regulares. Ratio est, quia cum votum religiosorum non sit de obediendo Episcopis sed proprijs Praelatis, solum poterunt illis esse subiecti sicut alij Clerici saeculares, ac per consequens non quoad observantias Regulares. Ita Lezana Tomo I. cap. II. n. 4.

Nota præterea, ibi non tangi Conventus ante ea Decreta eratos: sed post erigendos. Vide Decretum Sacrae Congregationis sub Gregorio

gerio XV. & Urbano VIII. emanatum: sed utinā fuisse additum, ut illa Monasteria jam recepta in quibus dictus numerus non potest sustentari, vel nō est saltē probabilissima spes, quod de brevi poterit, dimitterentur. Etenim ubi parvo nimis habitatur in numero, ubi tres, quatuor degunt, impossibile moraliter est, ut vita regularis, & disciplina observetur, cogunturquē ibi Religiosi frequenter ita ostiatim mendicare, ut potius cōtinui Cursores & eleemosynarū quæstores nuncupandi sint, quam Religiosi, & potius videantur ibi stare ad viētum sibi quærendum, quam ad DEO serviendum. Inde Religiosorū vilipendium. Inde sibi quisquè quærit peculium, ut possit necessitatibus suis subvenire, ut si quando contigerit eum ad talia loca inhabitanda mitti. Inde unusquisquè facit, quæ sibi placentia sunt. Inde scandala, relaxationes paupertatis, aliorumquè votorum, & taliter assueti si deinde reducantur ad Conventus, in quibus vigeat regularis disciplina, jam fracto iugō, ruptis vinculis, eis subiecti amplius nō possunt. Quod malum si ponderarent Prælati, eisdem tot tuguria vel relinquenter, vel non susciperent.

Electio res valdē familiaris est inter Regulares, & novis quotidiè difficultatibus exposita. Agit de illa Decretum, & nos quæ digniora circa eam existimabimus, non prætermitemus.

Qa

Quæ

Quæres I. An tractatus & colloquium, si sit à vocalibus antè electionem vitiet electionem? Respondeo. Non vitiat, imò jure cōmuni debet præmitti electioni, *Glossa verb. tractantes cap. cap. I. dist. 23. per cap. in Genesi 55. de elect.* Unde habetur, tractatu omisso, nullam sequi electionē: unde *Anton de Butrino* dicit, tractatum esse de substantia electionis, sicut est de essentia alienationis in *cap. Cūm inter, & in cap. in causis de elect.* Quomodò enim legitima electio fieri potest à vocalibus, nisi priùs inter se discurrant & judicent, qui nām digni sint, ut excludantur indigni, & inter dignos assumantur digniores? non ergo prohibent summi Pontifices, & multorum Ordinū Constitutiones, pœnas taxantes contra subornatores in Electionibus, intelligi enim solūm debent contra illos, qui precibus vel donis suadent alijs, ut dent vocem quibusdam ob finem pravum, vel iniustè mentiendo vitia, vel virtutem eligendorum. Confirmatur responsio nostra, qui enim tenetur ad finem, teneatur & uti medijs necessarijs ad finem obtine dum, juxta Regulam juris: *Qui vult consequens, vult & antecedens conducens ad illud cūm ergo electores teneantur eligere dignorem, tenentur etiam inquirere ipsum, ad quòd facit dictus tractatus.*

Quæres II. An electores si sciant eum, de cuius electione agitur, esse indignum, & futurum perniciosum bono communi, teneantur

tur manifestare Præsidi electionis defecitus ilius, esto occultos? Respondeo affirmativè. Quia in tali eventu eligendus, non habet jus proximum suæ famæ, bonum enim commune præferri debet bono privato particularis Religionis.

Quæres III. An teneat electio per fabas facta? Respondeo negativè. Ratio est, quia in casu quo aliqui ex electoribus ex fraudè, vel mala alia intentione, ad impediendam electionem plura suffragia dent, vel quid simile maligni faciant, munus erit Præsidis præcludere viam, tali malignantì, & ut fiat electione legitimè, præscribere scrutatoribus, ut aperiant votum eorum de quibus est talis suspicio & manifestentur, ut puniantur, quod fieri non posse, si electio fiat per fabas, per se patet. Et licet Tridentinum fess. 25. c. 16. præcipiat, ut eligentium nomina nunquam publicentur, hoc tamè ideo præcipit, ut ibi dicitur, quod omnia rectè & fine ulla fraudè fiant. Non ergo extenditur ad casum allatum.

Quæres IV. An possit quis licite suffragium suum negare alicui quem per solā Sacramentalem Confessionem novit indignum? Respondeo I. Indigno ita cognito, nemo tenetur denegare suffragium. Ita D. Thomas in 4. dist 21. q. 3. a. 1. quæstiuncula 1. ad 3. Ratio est, quia non tenetur quis mederi saluti & animæ proximi, ut habet D. Thomas loco citato, nisi eo modò quo scit illam periclitari, ergo sci-

ens in foro conscientiae aliquem esse in eodem foro tantummodo debet illi remedium adhibere, admonendo, ut à tali electione abstineat, ergo non tenetur ad denegandum, illi suffragium extra illud forum. Respondeo II. Nullum Electorem posse unquam uti scientiam partam per Confessionem Sacramentalem, ad non eligendum aliquem, quem aliunde non novit indignum. Alias siquidem multi delinquentes retraherentur à Confessione auriculari facienda de gravioribus peccatis, si præviderent ex eorum Confessione sumi posse occasioem ipsis denegandi suffragia in electionibus, Nec refert, quod forte sequetur ex eorum electione detrimentum aliquod tempore, vel etiam spirituale; hoc enim non ita nocebit Ecclesiæ universalis sicut noceret adversio & horror Sacramenti poenitentiae, si ex eo sumi potest ansa denegandi suffragium in electione. Non item refert, quod ille peccator sit indignus qui eligatur, nam eiusmodi indignitas non magis cognoscitur ex Sacramentali scientia, quam si jugiter ignoraretur. Denique qui confitetur animo contrito post absolutionem, debet à Confessario pro innocentia reputari, alioquin absolvii non debuit, si redditurus iterum ad vomitum præsumebatur.

Quæres V. An Superior teneatur publicare electionem, si ipsi constet electum fuisse indignum? Respondeo. Teneris & hoc, nè a-

lioqui feratur sententia contra reum inaudi-
tum, & in materia gravi condemnetur non ci-
tatus.

Quæres VI. Eligendus ad Prælaturam qua-
lis esse debeat? Respondeo. Debet esse cœ-
teris sanctior & doctior. Ita enim habetur ex
cap. Unum dist. 25. ubi dicitur, quod eligendus ad
Ecclesiasticam dignitatem, talis debet esse ut ceteris
comparatione illius grec dicantur. Et verò natura
ipsa id dictat, apes enim & grues, cæteraquæ
animalia, quæ sibi constituendi Regem, ha-
bent instinctum, semper eligunt, qui cæteris
præstat magnitudine, &c. Idem præscribitur
in Tridentino sess. 24. de refor. c. I. ¶ 18.

Quæres VII. An in Electione indigenæ
præferendi sint extraneis? Respondeo. Esse.
Probatur ex illo Ierem 30. Conteram jugum ejus
de collo tuo ¶ vincula ejus disrumpam, ¶ non domi-
nabuntur eis amplius alieni: Ubi notanda sunt il-
la verba: conteram jugū ¶ vincula disrumpam, qui
a jugum portare, vinculisquæ ligari, est guber-
nari ab alienigenis, Deut. etiam 17. habetur.
Non poteris alterius gentis hominem, Regem facere.
Deindè cap. enim nullus invitit 61. Cœlestinus Pa-
pa, Tunc autem alter de altera eligatur Ecclesia, si
de civitatis ipsius cleri nullus dignus, (quod evenire
non credimus) proterit reperiri. Probat idem
D. Thomas 2.2.q. 63.a 2.ad 4. Quia unusquisq;
ut plurimū propensiorem habet animū ad su-
am propriam civitatem & Ecclesiā, quam ad
aliam, & hac ratione poterit esse utilior. Ita-

quæ Sanctissimæ sunt illæ leges, quibus cave-
tur, quod nonnisi naturales assumantur ad of-
ficia patriæ suæ, & ut Sotus lib. 4. de just. q. 6.
a 2. paulo ante 10. concl. ait: Utinam eas ibi
sanctiret Ecclesia, quemadmodum C in Trident. Con-
cil. me præsente inquit consultabatur.

Quæres VIII. An postquam quis dedit suum
suffragium, posuit quæ schedam in urnam pos-
sit eam recipere, ac votum mutare, si de no-
vo audivit vitium Personæ cui suffragatus est?
Respondeo non posse. Quia sic posset quilibet
ex malitia electionem in longum protra-
here. Deinde scheda projecta in urnam, ita
miseretur cum alijs, ut impossibile sit eam co-
gnoscere: undè posset quis in fraudem electi-
onis fingere, velle se sumere suam schedam
ad mutandum votum, & sumere aliam. Acce-
dit, quod Elector prius beat adhibere o-
mnem diligentiam, ad cognoscendas qualita-
tes personæ eligendæ, undè si vitium latens
audit, postquam votavit, non est quod solli-
citetur cum fecerit quantum potuit, & sic le-
gem implevit.

Quæres IX. An semel reprobatus propter
vitium ab aliqua dignitate, possit iterum eligi
ad illâ vel aliâ? Respondeo non posse. Quia
semel malus, semper præsumitur malus, quæ est 8.
reg. jur in 6. nisi probetur emendatus.

Quæres X. An licitum si offerre munera,
ut non eligatur indignus, in casu quo Electo-
res essent determinati ad eligendum indignū

præ

prætermisso digno? Respondeo esse. Imò cōcedit Suarius Tom. I. de Relig. lib. 4. c. 50. & Lessius lib. 2 de just. cap. 35. dub. 19. n. 113. quod si aliqui Electores insulte electionem impedirent, posset illis pecunia offerri pro redimenda vexatione Ecclesiæ, cuius plurimum interest dignum habere Pastorem. Alijs tamē vijs priùs procurandum est, nè quispiam suffragetur indigno.

Quæres XI. An Electio prælatorum Regulariū possit arctari ad certū genus hominū v.g. ad eos, qui tot, & tot annos attigerunt, tali aut tali gradu sint insigniti? Respondeo posse. Tùm quia sic non tollitur libertas eligen di, nàm electio Papæ est restricta ad Cardinales, ita ut non posset eligi, nisi unus ex illis, & tamèn est libera, tùm quia valet consuetudo, ut Abbas certi Monasterij non eligatur, nisi de certo quodam Monasterio, cap. cùm dilectus de consuet. Tùm quia hinc non sequitur Electores in aliquo casu posse adstringi ad eligendum, nàm si intra genus illud Personarum non reperiatur ullus dignus, tunc cessat ratio statuti, sicquè potest eligi aliis dignus.

Quæres XII. An in Conventu ubi sunt tan tum duo vocis passivæ capaces, unus alterum eligere possit? Respondeo non posse. Quia in hoc casu impossibile est servare essentiam electionis, quæ est assumptio unius ex pluribus ad minus ex duobus quia pluralitas salvatur in duobus reg. 40. in 6. in casu autē præ-

senti eligens nō habet duos quos eligere pos-
sit sed unus alterum eligere debet. Ex quò
fit, nequè posse hac ratione servari electio-
nis secretum, ut per se patet.

Quæres XIII. An absens possit eligi? Re-
spondeo, nulli dubium est nihil de jure ob-
stare, quin possit eligi absens, & ignorans fu-
turam de se electionem. Ita colligitur ex cap.
Quam sit. 6. C. cap. Gupiens 16. de elect. in 6. Quia
ex electione electus nullam actionem, nul-
lum consensum, dūm præcisè eligitur, præsta-
re debet, hisi in eiudem acceptatione, quæ
postmodum fit, ergo eius præsentia necessa-
ria non est. Limitanda est tamèn responsio,
respectu earum Religionum, in quibus electi
in ipso electionis capitulo exercere habent
aliquos electionis actus, unde in Generales,
Provinciales, Definitores eligi absentes non
possunt quando hi ad electiones Priorū, &c.
concurrere debent.

Quæres XIV. An valeant acta in Capitu-
lo, si inter Capitulares reperiatur aliquis af-
fectus censura aliqua excludentè ab electio-
ne? Respondeo valere si censura, sit occulta,
ideoquè ignorata ab alijs Capitularibus siqui-
dem defectus unius, aut aliquorum non de-
bet nocere Capitulo id ignorant, ut rectè ad
vertunt Abbas cap. Cùm Vitoniensis de Elect. n. 2.
Navar. lib. I. Consil. de Elect. Tùm ex Regula 73.
in 6. Utile non debet per inutile vitiari.

Quæres XV. An idem in plures Officiales
eli-

eligi possit, v. g. in Definitorem, & Superiorē localem? Respondeo non posse. Et probatur.

I. Quia in Canonibus sacris Decret. I. par. distinct. 89. cap. I. Uni Personæ duo non esse committenda Officia definitivit Papa Gregorius in hæc verba. Singula Ecclesiastici juris Officia singularis quibusque personis singillatim committi jubemus: sicut enim in uno corpore multa membra habemus, omnia autem membra non eundem actum habent. ita in Ecclesiæ corpore, secundum veridicam Pauli sententiam, in uno eodemque spiritu, alijs conferendum est hoc officium, alijs committendum est illud, neque uni quantumlibet exercitatae Personæ uno tempore diuinarum rerum Officia committenda sunt. Et infra: sicut indecorum est ut in corpore humano alterum membrum alterius fungatur officio, ita nimurum noxiū, simulq; turpissimum, si singula rerum ministeria Personis totidem non fuerint distributa.

II. Electio dicta eneruatur ex Decret. lib. 3. Tituli 5. de præbendis & dignitatibus cap. 28. ubi legitur. De multa providentia fuit in Lateranensi Concilio prohibitum, ut nullus diversas dignitates Ecclesiasticas vel plures Ecclesiæ Parochiales reciperet contra sacrorum Canonū instituta, alioquin recipiens sic acceptum amitteret, & largiendi potestate conferens privaretur. Quam prohibitionem novo Decreto ampliat Pontifex, & adjicit. hoc idem in Personalibus esse decernimus observandum, addentes, ut in eadem Ecclesia (infertur, eadem Religione) nullus plures dignitates, aut personatus habere praesumat

mat, etiamsi curam non habeant animarum.

Consonant his Decret. itidem Libri 3. c. 5. 7.
13. & 14. alibiq; passim textus complures, qui
bus locis pluralitas beneficiorum, & canonibus
inimica esse dicitur, & dissolutionis, et evagatio-
nis materiam inducere, mandaturque singula of-
ficia singulis esse committenda personis, sub
pœnisi ibi contentis.

III. Dispositio hæc censetur irrita ex Tri-
dentino sess. 24. de Reform. cap. 17. quod decidit,
Ecclesiasticū ordinē perverti quandō unus plu-
riū officia oecupat Clericorum, statuitquè, ut de-
inceps unum tantum beneficium Ecclesiasticum singu-
lis conferatur extēdēdo id ad omnia beneficia,
tam secularia, quam regularia, ut loquitur Conciliū.

Quæ omnia subsistunt firmius, & à Religi-
one non una veniunt observanda exactius,
quod earum constitutiones Pontifices non a-
liter approbarunt, & confirmarunt, quam in
quantum sacris Canonibus, & Councili Tridentini De-
cretis non adversantur. Illud etiam expressè sæ-
pius apponentes forè irritum & inane, si sicut si
per his à quoquam quavis auctoritate scienter vel i-
gnoranter contigerit attentari.

IV. Unus sponsus debet una Spónsa tantū
esse contentus, sed Definitor vel superior, re-
spectu officij sui se habet tanquā sponsus er-
ga suam sponsam ut eruitur ex cap. n̄e pro de-
fectu de electione ergo nequit habere & Defi-
nitoratum, & Superioratum, alias esset, ac si
quis plures haberet uxores vel Bigamiam cō-

traheret, quod detestatur Ecclesia.

Quando alicui hoc modo assignantur duæ dignitates, sequitur maxima inæqualitas, scilicet, quod aliis quidem quantumlibet probus & doctus, officioquè dignissimus esurit, alius autem ebrius est. Confirmatur. Nam ex textu infra immediatè citando, consuetudo hæc, immo (verba sunt Pontificis) corruptela, processit à radice ambitionis, à qua Religiosis abhorrendum est.

V. Unum officium, ut prudentissimè advertit Bonifacius VIII. & habetur in 6. de consuetudine titulo 4. cap. I. propter sui magnitudinem diligenter aliquis ægre adimplere potest, incongruum igitur est ut duo conferantur eidem. Propter quod haud dubie, uti est in Decretal. lib. 3. tit. 5. cap. 13. supra citato. Salernitano Archiepiscopo significavit Pontifex, esse omnì rationi contrarium, ut Clericus in una vel diversis Ecclesijs plures dignitates, vel personatus obtineat.

Et sanè cum Patres Definitores, juxta constantem Doctorum sententiam, curare debent, ut eadem scientia polleant, quâ Generales ipsi, ac Provinciales prædicti sunt, ut potè istorum in causarū decisionibus Conjudices, ac in gubernando Collegæ, liquido patet, esse periculum, nè implendæ huic obligationi planè sint impares, si locales etiam prælati, & Oeconomiae curis distrahanter.

VI. Evacuatur hæc Electio. Quippe dum eligitur Pater Generalis, aut Provincialis ad quam

quam electionem non modò Definitores, sed Superiores locales ex Ordinis non unius statutis concurrunt, numerari tot vota, suffragi-aque non possunt, quot numerentur, si officia hæc conferrentur diversis. Etenim Patres Definitores, qui simul Superiores locales sunt, in dictis electionibus non minus uno tantum voto suffragantur, quam si locales Superiores non essent, Superioratusq; à Patribus Definitoribus gubernati vocem amittunt, undè restringuntur & imminuuntur vota, quod & illicitum est, & vergere potest in fraudem Elec-tionum, & grave Religionis detrimentum.

VII. Pater Generalis, & Provincialis causas suas expedire debet cùm Patrum Definitorū consilio, consensu collegialiter & simul habito, alias si separatim consentirent, actus prorsus esset irritus & nullus. Ita Panormit. in cap. Cùm Ecclesia num. 14. & plures alij apud Sigismundum à Bononia de Elect. & potest prelat. Regul. dub. 3. num. 3. & 9. Quare & Sacra Congregatio propagandæ Fidei declarat in Ordine meo non licere Patri Generali vota definitorum per literas exigere, secus vota per literas data, nulla sint, ac invalida. Iam verò quâ ratione de prætacto consilio, & consensu negotia celeri-mè occurentia modò dicto expedire possunt, si Patres Definitores per Conventus quibus præficiuntur disperguntur, remotique à Patre Generali, vel Provinciali sunt.

VIII. Videtur sic absolute exerceri non pos-

posse à Patribus Definitoribus debita justitia,
quā tamèn servaturos se communiter jurant.
Constat enim dūm locales Superiores agunt
eos vel incidere səpiùs actu, vel saltem in-
cidere posse in culpas, & negligentias, qua-
rum Superiores alij non Definitores, vi admi-
nistrationis suæ culpabiles nonnunquam effi-
ciuntur. Quomodò autem picem in alijs pu-
nient, qua ipsi inquinati erunt, & errores ple-
tent quorum ipsi sunt participes?

Accedit, si Fratres subditi graventur in Cō-
ventibus, quibus Patres Definitores præpo-
nuntur, & difficillimos reddi ad Definitoriu[m]
recursus, utpotè cui intersunt, & intelerabi-
lē recurrentibus illorum iterum quos detule-
runt jurisdictioni ordinariæ subjacere, & in
una persona tam Definitem, quam Superi-
orem localem sibi videre infensum.

X Ad electionem Superiorum localiū con-
currunt cùm Patre Generali aut Provinciali,
Patres Definitores, cumquè hi votis suis tan-
quam plures prævalere in Regularibus certis
possint, accidere potest, ut semper ipsi se in
vicem in Superiores eiusmodi eligant, & in
ijs Officijs conservent. Atquè cùm persona-
rum dispositio etiā ab ijs dependeat, pro par-
tē sua eas eligant, quas voluerint nec unus
obstet alteri, ut hic vicissim eius favorem in
simili materia experiatur.

Quòd quām cùm insigni justitiae distributi-
væ, boniquè communis detrimento, & requi-
sitæ

sitæ in electionibus Superiorum localium, libertatis jactura, Conventuūm; quibus præsunt Patres non Definitores, lamentis contingere valeat (cùm subjecta in Ordine deteriora sibi projici vident) nemò non videt.

Prædicta procedunt seclusis Religionū statutis à Sede maximè Apostolica approbatis, quæ si antelatas electiones concedant, hæc validæ sunt, ac inexpugnabiles.

Declaramus iam decretum, quò Religiosi Romam petere non possunt, nisi cùm licentia Generalis, aut Protectoris, aut Provincialis.

Quæres igitur An subditus gravatus, injustè, deq; gravamine protestans, & appellans, nec licentiam eundi ad sedem Apostolicam, obtinere potens, possit illam adire? Respondeo posse Nequè enim id contrariatur Concilio Trident. sess. 15. Regul. c. 4. aut summis Pontificibus, siquidem non prohibentur ibi Religiosi recurrere ad Superiores suos per viam appellationis, sed tantùm quòd ad eos personaliter non recurrent sine superiorum suorum licentia, quæ duo longè divisa, & distincta sunt. Nequè enim credendum est à Concilio, vel à Pótificibus tolli Religiosis id, quòd eis competit de jure naturæ, quòd cùm suadeat, ut quisq; seipsum meliori modò quòd protest, defendat, certè reus injustè gravatus, ad judicem Superiorem legitimū appellare potest, ut hoc modò se ab injusto gravamine salvet. Id quòd exemplo Pauli Apostoli confirmatur

tur qui Aetorum 25. Cæsarem appellavit. Adde ne
minem privari voce activa & passiva (quam
pœnam infligit Clemens VIII. Romam sine debi-
ta licentia venientibus) nisi præcesserit cul-
pa, in casu autem nostro nulla adest culpa, er-
go &c.

Nota autem I. Si superior petitam licenti-
am denegaverit, tunc subditus gravatus corā
testibūs fide dignis, licentiam petat, licet cer-
tò sciat eam sibi denegandā, & procuratis li-
teris testimonialibus ab illis, qui audierunt di-
ctam licentiam ab eo fuisse petitam, Superi-
orem adeat, juxta Bullam Sixti V. quæ incipi-
bit ad Romanum spectat. Quas literas illi face-
re tenentur cū de injustitia gravaminis omni-
nō constat. Quia injustè gravato debitū cha-
ritatis postulat, ut omnes succurramus. Vide
Suarez Tom. 4. de Relig. tract. I lib. 3. c. 1. n.
7. Addunt Navar. com. 3. de Regul. n. 51. ad 4.
& Sayrus in Clav. Regia lib. 12. cap. 17. Si sub-
ditus petendo licentiam superiorem majorē
adeundi, timet rationabiliter de maiori ali-
quo gravamine, non tenetur eam petere, sed
potest etiam illâ non petitâ Superiorem adi-
re, quia nemo tenetur sibi majus gravamen
procurare. Nec judicanda sunt hæc nimium
subditis favorabilia, cùm Superiores aliquan-
do ita sint indiscreti, parum charitativi, seq;
magis pascentes, quam subditos, ut ijs misera
sit agenda vita, nisi ejusmodi jurium ful-
cris sustententur. Imò advertit Portel. in addit.

*ad dubit. Reg. verbo Habitus n. 3. Diana Tome 3.
Tract. 2. resol. 115.* Quod Religiosus gravatus
recurrens ad suum Prælatum, si prudenter ti-
met sibi impediri iter, & plus gravari, potest
habitum dimittere, & sic incognitus iter su-
um prosequi, nam portare habitum est præ-
ceptum humanū quod non obligat cum peri-
culo carceris v.g. infamiae, gravānisq; iniusti.

Nota II. Regularis non potest appellare à
punitionibus sibi juxta statuta inflictis. Quia
appellatio inventa est ad tollendum injustum
gravamen, sed gravamen non sentit Religio-
sus, cum secundum statuta ad quæ professus
est corrigitur, quia ad id sponte se obligavit,
scienti enim & volenti non fit injuria. Et verò sic
appellare testè *Lezana* inf: mox citando, est
inventum diabolicum, honorem religionis in-
honestans, pacem & tranquillitatem religio-
sorum perturbans, signumquè maximæ relaxa-
tionis, cum regulariter loquendo, solū apud
aliquos ambitiosos, superbos, & deformatos
locum habeat; eosdem his elogijs condecorat
Peyrinus Tome 1. q. 1. c. 20. Latrones sunt
& fures, bonum nomen, & famam suorū cō-
fratrum harpagantes, Fraticidæ, fratrum su-
orum honorem maculantes ferientes, quan-
doquè omnino tollentes, Matricidæ, Religi-
onem pijssimam, munificentissimam illorū ma-
trem, quæ tot, tantisque gradibus eos cumu-
lavit, dignosque reddidit honorari ab omni-
bus, necare quantum in ipsis est, non veren-
tes.

tes. Ingrati homines, ingratæ bestiæ, imò ingratiōres, & bestialiores bestijs, nàm cognovit b̄os P̄offessorem suum, & asinus p̄esepè domini sui, ut ait Isaias cap. 1. Iſti autem benefactricem suam non cognoscunt.

Nota III. Non licet Regularibus ad tribunalia sacerdotalia appellare, aut corā illis quærelam facere contra suos Prælatos: sicut nec ad tribunalia Ecclesiastica, quibus non subdūtur. Cùm enim ab ipsorum jurisdictione exempti sint, nullo jure id possunt, appellatio enim, seu querela non est, nisi ad Superiorē. Secus facientes quas pœnas incurvant, vide Lezanam Tomo 2. Vocab. Appellare.

Nota IV. appellationem debere fieri tempore legitimo, scilicet 10. dierum cap. Conseruationi, & Non solum de appell. in 6. c. Cùm dilectus fin. de electi. Hic porro terminus decem dierum currit à die scientiæ latæ sententiæ, quia datur reo ad deliberandum, an velit statre sententiæ latæ, an ab illa appellare, ad quod est necessaria scientia illius. Nec potest Index hoc tempus minuere, aut augere, quia illud est introductum à jure in favorē partiū.

Nota V. Appellationem hoc ordine debere fieri, à Priore ad Provincialem, ab hoc ad Generalem, à Generali ad Protectorem &c. Ita enim statuit Sacra Cōgregatio Anno 1587. Possunt tamè Religiosi immediatè à suo Superiorē appellare ad Sedem Apostolicā. Probatur per duo cap. ad Romanum 5. & 7. 2. q. 6.

Ratio est, quia Papa est principalis, universali-
squam superior Regularium, unde illorum est
Prior Provincialis, Generalis, omnesque illi
immediate subjiciuntur cap. Authoritate paragr. 1.
de privil. in 6. gloss. c. 1. de rebus Ecclesiae non a-
lienandis in 6. vide Navar. Consil. 2. & 4. de ap-
pel. num. 3. Idem sentit Lezana de Sacra Congreg.
Regularium Tomo 1. c. 9. quae jure computan-
da videtur inter tribunalia Regularium.

DECRETA GENERALIA FEL. RECORD.

CLEMENTIS PAPÆ VIII.

De Novitys ad babitum Regularem , & professionem
non admittendis, nisi in Conventibus designandis, sub
panis ut supra, bis in Anno legenda, diebus à Su-
periore prescribendis.

CLEMENS PAPA VIII.

R egularis disciplinæ restitutio, pro qua
potissimum juxta nostri muneri debitum
laborare non desistimus, illud imprimis ma-
gnum impedimentum afferre quotidiano usu
compertum est, quod in omnibus Conventi-
bus, ijs praesertim, qui majori reformatio-
nem indigent, singuli ad Reformationem venien-
tes

tes; passim recipiuntur. Unde fit, ut quod magis, nos varijs constitutionibus male affectas radices amputare studemus: eò magis in dies depravata infructuosaquè eiusmodi noviter proficientium germina succrescant. Cui qui dem malo occurrere volentes, præsentí Decreto statuimus, districtequè præcipimus omnibus Generalibus, Provincialibus, Commissarijs, Ministris, cæterisquè Superioribus Conventuum intra Italæ, & insularum adiacentium fines existentium quibuscunquè, & quorumcunquè Ordinū mendicantium, ut de cætero neminem sub quovis prætextu, aut colore ad habitum regularem admittant, nisi in Conventibus autoritate nostra propediē in unaquaq; Provincia designandis. Insuper sanctimus, ut quoad ejusmodi Conventus, ut præfertur per nos deputati non fuerint; omnes præfatorum Ordinum Superiores à receptione quorumcunquè novitiorum, sive ad habitum, sive ad professionē omnino abstineant. Superior, qui huius Decreti transgressor extiterit, ipso facto pœnam privationis omnium Officiorum, quæ tunc obtinebit, vocisquè activæ, & perpetuæ inhabilitatis ad alia impo sterum obtainienda, se noverit incurrisse, ac alijs etiam pœnis arbitrio nostro subiaceat. Receptiones verò, & profesiones quaslibet eorum, qui contra huiusmodi Decretum nostrum admissi fuerint, nullas & irritas ex nunc decernimus, & declaramus. Privilegijs, statu-

tis, & consuetudinibus quibuscunque in contrariū minimè obstantibus. Datum Romæ die 12. Martij, 1596.

Renovatio, & ampliatio eiusdem Decreti.
De Novis ad habitum Regularem non recipiendis, nā
si in Monasterijs, & locis designandis.

Sanctissimus in Christo Pater, & Dominus noster D. Clemens Divina providentia Papa VIII. cùm iam dudum animadverteret collapsæ Regularis disciplinæ restitutiōni, pro qua potissimum, juxta sui muneris debitum, vigiliare, ac laborare non desistit, illud imprimis magnum impedimentum afferre, quod in omnibus Monasterijs, & Conventibus, ijsquæ præsertim, qui majori indigent reformatione, singuli ad Religionem profitendam accedentes, passim ac sine delectu recipiuntur, ac inde fieri, ut quod magis varijs constitutionibus male affectis radices evellere studet, ed magis infructuosa noviter profitentium germina quotidiè succrescant: cumquæ ob zelum, ac desiderium, quod tenetur Sanctitas sua omnes Regulares ad vetus suæ cuiusq; religionis institutum redigendi, districtè prohibuerit, nè quis in certis Monachorum, & mendicantū Ordinibus ad fuscipendum habitum Religionis admitteretur, profitereturvè, quo usq; Monasteria, & Conventū aliquot destinarentur, in quibus posset commodius Regularis observantia, secundum reformationem à Sanctitate sua institutam introduci. Quia tamè non

obstante tali prohibitione, cognovit nonnulos fuisse, vel sub colore facultatis, & licentiae à Sanctitate sua obtentæ, vel quia talis prohibitio ad illorum notitiam non perveniret receperos, & admissos, præter mentis suæ sensum: Idcirco huic malo prospicere volēs, nè licentiarum, ac facultatum huiusmodi sub receptione, ac prætextu, decretum Sanctitatis suæ irritum reddatur; nunc denuò strictè præcipit, ac mandat omnibus Generalibus, Provincialibus, Commissarijs, Ministris, Præsidentibus, Abbatibus, Prioribus, & Gwardianis qui buscunquè, cæterisquè Superioribus Conventuum, Monasteriorum, ac Domorum quocunquè nomine appellantur, intra Italianam, & Insularum adiacentium fines existentium, quo rūm unquè Ordinum mendicantium (exceptis tamè Carthusianorum, Fratrum Minorū de strictiori observantia, nec non Capucinorum s. Francisci, Reformatorum s. Dominici, Discalceatorum Ordinis Carmelitarum, necnon Fratrū Congregationis Fuliensis Cisterciensis Ordinis, ac Eremitarum Eremi Camaldulenfis, & Montis Coronæ; Clericorum Regularium Theatinorum, Societatis IESU, s. Pauli Decollati, & aliorum de Somascha, Ministrorum Infirmorum, respectivè Ordinibus, Societatibus, seu Congregationibus nun cupatis, quæ etiam antea excepérat, & nunc iterum excipiendo, voluit prohibitionē hanc ad illa nullo modo extendi.) Nè sub cuiusvis

licentiæ, & facultatis impetratæ, vel impen-
trandæ obtentu, nisi per literas in forma Bre-
vis dumtaxat, & non alias quemquam ad ha-
bitum Regularem suscipiendū, nec etiā Cō-
versos, nisi in Conventibus Monasterijs, &
Domibus, autoritate eiusdem S. D. N. pro-
pediem in unaquaquæ Provincia desgnandis
recipere, aut receptos ad professionem ad-
mittere ullo modò audeant. Quinimò contra
primam prohibitionem Sanctitatis suæ rece-
ptos, etiamsi imperfetum habitum, aut sine
caputio gerant post præsentis Decreti in Ro-
mana Curia publicationem, omnino eijcere
debeant.

Superiorem autem, qui huius Decreti trans-
gressor extiterit, ipso factò poenam privatio-
nis omnium officiorum, quæ tunc obtinebit,
vocis activæ, & passivæ; & perpetuæ inhabi-
litatis ad alia imposterum obtainenda, eò ipso
incurrere voluit ac decrevit, & alijs etiam
poenis arbitrio Sanctitatis suæ imponendis sub-
jacere.

Receptiones verò & profesiones quasli-
bet eorum, qui contra huiusmodi Decretum
admissi fuerint, nullas & irritas esse ad quem
curqué effectum, ex nunc decernit, & de-
clarat.

Hoc autem Decretum noluit Sanctitas sua
eos Ordines comprehendere, qui Conven-
tus, Domos, & Monasteria à se probata pro
Novitiorum receptione, & educatione, hac-

te-

tenus permissione sua constituerint.

Cæteras vero licentias, sive particulares quæ in hanc diem effectum non sunt sortitæ, revocat & annullat.

Vult autem Decretum hoc suum, in solitis locis Urbis publicatum ita prædictorū singulos afficere, ac si cuilibet personaliter fuisse intitulatum, privilegijs, statutis, & constitutionibus quibuscumque in contrarium minime obstantibus. Datum Romæ apud Sanctum Marcum die 20. Mensis Iunij 1599.

FORMULA

Concedendi facultatem pro Novitijs ad Regularem habitum recipiendis in Monasterijs, & locis designatis.

Sanctissimus in Christo Pater, & D. N. D. Clemens divina Providentia Papa VIII. cū regularem disciplinam restituere, atq; in pristinum statum revocare maximè cuperet, regularesquè omnes vitam moresq; suos ad rationem ejus instituti, quod quisque professus esset, ita componere, ut quæ ad votorū vim, habitum, victumquæ communem pertinent, ea potissimum singuli religiosissimè observarent, generali Decreto, quod de mense Iunio anni 1659. promulgatum fuit Ordinum Religiosorum Superioribus (nonnullorum exceptis) prohibuit, nè aut Novitios reciperent, aut quemquam ad professionem ante admitterent, quā à Sanctitate sua monasteria aliquot

ad eam rem præscripta essent, in quibus ob-
fervantia regularis vigeret. Nunc verò ea-
dem sanctitas sua à locorum etiam Ordinari-
js, quibus id muneric demandaverat certior
facta in infra scriptis Monasterijs, & Conve-
ntibus Ordinis nostri præfinitum esse numerum
dumtaxat eorū, qui vel ipsius Monasterij cen-
sibus, vel consuetis eleemosynis sustentari i-
bi commodè possunt, atquè in ijs omnia fide-
liter observari, quæ sunt cum illorum profes-
sionis perfectione conjuncta, nempe castita-
tis, paupertatis, & obedientiæ vota, una cum
cæteris decretis particularibus vel instituti i-
psius, vel Pontificijs etiam ad victum, vesti-
tumquè communem spectantibus (ipfi Decre-
to, ut supra edito, & promulgato, nequaquam
obstante) potestatem facit Superiori ejusdem
Ordinis Novitiatus in infrascriptis Monasterijs,
& Conventibus erigiendi, Novitios recipien-
di, educandi, atquè ad professionem admit-
tendi, modò tamèn id ad præscriptum instru-
ctionis jussu suæ sanctitatis editum, nequè a-
lio modò fiat. Quoniam verò ea est suæ San-
ctitatis mens, & voluntas ut in Monasterijs, &
Conventibus, ad alendos Novitios præfinitis,
regularis observantia perpetuò retineatur,
mandat, & præcipit, ut in ipsis præscriptis ja
personarum numerus imposterum servetur,
nullusquè omnino Superior cuiusvis conditi-
onis, personarum, & Novitorum numerum
augere præsumat, ea poena proposita, ut in o-
mni

mnibus privatus officijs vocis activæ, & passivæ jus omne amittat. Vult denique Sanctitas sua hujusmodi facultatem per Congregationem Reformationis Apostolicæ, hoc Decreto Secretarij manu subscripto concedi, non obstante decreto, dt supra promulgato. Datum Romæ die, &c. Præscribitur verò numerus Sacerdotum, Clericorum Novitiorum Conversorum autem, &c.

N. VISITATIONIS, ET REFORMATIONIS APOSTOLI CÆ DECR.

Decretum super forma recipiendi Novitios Regalarium ad habitum, & professionem.

Sanctissimus in Christo Pater & D. N. D. Clemens divina Providentia Papa VIII. qui alias pro Regularis disciplinæ restituzione, singularis Regularium Ordinibus (quibusdam exceptis) prohibuit, nè ad Regularem habitum Novitios imposterum reciperent, receptosvè ad professionem admitterent, quousque in aliquibus cuiusvis Ord. Monasterijs, seu Conventibus (in quibus Novitiatus pro recipiendis, & educandis Novitijs designarentur, & aprobarentur) ad ejus, quam professi sunt, Regulæ præscriptum, vitam moreisque restituerebant, & componerent, certior deinde factus quosdam omnium ferè Ordinum Conventus, seu

seu Monasteria ad pristinam illam regularem
vivendi formam, & disciplinam, quam diuti-
us desideraverat, fuisse redacta: in eisdē Mo-
nasterijs, & Conventibus, ut Novitiatus eri-
gi, Novitijquè recipi possent, (sub certis ta-
mèn legibus, ac ea præsertim, ut licentia à
Congr: Reformationis Apostolicæ priùs ob-
tentā esset) concessit, & ad illa designavit,
nunc volēs, ut ea, quæ pro Novitiorū recepti-
one, & institutione, de mandato Sanctitatis
suæ præscripta fuerunt, imposterum accura-
tiūs, & exactius obseruentur, ultra formam
traditam in Constitutionibus fel:rec:Sixti Pa-
pæ V. etiam Sanctitas sua super receptio-
ne Novitiorum, decrevit, ac præsentis De-
creti virtute mandavit, nè in Conventibus seu
Monasterijs ad Novitios recipiendos, de San-
ctitatis suæ, seu dictæ Congregationis refor-
mationis licentia hactenus designatis; & ap-
probatis, seu imposterum designandis & ap-
probandis Novitijs, ad habitum recipi ulla-
nus possint, vel admitti, nisi priùs ab ipsa Con-
greg. vel à proprijs locorum Ordinarijs, aut
ab illis in quorū diœcesi Novitiatus existunt,
in quibus Novitij recipiendi fuerint, expre-
ſe, & nominatim Novitij ipsi recipiendi ap-
probati fuerint, & ut recipi, & admitti pos-
sint, licentiam in scriptis (gratis tamèn in o-
mnibus etiam quoad scripturā concedendā)
obtinuerint. Monet autem Sanctitas sua eos-
dem Ordinarios, omnem curam, & diligenti-
am

am adhibere, ut circa ætatem, conditionem, educationem, scientiam, vitam, & mores cæterasq; qualitates in ipsis Novitijs requisitas, observentur institutiones pro illis recipiendis, ab eadem Cong. Reformationis factæ, & publicatæ, neq; aliter, nec alio modo aliquem ad habitum recipi permittant; Ordinariorum ipsorum conscientiam onerando, si quempiam approbaverint, vel admitti permiserint, qui non sit idoneus, & juxta constitutiones, & institutiones prædictas, approbandus & admittendus. Firmis nihilominus remanentibus poenis omnibus contra Superiores quorumcunquè Ordinum, qui in admittendis ad habitum, & professionem Novitijs, formam constitutionum, & institutionum prædictarum non servaverint, aut Novitium aliquem, quantumvis idoneum, & approbatum, in quovis alio Conventu, & loco, seu Monasterio præterquam in hactenus à sua Sanctitate, vel à dicta Congreg: designatis, & approbandis, vel ultra numerum in eorum singulis præscriptum, seu præscribendum receperint, vel admiserint, seu alias præmissis quovis modo contrafecerint. Irritū ex nunc & inane decernens, quidquid secùs & alias quavis autoritate à quovis gestum, vel attentatū fuerit. Non obstantibus quibuscunquè, &c. Datum Romæ apud Sanctum Petrum, die 19. Maij 1602. Pontificatus ejusdem S. D. N. Anno undecimo.

Institutiones super receptione, & educatione Novitio

*vitiorum Religiosorum in Monasterijs, & Conventibus
designatis, vel designandis, Clementis ejusdem
jussu editæ.*

CUm ad Regularem disciplinam in singulis Religiosorum Monasterijs propagandam, Novitiorum institutio maximè utilis sit ac necessaria, & nihil ad gravem illam, ac laudissimam priscorum Patrum vivendi rationem relaxandam, majorem vim habuisse compertum sit, quam vel nimiam in recipiendis Novitijs facultatem supra numerum, quem capere, atquè alere monasteria ipsa possent, vel negligentiam in probando, & examinando eorum spiritu, an verè esset ex DEO, atquè ex præcipuo illi inserviendi desiderio, vel denique incuriam in eis educandis atquè instituendis. Idcirco, ut huiusmodi incommodo deinceps occurratur, præcipitur omnibus, & singulis, ad quos spectat, ut in recipiendis Novitijs, & in eorum institutione, atquè educatione, necnon in ministri & aliorum ministrorum electione, præter alia, quæ in sacris Canonibus ac Decretis, præsertim Concilij Tridentini, Pontificijs, & cuiuscunquè Ordinis, aut instituti constitutionibus continentur, tam in alias designatis, quam nunc, & in posterum ad hoc designandis Monasterijs, & Conventibus, hæc quæ sequuntur inviolatè observari, & exequi perpetuò curent.

Primum, quod attinet ad Novitiorum recipiendorum formam, ultra diligentem perquisiti-

sitionem, quæ habenda erit de uniuscuiusquæ natalibus, corporis habitudine, moribus, & vita ante æta, ac præcipue eorum, qui sextum decimum ætatis suæ annum excedent, an criminosi, an ære alieno gravati, vel reddendæ alicuius administrationis rationi obnoxij sint, juxta formam constitutionis fel:rec:Sixti V. & moderationum subsecutarum. Illud etiam Superiores ad quos spectabit, sedulò perquirant, ut quibus in Monasterijs, & Conventibus, ex Apostolica facultate Novitiatus fuerint instituti, in ijs ad Religionem nullus in posterum admittatur, qui & ex honestis parentibus natus non sit, & conditiones sacris Canonibus, Summorumquæ Pontificum constitutionibus præscriptas nō habeat, juxta Decreto super forma recipiendi Novitios die 19. Maij 1620. editum.

Quisquæ recipiendus in aliquo Ordine Regulari, etiam mendicantium, in ea sit ætate constitutus, quam eius Ordinis, in quo recipientur, Regularia instituta, & ordinationes requirunt, eam verò literarum scientiam calleat, ut illius addiscendæ spem indubiam præferat, ut minores, & suis temporibus maiores Ordines, juxta decreta Sacri Concilij Tridentini suscipere valeat. Sed si quis annum vigesimum quintum excedens ad habitum regularem admitti postulaverit, & talis eruditiois expers inventus fuerit, in conuersorum tantum, quibus literarum scientia non est necesse fari

faria, numerū referatur, ipsi autem conver-
si non recipientur ante vigesimum ætatis suæ
annū; & nisi saltem præcipua doctrinæ Chri-
stianæ capita noverint.

Demum Superiores diligenter exquirant,
quo spiritu, qua mente, ac voluntate id Re-
gularis vitæ genus elegerint, quem sibi finem
proposuerint, num zelo melioris frugis, ac
perfectioris vitæ, & ut DÉO liberiùs famu-
lari possint, an potius levitate, vel humano a-
liquo affectu, aut inordinato animo ducantur,
& an eoram parentes ope, subsidio ipsorum
indigentes destituantur.

Provideant quoquè, ut omnes etiam con-
versi recipiendi, priusquam ad habitum regu-
larem admittantur, ab ijs quibus munus hoc
incubit, de regula, quam professuri sunt, tri-
bus votis essentialibus, statuquè regulari, & a-
lijs cuiusque Ordinis peculiaribus institutis, &
constitutionibus diligenter instruantur, & qui
a quarundam Religionum moris est, nedum
conversos ad professionem admittendos, ve-
rū & oblatos ut vocant recipere, circa i-
psorum oblatorum receptionem unaquæquè
religio suas peculiares constitutiones, speci-
aliaquè instituta observare teneatur.

Statim atquè novitij ad habitum recepti &
in locum novitiatū introducti fuerint, per
Generalem omnium peccatorum confessio-
nem totius anteactæ vitæ conscientiam discu-
riant, & expurgent.

Quod

Quod verò ad loci qualitatem uniuscuiusq; novitiatus spectat, locus huiusmodi propria clausura ab ea partè Conventū & Monasterij, in qua degunt professi, segregatus sit, atquè distinctus, habeatquè tot ad dormiendum cellas separatas, quot erunt numero Novitij, vel dormitorium ita capax, ut pro singulis, singulari lectuli commodè sterni possint, in quo etiam cella, vel certus ac determinatus locus pro Magistro, eiusq; socio reperiatur.

In eò etiam, præter alias communes commoditates aptus locus adsit ad spirituales collationes, seu conferentias faciendas, ac lectiones, instructionesquè Magistri audiendas, & in quem hyemis tempore ad calefacendum se igne communi recipiant.

Oratorium insuper seu Capella, si commode fieri poterit, ad Novitios in spiritualibus, præsertim in ceremonijs, Ecclesiasticisq; functionibus exercendos.

Hortus quoquè peculiaris ad honestam recreationem benè conclusus, atquè munitus adsit, sin minus, hortum cæteris Fratribus communem recreationis tempore ingrediantur. Ipsijs verò novitijs ibi commorantibus, curabit Magister cum loci Superioris autoritate (si opus fuerit) nè in eundem quisquam aliis ingrediatur.

Ad hujusmodi locum Novitiatus nemini eiusdem, vel alterius ordinis regulari etiā Conventū, & Monasterij Officiali, ullo unquam

tempore sub quovis prætextu aditus pateat,
præterquam Magistro, eiusquè socio, ac etiā
Monasterij, aut Conventū Superiori, quan-
docunque ingrediendum sibi necessario ex-
stimaverit, quo tamē casu aliquem semper
ex senioribus Conventū, vel Monasterij Pa-
tribus socium assumat.

Huius loci clausuræ clavis apud Magistrum
semper asservetur, illiqvè soli liceat ex gra-
vi tantum causa ingressum illuc alicui permit-
tere: si quis autem Novitiorum quempiam al-
loqui voluerit. Magistro præsente, & non a-
litter alloquatur.

Novitiorum Magistro socius, si per novitio-
rum instruendorum multitudinem necessa-
rius fuerit, vita, & moribus (quoad fieri po-
terit) consimilis deputetur, qui in his, quæ ad
Novitiatus regimen spectant, dicto Magistro
immediatè subiectus existat, eliganturq; tam
Magister, quam socius per Provinciale Capi-
tulum, per triennium adminus onus huiusmo-
di subituri. Quod si aliquo casu extra tempus
capitulare nova loca Novitiatus concedi cō-
tigat, tunc electionem Magistri Novitiorum,
& socij huiusmodi in his novis locis per Ge-
neralem, vel Provinciale, seu Ministrum, au-
t ut eorum Visitatores, seu Vicarios, de Defi-
nitorum tamē, vel graviorum aliorum Patriū
consensu fieri permittatur: idemq; servetur,
si intra triennium, alterum, vel utrumquè ur-
genti aliqua de causa ex illis locis amoveri,
vel

vel mori contigerit, in cuius, vel quorum locum alij consimiles subrogari debeant.

Tam Novitiorum Magister, quam socius ab ijs omnibus officijs, oneribusque vacationem habeant, quae novitiorum curam, & regimen impedire valeant. Ipse Magister Sacerdotali ordine sit iniciatus, ac in quinto saltem supra trigesimum aetatis suae anno constitutus, & per decennium a professione emissus in Religionem persistenter; socius vero trigesimum annum excedat, sintque ambo doctrina, & quantum per Superiorum diligentiam, & vires fieri poterit, vitae etiam anteactae exemplo praestantes, orationis praeterea, & mortificationis operibus addicti, prudentia, charitateque referti, non sine affabilitate graves, zelum DEI cum mansuetudine praefferentes: ab omnibus cordis ac animi perturbatione ita praesertim, & indignationis, quae in se, & erga alios charitatem impedire conservaverunt, quam longissime alieni & tales demum, qui in omnibus seipso bonorum operum exemplum praebent, ut iij qui eorum curae subsunt, illos non tam metuant, quam revereantur, nec illis unquam detrahere quidquam possint.

Habeat etiam Magister plenam, & absolutam potestatem, circa Novitiorum institutionem, ac Novitiatu[m] regimen, ita ut in illis nemini (Visitatoribus ac Superioribus maioribus, vel etiam localibus exceptis) quovis colore se ingerere liceat.

Curam adhibeat diligentem, ut Novitij omnes in Regulari disciplina sedulo exerceantur, agnoscantque præcipue divinæ qua digni facti sunt vocationis præstantiam, & excellentiam, quæ vera sit, atque perfecta votorum solennium, & quam necessaria cuiusq; Ordinis Constitutionum observantia, modum in oratione, tūm vocali, tūm mentali fructuose persistendi, illicitas passiones, & vitia (ad quæ natura per peccatum labefactata omni tempore prona est, atque proclivis) per sensuū custodiam, & mortificationem cohendi, austeritatem, jejunia, cilicia, disciplinas, conscientiæ puritatem, crebram illius discussionem, Sacramentorum frequentiam, confessionis præsertim, quæ bis saltem singulis mensibus fiat, per apertitionem quotidianam motuum internorum, cordis, & temptationum manifestationem, per exercitium humilitatis circa viliora ministeria, per modestiam in omnibus actionibus, diuturnumq; silentium.

Quilibet Novitus bis quotidiè orationi mētali, & vocali incumbat, unutquisque secundum propriam capacitatēm, & ordinem sibi à Magistro præscriptum, ac pluries in die priam conscientiam unusquisque examinare contendat. Ipsi autem Magistro soli Novitorum confessiones audiendi cura committantur. Liceat tamèn Superiori, etiam locali, si ita expedire judicaverit, vel per seipsum, vel per alium ab eo deputandum, semel aut bis

in

in anno eorundem Novitiorum confessiones
audire.

Quotidie Missæ sacrificio intersint, & sta-
tutis horis in Choro nocturnis, diurnisq; di-
vinis Officijs assistant.

Exercitationibus etiā corporalibus vacent,
legant, vel scribant res spirituales, modestam
animi recreationem interponant, quæ in so-
litario loco & commodo extra Novitiatū se-
mel in hebdomada, vel in alternis saltē he-
bdomadibus longior statuatur, fiatquè semper
Magistro præsente vel socio; qui multum in-
vigilent, ne duo ab alijs commorentur disiun-
cti, atque eò tempore, cuiusquè, in quam na-
tura feratur, propensionem scrutentur.

Non liceat eis, durante Novitiatū, & pro-
bationis tempore, una cùm Professis, nisi in
Choro, in Ecclesia tempore officiorū, in pro-
cessionibus aut in cœnaculo causa refectio-
nis commorari, nec permittatur eis Professi-
onis domo exeunte comitari.

Pro communib; & proprijs cujusquè ne-
cessitatibus, quæ accidere possunt, unus ex
Novitijs ipsis, ætate moribusquè, proiectior
deputetur, qui absente socio, Magistro per-
mittente, omnia prout opus fuerit agat, cui
etiam januæ custodia, & rerum levioris mo-
menti, provisio intra Novitiatū committi po-
terit.

Cùm autem licet Clericorum benè institu-
endorum cura debeat esse præcipua, Con-

versorum tamēn Religioſā instrūctio non sit
prætermittenda, quin potius æquanimiter am-
plexanda, quandoquidem ſatis exploratū eſt,
illorum etiam cū Regulam profiteantur e-
andem, perfectam educationem, cū Religi-
oni dēcorem, & ornamēntum, cū alijs Chri-
ſti fidelibus ædificationem, exemplum, atquē
utilitatē afferre. Conversis ipſis à Clerico-
rum Novitiatu separatus ad dormiendum lo-
cus (quantum commode fieri poterit) assigna-
ri præcipitur. Illi tamēn hac separatione nō
obſtantे Magistro Novitiorum, seu ſuperio-
ribus Monalteriorum, & Cnnventuūm juxta
eujusquē Ordinis Statuta, & Constitutiones
ſubdiſi eſſe, & obedientiam præſtare debe-
bunt, à quō non tantū circa corporalia ob-
ſequia probandi & exercendi, verūm etiam
pro eorū capacitate, & commoditate, de ſpir-
itualibus, præſertim de modo mentaliter o-
randi, diligenter instituendi erunt, quod ut
commodius fiat, ad Capitula, & ſpirituales
Conciones quae per Magistros Novitijs fieri
ſolent, accersiri debeant & in Ecclesijs statu-
ris horis convenienti, niſi tunc in ſuis officijs
actualiter occupati fuerint.

Tempore verò probationis elapſo, iij tan-
tūm, qui non ſolum Religioſæ perfectionis ca-
paces, ſed ad laborem corporalem apti no-
vo, ac diligenti examine reperti fuerint (du-
modo etatis ſuæ annum quoad Clericos deci-
mum ſextum, quò verò ad Conversos, vigeſ-
tum

mum primū exesserint) ad professionem
admittantur. Sed qui ad Conversorum habi-
tum recepti fuerint, ad Clericorū statū tran-
fere, etiam durante tempore probationis non
possint.

Superior cuiuslibet Conventūs, in quo No-
viciatus fuerit constitutus particularem librū
habeat, in quo uniuscuiusquè Novitij profes-
sio registretur, illamq; Novitius professus pro-
pria manu, & duo testes, qui præsentes fue-
rint, subscribant.

Conversus verò literarum ignarus, profes-
sus, in eorundem, testium, qui se subscripte-
rint, præsentia propria manu signum Crucis
apponat, asserveturquè liber, & custodiatur
in Archivio, ubi scripturæ ad Monasterium se-
u Conventum pertinentes reponi consveve-
runt.

Quia verò in quibusdam Ordinibus filiatio-
nis usus est receptus, declaratur, quòd licet
decretem sit, ut Novitijs educandis certa Mo-
nasteria aut Conventus designata quilibet Or-
do habere debeat, licitum tamè sit Superi-
oribus Monasteriorum, & Conventūm hu-
iustmodi Ordinum, in quibus filiationis usus re-
ceptus est, eos quos prænarratis qualitatibus
suffultos repererint, in suorum locorum fili-
os, juxta cuiusquè Ordinis constitutiones ad
scribere sicquè adscriptos, cùm juxta præsen-
tes institutiones, & alias servatis servandis ad
Ordines recepti fuerint, ad loca Novitiatu-

um cum testimonialibus literis transmittere, ut tamquam dictorum Conventuum, seu Monasteriorum filij, eorumdem nomine, & instantia recipi, ac in Novitiatu probari, & deinde, antequam ad eadem Monasteria, seu Conventus filiationis huiusmodi remittantur, in professorio ad perfectionem; ut premisum est, exerceri debebunt.

Porro, ne loca unius Monasterij, seu Conventus ab alio præoccupentur, Capituli Generalis, aut Provincialis partes erunt, numerum præscribere, pro omnibus, & eam similiter rationem circa alimentorum contributionem (si opus fuerit) inire, ac singulis Conventibus, & Monasterijs præscribere, quæ magis expedire videbitur.

Ut autem Novitij jam in Professorum numerum (sicut præmittitur) recepti melius in bono spiritu, regularisque disciplinæ obseruantia stabiliantur, & confirmantur, mandatur, ut statim post professionem emissâ, si in Conventibus ac Monasterijs pro Novitiatibus assignatis locus aderit secundi novitiatus, sive Professorij ab ea, quæ Novitiorum est, atque antiquorum Professorum habitatione distinetus, & segregatus, ibi collocentur, si Monasterium, aut Conventus eos alere queat, si minus in aliud, commodiorem Conventum aut Monasterium transferantur, in quo is locus cum requisitis ad Novitiatum supra narratis recipiatur, vel accommodetur aut de novo construatur.

Ab

Ab hoc tamèn illæ religiones excipiuntur,
 quæ suarum constitutionum, seu institutorum
 vigore majoris temporis cursu novos profes-
 sos intra Novitiatum detinere consuescunt,
 quibus in hac partè non derogatur, illis ta-
 mèn permittitur, ut prædictis earum constitutionibus non obstantibus, idipsum facere
 possint, si id rationi. ac Religioni magis ex-
 pedire dijudicaverint, quibus in locis degant
 sub Regulis & modo vivendi adhuc arctiori,
 quam servent antiquiores professi, ita quod in
 negotijs Monasteriorum, aut Conventuum
 non se intromittere, nec communibus tracta-
 tibus interesse, nequè alicuius exterioris ob-
 edientiæ officium exercere debeant, ibique
 permaneant quousque ad ætatem sacris Ordi-
 nibus suscipiendis sufficientem devenerint,
 vel saltem per triennium post professionem,
 quo etiam tempore poterunt, quinimò, & de-
 bebunt literarum, studijs operam navare sub
 direktione, ac regimine Superioris, qui eas
 qualitates habeat, quibus novitiorum Magis-
 trum præditum esse oportere dictum est.

Declaratur tamèn, quod propter præmissa
 non censeatur concessa licentia recipiendi
 novitios, nisi in locis pro novitiatu designa-
 tis, aut imposterum designandis, & pro nume-
 ro dumtaxat in eorum singulis præscripto vel
 præscribendo.

Deniquè si illi, qui inter Religiosos gradu-
 & Ordine Superiori sunt, & alij, ad quos spe-

stat, in prædictis omnibus, vel eorum aliquo
deliquerint, seu quovis modo contrafecerint
officiorum omniū, quæ tunc obtinebunt, pri-
vationē, gravioresq; pro modo admittæ cul-
pæ pœnas, se subituros cærtò sciant. Datum
Romæ apud Sanctū Petrū die 19. Mart/ 1603.

DUBITATIONES AD HOC DECRETUM.

QUæres I. An in quolibet Conventu recipi
Novitij possint? Respondeo propter De-
cretum Clementis VIII. innovatum à Sacra Cō-
gregatione Concilij sub Urbano VIII. non pos-
se Religiones (quibusdam exceptis) & supra
expressis, intra Italiæ & Insularum adjacentium fi-
nes in Novitiis aliquos recipere, nisi in Con-
ventibus auctoritate Apostolica approbatis re-
ceptionesquæ, & profesiones aliter factas, ir-
ritas omnino esse & transgressores varias pœ-
nas incurrere. Item postea, propter Motum
proprium, seu Brevè Urbani editum II. Apr. Anno
1632. habetur, eos, qui in Conventibus non
approbatis Novitiatum jam pridem non fe-
cerant, de novo admitti posse ad professio-
nem sine novo Novitiatu, etiam in eadem an-
tiquitate, & jure, sicut prius erant. Constat
etiam, quod cum Sacra Congregatio cerne-
ret plures Regulares ab Ordinarijs locorum
habitūs, & professionis relaxationem postula-
re, sub prætextu quod Novitiatum non ges-
sis-

sissent in Conventibus à Sede Apostolica de signatis, ipsiq; Ordinarij facilè prædictam relaxationē illis sæpius concederent, ideo huic malo obviare intendens Sacra Congregatio Concilij sub anno 1636. statuit, quod si aliqui contra formam plædiotorum Decretorum recepti, & professi è Religione infra quinque nium exire vel Superiores extra eam respettivè illos ejicere voluerint, annuente Sanctissimo, tam ipsi professi, quam Superiores respectivè teneantur jura, quæ sibi favere visa fuerint, prius deducere coram eadem sacra Congregatione, quæ ex speciali etiam suæ Sanctitatis facultate super hoc concessa providebit. Inhibendo præterea Primitibus, Patriarchis, Archi-Episcopis, Episcopis, & sacrae Romanæ Ecclesiæ Cardinalibus, etiam de latere legatis sedisq; Apostolicæ Nuntijs, nè im posterum in hoc quoquomodo se ingerant, absquæ speciali ejusdem Sanctitatis commissione, sub poena ipso facto incurrienda, quo ad Episcopos Archiepiscopos, Patriarchas, & Primates interdicti ab ingressu Ecclesiæ, quo ad Abbates, Prælatos inferiores, ac alios Iudices prædictos excommunicationis latæ sententiæ, quò verò ad Nuncios, & ad sacræ Romanae Ecclesiæ Cardinales, etiam de latere Legatos, indignationis suæ Sanctitatis, & pœnarum arbitrio ejusdem imponendarum. Itē ibidem pro majori cautela, contra delinquentes statuit, ac decrevit, quod si ijdem, ut supra

pra recepti, & professi, juribus suis minimè deductis coram sacra Congregatione Concilij, & sine illius expressa licentia è Religione exire, vel Superiores religionis eos ejcere ausi fuerint, ipsi recepti, & professi tanquam Apostatae puniantur, & pro talibus habeantur, nec non contra eosdem juxta formam Decreti de Regularibus Apostatis, & ejectis procedatur, & Superiores, qui ejecerint pœnam suspensionis à divinis, nec non privationis omnium officiorum, quæ tunc obtinebunt, ac perpetuæ inhabilitatis ad ea imposterū obtinenda, vocisquæ activæ, & passivæ ipso facto absq; alia declaratione incurvant. Extat etiam aliud Decretum ejusdem sacræ Congregationis eodem anno 1636. subscriptum ab Eminentissimo Cardinali Verospi, & Illustrissimo Domino Paulucio. Secretario apud Novarium in lucerna Regulare in fine, in quo statuitur, prædictos, qui habitum, & professionem in locis non designatis non habuerint, audiri non posse transacto quinquennio.

Nota autem intentionem Sanctissimi in eō Brevi seu Motu, proprio, eam proculdubio fuisse, ut prædicti Religiosi qui Novitiatū in Conventibus non designatis egerant, non egredierentur à Religionibus sed potius professionem ratificarent, Hoc enim colligitur, tūm ex ipso Brevi seu Motu proprio in principio, ubi ratione ipsius concedendi, ait Pontifex, ut in invocatione, quā vocavit eos dominus, permaneant. Tū quia

quia præcipit Superioribus, ut prædictos Religiosos ad professionem denuò emittendam admittant. Tum quia, ut ad id eos alliciat, post ratificatam professionem præcipit restitu ad propria jura, & habilitates, quas primò habebant, ac si prior professio fuisset valida; tum denique quia propter ea sacra Congregatio in decreto relato prohibet facilem egressum dictorū Religiosorum. Nec obstat quod talium profesiones fuerint irritae, & nullæ, ut constat ex decretis adductis. Ex eodem, quod irritae fuerint, solum sequitur tene ri eos, qui ita professi sunt, etiamsi id omnino occultum fuerit, professionem denuò facere, ut illis conceditur in prædicto Brevi aut Motu proprio, vel si nolint id facere, causam prosequi in judicio. Ubi si nihil effecerint, nec professionem suam ratificaverint, erunt in peccato mortali, & maximo detimento sua conscientiae, usurpando bona Religionis quæ sunt propria professorum, qualia sunt primò, ali redditibus & eleemosynis Religionis; secundò posse confiteri peccata sua sacerdoti approbato solum à Superiore Regulari, & non ab Ordinario; tertio: frui privilegijs veris Professis tantum concessis.

Quæres II. Quæ informationes fieri debent, à Regularibus, antequam admittant Novitios ad habitum Religionis? Respondeo, ex parte desuper Constitutionem Sixti V. in ordine 71. his verbis. *Perpetuo statuimus, & ordinamus:*

mus: juvenes aut viros adultos maiores 16. annis, non aliter, in aliquam Religionem recipi posse, nec debe-re, nisi prius de eorum Parentibus, Patria deque anteacta vita diligenter inquiratur, & ex accurata in-formacione, & fide digna relatione compertum, & ex ploratum sit, eos nequè aliquorum criminum, qualia sunt homicidia, furtæ, latrocinia, vel alia similia a-ut graviora, reos vel suspectos existere, ut propterea damnati sint, aut nè damnentur formident, nequè in-genti ære alieno supra vires facultatum suarum gra-vatos, vel reddendis rationibus ita obnoxios, ut ex hu-inusmodi causa, lis vel molestia eis jam illata, vel ti-mendum sit, nè inferatur: nisi denique constet, ipsos non humana aliqua ratione, sed tantum devotionis & pietatis fervore vitam Religiosam sponte & ex animo elegisse, denique his omnibus in Generali, vel Provin-ciali Capitulo plena, indubitate fide facta tam Su-perioris, Generalis, seu Provincialis, quam Definitorum consensu approbati, & ad habitum Regularem admissi fuerint; omnes autem & quocunquè ut dictum est, & eriminosos vel suspectos, aut æri alieno, ut etiam di-ximus, vel rationibus reddendis obligatos, ad Reli-gionem perpetuo inhabiles declaramus. Ita Sixtus V.

Quæres III. An istæ informationes sumi de-beant de quocunquè petente admitti ad Re-ligionem? Respondeo. Non debere sumi, ni-si de juvenibus sæcularibus qui sunt maiores 16. annis, & tunc primò fiunt Religiosi. Un-dè fit, ut Religiosus ab uno Ordine transiens ad aliud, non habeat opus præmittere dictas informationes, ut potè quæ probabiliter pos-sunt

sunt supponi factæ, quando admissus est in priorem Ordinem, siquidem Bulla *Sixti V.* clare loquitur de solis iuuenibus sacerdotalibus primò receptis ad habitum Ordinis, & cùm sit odiosa, non debet extendi ad casus in ea non comprehensos.

Quæres IV. An præfatæ informationes sumi debeant si admittendus aliundè cognoscitur sufficiens quoad omnes conditiones? Respondeo negativè, Ita Suarez Tomo 4. de Relig. trac. 10. lib. 2. cap. 3. Ratio est, quia cessat finis Constitutionis *Sixti V.* adeoquè cessat obligatio. Præterea, que clara sunt, examinatione non indigent cap. manifesta 2. quæst. 1. Et in notariis juris ordinem non servare, ordo est, cap. Ad nostram de jurejurando.

Quæres V. An prædictæ informationes debeant esse juridicæ, nimirum factæ per duos aut tres juratos qui jurent talem recipiendū in Novitium, non habere aliquid ex impedimentis allatis? Respondeo quod sic. Quia alias non facerent fidem, aut probarent intentum; cap. suis 6 capit. nuper de testibus. Suarez Tomo 3. de Relig. Miranda Tomo 1. Manual. q. 21. & 2. Rodriguez Tomo 3. questionum Regul. q. 10. a 13. & alijs.

Quæres VI. An professio sit irrita ad habitum receptorū conditionibus dictis non servatis? Respondeo. Ita quidem declarasse in prædicta sua Constitutione *Sixtum V.* postea tamèn Clemens VIII. Anno 1602. illam reduxit
ad

ad terminos juris communis, salvis semper pænis contra transgressores infictis, ideo licet professio secuta sine illis valida sit, prælati tamen illam dantes incident in pœnas à *Sixto V* positas, videlicet in privationem vocis utriusquam, dignitatum, honorum, & inhabitatem ad hæc perpetuum.

Quæres VII. An ad hoc ut aliquis ex vi Bulle *Sixti V.* excludatur à Religione tanquam criminosus, sufficiat præcisè quod commiserit crimina recensita in ea Constitutione? Respondeo negativè, sed requiritur, ut constet actis publicis, Iudices, & Curiam sœcularem, ante susceptionem habitus de ipso crimen adversus eos accusationem suscepisse, vel inquisitionem instituisse. Ita enim habet ipse *Sixtus V.* in alia Constitutione, quæ incipit *Ad Romanum Pontificem 12. Calendas Novemb. Anno 1588.* data. Quamquam si quis per calumniam fuisset injustè inquisitus de aliquo gravi delicto, si postea constaret illum fuisse innocentem, non ideo excludendus esset à Religione, cum talem casum non comprehendat Constitutio *Sixti V.* Idem proportionaliter putat asserendum cum pluribus DD. *Pellezarius Tract. 2. cap. 3. n. 9.* in casu quod quis juridicè de delicto convictus, & ad pœnam damnatus, illam jam implevit, & tam Reipublicæ, quam parti læsæ satisfecit, intentio enim Papæ solùm est præcavere, ne colore Religionis, criminosi maneant impuniti. Addit *Suarez Tomo*

3. de Relig. c. 7. n. 19. non debere excludi à Religione eum, qui commisit revera aliquod ex ijs delictis, & de eò inquisitus juridicè, illud negavit, sicquè fuit absolutus. Ratio est, quòd eiusmodi delictum in his circumstantijs reputatur occultum, & accusatio, aut inquisitio, cùm jam per absolutionem sit terminata, perindè est ac si non præcessisset.

Quæres VIII. An in præsens necesse sit ad Novitiorum receptionem fidem dictam facere in Capitulis Generalibus, seu Provinciaibus? Respondeo, quòd non. Tùm quia ipse met *Sixtus* in sua Constitutione altera supra citata concessit, ut sumptis debitiss informati onibus Novitij recipi possint ad habitum, quo tuncqè tempore à tribus deputatis per Capi tulum Provinciale, atq; etiam locale. Tùm quia ad talem effectum in quolibet Ordine Juxta proprias Constitutiones, varia privilegia Regularibus concessa sunt.

Quæres IX. An casu, quo Novitius recipi endus interrogetur de aliquo defectu gravi, & forte etiam non parum infamatorio, teneatur eum Novitius pure ac sincere aperire? Respondeo quòd sic. Ratio est, quia sicut, si quis velit cùm aliò convenire in emptione equi v. g. & eius conditiones inquirat, teneatur verum fateri, ita & in casu nostrò, hoc ipso quòd Novitius recipiendus vult quasi patrum inire, cùm Religione, quam intendit ingredi, ideoquè voluntarie se subiicit exami-

ni, justè interrogatur, ac proindè tenetur fateri veritatem, alioquin dari posset quasi bellum ex utraq; partè justum, quòd negant DD. communiter, nisi in casu ignorantiae probabilis, quæ tamèn in præsens locum non habet. Ita *Suar. Tomo 4. de Relig. Tract. 10. lib. 2. c. 3. Ec.*

Nec obstat, quòd nemo teneatur detegere propriam turpitudinem, se ipsum infamando, siquidem in nostro casu nulla vel certè levis sequitur infamia, cùm is, cui modo dicto detegitur defectus, vi secreti, naturalis non possit illum alteri manifestare, & alias infamatio, quæ fit apud unum, aut alterum tantum, qui perindè se habebunt erga infamatum, ac si nihil scirent, non censetur notabilis, ut docent apud *Lessium lib. 2. cap. 11. d. 11. Navar. Cajet. Cordub.* Et si esset notabilis, debet postponi communi bono Religionis, quòd sine dubio præferri debet famæ personæ privatæ. Præterquam quòd volenti, & consentienti, non fit iniuria, qui autem vult & petit admitti ad Religionem, sponte se subiicit huic incommodo detegendi proprios defectus, sicq; credit juri suo, juxta illud *qui vult finem, vult consequentia ad finem.*

Quæres X. An interrogatus de moribus Novitij recipiendi, possit detegere defectus illius graves? Respondeo. Posse, imò & teneri. Quia nemò habet jus tuendæ famæ cùm damnatio gravi alterius indè injustè cōsequēti. Ita in

in terminis Lessius sup. D. 9. n. 59.

Quæres XI. An possint admitti ad Religionem, qui sunt onerati debitibus? Respondeo cù distinctione. Vel debitor est impotens ad solvendum tūm in re, tūm in spe, & sic potest admitti ad Religionem, cùm inanis sit actio creditoris quam excludit inopia debitoris, & debitor in tali statu perinde excusatur à solutione debiti, ac si nihil deberet. Vel debitor non habet quidem actu undē solvat, probabiliter tamē speratur fore, ut manens in saeculo acquirat bona, quibus solvat, & tunc probabile est, hunc non posse admitti ad Religionem, cùm præceptum naturale solvendi, præferri debeat consilio ingressus Religionis, & nefas sit querere lucrum spirituale cù præiudicio tertij.

Quæres XII. An furiosi, ac mente capti possint admitti ad Religionem, ac in illa validē profiteri? Respondeo negative. Cūm non habeant sufficientem libertatem, aut discursum ad vovendum. *Sylvester verbo Religio.* Adde, in eō casu non posse experiri rigorem Religionis, quod est finis Novitiatūs.

Quæres XIII. An possint admitti ad Religionem filij, qui habent parentes gravi egestate laborantes? Respondeo non posse, si aliundē parentibus succurri non possit. Ita s. Thomas 2. 2. q. 101. a. 4. *Suar.* Tomo 3. de Relig. lib. 5. alijquè communiter. Ratio est: quia propter opera consilij, non debet prætermis-

ti præceptum divinum, & naturale, at filius teneatur ex præcepto naturali subvenire parentibus, ergo &c.

Quæres XIV. An possint & debeant recipi in Religionem Novitij inscijs, & invitjs eorum parentibus? Respondeo. Posse, imò & in aliquo casu teneri ex charitate, quamvis regulariter non expediatur, præsertim si parentes sint viri potentes, qui grāvia dāmna ideo Religioni inferre possint, quò casu præferri sine dubio debet bonum totius Religionis, bono privato particularis Novitij. Cœterum responsio nostra patet, quia sic nulla fit injuria parentibus, cùm filij in electione statū sint liberi, & nullā ratione subiçtantur voluntati parentum, ut colligitur ex S. Thoma 2.2.q.104. a. ult. Unde S. Bernardus cap. III. ait Sola causa, quia non liceat obedire parentibus D E U S est, ipse enim dicit, qui amat patrem, aut matrem plus quam me, non est me dignus. Quo facit etiam illud D. Hieronymi ep. I. ad Heliodorum. Licet parvulus pendeat ex collo nepos, licet sparso crine, & scissis uestibus ubera quibus te nutriterat mater offendat, licet in limine pater jaceat, per calcatum perge Patrem, siccis oculis ad vexillum crucis evola, solum pietatis genus est, hac in re esse crudelē. Quod vero filij aliquando debeant recipi ad Religionem invitjs Parentibus, hinc constat, quod quis potest in eō statu versari, ut non possit moraliter vitare æternam damnationem, nisi ingrediendo Religionem, idquè ob naturæ suæ procliv-

Vitatem ad malum, ob imminentia pericula,
 & animæ & corporis, ob frequentes occasio-
 nes peccandi, cui utique ex charitate tene-
 mur consulere, cum unicuique mandaverit DE
 US de proximo suo.

Quæres XV. An admitti possit ad Noviti-
 atum, qui matrimonij contraxit, & simul con-
 sumavit? Respondeo. Non posse nisi adsit
 consensus alterius Coniugis. Quia secluso ta-
 li consensu eiusmodi admissio directe repu-
 gnat cum usu matrimonij, quem alter conjux
 licet potest exigere, & consequenter con-
 tinet manifestam injuriam, & sic ex natura rei
 est illicita & invalida.

Quæres XVI. An si alter conjux dedit al-
 teri facultatem ingrediendi Religionem pos-
 sit eam ad libitum revocare ante Professio-
 nem? Respondeo posse. Et probatur. Quia
 in proposito casu, conjux, qui ingreditur Re-
 ligionem, potest sua sponte exire ante Pro-
 fessionem, & ad alterum redire, qui tenetur
 illum recipere, & vitam maritalem cum eo a-
 gere, ergo & ipse potest alterum revocare,
 & ipsi tenetur parere, jura enim debent esse
 paria, & uterque intelligi debet esse pro eo
 anno in probatione, an sibi expediatur, perpe-
 tuo ab alio separari. Ita Suar. Tomo 3. de Relig.
 lib. 5. c. 3. oppositum tenet Peyrinis de Rel. Prel
 q. 3. c. 1. num. 52. tum ex Regula 21. in 6. Quod
 semel placuit, amplius displicere non potest, tum qui
 a licentia ingrediendi Religionem data alte-

ri conjungi, respectu illius est quidam favor,
& privilegium, dans autem privilegium, non
potest illud revocare, nisi in casu abusus, qui
non adest in casu nostro.

Quæres XVII. An possint admitti ad Ha-
bitū Religionis conjuges, si consummato ma-
trimonio alter illorum adulteretur? Respon-
deo. Posse, si adulterium sit notorium, cùm
hac tamèn differentia, quòd conjux innocens
potest admitti altero invito, utpote liberatus
à debito conjugij ob adulteriū ab altero per-
petratum, juxta cap. significasti, de divorcio., &
cap.fin.de adult. Conjugx verò nocens, non po-
test admitti invito altero conjuge innocentem.
cùm enim divorcium sit in favorem innocentis,
non debet indè privari dominio, quòd ha-
bet super conjugē nocente, alioqui punire-
tur sine culpa.

Quæres XVIII. An illegitimi sint incapaci-
ces habitus, & Professionis regularis? Respon-
deo negativè, nisi peculiares Religionū Con-
stitutiones obstent. Quia licet Sextus V. in sua
Constitutione Cùm de omnibus prohibuerit hos
ad Religionem admitti, & professionem fore
irritam declaraverit tamèn Gregorius XIV. in sua
Constit. Circumspecta, oppositum statuit, certis
tamèn conditionibus appositis quas ibi vide-

Quæres XIX. An possint admitti ad Reli-
gionem, qui præ morbo, aut senectute non
possunt observare regulam proprij Ordinis?
Respondeo non posse. Tū quia turpis est ea
pars,

pars, quæ non congruit suo toti, quòd tamèn eveniret in casu nostro, tùm quia profites in Religione promittit observare regulam, & Constitutiones sui Ordinis, quomodo autem id promittere potest, qui certo scit se fore ad hoc impotenter. Novitiatus autem ordinatur ad Professionem.

Quæres XX. An Infames, histriones, carnafices, satellites, &c. ad Religionem recipi debeant? Respondeo negativè. Quia sunt infames, vel quasi infames, & non decet Religionem similibus deturpari.

Nec illiterati ad statum Clericorum recipiendi sunt, nisi ea saltem sciant, quæ ad Divinū officiū rectè persolvendū requiruntur.

Quæres XXI. An admitti possint ad Religionem Episcopi? Respondeo. Non: sine licentia Papæ. Tùm quia ita expressè definivit Innocen. III. in cap. nisi cum pridem de renuntiatione. Tùm quia status Episcoporum altior est statu Religiosorum, & ita ab illo ad istum non est transitus sine dispensatione Summi Pontificis. Prælati autem Episcopo inferiores ad Religionem admitti possunt propter oppositionem rationem. S. Thomas 2. 2 q. ult. a. 7. Suar. 3. Tomo de Relig. lib. 5. c. 4. Ge.

Quæres XXII. An sit de essentia Novitiatus, ut peragatur intra Monasterium? Respondeo. Este. Tùm ex cap. I. de Reg. in 6. ubi dicitur. Quod si per totum annum sequentem in Monasterio permanserit. Tùm ex quadam decla-

ratione sacræ Congregationis relata à Sanchez lib. 5. in Decal. c. 4. numero 27. Tum quia Novitiatus ad eum finem est institutus, ut & Novitius experiatur asperitates Religionis, & Religio sumat experientiam morum ipsius, quod obtineri non potest, si Novitius Novitiatum extra Monasterium peragat.

Quæres XXIII. An de licentia Prælati possit peragi quædam pars Novitiatus extra Monasterium? Respondeo posse. Quia Conversi Novitij v. g. non possunt experiri præcipuas austерitates Ordinis, nisi exerceantur in quaestuando, etiam extra civitatem, quod utique supponit illos per plures dies pernoctare, & commorari extra Conventum.

Si autem quæras per quantum tempus manere possit Novitius extra Conventum? Respondeo non convenire DD. siquidem Navar. cons. 32. de Regul. concedit Novitium de licentia Superioris posse degere extra Conventum per 6. menses Azor. Tomo 1. lib. 12. c. 2. q. 8. admisit hoc pro toto anno Novitiatus. Alij apud Sanchez non concedunt nisi duos menses. Alij cum Diana de Dub. Regul. refol. 84. assignat majorem partem anni, unde patet tensus judicio prudentis definiendum esse, spectato imprimitis fine, ad quem institutus est Novitiatus, qui est, ut Novitius experiatur Ordinis asperitates, quas minus bene experiri potest extra Conventum.

Quæres XXIV. An sit de essentia status Re-

Religiosi, ut peragatur in peculiari habitu Religionis suscepit? Respondeo affirmative, nisi aliud constet ex Regula Ordinis alicuius a Papa approbata. Probatur, Tum quia in *Concil. Trid. sess. 25. de Regular. cap. 15.* id videtur expresse decidi, dum statuit annum Novitatus ad valorem professionis numerandum esse a die susceptionis habitus; Tum quia in ipsa delatione habitus Religiosi adest quædam austeritas, quæ inter experimenta Religionis recensetur, ideoquæ necesse est ut Novitus hoc experiatur.

Quæres XXV. An sit de essentia Novitatus, quod duret per annum integrum, & hunc continuu, non autem interpolatum? Respondeo quod sic. Quia is annus prescribitur, ut Novitus integre ac perfecte experiatur austeritates Religionis, at inter alia non insimul locum tenet, quod eas perferat sine intermissione, ut vel hinc patet, quod difficilius est ieiunare 40. diebus continuis, quam interpolationis. Ita Sanchez lib. 5. in *Decal. c. 4.* ex communissima DD. sententia. Nota tamè pauorum dierum interpolationem non interrupere Novitiatum, cum non adsit moralis interruptio, nec obstat quod minus Novitus dici possit experiri Religionem, & Religio Novitium. Vide Lessium lib. 2. c. 41. n. 59.

Quæres XXVI. An validus censi debeat Novitiatus, si Novitus toto tempore illius a grotet, ideoquæ non possit experiri austeri-

tates Religionis? Respondeo. Validum censi-
seri Ita Suar. Tomo 3. de Ralig. lib. 5. c. 1.n.15.
ex Navar. Miranda, Sanchez, Rodriguez. &c. Et
probatur. Quia sic Novitius, quantum est ex
se, vere manet in statu probationis in tali Re-
ligione, & sub illius obedientia, quod autem
actu probari non possit, est per accidens. Nec
refert, quod annus probationis institutus est
ad capiendam experientiam. Tum quia finis
legis non est de substantia legis. Tum quia
in casu proposito, Novitius satis probatur per
infirmitatem, in qua Religio sufficienter po-
test explorare naturam illius, & aptitudinem
ad Religionem, sicut & ipse poterit cognoscere
charitatem & mores Religionis.

Quæres XXVII. Utrum annus Novitiatus
debeat esse completus de momento in mo-
mentum? Respondeo affirmativè. Ratio est,
quia Tridentin: statuit, ut nullus ad professio-
nem admittatur, qui minori tempore, quam
per annum in probatione steterit, sed qui u-
na hora, vel media minùs, stetit minùs anno
juxta L. 3. Parag Minorem ff. de minor. ergo &c.
Nec hoc debet cuiquam videri durum. Cùm
enim qualibet horâ fungi nascuntur, potest
dari in illa hora talis occasio, quæ & Religi-
oni suadeat, ut Novitium expellat, & Novi-
tio, ut spontè egrediatur. Et adverte, quod
in anno bissextili duo dies debent computari
pro uno, quia tunc ille annus eò solùm mo-
do dicitur completus. Et adverte etiā, quod
iste

istè annus debet quoquè compleri ab illis etiam Religiosis, qui transeunt de una Religione ad aliam, cùm debeant priùs probare & probari.

Quæres XXVIII. An Novitus ejetus ab ordine, & iterum admissus debeat repetrere Novitiatum? Respondeo debere, si iustè fuit ejetus, sicut enim ipse judicatus est ineptus ad Ordinem, ita nullus est Novitiatus in eò factus. Secus, si iustè fuit ejetus, nám nemò sine culpa privari debet jure suo, nisi occurrat justa causa id faciendi, quare cùm in isto casu Novitus absquè sua culpa supponatur privatus jure prosequendi Novitiatum, restituì debet in integrum. Sic Bordonus, addens non interrumpi Novitiatum per accessum ad Superiorem causa appellationis, aut ad dicendum jus suum, cùm sic non adsit recessus ab Ordine, sed justus recursus ad Superiores.

Quæres XXIX. An expediāt Religiosos à liorum Ordinum recipere in propriam Religionem? Respondeo negativè. Primo quia ut plurimū mutatio Religionis est signū inconstantis animi, & mutabilis, cùm Apost. I. ad Cor. 7. dicat. *Unusquisque in vocatione quā vocatus est in ea permaneat.* Secundò. Quia non raro, qui carent transire ab uno in alium Ordinem, id faciunt non studio majoris perfectionis, sed ex rationibus mere naturalibus v. g. ut commodiorem vitam degant, ut faciliorem accessum ad honores habeant, &c. Tertio. Quia in eò,

qui

qui aliam Religionem probavit, & deseruit, plerumq; manent aliqua vestigia prioris Professionis, & aliquæ apprehensiones diversæ ab instituto Religionis, in qua de novo admittitur, ideoquæ timeri potest aliqua diffimilitas, quæ possit pacem communem turbare.

Quæres XXX. An Novitij teneantur ad observantiam Regularum, & Constitutionum Ordinis, in quò probantur? Respondeo. Per se, & directè non teneri, teneri tamè ex gravi decentia, posito quòd velint manere in probatione. Ita *Suarez* loco supra citato. *Sanchez Lezana* &c. Prima pars probatur, tūm qui a nondū professi sunt Regulam, nequè sectatos Religioni tradiderunt, sed versantur in probatione, ad experiendum an debeant admitti, nec nè. Tūm quia etiā Cathechumeni non adstringuntur legibus Ecclesiæ donec per baptismum in Ecclesiæ, gremium perfectè admissi sint, quippè qui non sunt vera membra Ecclesiæ, sed sunt in via, ut fiant per baptismum. Eadem autem ratio militat quo ad Novitios respectu observantiæ regularis, cù hi vere non sint partes communitatis Religiosæ, sed solum sunt in via, ut per professionem Religiosam ad eam admittantur.

Partis sæcundæ ratio est. Tūm quia ut habetur cap. *Recolentes de statu Monach.* dignū est, q; qui similem cùm alijs vitam suscipiunt, similem sentiant in legibus disciplinam. Tūm quia ipsi Novitij ad hoc videntur se virtualiter

ter obligasse, quando habitum suscepereunt, inito pacto cum Religione, ut quam diu ibi manerent, sicut ab ea sustentari debent, ita & ab ea religiose corrigi possint.

Quæres XXXI. An Novitij egredientes à Religione teneantur solvere expensas in suis alimentis consumptas in Monasterio? Respondeo, secluso pacto, non teneti. Tū quia Novitus libere potest redire ad sæculum, nō posset autem libere redire, si ad præfatas expensas teneretur, sæpè enim retineri posset, quod non haberet, unde solvat expensas. Tū quia ingrediens Religionem, statim se offert servitio ac utilitati Religionis, ideoquæ debitum est, ut eius bonis alatur: quamquam *Lezana* putet hanc responsonem non habere locum in eò, qui Religionem ingreditur depravata intentione, cum non deceat illum referre commodum ex delicto.

Quæres XXXII. An egredienti novitio sit restituendus habitus factus expensis ipsiusmet Novitij? Respondeo. Dictum habitum non esse restituendum ei, bene tamèn valorem illius temporis, quo eum deponit, non quod factus est. *Barbosa* in cap. de Reg. numero 5. asserens Decretum Sacræ Congregationis. Ratio responsonis est quia per *Trident.* Sess. 23. de Reg. cap. 16. Novitijs restituenda sunt omnia, quæ à principio ad Religionem detulerunt.

Quæres XXXIII. An Novitij possint uti privilegijs sui Ordinis? Respondeo posse: tū quia

quia juxta communem DD sententiam, Nō vitiū in favorabilibus veniunt appellatione. Religiosi, cap. Religioso paragrapbo Quamvis de sent: excom, in 6. Ubi ut Novitius gaudeat privilegio Canonis, dicitur comprehendi sub nomine Religiosi, Tum quia Novitij pro tempore novitiatus, sunt sub potestate Religionis, & suo modo sustinent onera illius, ergo & pat est, ut participant privilegia. Ita Suar. Mol: Azor. Diana relati à Pellizario Tract. 2. c. 7. numero 1.

Quæres XXXIV. Si Novitiis ordinetur, à quod Episcopo ordinari debeat? Respondeo. Licet probabile sit, eos debere ordinari à proprio Episcopo, quippe per Novitiatū non censentur acquisivisse domiciliū in loco probationis. cum non habeant animum perpetuò manendi in Religionē sed eam experiendi, eaquè experta statuendi, num ibi permanenti sunt, quomodo non compararet domiciliū, qui à proprio domicilio recederet alio, nondum firmiter statuens illic permanere sed solūm, experiri, an id sibi expedit. Est tamen probabile, Novitios posse ordinari ab Episcopo, in cuius Diocesi probantur, siquidem Novitius per habitus Religiosi assumptionem ceteretur acquirere domicilium, utpotè qui ingreditur Religionem cum proposito ibi manendi perpetuò, quantum est ex parte sua, nisi forte mutatio aliqua contingat, ratione cuius institutum Religionis ei conveniens

ens non videatur, quod certe non obstat, quod
minus dicatur acquirere domiciliū, sicut nec
obstat alijs, qui regulariter eō animo consti-
tuunt domicilium ut si casus incidat, aut me-
lior occasio offeratur, mutaturi sunt. Ita Pe-
lizarius træt. 2. cap 7. num. 47. cùm DD. ibi
citatis. Dimissorileas autem dare debet Præ-
latus Conventus, non secùs ac alijs Religio-
sis, quorum privilegijs frui Novitios, dictum
est supra.

Quæres XXXV. An Novitij ordinari pos-
sint titulo paupertatis? Respondeo negativè.
Quia ut Regularis hoc titulo ordinari possit,
requiritur, ut sit professus, ex Constitutione
Pj V. in ordine 75. in qua extendens Decre-
tum Concil. Trid. de Clericorum sacerdotalium
promotione ad sacros Ordines, etiam ad Cle-
ricos regulares, sive sacerdtales more Religi-
osorum in communi viventes, prohibet, nè
dicti Religiosi non professi, ullò modò pro-
moveantur absq[ue] titulo patrimonij, aut be-
neficij, ipsis non suffragante titulo pauperta-
tis, sub pœnis ibi contentis.

Quæres XXXVI. An validè ac licite pos-
sit eligi in Prælatum Monasterij, qui post e-
missam professionem expressam in aliquo or-
dine, transit ad alium, ibique adhuc est No-
vitius? Respondeo negativè. Näm cap. Nullus
de elect. in 6. dicitur. Nullus Religiosus ad Abba-
ziam seu Prælaturam sua vel alterius Religionis de ce-
tero eligatur, nisi antea fuerit Ordinem regularem ex
preffe

pressè professus, quòd si sc̄us actum fuerit eò ipso irritum habeatur. Concedo tamèn quòd si Religiosus professus in uno Ordine, transeat ad alium, ibiquè adhuc novitium agat, possit eligi in Prælatum prioris Ordinis, cùm sic revera eligatur professus Ordinis, in quò exercenda est Prælatura, & consequenter observetur dictum caput Nullus.

Quæres XXXVII. An Religiōsus jam professus possit testamentum suum in aliqua partè dubium simpliciter, & sincere ad lites vindicandas declarare? Respondeo. Poteſt, quia qui declarat, nihil de novo addit. Et sicut Iudex sententiam latam revocare non potest, potest tamèn declarare, ita & in præſenti fieri potest, cùm militet eadem ratio. Vidè Peyrinis de officio Præl. regul. q. 3. cap. I. n. 209.

Quæres XXXVIII. An renuntiatio facta à Novitio ante ingressum religionis, intuitu tamèn ingressus, valeat? Respondeo. Valet, ita Vega I. p. ſum. cap. 91. caſu 4. Passarel in privil. minim. notab. 37. ad finem, ubi refert declarationem Sacrae Congregationis pro hac sententia factam. Anno 1573. die 22. Octob. in hæc verbâ: Congregatio Concilij censuit Decretum Concilij Trident. ſess. 25. de Regul. cap. 16. non habere locum in renuntiatiōne facta ante susceptionem habitūs. Quam sententiam defendit etiam Sanchez lib. 7. in Decal. cap. 5. n. 4. Et in praxi eam obſervari, aſſerit Peyrinis ad conſtitutionem Sixti V. numero 73.

Compre-

Comprehenduntur ergo in eo decreto, omnes contractus, in quibus Novitius spoliatus aliqua parte notabili hereditatis suae, absque spe eam amplius recuperandi, ut donatio, renuntiatio, alienatio. Illi autem contractus, in quibus Novitius nihil deperdit de suo, ut sunt emptio, venditio, permutatio, locatio & similes non comprehenduntur hoc decreto. Et ratio est, quia finis huius Decretri est, ne Novitius patrimonio suo destitutus, hac occasione cogatur profiteri.

Quæres XXXIX. Si Novitius renuntiatio ne in favorem Monasterij, vel alterius, modo debito facta è vivis decebat, an renuntiatio illa valeat, maximè si revocata non sit? Respondeo negativè. Quia Tridentin. expressè dicit, quod dicta renuntiatio non intelligatur effectum suum sortiri, nisi secuta professio ne. Et ita sibi à Sacra Congregatione responsum ait Passar. ubi supra parag. Si autem.

Si quæras? si professio secuta quidē sit, sed invalida quid dicendum? Respondeo cum Sanchez supra citato renuntiationem non valere. Quia Tridentinum petit sequi professionem, & verba intelligenda sunt cum effectu, & perinde est actum non fieri, ac esse nullum, L. duo sunt, Titij, ff. de testam tutel.

Quæres XXXX. Ad validitatem professionis an requiratur legitima auctoritas in recipiente? Respondeo affirmativè. Quia professio est contractus onerosus, ultrò citroque

obligatorius, qui fieri non potest sine consensu utriusque partis, ergo pro parte Religio-
nis requiritur persona idonea, quae habeat potestatem eam obligandi. Quae autem sit haec
Persona, inspicienda sunt statuta specialia Religionis cuiusque. Unde sequitur, Superiorē ad officium suum electum invalidē, ad professionem recipere non posse.

Quæres XXXXI. In dubio, an professio sit valida, nec nè pro quo præsumendū sit? Respondeo. Professione, tū quia in dubijs, melior est conditio possidentis, & Religio est in possessione. Tūm quia summa est ratio, quæ pro Religione facit L. sunt. persone ff. de Relig. & sumpt. fun. Dubius itaque de validitatē suæ professionis eam ratificare tenetur, ut dicit Suarez. Tomo 3. de Relig. lib. 7. c. 2. n. 6.

Quæres XXXXII. An certus de nullitate suæ Professionis, quam bona fidè à principio fecit, teneatur quocunquè tempore eam ratificare? Respondeo. Non teneri, licet presentiā publicā cogatur in Religione manere, unde si non potest illam in foro exteriori probare, potest secluso scandalō fugere. Intellige in foro conscientiæ, nam de foro externo infra patebit quid dicendum sit. Ita Suarez Tomo 3. de Relig. lib. 7. cap. 2. n. 6. & cap. 3. n. 1. & 9. Navar. comm. 4. de Regul. num. 76. versu Advertendum 4 & lib. 3. conf. de Regul. conf. 89. n. 6. & 7. Henrīq. lib. II. cap. II. n. 3. Hinc & in cap. 8. num. 9. in comm. lit. S.

Rodri. Tomo 3. quæst. Regul. quæst. 17. art. 71. Ver-
su super quibus, sà verbo Religio, num 71. Sanch. lib.
7. de matrim. disp. 37. num. II. Vecb. de nov. disp
14. a num. 3. Less. lib. 2. de just. c. 41. dubit. 7.
n. 65. Peyrinis de officio Prælati Regul. q. 3. r. 1 n.
141. Probatur: tūm quia nemo potest ad Re-
ligionē cogi. Tūm quia sententia super hoc
à Judice lata, cùm falso fundamento innita-
tur, non obligat, & si obligaret, ad sumum
obligaret, ad actus externos. Tūm quia sen-
tentia non obligat ad vovendum, seu ad ser-
vandum vota, si ergo non Vovit, vovere de-
nuò non tenetur.

Quæres XXXXIII. Si professio fuit irrita
non ratione inhabilitatis profitentis, sed quia
fictè, aut metu, vel dolò irritante illam emis-
sa est, an requiratur ad eam validandam no-
vus Conventus consensus? Respondeo. Suffi-
cere, si accedat liber professi consensus, qui
sciens suam professionem esse irritam, velit
eam ratam habere. Ratio est, quia consensus
Conventus jam interfuit à principio validus.
Navar. lib. 3. cons. de Reg. cons. 50. n. I. San-
chez lib. 7. de Matrimonio, disp. 57. n. 60. & 61.
sà verbo Religio. n. 23. Suar. Tomo 3. de Rel. lib.
7. c. I. n. 16.

Idem docent multi & grave: DD. apud Peý
rinum supra citatum numero 146. de professi-
one, quæ fuit irrita ratione qualiscunquè in-
habilitatis. Quia licet Conventus non potu-
erit legitimè acceptare, Papa tamèn pro bo-

no pacis, & Religiosorum consolatione dicta
Professionem acceptat Religionis nomine, in
cap. significatum de reg. & in cap. I. eodem tit. in
6. Opinionem tamē oppositā sequi volens,
posset, si defectus esset occultus à Prælato
Conventū in Sacramento Pœnitentiæ novā
acceptationem requirere, & si ipse solus non
posset, tacito nomine, posset impetrare Con-
ventū consensum vel licentiā petere à Papa.

Quæres XXXXIV. An quando novitiatus
fuit invalidus, quia Novitus habebat uxorem
v. g. & sine illius consensu ingressus est, vel
alia de causa cessante impedimento propter
mortem mulieris, &c. Absquè novo Noviti-
atu revalidari possit? Respondeo. Posse, quia
jā probatae sunt anno integro austeritates no-
vitiatus, novitij qualitates, satisfactum est fi-
ni, propter quem jura dictum Novitiatum in-
stituerunt, Sanchez lib. 7. de matr disp. 37. num.
47. & 48.

Quæres XXXXV. An Novitiatus iterandus
sit, quando aliquis Conversorum ad statū Cle-
ricorum transfertur? Respondeo negativè.
Quia Novitiatus conceditur ad experimentū
sumendum de qualitatibus novitij, & Religi-
onis, ut uterque sit in libertate, ille ad exe-
undum, hæc ad expellendum, sed quando Cō-
versi transferuntur ad statum Clericorum, nō
ponuntur in libertate vel permanendi, vel
exeundi ex Religione, ergo &c. Fateor in
oppositum circumferri aliquam declaratio-
nem
sacræ

sacræ Congregationis Anno 1618. emanatam
quæ tamèn Peyrino teste loco supra citato n.
148. forte non est vera, vel si est vera, non est usus
recepta.

Quæres XXXXVI. Quod tempus determinatum est Religiosis ad reclamandum, seu allegandum, se non esse professos? Respondeo. Quinquennium, quo elapso, nullatenus id possunt facere. Ita Trident. sess. 25. c. 19. Hoc tamèn intellige, nisi allegaverint legitimas causas, ob quas non potuerint intra prædictum tempus reclamare. Quia ita piè interpretanda est mens Concilij. Ita probabili-
ter Navar. com. 4. de Reg. a. num. 71. Intelligitur etiam quo ad forum exterius, nam quo ad interius, si professio fuit nulla, v. g. propter metum, coactionem, &c. nulla erit per se obligatio. Cùm nec summus Pontifex posse efficere, ut consensus coactus, durante coactione, sit liber, qualis requiritur ad professionem. Hoc tamèn decreto non obstante, putat Peyrinis Tomo 1. de subdito, q. 1. cap. 25. posse prælatos Religionum etiam transacto quinquennio ejcere Religiosum, quem noverint habuisse in professione defectum aliquujus conditionis irritantis illam. Quia Concilium solùm videtur determinare illud quinquennium pro reclamatione professorū. Porro ut reclamatio professi audiatur, quid requiratur, vidè Trident. loco citato.

Quæres XXXXVII. Quid sentiendum d.
U3 pro-

professione Hermaphroditii? Respondeo si in
eo prævaleat sexus virilis, valida erit in Mo-
nasterio virorum, si prævaleat sexus fæmine-
us, in Monasterio Monialium. Ratio est, quia
hic judicatur vir aut fœmina, juxta sexū præ-
dominantem; si vero uterque sexus sit & qua-
lis, & aptus ad coitum, in neutro Monasterio
poterit validè profiteri. Quia tunc respectu
fœminarum erit Vir, & respectu virorum fœ-
mina. Ita Henriquez lib. 14. de Regul. cap. 8.
num. 6 Qui benè advertit etiam in casu, quo
hermaphroditus haberet sexum prævalentem
v. g. viri, non esse admittendum inter illos,
nam afferret maximum periculum inconti-
tiæ Religiosis.

Quæres XXXVIII. An professio facta
fiętē, id est sine intentione profitendi, sit va-
lida? Respondeo. Non esse quo ad Deum,
quia non est vera, sed facta promissio, sicut ho-
mo pictus non est verus homo. Quo ad forū
externum tamē valida est. Quia Ecclesia
non judicat nisi de extérnis, Professio autem
facta animo promittendi, sed non se obligan-
di, quo ad Deum, & homines valida est. Quia
ex natura promissionis sequitur naturaliter
obligatio sicut illuminatio ex sole.

Quæres XXXIX. An Decretum Concilij
Tridentini sess. 25. cap. 19. de Regul. vendicet si-
bi locum non modò cùm professus nullitatē
sue professionis allegat, causasquę deducit,
verum etiam cùm Superiores ipsi ex se illum-
eie-

ieccere tanquam invalidum professum? Respondeo affirmativè, dimissionesquè ac ejecções professorum à Religione sive ex capite illegitimitatis, vel ex alio defecto, fieri debere conjunctim coram Ordinario, & Superiore Regulari loci ad præscriptum Tridentini loco citato. Ita decrevit sacra Congregatio in Neapolitana die 16. Decembr. 1617. Edie 15.9bris 1655. quæ decreta vidè extensa apud Lezanam Tomo I. cap. 2. dubio I. n. 53.

Quæres L. An qui habuit Noviciatum in diversis Conventibus, necesse sit ad validitatem professionis ipsius, ut acceptetur ab utroquè Conventu, an sufficiat acceptari à posteriori, ubi Noviciatum perfecit, & professionem emisit? Respondeo; sufficere acceptationem posterioris. Ratio est, quia prior Conventus non habet amplius jus super Novicium à se licentiatum, cùm sit modò sub disciplina secundi Conventus. Confirmatur, quia sicut per translationem alicuius Religiosi ex una Religione ad aliā, deperditur omne jus, quod prior Religio in ipsum habebat, ita etiam per translationem ex uno Noviciatu ad alium, deperditur omne jus, omnisque potestas in Personā Novitij translati: ad quid ergo necessarius est prioris Conventus consensus? Adde supponi Prælato posterioris Conventus constare de idoneitate Novitij ad professionem admittendi, ut quid ergo erit opus requirere consensum alterius Conventus. Ex

Regula enim illa juris quæ inter illas est 21.
habetur, eum qui certus est, certiorari ulte-
rius non oportere. *Lexana loco citato dubio 4.*
n. 85. & 86. Sc.

Quæres LI. An decepti quo ad essentiali-
a, v. g. quod non tenebitur servare caititatē
aut in Ordine *Minimorum*, quod non obligabitur
abstinere à carnibus, valida sit professio?
Respondeo. Nullius eam esse vigoris. Quia
cum deceptio sit circa substantialia regulæ,
quæ sunt vota, tollit omnino voluntarium re-
quisitum ad votum. *Sayrus in Clave regia lib. 6.*
cap. 9. Ledesma pagina 218.

Si autem deceptio fiat non circa substan-
tialia, sed circa statutum aliquod particulare
illius Religionis, quod est apud illam maximi
ponderis, & in maxima observantia, tunc de-
ceptio quidem ilia non annullat professionē,
sed dat professo justam causam petendi tran-
situm ad aliam Religionem. Primum proba-
tur quia circa substantialia deceptus, non est
undē ad illa tenetur. Secundi ratio est, nam
cum sit deceptus in re gravi, & multum con-
tra suam voluntatem gravatus, nec possit gra-
vamen illud alterā ipsi viā compensari, habet
justum titulum petendi dispensationem, ut ad
aliam Religionem transire possit.

Quæres LII. An liber, in quo registratur
Novitiorum Professio, fidem faciat, probetq;
in judicio? **Respondeo affirmative.** Quia hic
liber est sicut liber Ecclesiæ Rectoris, ex quo
pro-

probatur nativitas, & mors. Nota hic autem, esse optimam consuetudinem earum Religionum, in quibus non solum scribitur annus, dies & hora professionis, sed etiam annus, mensis dies & hora inductionis Novitij, saepius enim accidere potest, ut iij qui non Religionis, sed panis amore, ad Religionem veniunt, postquam esurientem, repleverint ventrem, murmurent, impinguati recalcitrent & antiquarum miseriarum obliiti, nauseantes coeleste Religionis manna, in Aegyptum saeculi reverti querant, praetendentes, quod annum professionis non expleverint, quibus Peyrino teste in Addendis ad Constit. Urbani VIII. cap. 8. si conscientia fineret, portae omnes essent aperiendae, & pulsantibus capanis dimittendi.

Quæres LIII. cum professus unius Ordinis transire petit ad arctiorem Religionem, cuius Superioris sit eam facultatem facere? Respondeo. Generalis in toto Ordine, vel Provincialis in sua Provincia. Quia ad ipsos ordinariè spectat recipere Fratres ad Religionem, sed per easdem causas dissolvitur contractus, per quas fit, ergo &c. Ubi autem Priores Conventuum habent facultatem Fratres ad Ordinem recipiendi, poterunt ipsi talem facultatem concedere ob eandem rationem,

Si vero loquamur de transitu ad Religionem æqualem, & adsit justa causa dispensandi, potest Prælatus Regularis dispensare, ut tradunt Panormit. Rodriq Sanch. Mir. & alij relati à Peyr.

de rel. sub. q. I. c. 24- ex Glossa in e. Cùm singula de prebend. & dignit. in 6. adducente ad hoc c. statuimus 19. q. 3. si verò non adfit justa causa tunc solus Papa potest dispensare , ut docent DD. ab eodem Peyrino allegati. Ratio est, quia talis facultas non videtur deneganda supremæ potestati Papæ , præsertim cùm sic votum commutetur in bonum æquale, Deo què parum referat, quòd in hoc vel illo loco ei debita solvantur.

Si loquamur autem de transitu ad Religionem laxiorem, idquè sine causa, facultatem ejusmodi nec ipse Pontifex dare poterit. Pro quo vide DD. multos ubi supra apud Peyrinum Et ratio est, quia dispensatio circa legem dependentem à jure Divino, ut in casu nostro, non potest à Pontificè fieri sine justa & legitima causa, ut habet in specie Rodriq tom. 3. qua. Regul. q. 52. art. 10. sed hic intervenit dispensatio, ergo, &c. oppositum dic, si justa causa, & legitima interveniat, quo casu esse probabile facultatem talem concedi posse etiam à Prælato Religionis docet Peyrinis loco citato cùm multis DD. quos ibi vide, cæterum cùm omnes ferè Religiones habeant sua peculiaria prohibentia hujusmodi transitum, etiam ad Religionem arctiorem, ut est videre apud Casarub. in Compen. privil. verbo Apostolæ & verbo Religio, ad evitandas censuras in ejusmodi privilegijs positas, tam contra receptos, quam contra recipientes, consultum est

ut

ut volentes zelo perfectioris vitæ transire,
obtineant licentiam à Pontifice , vel à sacra
Congregatione Regularium.

Causæ autem legitimæ transeundi ad Reli-
gionem minus strictam esse possunt, si Reli-
giosus infirma vel incommoda valetudine u-
tatur. Vel certè sit natura corporis adeo fra-
gili, ut austoritates Religionis strictioris fer-
re nequeat si sit senex, ac proindè ineptus a
speritatibus Ordinis (si in propria Religione
extet aliquod perfectionis impedimentum,
quod non sit in alia) si odio habeatur ab illis
Correligionis, aut indignè, ac malè tractetur
(siquidem nullam dedit causam vel si dedit,
fusculit resipiscendo) si in Ordine ita infama-
tus sit ob aliquod delictum commissum, ut se-
per in eo victurus sit tristis, & pudore suffu-
sus, si imprudenter ibi professus est , aut ex
simplicitate credens eam Religionem non es-
se sic austoram: si ob noxiam aeris intempe-
riem non possit reperiri Monasterium, in quo
debat sine periculo (quod tamèn non potest
moraliter evenire) si in uno Ordine laxiori
subvenire possit gravi indigentiae parentum,
cui commodè nequit succurrere in strictiori.
Ita Sanch. lib. 5. morat. cap. 4. n. 72. ex Rodriq
tom. 3. quest. 52. art. 9. Azor. tom. I. lib. 12. cap.
14. quest. 8. & alijs.

Quæres LIV. An Novitij in articulo mor-
tis existentes possint profiteri ante annū pro-
bationis expletum, dummodo tamèn in æta-
te

¶ 300 §

te legitima constituti sint, sicquè lucrari indulgentias, & gratias alijs Professis concessas? Respondeo affirmativè. Quia ita concedit Pius V. Monialibus S. Dominici Anno 1570. Undè isto privilegio potiri possunt omnes communicationem habentes cùm Dominicanis. Ita Lezana Tomo I. cap. 25. n. 39. ¶ Probabile etiam est sic professum, si non decebat è vita, non indigere nova professione, cùm talis professio valida fuerit, & solū illi defuerit complementum Novitiatūs, in quo Papa dispensat. Vide Peyrinis loco citato. Si tamèn oppositum à Sacra Congregatione aliquando decisum sit, ei decisioni colla submittenda.

Cetera dubia buc spectantia, qua ratione solvenda sint, Decreta, & Religionis uniuscuius statuta docebunt.

F I N I S.



IN-

(+) (+) (+) (+) (+)

INDEX

*Decretorum Sacrae Sedis Apostolice,
a Regularibus quotannis certis tem-
poribus legendorum.* 1594.

Constitutio Clementis VIII. De largitione munierum, una cum ejus confirmatione, facta ab Urbano VIII. sub poena privationis officij, vocisq; activæ & passivæ, ipso jure incurrēdis mense Ianuario legenda. Folio 1.

Decreta S. Congregationis Concilij S.D. N. Urbani Divina Providentia Papæ VIII. authoritate edita De Celebratione Missarum, sub poena privationis officij ac vocis activæ 2. & passivæ, ipso facto incurrēdis, legenda sexto quoquè mense; id est feria 2. post primam Dominicam Adventūs, & Feria 6. post octavam Corporis Christi, cùm Declarationibus aliquot Sac. Concilij S. D. N. Urbani Papæ VIII. authoritate editis super Decretis ejusdem Congregationis de celebratione Missarum. Folio 41. 1025

Decretum S.D.N. Papæ Urbani VIII. Feria 5. die 14. Aprilis 1633. editū de observantia Constitutionum Apostolicarum, ac Decretorum pertinentium ad S. Officium, sub pena privationis officij & vocis activæ, ac passivæ, ipso facto alijsquè pénis arbitrio suæ Sanctitatis, legendum Feria 6. post Octavam Aſſumptionis.

sumptionis B. M. V. Folio 77. 1633.


Decreta Sacrae Congregationis Concilij S.
D. N. Urbani iussu edita, de Regularibus A-
postatis, & Ejectis, sub pæna privationis omni-
um officiorum, vocisq; activæ ac passivæ, ac
perpetuæ inhabilitatis ad illa imposterum ob-
tinenda, bis in anno legenda, die à Superi-
ore præscribenda. Folio 167. 1624.

Decreta Clementis VIII. de Reformatio-
ne Regularium, sub pæna privationis omnium
officiorum vocisq; activæ & passivæ, ac per-
petuæ inhabilitatis ad illa imposterum obti-
nenda, bis in anno legenda, diebus à Supe-
riore designandis. Folio 196. 1599


Decreta Clementis VIII. de Receptione,
Professione, ac institutione Novitiorum, sub
pænís ut supra, bis in anno legenda, diebus
à Superiore designandis. Folio 244.
1599.



Eruikarum Cœmata
Novitis Regi:









Biblioteka Jagiellońska



stdr0027949



